




Est V. 1714
35807


Mag. St. Dr.


P



35807

I





MEDITATIONES

SUPER VERITATES CHRISTIANAS ET ECCLESIASTICAS

Desumptæ ex Epistolis & Evangeliiis Missarum totius anni, atque in singulos illius hebdomadarum dies, & principalia festa distributæ.

UNIVERSIS De CLERO.

Ut & se ipsos ad Celebrandum seu dignè Communicandum, nec non ad quævis Ecclesiastica munia Sanctè obeunda disponere; & Populum suæ Curæ commissum debitè ac fructuosè instruere valeant.

OPUS UTILISSIMUM.

AUTORE M. *** PRESBYTERO CURATO DIÆCESIS LUGDUNENSIS

Gallicè editum, latinitate verò à quodam Canonico Regulari S. Augustini conatum, in quatuor partes divisum & pro Bono Cleri Germaniæ Typis impressum.

NUNC DEMUM

AUTHORITATE & MANDATO


ILLUSTRISSIMI EXCELLENTISSIMI
AC REVERENDISSIMI DOMINI DOMINI
ARCHIEPISCOPI METROPOLITANI
LEOPOLIENSIS.

REIMPRESSUM.


PARS AUTUMNALIS.

à Dominica Decima Tertia, usque ad Dominicam Vigessimam Quartam. seu ultimam post Pentecost.

M, DCC, LXX,



IGNIS IN ALTARI SEMPER ARDE-
BIT, QUEM NUTRIET SACERDOS
SUBHICIENS LIGNA MANE PER
SINGULOS DIES. Lev. 6. 12.



35.807

I.





A

DOMINICA DECIMA

TERTIA USQUE AD DOMINICAM
VIGESIMAM QUARTAM. SEU
ULTIMAM POST PENTECOSTEN.

*Abrahæ dictæ sunt promissiones, & seminè
ejus; non dicit, & seminibus, quasi in mul-
tis, sed quasi in uno, & semini tuo, qui est
Christus, Galat 3. 16.*

DE CHRISTO JESU.

1. Est objectum promissionum divinarum,
& finis legis. 2. Omnia ad ipsum referre de-
bemus.

PUNCTUM I.V Ult S. Paulus in hodiernæ
epistola demonstrare Ga-
latis, à falsis doctoribus seductis, atque cæ-
remoniis, & observantiis judicis nimis ser-
viliter addictis, quarum jugum iis erat im-
positum ab ejusmodi hominibus, justificatio-
nem seu justitiam nequaquam affixam esse
legi, sed fidei, seu ut humiliter credatur in
JESUM Christum; unicum objectum omni-

um promissionum, & finem totius legis, *Abrahæ factæ sunt promissiones*, ait, & *semini ejus*; & scriptura non addit, ait Apostolus, *seminibus illius*, quasi plura essent semina, sed *semini*; quasi *in uno*, & *semini tuo, qui est Christus*. Nihil promisit DEUS, nisi JESU Christo, hunc constituit heredem omnium bonorum suorum; nulla est gratia, nulla hæreditas, nulla spes, nisi in Christo JESU, in quo & per quem omnia completa, & consummata sunt. Per ipsum, ait Theodoretus in hunc locum omnes nationes sunt benedictæ verum est, adjungit hic S. Pater, quod Moyse, Samuel & Elias, & alii justii veteris testamenti; ab Abraham descenderrint, & ad perfectionem virtutis pervenerint, *sed non sunt illud semen, quod attulit benedictionem gentibus*. A nullo alio gentes hanc habent, nisi à Christo JESU, cui in persona Abrahami factæ sunt promissiones, & per quem omnes implentur in iis, qui credunt in ipsum. Pariter Christus JESUS est finis legis, quia ad aliud non servivit lex, nisi ut nos ad JESUM Christum perduceret, *lex pædagogus noster fuit in Christo*. Lex per seipsam neminem justificare potuit; *in lege nemo justificatur apud Deum*. Gal. 3. Tota illius virtus in eo consistebat, ut homini peccatori ostenderet magnitudinem, & profunditatem vulnorum nostrorum, ut cognita per propriam experientiam & inutilitate

tate conātus sui, & violentiâ morbi, ardent-
ter suspiraret, & expeteret auxilium & gra-
tiam cœlestis Medici, in ipsumque crederet,
qui eum solus curare & salvare posset; *finis*
enim legis Christus, ad justitiam omni cre-
dentî. Rom. 10. 4 En veritates, quæ per
totam epistolam suam repetuntur; sunt au-
tem non minùs nobis, quam Galatis necessa-
riæ, quamvis haud versemur in periculo ca-
dendi in Judaismum, quia nonnisi ad nos hu-
miliandos tendunt. Ad vivum ostendunt no-
bis miseriam nostram, debilitatem nostram,
ac impotentiam; obligantque nos ad recur-
rendum in fide, ad divinum liberatorem no-
strum. Hunc ex illis fructum trahere debe-
mus; in quem effectum.

PUNCTUM II. Discamus referre omnia
nostra in JESUM Christum; tanquam in fi-
nem nostrum, ponereque in eo omnem no-
stram fiduciam. Perierunt Judæi ideo, quia
in propria sua justitia confidebant, neque
Christum JESUM considerabant, tanquam
finem legis. Pari modo etiam plurimî Chri-
stiani, imò etiam Clerici ex hac ipsa causa
pereunt. Nam quot sunt, qui pro eo, ut o-
mnia in JESUM Christum referant, pro fine
suo aliud non habent, nisi res caducas? quot
sunt, qui aliam in finem non prædicant, nisi
ut propriam vanitatem pascant? qui confessi-
ones audiunt, ut curiositati suæ satisficiant?
qui functiones ministerii sui Ecclesiastici alie-

Dominica decima tertia

rer non exercent, nisi ut suæ avaritiæ consu-
lant? denique quot sunt, qui pro fine suo, cur
hunc statum amplectantur, aliud sibi non præ-
figunt, quam ut vitam commodiorem ac mol-
liorem ducere quæant? omnes isti & similes
non considerant Christum tanquam finem su-
um. Habent; pro fine suo res, quæ finem ha-
bent; & ipsi pariter cum illis; quia vita il-
lorum finem habebit, & cum vita etiam va-
nitas, avaritia, curiositas, commoditates, vo-
luptates, gaudia, & ejusmodi transitoria de-
licia. Tristis sane est finis iste, sed dignus
iis, qui cum sint facti, seu destinati ad bonum
infinitem consequendum, cor suum corrup-
pi ab ejusmodi rebus vilibus sinunt, à quibus
falluntur & decipiuntur. Aspiciamus igitur
JESUM Christum, ut finem nostrum ultimū.
Qui omnes actiones suas ad eum referunt;
qui gloriam ejus in omnibus quærunt, qui e-
um sibi semper præsentem statuunt, ut ma-
gistrum & Dominum suum; denique illi, qui
sive prædicent, sive confessiones audiant,
sive alia Sacramenta administrent, sive alio
quocunque exercitio, aut functione ministe-
rii sui occupentur, eum tanquam principi-
um & finem omnium quæ faciunt, conside-
rant & respiciunt, non decipientur, neque
fraudabuntur spe suas; hi tales respexerunt
JESUM Christum, tanquam finem suum ul-
timum, ipse est veritas via & vita, hi ibunt,
& pervenient ad eum & talem vitam inve-
nient,

nient, quæ finem non habebit, **JESUS** Christus heri & hodie, & in sæcula. Hebr. 13. 8. Eruntque cum ipso hodie, cras & in æternum. Fac de hoc ipso præparationem tuam ad Missam. Docet te S. Paulus, Christum **JESUM** esse finem legis; dirige intentionem tuam ad hunc finem; *intentio dirigatur in finem, dirigatur in Christum*, ait S. Augustinus, in Psal. 54. quare autem appellatur Christus finis noster? quia omnia nostra ad eum referre debemus, *Scum ad eum pervenimus, ultra quod quæramus, non habebimus*. Ipse dedit nobis exemplar vitæ, per quam ad eum pervenire valeamus; ipse ergo, & exemplum nobis vivendi proposuit in hac vita, & præmium vivendi in futura vita. O **JESU**, ah! fiat hoc, esto exemplar & finis noster, in hac vita, ut te mereamur habere in præmium per totam æternitatem! Amen, fiat, fiat.

* * * * *

FERIA SECUNDA.

Conclufit scriptura omnia sub peccato, ut promiffio ex fide JESU Christi daretur creditentibus Gal. 3. 22.

DE PECCATO ORIGINALI.

1. Status miserabilis, ad quem per peccatum Adami redacti sumus.
2. Superabundans bonitas **JESU** Christi, qui ab illo nos deduxit.

PUNCTUM I. **C**onclufit S. Paulus e pisto

Noiam, quam hic meditatur, per stupenda
 verba, quæ omnes homines humiliare debent,
 siue vixerint ante legem, siue post illam, si-
 vè Judæi sint, siue gentiles. Declarat, quod
 omnes rei sint, & misericordiâ DEI ege-
 ant, quia omnes sub peccato sunt, ut id, quod
 promisit Deus, adimpleretur per fidem JESU
 Christi quo ad illos, qui credituri essent in
 eum, utque omnium ora clauderentur, &
 obmutescerent, qui propriam justitiam jacta-
 re vellent, & non aperirentur, nisi ad glori-
 ficandum, & exaltandum, infinitas divitias
 bonitatis, & charitatis divini nostri Libera-
 toris & Redemptoris; *conclussit scriptura om-
 nia* Sc. Chrysoſt & Theodoretus ibi. In-
 ſtituamus deſuper meditationem noſtram.
 Credamus abique diſputatione aut hæſitati-
 one veritatem iſtam de peccato originali.
 Superba & nimis quam audax eſt cogitatio,
 examinare velle, quomodo fieri poſſit, ut o-
 mnes homines peccatores facti ſint per ino-
 bedientiam unius ſolius hominis? lapſus
 Pelagianorum & Socinianorum, qui articu-
 lum hunc ad trutinam rationis examinare
 vultêre amiſſa propterea fide, docere debet
 fideles omnes, ut ſe humiliter ſubmittant
 huic deciſivæ ſententiæ Apoſtolicæ; *per unum
 hominem peccatum in hunc mundum intravit,
 & per peccatum mors: & ita in omnes homi-
 nes mors pertranſiit, in quo omnes peccave-
 runt.* Rom. 5. 12. Verum eſt; nos haud
 intel.

post Dominic. decim. tert. post Pent. 9

intelligere, aut comprehendere posse: qua ratione peccatum ante tot sæcula præterita commissum ad nos usque devenerit; verum si hoc mysterium peccati originalis non admittas, neque teipsum comprehendere potes. Quidquid videmus, & in nobis experimur, corruptionem aliquam clarè indicat, non per naturam, ergo per peccatum. Igitur firmiter credamus hanc magni momenti veritatem, DEUS eam clarè revelavit in scriptura; Ecclesia eam semper docuit, & in ea fundatur tota œconomia religionis & fidei nostræ. *In causa duorum hominum, quorum per unum venundati sumus peccato, & alterum redimimur à peccatis, propriè fides Christiana consistit*, ait S. Augustinus l. 2. de peccato orig: c. 24. En! quid sufficere debeat, ut de hac veritate convincamur. Conjiciamus deinde oculos in mala illa, quæ peccatum istud in hunc mundum introduxit; *magno illo primi hominis peccato*, pergit S. Aug; de Nupt. & concup. l. 1. c. 34. natura nostra in deterius commutata, *non solum facta est peccatrix, sed etiam genuit peccatores*, id est, quod omnes filii Adam cum ipsa vita contrahant peccatum, & cum peccato ignorantiam in intellectu, malitiam in voluntate, rebellionem in corpore, & infelicem pruritus ad malum, ita ut omninò infelices nascamur, subiecti omni generi infirmitatum, mortis, ignorantie concupiscentiæ,
man

mancia peccati & diaboli, inimici DEI, filii iræ, digni inferno. O statum deplorandum! qui juxta S. Ambrosium in Luc. 1. 4. c. 4. causa fuit, cur maledixerit Job diei nativitatis suæ, *pereat dies, in quod natus sum.* Job 3. 3. Super quo ipse etiam David in Throno suo contremuit. *Ecce enim, ait Psal. 50. in iniquitatibus conceptus sum, & in peccatis concepit me mater mea.* Ob quem ingemuit S. Paulus & continuo suspiravit, quousque liberaretur ab hac infelicitate. *Infelix ego &c.* Rom. 7. 25. Ingemiscamus etiam nos, una cum Sanctis, in consideratione tot miseriarum, quæ nos circumdant, & funestæ sequelæ sunt peccati originalis. Verum ne consideratio ista ad desperationem nos adigat.

PUNCTUM II. Admiremur infinitam Christi JESU bonitatem, qui pro nobis, etsi pro tunc impijs, & declaratis inimicis Patris sui, mori dignatus est, consideremus liberalitatem ipsius, quæ omnem excedit limitem, ac longè superat & numerum & malitiam peccatorum omnium hominum; nam, ut Apostolus Rom. 5. 20. ait: *ubi abundavit delictum, superabundavit gratia,* id est, pro ut annotat S. Augustinus, haud contentum fuisse Christum JESUM, ut gratiam nobis faceret, remittendo nobis peccatum in natiuitate nostra contractum, sed voluisse insuper nobis remittere omnia illa peccata, quæ huic

post Dom: decim: tertiam post Pent. 11

nostro primo peccato propria voluntate & malitia superaddituri essemus, *non tantum ei peccato, in quo omnes peccaverunt, sed etiam iis, quæ addiderunt, gratia remissionis datur.* lib. 1. de peccat. meritis c. 13. Quocumque igitur peccato gravati simus, fiduciam nostram in Christo JESU collocemus, gratia ipsius longè efficacior & potentior est ad nos salvandum, quam peccatum, ad nos perdendum; diffidamus nobis ipsis, exemplum Adami & relapsus nostri post lapsum ipsius & postquam per gratiam ipsius sanati fuimus, palam nobis ostendunt, non esse hominem ex se ipso ad aliud idoneum, quam ut dona DEI perdere possit; solus DEUS reparare potest damna nostra; peccatum in causa fuit, cur & Adam & omnes illius posterii, justitiam originalem amiserint, mortique, ac omnibus miseriis illam præcedentibus & subsequenter, subjaceant; verum gratia JESU Christi omnia ista mala sanat; destruit peccatum Adami, & infinita alia aliorum hominum, quæ posterii illius superaddiderunt peccato primi parentis sui; utiles & proficuas nobis facit ærumnas, & miseriae vitæ hujus; & liberat nos ab iis, quas in altera vita promeriti fuiffemus; restaurat justitiam modò quòdam prorsus victorioso; dat longè majorem & abundantiorē justitiam, quam fuerit illa, quā nos Adam privavit; facit, ut in illa, perseveremus, & denique

nique nos reddit gloriosos & immortales in Cœlo. Dignæ sunt veritates istæ, quæ à Clericis & ab omnibus fidelibus considerentur, & expendantur; multùm conducere possunt ad excitandos in iis affectus admirationis, humilitatis & gratitudinis. Fac o JESU, ut in nobis hos producant effectus; ut non privemur ob nostram superbiam & infidelitatem istâ superabundantiâ gratiæ, quam tanta liberalitate supra omnes homines effudisti, *ut sicut regnavit peccatum in mortem, ita & gratia regnet per justitiam in vitam æternam, per JESUM Christum Dominum nostrum.* Rom. 5. 21. Pro præparatione ad Missam & gratiarum actione post illam, sit gratiarum actio, laus & benedictio divino Redemptori tuo, quod vitam gratiæ tibi contulerit, quam per peccatum perdidisti, roga illum, ut eandem conservare dignetur per Sanctissimam Eucharistiam. Te ipsum in hunc finem totum ipsi consecra, illumque ex toto corde ama. O JESU! vive in me, & ego non vivam, nisi propter te. *Ecce DEUS Salvator meus, fiducialiter agam, & non timebo; quia fortitudo mea, & salus mea Dominus, & factus est mihi in salutem.* Isaia 12. 2.

* , * * * * *
FERIA TERTIA.

Dum iret JESUS in Jerusalem, transibat per mediam Samariam & Galileam; &
cum

post Dom: decim: tert. post Pent. 13
cum ingrederetur quoddam Castellum, occur-
rerunt ei decem viri leprosi. Luc. 17. 11,

CLERICI DEBENT AD EXEMPLUM
JESU CHRISTI.

1. Prædicare ubique.
2. Et omnibus hominibus benefacere.

PUNCTUM I. **N**on transiliamus hæc pri-
mæ verba Evangelii, quin
in iis subjectum & materiam aliquam pro in-
structione nostrâ indagemus. Venit Filius DEI
in hunc mundum, ut esset exemplar omnium
Christianorum. Erat, spatio triginta annorum
perfectum exemplar solitariorum, & tribus
ultimis annis vitæ suæ personarum publicar-
um. Et sanè, à tempore, quo debebat se-
ipsum manifestare mundo, quousque iterum
ad Patrem suum redire debebat, videmus
eum in continua actione, seu laboribus, *cir-*
cuibat JESUS omnes civitates & Castella
& docens in Synagogis eorum, & prædicans
Evangelium regni, & curans omnem languo-
rem, & omnem infirmitatem. Matth. 9. 35.
Hæc erat illius occupatio. Docebat in omni
loco, & sanabat omnes ægros. Si quæra-
mus, quid fecerit in Jerusalem, in Samaria,
in Galilæa, ubique eum inveniemus successivè
occupatum in his duabus functionibus; quæ
etiam est illa duplex occupatio? qua nobis
imponit, prædicandi nimirum ubique, & o-
mnibus benefaciendi; quia etsi DEI Filius e-
xemplar sit omnium Christianorum specialiter

tamen Clerici eum imitari debent, ita est, quilibet Sacerdos, quivis pastor, ad exemplum hujus solis justitiæ debet esse in continuo motu; nunquam in quiete, expandendo lumen, & charitatem quaquaversum, ita ut nemo sit, qui de influentia ipsius non participet; *nec est, qui se abscondat à calore ejus.* Psal. 28. Hinc dixit JESUS ad Apostolos suos, Matth. 5. 14. *Vos estis lux mundi, nemo accendit lucernam, & ponit eam sub modio, sed supra candelabrum, ut luceat omnibus, qui in domo sunt.* Censetur lumen Pastoris sub modio positum & absconditum, & consequenter inutile, quando scientiam suam sibi soli reservat, nec aliis communicare vult lumina, quæ à DEO accepit, ait S. Gregorius M. *pastoral.* p. 1. c. 5. En! igitur primam obligationem illorum, quos DEUS supra candelabrum Ecclesiæ suæ posuit, oportet, ut publicè prædicent & privatim; ut instruant ignorantes & confundant libertinos. Hinc est, cur Apostolus huic nomini *Pastorum* etiam hoc nomen *Doctorum* adjunxerit, ait S. Augustinus *epist.* 155. ad Maced. *alios autem Pastores & Doctores* Eph. 4. 11. ut intelligant Pastores, officium illorum esse prædicare, & docere alios. Sunt instar cujusdam speculatoris, quos DEUS in sublimi loco constituit, ut super alios invigilent, & populum suum securum reddant, eumque, quid faciendum sit, moneant; ita enim ait Do.

post Dom. decim. tert. post Pent. 15

Dominus: *si dicente me ad impium: morte morieris, non annuntiaveris ei, neque locutus fueris, ut avertatur à via sua impia, & vivat; ipse impius in iniquitate sua morietur; sanguinem autem ejus de manu tua requiram.* Ezech. 3. 18. An pluribus opus sit, ut timeamus, silentium adeò peccaminosum, sive ex negligentia; sive ex ignorantia, sive ex socordia originem trahat, siquidem cernimus, illud in causa esse, cur tot animæ æternum pereant? *impius in iniquitate sua morietur*, de quibus tamen strictissima reddenda erit DEO ratio, *sanguinem ejus de manu tua requiram?* Jf. 6. 5. Fac super hoc reflexionem & attentionem aliquam; & si forte in re tanti momenti ipse deliqueris, pete à DEO veniam, exclamando cum Propheta: *væ mihi, quia tacui.*

PUNCTUM II. Considera, satis non esse solutam esse linguam Ministri Christi JESU ad annuntiandum seu prædicandum Evangelium illius; oportet insuper applicare se ad benefaciendum omnibus hominibus, quicumque demum sint ad exemplum divini Magistris sui, de quo scriptum est: *pertransit, benefaciendo, & sanando omnes oppressos à diabolo.* Act. 10. 38. Nihil charitatem ipsorum effugiat, debent reducere peccatores ab errore viæ suæ, consolari viduas & pupillos; habere manus semper apertas, ad solatium pauperum & infirmorum; non possunt quin
dem

dē eos sanare per miraculum, instar DEI Filii, verūm juvare debent eos, eosque inquirere, prout ipse quæsit; debent esse oculus, qui eos indaget in locis secretis, quo pudor eos occultat, & manus, quæ eos à miseria; ad quam redacti sunt; educat; & quia redditus & proventus Pastorum; quamvis bene eos impendant, haud sufficere possunt ad succurrendum omnibus indigentis suorum Parochianorum, hortari debent fideles, ad contribuendum aliquid & conjungendas vires suas, ut ambo satisfacere valeant primariæ & maximè essentiali obligationi cujuslibet Christiani, ad exemplum primorum fidelium. Act. 4. 34. qui vendebant possessiones suas, & pretium illarum ponebant ad pedes Apostolorum, ut distribuerentur unicuique, *prout cuique opus erat.* Bone DEUS! quandam videbimus reflorescere hanc primariam charitatem? fiet hoc tunc: quando ipsi etiam Clerici populo suo præverint suo proprio bono exemplo. *In Sacerdote Christi omnia debent esse vocalia,* est animadversio & instructio S. Hieronymi: dum rationem affert, & dat, cur Summus Pontifex Judæorum in veste sua portaverit tintinabula Exod: 28. 40. & S. Gregorius Papa explicans verba ista Christi JESU, Matth. 5. 13. *vos estis sal terræ;* ait; pastores debere esse respectu populi sui instar petreæ salis. Si oves infirmantur; & morbo quodam laborant; neque

post Dom. decim. tert. post Pent. 17

neque manducare quidquam volunt, apponitur ipsis petra salis; lambere incipiunt animalia ista hanc petram; acquirunt sic novum gustum; & à morbo suo curantur. Ostendit comparatio ista, nostrum esse recendere fervorem fidelium, & movere eos omni adhibito medio & conatu, ut exercitio bonorum operum se dedant, *si ergo sal sumus, condire fidelium mentes debemus.* Pro præparatione ad Missam roga Christum JESUM, ut hanc tibi gratiam concedat; erit hoc medium satisfaciendi huic tuæ grandi duplici obligationi, quàm modò confiderasti. *Curare namque Sacerdotem necesse est, quæ singulis dicat, unumquemque qualiter admoneat, ut, quisquis Sacerdoti jungitur, quasi ex salis tactu, æternæ vitæ sapore condatur.* Greg: *ibid. Ut vitæ viam ipsa quoque opera Sacerdotis clament.* Idem lib. 1. Epist. 24.

FERIA QUARTA.

Ite, ostendite vos Sacerdotibus, & factum est, dum irent, mundati sunt. Luc 17. 14.

DE UTILITATE CONFESSIONIS.

1. Remittit peccata. 2dò. Restituit meritum. 3tiò. Procurat gaudium, & quietem bonæ conscientie.

PUNCTUM I. **P**eccatum lepra est spiritualis, ut ab hac curemur, accedere debemus Sacerdotes, quem *Medit. Pars Autum.* B *admo*

admodum leprosi, de quibus sermo est in hodierno Evangelio; est hoc mandatum Domini in Ecclesia statutum; sequamur illud fideliter; detegamus morbos nostros Ministris JESU Christi *ite ostendite vos Sacerdotibus*; si hoc faciamus, prout oportet, sanabimur; *& factum est, dum irent, mundati sunt*. Non est crimen adeo enorme, cujus absolutionem & remissionem in confessione non inveniamus, si hæc fiat humiliter, integrè, sincere, & cum vera contritione. *Delictum meum cognitum tibi feci*, ait David Psal 31. 5. *& tu remisisti impietatem peccati mei; dixi confitebor adversam me injustitiam meam Domino, & tu remisisti impietatem peccati mei*. Supra quem locum ait Origenes, hom. 3. in Levit. vide, quomodo confessio peccatorum sit securum obtinendi remissionem peccatorum suorum? qui prævenit diabolum, accusando semetipsum, non poterit esse accusatus ab hoc inimico in die judicii. Oportet item detegere plâgas nostras, ait, non solum DEO, sed etiam medicis, qui in Ecclesia ad sanandum constituti sunt. Est aliquod peccatum, ait S. Augustinus in Psal. 58. quod DEUS pro sua misericordia non possit condonare; si quæris, quale sit hoc? respondeo, est defensio peccatorum, quæ commisisti, si nimirum peccatorum ex superbia & obstinatione se reum fateri recusat; est quædam iniquitas, quam, qui operatur, fecit.

ut non potest, ut misereatur ei DEUS; quæ-
ritis fortè, quanam sit illa? ipsa est defensio
peccatorum. Nam, quo pacto DEUS dignatur
agnoscere, ait idem hom. 50. c. 9. Quod
homo dedignatur agnoscere. Qui seipsum in
iudiciis humanis accusat, perdit causam su-
am; accusare autem se coram DEO, & in
tribunali pœnitentiæ, est salvari, exomolo-
gesis, cùm accusat, excusat; cùm condemnat,
absolvit, Tertul. de pœnit. c. 6. amplecta-
mur itaque praxim tam facilem, & tam lu-
crosam; si confiteamur peccata nostra, fidelis
est, & iustus, ut remittat nobis peccata no-
stra, & emundet nos ab omni iniquitate. 1.
Joan: 1. 9. En primam utilitatem confes-
sionis!

PUNCTUM II. Secunda est, quod red-
dat animæ pulchritudinem suam. Peccatum
ei abstulit omnia merita, virtutes, & bona
opera omnia, verùm per pœnitentiam hæc
omnia iterum recuperat; initium bonorum
operum est confessio malorum operum, ait S.
Augustinus tr. 12. in Joan. Totus sordidus
& deformatus eras ob multitudinem & enor-
mitatem peccatorum tuorum; confitere ait
S. D. explicans verba ista Prophetæ Ps. 95.
c. confessio & pulchritudo in conspectu ejus;
ut ab hac sorditate libereris, & novam justi-
tiæ pulchritudinem induas; sordus eras;
confitere, ut sis pulcher. Aug. ibid. Aberra-
ti instar filii prodigi, & in cœnum impuri

zatis cecidisti, si verò te laveris in hoc balneo pœnitentiæ; si sincerè ad DEUM reverteris cum vero ac inrimo dolore, infinita ipsius misericordia te recipiet; amicitiam suam tibi iterum concedet; dabit qualitatem Filii DEI, & jus ad hæreditatem æternam, quæ te indignum reddidisti, id, quod, ut S. Pacianus parænes ad pœnit. ait, nobis indicatur per hæc verba Evangelii Luc. 15. 22. *citò proferte stolam primam, & indui te illum; & date illi annulum in manu ejus, & calceamenta in pedes ejus.* O qualis consolatio pro peccatoribus! si ad hoc attenderent, anne integris annis absque confessione in peccatis suis permanerent? minimè, vide, ut eos de talibus moneas, & utere hoc motivo ad persuadendam eis pœnitentiam, & ad invitandū eos ad confessionem. In hunc effectum.

PUNCTUM III. Nota, confessionem etiam quādam afferre utilitatē, nimirum procurat gaudium & quietem bonæ conscientie. Bellum erat peccatori cum DEO suo; sed per confessionem exactam & sinceram pacem stabilit, & quietē ac pace fruitur, qualis vix exprimi potest. Obtentā hac pace per sacram absolutionem, aliter laborandum non est, nisi ut cicatrices à peccatis relictæ in anima curentur. Si quis post diligens examen adhibitum, ad cognoscendā peccata sua, ad eaque Sacerdoti aperiendā, forte alicujus oblitus fuerit, non propterea

inquietari debet, confessio non est tortura animarum, prout hæretici ajunt, sed potius à contrario inventa est, & introducta ad quietandam conscientiam, & extinguendos remorsus illius, prout Concilium Tridentinū sess. 15. de pœn. c. 9 docet. Scito, melius esse memoriæ tuæ aliquid deesse, quàm contritioni, seu dolori de peccatis. Si quis ergo iterum recordetur peccati cujusdam obliti, debet illud simpliciter fateri; si verò illius recordari non potest, satis est, si veniam de illo petat à Christo JESU, Supremo Sacerdote & Pontifice; quantò rigidior atque terribilior est contra peccatores, qui conversionem cordis sui negligunt, tantò majorem bonitatem & misericordiam ostendit erga eos, qui aliquid præcisè ex defectu memoriæ omittunt. Odium extremum concipe contra omnes defectus tuos; & sic omnes tibi condonabuntur; si ex oblivione de aliquo te ipsum non accuses, quæ tibi voluntaria non est, contentus est DEUS corde tuo: nec dici potest, quàm bonus sit erga eos, qui recto sunt corde, *quàm magna misericordia Domini, convertentibus ad se.* Eccles. 17. 28. En! fructus & utilitates confessionis! explica eos populo tuo! sed esto primus ipse, qui ex hac doctrina proficias; roga in hunc finem DEUM in præparatione tua ad Missam, ut omnes illas dispositiones tibi concedere dignetur, quas Sacramentum illud ad quod toties

accedis, exigit. Fac Domine, ut nonnisi potestatem illam considerem, & attendam, quam tibi dedisti, quos iudices & medicos animarum nostrarum constituisti, ut cum iis, tanquam tecum ipso loquar, si eis peccata mea detego. Libenter me submitto, & subeo confusionem illam, quam merentur peccata mea; eamque tibi offero, ut incipiam sic expiare peccata mea; fac mihi gratiam istam, bene explicandi illa huic iudici, qui alium in finem ea cognoscere non debet, nisi ut ab illis me absolvat, & me tibi reconciliet. O utinam me ita presentare & sistere valerem in & coram tribunali penitentiae. & taliter in tuus constitutus forem, qualem te ipsum Patri tuo presentasti, dum totius mundi delicta in te ipsum suscepisti! *DEUS tu scis insipientiam meam, & delicta mea à te non sunt abscondita. Operuit confusio faciem meam.* Psal. 68.

(*)(*)***(*)***(*)***

FERIA QUINTA.

Unus autem ex illis, ut vidit, quia mundatus est, regressus est cum magna voce, magnificans DEUM; & cecidit in faciem ante pedes eius, gratias agens; & hic erat Samaritanus. Luc. 17. 15.

DE GRATITUDINE.

1. Recogitare debemus DEI beneficia.
2. DEO gratias pro illis agere.
3. Ex illis proficere.

PUN.

PUNCTUM I. Assumamus leprosum
hunc pro duce nostro ad
addiscendam gratitudinem, quam DEO de-
bemus ob gratias ab illo acceptas. Tria fe-
cit, in quibus consistit perfecta gratitudo jux-
ta S. Thomam 2. 2. q. 107. art. 2. in c. 1.
1^{mo}. quamprimum se sanatum vidit, de be-
nefactore suo cogitat, ad eumque reve rti-
tur; *ut vidit, quia mundatus est, regressus*
est. 2^{do}. Glorificat DEUM alta voce; *cum*
magna voce magnificans DEUM. 3^{ti}o. ad-
jicit se ad pedes JESU, tanquam qui velit
illi semper adhærere, & ab eodem nunquam
separari. *Et cecidit in faciem, ante pedes*
JESU. Imitemur illum. Recogitemus be-
neficia à DEO accepta; studeamus nos gra-
tos exhibere, & ex iis proficere. Persuasi,
ac certi de hoc, nil boni in nobis esse, quod
à DEO non sit, quamprimum memores si-
mus misericordiarum suarum erga nos; a-
scendamus igitur usque ad primas gratias,
quæ sunt, quasi primi annuli catenæ hujus ex
qua prædestinatio nostra constat. Creavit
nos DEUS paulò inferiores Angelis, sed ca-
paces ejusdem cum ipsis beatitudinis; dedit
nobis animam immortalem; & nequaquam
in vanum recepimus animam istam; postquam
enim amaverimus DEUM, & servi erimus ei
super terram, possidebit hæc DEUM in Cæ-
lis æternum. Ex hoc progrediamur ad do-
cum ineffabile, quod Pater æternus contulit
nobis

nobis per Filium suum JESUM Christum in mysterio Incarnationis, quod à nobis infinitam quamdam exigeret gratitudinem, si talis capaces essemus. Veniamus, deinde ad gratias illas, quas in Ecclesia, & Sacramentis invenimus, ubi peccata nostra in Sanguine JESU Christi abluuntur; cum interim tot alii mortui sint in impœnitentia & sepulti in abyſſo desperationis. *Abyſſi operuerunt eos; descenderunt in profundum quasi lapis. Exod. 15.* Computemus omnes has gratias; neque obliviscamur earum, quæ specialiter nobis ut Clericis collatæ sunt; consideremus, quomodo separaverit nos DEUS à communi plebe, ut essemus consecrati servitio illius, quomodo conservaverit nos in statu adeo sublimi, quod benedictionibus præveniret nos in functionibus ministerii nostri, à quot periculis nos liberârit; omnia ista nobiscum expendamus & fateamur, quod totum debeamus misericordiæ divinæ. *Misericordia Domini, quia non sumus consumpti; quia non defecerunt miserationes ejus. Thren. 3. 22.* Verùm quia non sufficit talia recogitare tantum.

PUNCTUM II. Curemus, taliter cor nostrum iis affici, quemadmodum Samaritanus iste; qui reversus *cum magna voce magnificat DEUM*. Anima, quæ intimè afficitur DEI erga se bonitate, satiari haud potest in rememorandis DEI erga se miserationibus,

bus, lingua illius satisfacere haud valet cor-
di suo, vellet, ut omnis terra publicaret, &
extolleret talia beneficia; *cantemus Domino;*
gloriosè enim magnificatus est, &c. Excla-
marunt Israelitæ post transitum maris rubri
Exod. 15. 1. Vide Psalmos David, Epistolæ
S. Pauli, Confessiones S. Augustini, Opera
S. Bernardi, & S. Theresiæ, quomodo reso-
nent hanc gratitudinem, quàm ardentia sint
verba illorum, & inflammata! an non viden-
tur viscera illorum, instar vocis cujusdam
esse, quæ se in gratiarum actionem effundant?
sequamur illorum exemplum; neque cesse-
mus laudare, & benedicere DEUM ob bene-
ficia ab illo accepta, *flumina ad locum re-
vertuntur, unde venerunt, ut iterum fluant,*
ait Ecclesiastes cap. 1. 7. ita pariter fiat
cum beneficiis, ait S. Bernard. in cant. ser.
13. n. 1. *ad locum, unde exeunt, revertantur
flumina gratiarum, ut iterum fluant. Re-
mittatur ad suum principium cæleste proflu-
vium, quò uberius terris refundatur. Quali-
ter, inquit qualiter dicit Apostolus, in omni-
bus gratias agentes. Quidquid sapientiæ,
quidquid te virtutis habere confidis, DEI
virtuti, & DEI sapientiæ deputa Christo.*

PUNCTUM III. Ultima obligatio grati-
tudinis est, ut studeamus proficere ex bene-
ficiis acceptis, utque ea aliqua ratione com-
pensemus, prout S. Thomas loquitur, per
bonum usum illorum. Id, quod S. Prosper

consuluit Demetriadi virgini in illa pulcherrima Epistola, quam ad eam scripsit. Magna considerationis es, & à mundo suspicaris propter bona tua, quæ possides, ob virtutes tuas, ob nativitatem, seu natales tuas; verum ob hæc ipsa magnam DEO debes gratiarum actionem, & magis obligaris ad humiliandum teipsam *In omnibus bonis opulentia tua, & gratiam donatoris, & jus proprietatis agnoscas; & quia omnia hæc, quæ habes, à DEO habes; itaque utendum est tibi eis, quæ largitus est DEUS, & ab eodem semper petendum, ut donis ejus fideliter, & scienter utaris.* An tali modo te gratum hucusque DEO exhibuisti? cogitastine sæpius de beneficiis ab eo acceptis? quales gratias egisti? ante omnia autem, qualiter his omnibus usus fuisti? servieruntne tibi gratiæ istæ ad gloriam illius propagandam? agnovistine, & contestatusne es illius liberalitatem per hoc, quod ei, & servitio illius inviolabiliter ideo adhæseris? recogita hæc accessurus ad Altare, & tua gratiarum actio post Missam sit, ut studeas fidelius deinceps pendere divino Regi tuo hoc tributum gratitudinis, quod ei tot titulis debes. O Domine! ego adoro miserationes tuas infinitas! ne permittas, ut earum unquam obliviscar, aut tam infelix sim, ut me tibi ingratum exhibeam, adhæreat lingua mea faucibus meis, si unquam te laudare & benedicere cessavero.

vero, Benedic anima mea Domino, & omnia interiora mea benedicant sanctum Nomen ejus. *Benedic anima mea Domino, & noli oblivisci omnes retributiones ejus; qui propitiatur omnibus iniquitatibus; qui sanat omnes infirmitates tuas; qui redimit de interitu vitam tuam; qui coronat te in misericordia & miserationibus.* Psal. 102. Repleatur memoria mea recordatione beneficiorum & gratiarum tuarum; sit vita mea canticum continuum gratiarum actionis, & laudis; & ut nunc incipiam cantare in vita, quod in æternum me cantaturum spero, *misericordias Domini in æternum cantabo.* Ps. 88. 1.

FERIA SEXTA.

Nonne decem mandati sunt, & novem ubi sunt? non est inventus, qui rediret, & daret gloriam DEO, nisi hic aligenigena. Luc. 17. 18.

DE INGRATITUDINE.

1. Obliviscimur beneficiorum DEI.
2. Ea nobis attribuimus.
3. Illis abutimur.

PUNCTUM I. SI consideremus, quòd ex decem leprosis à Christo sanatis, nonnisi unus redierit, qui ei gratias egit, fateri cogimur ingratitude vitium esse commune & valdè ordinariū inter homines. Deberemus incessanter memores
csc

esse beneficiorum divinatorum, gratias ei propterea referre, & exinde proficere, prout in præcedenti meditatione diximus; verum quid sit? pro eo, ut beneficia illius recolamus; obliviscimur illorum; nobis ipsis ea attribuimus; pro eo, ut iis benè utamur, illis abutimur; quæ erit materia præseatis meditationis. Incipiamus à detestatione ingratitude horum novem judaicorum leproforum, hoc est talis nationis, quæ DEO semper ingrata extitit, adeò insensibilis est natio, & gens ista ob gratiam sibi à Christo JESU factam, ut obliti beneficii curationis suæ, illius etiam obliti sint, à quo tantum beneficium acceperunt. *Obliti sunt DEUM, qui salvavit eos.* Psal. 105. 22. Ut inde desumamus ingratitude illorum, quod prius agnoverint cum stupore suam nationem, quis credidisset, quod unquam memoria sua elabi passi fuissent tantum beneficium, quod tam impensè optaverunt, & desiderarunt, tam humiliter petierunt, tantâ fiduciâ expectarunt, tam viva agnitione miseræ suæ implorarunt? verum effectus minimè respondebat tam pio & devoto initio; usi sunt ex parte conditionibus illis, quas Apostolus assignat & requirit ad obtinendam aliquam à DEO gratiam, verum neglexerunt illam, quæ priores coronat & disponit ad novas & majores accipiendas, volo dicere memoriam accepti beneficii, & reditum ad bene-

post Dom: decim: tert. post Pent. 29

benefactorem suum; *non est inventus, quæ rediret, & daret gloriam DEO.* An non nostra hæc est imago? incessanter in momenta singula recipimus à DEO novas gratias, has autem vix accipimus, & statim eorum obliviscimur similes nempe sumus corvo illi ex arca emissio, ubi secure quiescebat tempore diluvii, qui tamen reversus non est, quando vidit diluvium cessasse. Divinæ providentiæ & misericordiæ sinus instar arcæ est, quæ nos portat & protegit in medio turbarum & tempestatum hujus sæculi, postquam naufragium evasimus; nequaquam cogitamus reverti ad arcam istam; & benefactoris & beneficii simul obliviscimur. *Non fuerunt memores multitudinis misericordiæ tuæ. Ps. 105.* Quantum crimen!

PUNCTUM II. Nec solum beneficiorum DEI obliviscimur, sed tam insolentes sumus, ut eadem nobis attribuamus; *manus nostra excelsa, & non Dominus fecit hæc omnia.* Deut. 32. 27. Nos ipsos consideramus ut authores fortunæ nostræ & dignos, quibus gratiæ istæ obveniant; tanquam iusta & digna compensatio, ac merces bonorum operum nostrorum. Pelagiani, si non ore tenus, saltem cordetenus; volumus nimirum dona DEI ignorare, & nobis ipsis sufficere, pro eo, ut agnoscamus, & fateamur totum ab eo venire & gratiam, & bonum usum illius, prout Ecclesia nos instruit in suis prædicibus;

bus; *DEUS*, de cuius munere venit, ut tibi
 à fidelibus tuis dignè ac laudabiliter servia-
 tur. Orat. Dom. 12. post Pent. Quod Cle-
 rici hoc errore tenentur, qui postquam vi-
 res in multis tentationibus evaserunt, tenta-
 tioni superbiæ & amoris proprii succumbunt.
 Videntur sapientes esse & zelosi, verum quia
 sibi met ipsis attribuunt qualitates similes,
 quas habere videntur, stulti & insensati eva-
 dunt, quemadmodum Philosophi illi, de qui-
 bus S. Paulus Rom. 1. ait, quod cum co-
 gnoverint DEUM, illum tamen ut DEUM
 non glorificaverint. Quia ergo fuerunt su-
 perbi & ingrati, digni habiti sunt, qui tra-
 derentur in concupiscentias cordis sui, ut S.
 Augustinus in Psal. 13. advertit. En aby-
 sum, in quam deducit ingratitudo, quia non
 solum nobis ipsis attribuimus dona DEI, sed
 insuper.

PUNCTUM III. Abutimur illis: servire
 nobis debet liberalitas divinæ bonitatis ad e-
 um majori cum scandalo, offendendum, id
 quod ipsemet DEUS per Prophetam suum
 Is. 43. 22. nobis exprobrat; *non me invoca-
 sti Jacob; nec laborasti in me Israel, non
 mihi obtulisti arietem holocausti tui, & victi-
 mis non glorificasti me.* Nec minimum co-
 natum adhibuisti; ut homagium mihi debi-
 tum exsolveres. Tantum abest, ut gratitu-
 dinem tuam mihi ostendas, ut potius bene-
 ficiis meis abutaris, iisque tanquam instrum-
 entis

mentis iniquitatum tuarum utaris; *servire me fecisti in peccatis tuis; præbuiſti mihi laborem in iniquitatibus tuis.* ibid. 24. An non hoc ipsum in singulos dies videmus? qualiter abutuntur peccatores bonis, quæ à DEO acceperunt? ebriosus iis utitur, ut excessus suos continuet; avarus, ut in usuris suis pergat; impudicus pergit in suo infami commercio, superbus exinde luxui & vanitati suæ satisfacit. Quot Clerici, etiam illi, qui contra ingratitudinem à Cathedra detonant, ab errore hoc exempti non sunt? examina teipsum desuper, & invenies, quod sæpius abusus fueris DEI donis; quæ non ad gloriam Dei applicaveras, sed talentis tuis, tam corporalibus quàm spiritualibus usus fuisti ad tuam propriam gloriam, scientia tua ad aliud tibi non profuit, nisi ad inflationem proprii cordis tui, & ad satisfaciendum ambitioni tuæ, nec melior fuit usus dignitatis tuæ & bonorum tuorum, ac reddituum Ecclesiasticorum, quibus prodigè usus fuisti in expensas superfluas, cum in pauperes erogari debuissent; & denique non vixisti prout decebat bonum Clericum, longè remotus ab omni luxu, & pompa hujus sæculi. Salutarem itaque concipe confusionem in consideratione ingratitudinis tuæ præteritæ, & in futurum considera te ad exemplum Samaritanæ, tanquam alienigenam respectu DEI, agendo illi gratias, non solum pro maximis favoribus, sed
etiam

etiam pro minoribus; certò de hoc persuasus, non esse beneficia magis indebita, & gratuita, quàm quæ aligenenæ ignoto, & ingrato exhibentur; *felix, qui se alienigenam reputans, etiam pro minimis quibusque beneficiis, non minimas refert gratias, gratuitum esse non dubitans, quo alieno impenditur, & ignoto.* S. Bern. de divers. serm.

27. Pro præparatione ad Missam, propone tibi certos dies in anno (quales sunt, in quibus specialia beneficia à DEO accepisti, vg. dies baptismi, conversionis, ordinationis &c.) quos gratiarum actioni specialiter destines, & consecres. Offer in hunc finem communionem, elemosynas, aliaque bona opera horum dierum, tanquam hostias Eucharisticas, adde huic sanctæ praxi textus quosdam à S. Scriptura, qui ferventiores actus, & affectus continent, fiantque tibi pro orationibus jaculatoriis, quibus frequenter utaris ad contestandam DEO gratitudinem tuam & quidem toties, quoties fieri potest. *Benedicam Dominum in omni tempore, semper laus ejus in ore meo: lauda anima mea Dominum.* Psal. 33. *Laudabo Dominum in vita mea, psallam Deo meo, quamdiu fuero.* Psal. 145. *Exaltabo te Deus Rex, & benedicam nomini tuo in sæculum sæculi.* Psal. 144. *Benedic anima mea Domino, & noli oblivisci omnes retributiones ejus.* Psal. 102.

* * * * *

DIE SABBATHI.

Et ait illi, surge, vade, quia fides tua te salvum fecit. Luc. 17. 19.

QUALITER VERE PÆNITENS POST
CONVERSIONEM SUAM VIVERE
DEBEAT.

1. Lucrum & utilitatem ex suis lapsibus trahit.

2. Illos reparat, & refarcit, per fervorem pœnitentiæ suæ.

PUNCTUM I. SI Dominus noster JESUS
Christus à lepra peccati
in Sacramento pœnitentiæ nos purificare, &
liberare dignatur, jubet etiam nos quemad-
modum Samaritanum hunc *surgere, & abi-*
re, surge, & abi. Surgimus, ait quidam ex
veteribus Interpretibus, *quando à peccatis re-*
spiscimus, cum mala consuetudini insveta re-
stimus; cum nobis ipsis, quod tales fueri-
mus, displicemus; ambulamus verò, cum vir-
tutum studiis desuetum jam, & quasi igna-
vum animum exercemus. Ericus. in hoc E-
vang. Hæc est ratio vivendi veri pœniten-
tis; facit nimirum spiritus pœnitentiæ eum
in ipsis peccatis suis invenire magna lucra,
& incrementa salutis suæ. Millenas gratias
agamus Domino nostro JESU Christo pro
hac mirabili inventione, & videamus, quo-
modo pœnitens ex lapsibus suis proficiat
imo. evadit exinde humilior. Consideratio
Medit. Pars Ant, C *pecca-*

peccatorum confusione illum replet tanta,
 ut non audeat levare oculos suos in Cœlum,
 neque os suum aperire ad loquendum; *miser
 factus sum, & curvatus sum usque in finem*
 Ps. 37. 7. Permittit DEUS lapsus nostros,
 ut sanet radicem superbiæ in nobis, ait S.
 Augustinus de nat. & grât. l. 2. 27. facit in-
 star sapientis Chirurgi, qui magnum malum
 minori malo curat; *ut dolor dolore tollatur.*
 Verus pœnitens utilitatem capit ex hoc re-
 medio, quod DEUS adeò utiliter, & tam
 misericorditer ex propria nostra miseria tra-
 here scit; taliter deinceps vivit, ut lapsus
 præteriti illi serviant ad reddendū eum humilie-
 orem, magis cautum, & ferventiorē, &
 tunc verum est, quod S. Bernardus in Ps.
 Qui habitat, serm. 2. ait, lapsus nostros co-
 operari in bonum nostrum; *nonne cooperatur
 nobis ille casus in bonum; unde & humiliores
 efficimur, & cautiore.* 2do. majori deinceps
 custodia utitur, convictus de sua fragilitate,
 & debilitate, cujus tam tristem experien-
 tiam habuit. Fugit, & elongat se à præci-
 pitio illo, in quod cecidit. Quia adeò inse-
 liciter pane dæmonis, veneno infectus fuit;
 mavult deinceps jejunare, quàm manduca-
 re, ut S. Cyprianus de laps. c. 20. loquitur,
post diaboli cibum, malle jejunium, vult di-
 cere, non vult amplius fidere creaturis, à
 quibus fuit deceptus; neque commercium
 aliquod habere cum mundo, à quo fuit cor-
 ruptus.

post Dom: detim: tertiam post Pent. 35

raptus. Similis videtur esse, ait Tertullianus; de poenit. c. 7. illis, qui è naufragio evaserunt; nolunt amplius redire, & mari se committere, contestando DEO gratitudinem suam, per continuam memoriam periculi, ex quo eos liberavit; *plerique naufragio liberati, exinde repudium & navi, & mari dicunt beneficium salutis suæ, memoriâ periculû honorantes.* 3tio. magis deditus est orationi; exactior in recurrendo ad DEUM; in tempore tentationis fidelior, & ferventior in satisfaciendo obligationibus suis, *factus ad prælium, fortior per dolorem.* S. Cyprianus Epist. 57. An ita profecisti hucusque ex lapsibus tuis? factusne es humilior, sapientior, vigilantior? cognito etiam aditu, per quem peccatum in cor tuum ingressum est, habuistine curam, majori cautelâ ex hac parte deinceps utendi, ad exemplum Gubernatoris urbis, qui non cessat fortificare illam magis ex illa parte, ex qua jam semel hostis illam occupavit? fac ut saltem imposterum adhuc magis attendas. Rarum est, ut quis non quandoque labatur, sed valdè diversi sunt ejusmodi lapsus, ait S. Bernardus. l. c. *homines enim aliquando cadere necesse est, dum in hoc sæculo detinentur, sed alii non quia Deus supponit manum suam.* Hi ultimi sunt veri poenitentes, qui non solum lucrû & utilitatem trahunt ex lapsu suo, sed eun-

dem etiam reparant, & refarciunt per poenitentiam, prout videbimus.

PUNCTUM II. Verus poenitens præ oculis suis habens peccata, quæ expiare, lapsus, quos reparare, iustitiam divinam, cui satisfacere desiderat, confusionem in anima concipit, dolorem in corde excitat & omnibus poenis ac ærumnis libens se submittit. En! qua fidelitate hos actus & has dispositiones in se procuret tam sanctas & poenitentiae; tam necessarias! imò. animatus spiritu poenitentiae, continuo peccatum suum ante oculos suos habet; totam illius enormitatem secum expendit, & exinde ruborem & confusionem concipit; *tota die verecundia mea contra me est, & confusio faciei meae cooperuit me.* Psal. 43. 16. Non erubescit solum comparere coram DEO, & in praesentia tantarum sublimis majestatis, sed quandoque etiam coram hominibus, postquam seipsum tot sceleribus fodavit. Loca deserta & horrida non aliter considerat, nisi ut talia, quod per totam reliquam vitam suam, relegari fuisset promeritus; *ecce elongavi fugiens, & mansi in solitudine.* Psal. 54. 8. 2dò. nec minor est dolor ipsius, quam confusio & erubescencia; *peccavi, & in amaritudinibus moratur oculus meus.* Job. 17. Tanto dolore tangitur, quod DEUM offenderit tam bonum, tam amabilem, ut non cesset offerri illi sacrificium cordis contriti & humiliati; de quo Prophe-

post Dominic. decim: tert. post Pent 37

ta loquitur, quodque solum attrahere potest
gratiosum divinæ misericordiæ obtutum su-
pra peccatorem pœnitentem; *cor contritum*
& humiliatum DEUS non despicies. Psal. 50.
Non solum summè detestatur peccata sua
commissa, sed insuper ita resolutus est, ea de
inceps non amplius committendi, ut crucifigat
carnem suam cum concupiscentiis, & omnes
contrarios, ac inordinatos in se ipso exsur-
gentes motus, & affectus impugnet, & abo-
minetur; *iniquitatem odio habui, & abomina-*
tus sum. Psal. 118. 3tio. exponit corpus su-
um passioni & humiliter se submittit omni-
bus, quæ divinâ iustitia in eum exercere vult.
Ego in flagella paratus sum. Psal. 37. Si-
milem zelum & indignationem cum DEO
contra peccatum concipit, ut illud rigoro-
sa pœnitentiâ puniat, ac castiget, certus de
hoc, ac persuasus, eò se misericordem ma-
gis DEUM erga se experturum, quò minùs
indulgens erga seipsum fuerit: *in quantum*
non peperceris tibi, in tantum tibi DEUS
corde parcat. Tert. de pœn. c. 10. En dispo-
sitiones veri pœnitentis! suntne autem hæ e-
tiam tuæ? non nisi valdè frequenter lapsus
es, qualis est ergo sollicitudo tua, reparandi
lapsus tuos? oporteret decies magis laborare
pro procuranda gloria DEI, quàm laborave-
ris ad illam destruendam; *sicut fuit sensus*
vester, ut erraretis à DEO, decies tantum
iterum convertentes requireretis eum, ait Pro-
phe-

phera Baruch. 4. 28. Facisne hoc; o quam infirma est! & debilis pœnitentia tua? igitur pro præparatione ad Missam, roga DEUM, ut renovet in te spiritum pœnitentiæ, sine quo digne manducare haud poteris carnem Salvatoris, qui Rex & Caput est omnium pœnitentium, Domine DEUS meus, qui per infinitam misericordiam tuam nobis donas, ut proficere & valeamus ex ipsis nostris lapsibus eosque per pœnitentiam reparare, concede, quæso nobis hanc gratiam, amplectendi hanc praxim; quam modo consideravimus. Debemus hoc facere, utpote peccatores, ut sic peccata nostra expiemus, & iustitiæ divinæ satisficiamus; debemus hoc facere tanquam Christiani, & membra Christi JESU ut sic imitemur hunc DEUM pœnitentem & crucifixum; sed adhuc magis debet id ipsum à nobis fieri, quia sumus Ministri Ecclesiæ tuæ, quia ut tales occupati esse debemus, ut peccata populi depleamus, & desuper continuò ingemiscamus. O Domine, concede nobis hæc cordis nostri dispositiones, & tunc dicere poterimus cum Prophetâ tuo: *defecit in dolore vita mea, & annus mei in gemitibus.* Psal 30.

* * * * *
DOMINICA DECIMA QUARTA
POST PENTECOSTEN.

Spiritu ambulate, desideria carnis non perficietis. Gal. 5. 16. DE

1. Estimatio, quam de illa habere debemus.
2. Et sollicitudo, seu cura illam conservandi.

PUNCTUM I. **P**rima verba hujus epistolæ pulcherrimam materiam meditationis nobis præbent; siquidem eò nos hortantur, ut non amplius vitam ducamus animalem & carnalem, sed ex toto spiritualem, omninò puram & cœlestem. *Spiritu ambulate*, ait Apostolus, & *desideria carnis non perficietis*. O quàm felices effemus nos, si taliter viveremus! non despondeamus animum, quameunque debiles simus, possumus enim cum auxilio gratiæ, quia notandum cum S. Augustino, in expol. epist. ad Galat. Apostolum non dicere, nos non amplius habituros desideria mala; cum præsens vitæ huius status hoc non permittat, & in potestate nostra haud sit, talia impedire, sed *desideria carnis non perficietis*, non implebitis, hoc enim est, à quo nos per auxilium gratiæ divinæ præservare possumus. Quid est ergo vivere secundum spiritum? est consentiri illi, ait hic S. P. *Quid est duci spiritui? Spiritui DEI consentire jubenti, non carnem concupiscenti*. Idem term. 15. de V. A. nov. edit. Et sic possumus implere; si volumus, quod S. Paulus hîc nobis dicit, modò fideliter insistamus orationi, & tantùm amemus virtutem hanc castitatis, quantum debemus.

Roga

Roga Cœlestem Sponsum animarum castarum, ut repleat cor tuum amore, & æstimatione hujus pulcherrimæ virtutis; quæ juxta testimonium Spiritûs S. nil in toto mundo sibi in pretio æquale habet; *omnis autem ponderatio non est digna continentis animæ* Eccles. 26. 20. Inter elogia; quæ SS. PP. huic virtuti dant, ait S. Joannes Climacus Gradu 15. aliquos eam nominasse participationem naturæ Angelicæ, habitaculum dignum JESU Christo; scutum, seu clypeum cordis, Cœli terrestre, tranquillitatem, seu quietem omnium passionum. *Quid castitate decorius*, exclamat S. Bernardus, tract. de mor. & offic. ep. c. 3. *quæ mundum de immundo conceptum semine, de hoste domesticum, Angelum denique de homine facit*. Ubique pulchra est, sed maximè in Clerico & Sacerdote, cujus principale est ornamentum. Hinc quemadmodum obligatus est ratione functionum suarum, ut DEO appropinquet, ita etiam excellere debet in hac virtute, sine qua non meretur nomen Sacerdotis; *qui puram agunt vitam, verè sunt DEI Sacerdotes*. Vide nunc, qualem æstimationem habeas de hac virtute? fecistine reflexionem ad illam, dum Sacros Ordines recepisti, quod totum vitæ tempus de cætero in castitate transigere debeas? quomodo loqueris de calibatu, quem Ecclesia Ministris suis præcepit & imposuit, accepisti ne hoc præceptum bono animo? anne cum

gaudio suscepisti statū talem, qui te à tot solitudinibus eximit, quibus conjugio alligati implicati sunt? *qui sine uxore est, sollicitus est, quæ Domini sunt, quomodo placeat DEO; qui autem cum uxore est, sollicitus est, quæ sunt mundi, & divisus est.* 1. Cor. 7. 33. Si nullum aliud commodum ex cœlibatu trahe-
retur, quam hæc libertas, quā gaudent, qui ad hunc statum vocati sunt, quod unicè se occupare valeant iis rebus, quæ ad servitium divinum referuntur, hæc sola prerogativa sufficere deberet, ut anima verè Christiana contenta esse posset, ait S. Hieronymus advers. Jovinian. l. 1. *cum nulla merces virginem amplior sequeretur, sufficeret hæc sola prælatio, cogitare, quæ Domini sunt.* Quia verò non sufficit, æstimationem habere castitatis.

PUNCTUM II. Considera, oportere, ut magnam curam adhibeas, eam conservandi. Nil pretiosius in toto mundo est istā virtute, verūm nihil etiam tam faciliè amitti, nil tam difficilè reparari potest. Agnosce virtutem hanc, & hinc *te ipsum castum custodi.* 1. Tim. 5. 22. Invigila sensibus tuis; nunquam oculos tuos conjice in talia objecta, quæ animæ tuæ puritatem corrumpere possent, fuge ludos, periculosas conversationes, spectacula, societates, & diversiones hujus mundi, quæ personas etiam sapientissimas & vitæ licet austerioris pervertere possunt; *inter tantas illecebras voluptatum etiam ferreas mentes libido,*

libido, domat. ait S. Hieronymus Epist. 23.
 Evita teneras & sensuales amicitiae conjun-
 ctiones cum altero sexu, quaecunque spiri-
 tuales, & sanctae videantur esse; *nec in prae-
 terita castitate confidas,* ait S. Hieronymus
 Epist. ad Nepot. *nec sanctior David, nec
 Samson fortior, nec Salomone potes esse sapi-
 entior.* Familiaritas cum foeminis stravit hos
 magnos viros, pariter etiam te ad lapsum
 perducet, si eas non omni sollicitudine e-
 vites. Evita convivia & omnem excessum
 in cibo & potu, otium, mensam opiparam &c.
*Venter mero astuans, cito despumat in libidi-
 nes,* ait S. Hieronymus Epist. 82 ad Ocean.
 Ama mortificationem, jejunium, solitudi-
 nem, laborem, orationem; esto devotus erga
 Beatissimam Virginem & humilitatem con-
 tinuo sectare profundam, ad illius exemplum,
 quae à SS. PP. custos castitatis appellatur.
*Per humilitatis custodiam servanda est mun-
 dicia castitatis.* Greg. M. in Job. l. 26. c.
 19. Saepè nimis bona de seipsis existimatio
 in causa est apud Clericos, cur iram DEI in se
 provocet, quaeque meretur, ut cadere eos
 permittat DEUS in vitium imparitatis, quod
 juxta Apostolum quasi ordinarie poena est, &
 castigatio superbiorum, *evanuerunt in cogi-
 tationibus; propterea tradidit illos DEUS in
 passiones ignominiae.* Rom. 1. Examina te
 per haec omnia signa, utrum sollicitudinem
 illam hucusque adhibueris, quae ad conser-
 van-

vandam castitatem necessaria est. Serlò te, antequam ad altare accedas, supra hoc reflecte, recordare qualitatem Sacerdotis; quam in S. Altari exerces, exigere à te particularem ac singularem characterem castitatis, & ut ita dicam, puritatis cujusdam Sacerdotalis, prout S. Hieronymus coment. In 1. ad Tit. c. 6. loquitur, *castitas propria, & ut ita dixerim, pudicitia Sacerdotalis*. Ita ut satis haud sit. Sacerdotem abstinere ab omni turpi actione, sed oportere, animam illam, quæ Corpus JESU Christi offerre debet, nec minimum quid admittere, per quod puritas illius vel in minimo offuscari posset; *ut non solum ab opere se immundo abstineret, sed etiam à jactu oculi, & cogitationis errore, mens Christi corpus confectura, sit libera*. Ibid. O Domine, qui à ministris tuis castitatem adeò perfectam exigis concede nobis quæso, hanc virtutem, & quidem talem, qualem à nobis exigis, & expectas; *continentiam jubes; da, quod jubes, & jube, quod vis*. S. Aug. l. 10. conf. c. 29.

§ ————— §

FERIA SECUNDA.

Caro enim concupiscit adversus spiritum, spiritus autem adversus carnem; hæc enim sibi invicem adversantur, ut non quæcunque vultis, illa faciat. Galat. 5. 17.

DE REBELLIONE CARNIS CONTRA
SPIRITUM.

1. Qualis sit.

2. Quomodo nos in illa gerere debeamus.

PUNCTUM I. **C**assianus, cuius collationes adeò notæ sunt hominibus pietatem profitentibus & colentibus explicat verba hæc, ad meditandum hic assumpta, tali modo, quam utile ac proficuum fuerit hic referre. S. Paulus docet nos, ait collat. 4. c. quod habeamus bellum quoddam intestinum, *legem membrorum*, ab ipso vocatum, caro enim concupiscit adversus spiritum, & spiritus habet desideria alia, carni contraria. Militant continuo inter se, adeò, ut non facias id, quod velles. Divisio ista, & oppositio carnis cum spiritu facta in nobis est, quasi connaturalis post lapsum primi hominis; & DEUS vult, ut nunquam ab isto certamine desistamus; nam si pugnare cessemus, in illam pacem perniciosam & mortalem deveniemus, in qua caro victrix spiritui dominatur, quin hic illi resistat. Jam verò per hoc nomen *caro* ait Cassianus ibid. c. II. haud oportet intelligere ipsum hominem, hoc est, substantiam hominis, sed voluntatem carnis, & desideriorum inordinatorum. Quemadmodum per hoc nomen *spiritus* nequaquam substantiam intelligere debemus, sed bonas & sanctas animæ affectiones; & quia hæc differentia desideria,

post Dom: decim: quart. post Pent. 45

deria, nimirum carnis & spiritus, continuò in nobis inveniuntur, sic constanter versamur, etiam in bello isto domestico & intestino. Quia ex una parte concupiscentia carnis, quæ semper in malum tendit, gaudium, & quietem suam invenit in deliciis, & voluptatibus terrenis; concupiscentia autem spiritûs carni resistentis, desiderat se applicare tam perfectè ad exercitiâ spiritualia, ut optaret sibi ipsi interdicare usum rerum etiam necessariarum, ad conversationem corporis, & taliter absorberi invisibilibus; & nec minimam sollicitudinem vel curam illi impendere deberet, à qua continuò impugnatur. Vellet quidem anima in tali statu posita, ut ejusmodi carnalia desideria minimè tanta violentia consurgerent; non vult tamen tolerare dolorem illum, qui ad acquirendas virtutes, & ad impulsus spiritûs sequendum, necessarius est; hinc vellet possidere castitatem corporis absque mortificatione carnis; obtinere puritatem cordis, quin seipsum per vigilias debilitet; conjungere ac componere divitias, & bona spiritualia animæ cum satisfactione proprii corporis, fundare se in patientia, absque eo, quod per afflictiones transeat, exercere humilitatem, quin aliquid ipsi de honore mundano decedat, unire simplicitatem Christianam cum ambitione sæculi, servire JESU Christo, & laudari ab hominibus; denique taliter acquirere vellet
bona

bona futura, ut nil perdat de bonis præsens
sentibutibus. ibid. c. 12. Quia ergo caro est,
quæ animam in hoc statu temporis & socordiae
detinet, ideo oportet, ut fervore spiritus
adjuvetur, ac ad illum gradum perfectionis
perveniat, de quo Apostolus loquitur, dum
nimirum spiritus carne superior effectus, nil
amplius facit, quod hæc desiderat. Felix se
in hoc statu positum invenit. Quamquam
caro adhuc illum quandoque impugnet; ne-
quidem sanctissimis quamdiu in hoc mundo
sunt, parcat, hæc tamen non nisi languide, &
absque violentia aliqua fit. Modo finis non
sit bellandi, & resistendi, facile erit reportare
triumphum: *exercete bellum*, ait S. Aug.
serm. 128. de V. E. nov. edit. talibus tenta-
tis, *sperate triumphum*. In quem effectum.

PUNCTUM II. Videamus, quid nobis
faciendum sit in bello isto carnis adver-
sus spiritum? imo. persuasi esse debemus,
bellum hoc nullas omnino admittere inducias;
cum concupiscentia in nobis ad mortem
usque permaneant; prout docet Concilium
Tridentinum. Sess. 5. de pec. orig. c. 4.
debemus nos quoque per totam vitam nos-
tram contra eam pugnare, nos humiliare, in-
gemiscere, suspirare destructionem illius,
habere recursum ad orationem, sine intermis-
sione petere à Christo JESU auxilium gratiæ
ipsius, in eoque ponere omnem fiduciam nos-
tram, inque consideratione miseriæ nostræ
excla-

post Dom: decim. quart. post Pent. 47

exclamare cum S. Paulo, Rom. 7. 24. & aliis Sanctis: *infelix ego homo, quis me liberabit de corpore mortis hujus. Gratia DEI per JESUM Christum Dominum nostrum.* 2dò. crucifigere debemus carnem nostram cum passionibus, & desideriis illius inordinatis. In quod fecerunt & quotidie adhuc faciunt omnes illi, qui verè sunt JESU Christi, prout Apostolus ait. *In hac quidem cruce, juxta S. Augustinum serm. 126. de quadr. nov. edit. per totam illam vitam, quæ in mediis tentationibus ducitur, perpetuò debet pendere Christianus.* Vita ista nequaquam tempus illud est, in quo somnare possumus, liberari nos posse, à clavis illis, de quibus Propheta Psal. 118. 220. ait; *confige timore tuo carnes meas.* Oportet hanc crucifixionem esse permanentem; *sic semper vive hic Christiane, si terreno limo gressus non vis immergere, noli de ista cruce descendere.* Idem serm. 206. in quadr. 3tio. ultimum consilium, quod in particulari Confessarios concernit, eosque, quibus cura animarum incumbit, est, ut taliter tentatos & afflictos instruant, eosque consolentur. Sunt aliqui, qui pro eo, ut ejusmodi infirmitatibus fratrum suorum compatiantur, eos à se crudè repellunt, & tanquam infames tradunt. Modus hic agendi infestas post se trahere posset sequelas, prout contingit in quodam juvene solitario, seu eremita, de quo Cassia-

nus loquitur, qui continuis ejusmodi tentationis impuris vexatus; ex veteribus Anachoretis aliquem accessit, ut illi statum animæ suæ detegeret, sperans se remedium aliquod suo malo reperturum. Verum hoc non invento, & nonnisi crudelitatem, & immisericordiam experiendo, in hoc homine erga se, jamjam in eo erat, ut exqueretur id, ad quod à tentatione alliciebatur, nisi Sanctus Abbas Apollonius, vir illuminator, & majoris charitatis, quàm prædictus ille veteranus, eum cohibuisset, & consolatus fuisset. Ejusmodi directores imprudentes, & infirmitatibus fratrum suorum minimè condolentes, timere debent, ne in pœnam & castigationem superbiæ suæ, & duritiæ id ipsum experiri cogantur, quod vetus iste Anachoreta, id est, ne primo insultui tentationis eis superventuræ succumbant. Igitur, qui hujus generis tentationes nondum sunt experti, non extollant seipsos, neque cum indignatione tractent eos, qui valide ab iis infestantur, sed potius pro iis orent, eosque charitative consolentur, debent insuper seipsos eo magis humiliare ex eo, quod videant DEUM adeò parcere infirmitati ac debilitati suæ, vel forte, quod ex illis sint, quos dæmon nequidem dignatur tam fortiter & violenter agredi & tentare *Tranquillitas tempestas est*, ita S. Hieronymus Epist. 1. ad Heliod. Reflecte te parumper supra hoc consilium & monitum

post Dom. decim. quart. post Pent. 49

tum. Pro præparatione ad Missam roga dñum hunc medicum animarū, ut dignetur te visitare hodie, hancq̃ue tibi misericordiam exhibeat, ut hac ipsa sua visitatione bene utaris. Potentissime protector DEUS Israel conserva ac protege me in hac pugna carnis contra spiritum; doce, quæso, me artem vincendi, uti & instruendi alios in bello, & pugna tanti momenti, *sine quo nulla est salus, sicut præter crucem nulla redemptio est.* Abb. Guerr. serm. 2. in Dom. Palm. a. 5. inter opera S. Bernardi.

FERIA TERTIA.

Qui autem sunt Christi, carnem suam crucifixerunt cum vitiis & concupiscentiis. Gal. 5. 24.

DE PASSIONIBUS.

1. Excessus illarum.

2. Remedia contra hos Excessus.

PUNCTUM I. **V**eri discipuli Christi, JESU, tantum abest, ut se-

quantur concupiscentias suas, & opera carnis perficiant, de quibus in Epistola præsentis sermo est, quæ à regnò DEI excludunt illos, qui talia faciunt, ut potius *carnem suam crucifigant cum vitiis & concupiscentiis suis*, ait S. Paulus, quia huc devenire oportet eum, qui cupit esse JESU Christi. Examinemus modò passionibus istas, quas crucifigere oportet; assignabimus postea etiam

Med. Pars Ant. **D** *media*

media ad eas redimendas. S. Ambrosius l. 7. in Luc. 4. comparat illas cum febris; *febris nostra libido est; febris nostra luxuria est; febris nostra ambitio est; febris nostra iracundia est.* Solet ordinariē febris tres post se trahere excessus. Calefacit, seu accendit sanguinem, perturbat rationem, & sitim tantam causat, quæ vix extingui possit. Similes ferè, nec minores excessus post se trahunt passionēs nostræ. imò. ardentes sunt. Quis exprimere valet, quam imperuosè contra nos insurgant? ad quos excessus deveniat avarus, ambitiosus, vindicativus, impudicus, quæ tormenta patiantur de sua avaritia, superbia, vindicta, & passionibus carnalibus? *suis ardet incendiis,* ait S. Ambrosius l. de Joseph Patri: c. 4. & *peccati sui facibus exurit.* Homo passionum suarum mancipium, nullam habet requiem. Ubique secum ignem, & flammās suas defert, suum supplicium, infernum; non est necesse, ut iustitia divina aliis eum pœnis ac suppliciis castiget, quàm quales in seipso experitur. *Fuisti Domine, & sic est,* aiebat S. Aug. l. 1. conf. c. 12. *ut pœna sibi sit omnis inordinatus affectus* add. cœcæ sunt Personæ passionatæ, seu immortificatæ, nil capiunt, nil intelligunt, quæcunque illis dicantur, & proponantur. *Ambulabunt ut cæci, quia Domino peccaverunt.* Soph. 1. 17. Tales sunt cœci voluntarii, qui malitiosè oculos suos

post Dom. decim. quart. post Pent. 51

tuos claudunt luminis; cor ipsorum mille die-
versis passionibus ardens & æstuans obscurat
intellectum, & taliter perturbat rationem,
ut vix amplius capaces sint cognoscendi ve-
ritatem. *Supercecidit ignis, & non viderunt
solem,* ait Propheta Psal. 57 & S. Augusti-
nus addit, ignem hunc, qui eos excæcat ali-
um non esse, nisi ignem concupiscentiæ, qui
eos impedit, ne videre possint solem justitiæ;
*supercecidit ignis concupiscentiæ, & non vi-
derunt solem justitiæ.* Illi duo infames senes,
qui castam Susannam adorti sunt, testimo-
nium manifestum huic veritati reddunt: *er-
vererunt sensum suum,* ait Scriptura Dan.
14. 9. *& declinaverunt oculos suos, ut non
viderent Cælum, neque recordarentur judi-
ciorum justorum* 3tio. sunt insatiabiles.
Vindicativus omnino opprimere vult inimi-
cum suum; avarus de novo concervare pe-
cunias; ambitiosus continuo altius ascende-
re. Quo plus conceditur passionibus; eo plus
exigunt, & extorquent. Sitis, quæ extingui
non potest, id, quod S. Augustinum l. 4.
conf. c. 6. dicere compulit: *Miser est om-
nis animus, victus amicitia rerum mortali-
um.* Bone DEUS! quis comprehendit, quan-
ta ex passionibus sequantur damna, & infe-
licitas; ubi sunt Christiani illi, imò etiam
Clerici, qui excessus illos videant, & secum
expendant, quos in anima producent! ve-
rùm, quia satis non est, eas solummodo co-
gnoscere, & agnoscere. D2 PUN-

PUNCTUM II. Veniamus ad remedia, quæ contra illas adhibere debeamus. imò. ardentes sunt, & inflammata; igitur promptè iis resistendum. *Sub te erit appetitus tuus, & tu dominaberis illius.* Gen. 4. 7. Motibus iræ, invidiæ, vindictæ agitaris? statim illos reprime, & fac per hanc tuam promptam resistantiam, ut dicant imposterum, non tam subito exsurgere, & exardescere. Motus impuros experiris? noli multum deliberare; noli disputare cum illis; sed statim vix natos suffoca; *beatus, qui tenebit, & allidet parvulos ad petram, quia qui delicate à pueritia nutrit servum suum, postea sentiet eum contumacem,* ait Spiritus S. in Proverbiis cap. 29. 22. 2dò. cæcæ sunt. Igitur oportet eas ducere, & non sequi. Monitum hoc est Sapientis Eccles. 18. 30. *Post concupiscentias tuas non eas.* Haud dubiè melius & utilius tibi foret, tales non habere, seu experiri, ait S. Augustinus serm. 45. de temp. si autem tales experiaris, noli iis obedire, dominari volunt, dominare tu illis. *Melius eas non habere, sed quia sunt, noli post eas ire, nolunt post te ire, noli post eas ire; si velint post te ire, non erunt, quia contra mentem tuam non rebellabunt; rebellant, rebella, pugnant pugna, expugnant expugna. Hoc solum videte; ne vincant.* 3tiò. sunt insatiabiles. Oportet eas mortificare. Exerce virtutes illis contrarias, sine quibus quis placere DEO nequaquam

post Dom. decim. quart. post Pent. 53

quàm potest. *Qui autem in carne sunt, DEO placere non possunt, Rom. 8.* Considerare debemus passiones nostras instar bestiarum ferocium, quibus dominari debemus; indulgentiâ nunquam reguntur; solus timor eas coercere, & frœnare potest. Tractandæ sunt, ut inimici irreconciliabiles, quibuscum non est permissum inire pacem sub quocunque demum prætextu; quia si nos ipsos destruent, & in interitum perducent nos. *Conculca hos bestiales motus, quia domari debent, ne dominari valeant, ait S. Bernardus serm. 4. de ascens. n. 12. nisi enim calcati fuerint, conculcabunt nos; nisi premantur, oppriment nos.* Nota interim, quod, etsi æqualiter pugnare, & impugnare nos deceat omnes passiones nostras, magis tamen in particulari aggredi oporteat, prædominantem, quæ reliquas omnes animat, & instigat, & est instar originis & fulcri illarum; *validioribus enim superatis, ait Cassianus collat. 2. c. 24. celerem de residuis habebis, facilemque victoriam.* Intulistine bellum tale passionibus tuis? ah quoties! ab iis victus fuisti per teporem & negligentiam tuam? esto deinceps ferventior in iis impugnandis. *Persequar inimicos meos, & comprehendam illos, & non convertar, donec deficiant Psal. 17. 38.* Fac hoc propositum ad altare accessurus, & instanter implora auxilium illius, qui solus victoriam tibi dare potest. Veni o JESU veni, & vive in me! re-

gna & dominare supra passionēs meas, quā
non minus tui, quam nostri sunt inimici; *do-*
minare in medio inimicorum tuorum Ps. 109.

2. Conforta nos per gratiam tuam, ut fideli-
ter pugnare, & certare valeamus, quia sine
hoc, nullō modō obtinebimus pacem cordis
& quietem bonæ conscientię. *Resistendo*
passionibus, invenitur pax cordis, de imit.
Christi l. 2. c. 6.

* * * * *

FERIA QUARTA.

Nemo potest duobus dominis servire.

Matth. 9. 24.

DE PLURALITATE BENEFICIORUM.

1. In quem finem fundata sint Beneficiā.
2. Utrum licitum sit plura possidere.

PUNCTUM I. **I**ncipit Evangelium no-
strum ab aliqua regula

seu principio omninō summi momenti. Sed,
ah! quam malē observatur. Christus JESUS
volens omnium corda ad DEUM trahere,
qui solus Dominus illorum est, hanc pronun-
tiat sententiam; *nemo potest duobus dominis*
servire. Interim, quot dantur Christiani, imō
etiam Clerici, quorum cor divisum est inter
bona cœlestia & terrena. O funestam divisi-
onem! exclamat Propheta, Oseë 10. 2. *divi-*
sum est cor eorum, nunc interibunt. Poni pos-
sunt in numerum illorum, omnes isti, qui
DEO & divitiis seu pecuniis simul servire
præ-

prædunt; illi Clerici, qui cum Dominum elegerint in partem & hereditatem suam, etiam avaritiæ suæ, ambitioni suæ satisfacere cupiunt, & student, accumulando beneficia, ac plura possidendo. Et quia abusus iste nimis communis, & ordinarius est in Ecclesia, haud inutilem pro meditatione materiam præbebit. Examinemus ante omnia, quid sit beneficium & in quem finem detur? beneficium aliud non est, nisi jus aliquod, vel à Pontifice, vel ab Episcopo constitutum, percipiendi certa bona DEO consecrata, collatum, alicui Clerico, propter officium aliquod spirituale. Quia bona, seu redditus Ecclesiastici non dantur, nisi ut DEO & Ecclesiæ ipsius serviat, sive celebrando Missam, sive recitando horas Canonicas, sive administrando Sacramenta, sive aliam similem spirituales functionem exercendo, prout loquitur Concilium generale Constantiense Sess. 43. decret. de dispens. Ex quo inferri oportet, imò. beneficium haud legitime conferri, nisi capaci, seu tali, qui digne obire possit officium, & ministerium illi annexum. *Beneficia Ecclesiastica Personis dignis & habilibus conferantur*, ait Concilium Trident. sess. de reform. c. 3. quod non solum intelligi debet de capacitate præcisè, quoad scientiam, sed etiam quoad integritatem morum, & vitæ probitatem. Nam ut dicit Clemens V. oportet aliquem esse *vita laudabilis, & conver-*
satio

sationis honesta, in Clement. cum &c. de concess. præb. l. 3. tit. 3. A. 1585. tit. de Monast. cui beneficiū aliquod conferri possit. addo. notandum est, redditus seu proventus Ecclesiasticos, pro sustentatione Clericorum destinatos, & assignatos, bona esse à pietate fidelium DEO consecrata. *Res Ecclesiæ, vota sunt fidelium, pretia peccatorum; & patrimonium pauperum*, ait Concilium Aquense; itaque Clerici non sunt Domini proprietarii reddituum suorum, sed solummodo æconomi, & administratores obligati ad hoc, ut sanctè urantur eo, quod ipsis ultrà propriam sustentationem superest. En patet natura & finem, & institutionem beneficiorum. Attendisne autem ad similia? maxima pars Clericorum addò non attendunt ad hæc in suo modo vivendi & agendi, ut potius beneficia sua considerent, tanquàm occasionem quietè, & commodè vivendi & agendi, vel tanquàm media, ditandi suos consanguineos; minima illorum cura est, ut intentioni Ecclesiæ quoad hoc satisfaciant, & ad mentem Fundatorum laborent in suo ministerio. Hinc est, quod non contenti eo, quod modo habent, semper nova indagent, & magnâ curâ & sollicitudine acquirere studeant. Ingenisse super hoc, & eorum cœcitatem, & miseriam deplora, dole, quod patrimonia pauperum tam injustè dissipentur; quia verò, qui ejusmodi sunt, non desunt, qui cupiditatem suam,

&

post Dom. decim quart. post Pent. 57

& plura habendi desiderium, & injustos conatus exeusent.

PUNCTUM II. Videamus, utrum licita sit pluralitas beneficiorum? meliores authores defendunt, hanc esse contrariam. imò. juri naturali, quod vult, ut quis laboret pro eo, cujus censu & stipendiis vivit. Beneficium datur nonnisi ob officium, prout constat ex communi, & universaliter recepto axioma. Si ergo agrè satisfacere potes obligationibus unius solius beneficii, quomodo audes plura ad te attrahere, & adipisci? quid diceres de vinitore, qui se locasset ad laborandum per unam septimanam in certa vinea, si pro eadem septimana operam suam alteri locaret, & idem salarium peteret, quamvis nonnisi pro cultura unius solummodo vineæ laborasset? injustitiæ eum accusares; & condemnares talem ad restitutionem salarii illi, in cujus vinea non laborasset; & quidem justè. Id ipsum tamen fit ab iis, qui plura beneficia simul possident, ait Guilielmus Episcopus Parisiensis, l. de plural. benef. habent tria beneficia, dicuntne, seu legunt quotidie tres Missas? recitantne tribus vicibus una die Officiam Divinam? utinam sæpius, quam semel tantum illud recitare omitterent *cum unum officium*, aiebat S. Gregorius hom. 16. in Evan: *vix implere sufficiant, stipendia sibi vindicant plurimorum*. 2dò. agunt tales contra jus divinum, & invertunt ordinem à Christo

flo

Ro JESU in Ecclesia sua stabilitum. Sunt in
 Ecclesia aliqui Apostoli, alii Prophetæ, alii
 Evangelistæ, alii Pastores & Doctores, ut si-
 mul in unum omnes laborent, ad perfectio-
 nem Sanctorum, ad opus ministerii, in ædi-
 ficationem Corporis JESU Christi, ut Apo-
 stolus Eph. 4. 12. loquitur, an non igitur
 monstruosa res est, homines tales, qui neque
 zelum Apostolorum, neque lumen Prophetarum,
 neque scientiam Doctorum, neque vi-
 gilantiam & charitatem Pastorum habent,
 ejusmodi loca occupare, & plura obtinere
 beneficia, dum interim alii longè capaciores,
 & virtuosiores omninò ab iis exclusi, vitam
 miserè transigunt, in necessitate, & indigen-
 tia omnium rerum? 3tiò, denique pluralitas
 ista beneficiorum prohibita est à Jure Eccle-
 siastico. Quia ordo Ecclesiæ subvertitur, ait
 Concilium Trident. Sess. 24. c. 17. de re-
 form. si unus Clericus loca plurimorum ob-
 tineat, SS. Canones sanctè ordinarunt, quod
 nullus in duabus Ecclesiis debeat recipi; ve-
 rum quia plures cupiditate excecati, seipsos
 decipientes, quin DEUM fallere valeant, non
 erubescunt per diversas artes, tam sanctas
 ordinationes eludere, & simul possidere plura
 beneficia; Sanctum Concilium volens resti-
 tuere disciplinam necessariam pro bono to-
 tius Ecclesiæ, præcipit per præsens decretum,
 quod observari omninò vult, & præcipit ab
 omnibus, quicunque demum ii sint, quocun-
 que

post Dom: decim. quart. post Pent. 59

que titulo gaudeant, etiam ipsis Cardinalibus non exceptis, ut deinceps unum solum beneficium Ecclesiasticum uni soli conferatur. Cui adjungit Concilium, quod si tamen beneficium tale haud sufficiat ad honestam sustentationem illius, cui illud collatum est, permittitur, ut ei aliud adhuc conferatur, quod simplex sit & sufficiens, modò hæc duo beneficia non requirant residentiam personalem. Ergo possideri non possunt duo beneficia, si unum solum sufficiat pro congrua sustentatione, quin contraveniatur decreto tam salubri, per quod nonnisi antiqua Ecclesiæ decreta confirmantur. Potest autem obtineri dispensatio? verum est, quòd dispensatio ex legitima causa conscientiam, prout S. Thomas quodlib. 2. ar. 15. docet; verum si causa non sit legitima, quid judicandum de tali dispensatione? quænam autem causa legitima sit, Bernardus, l. 3. de confid. c. 4. respondet, *ubi necessitas urget, excusabilis dispensatio, ubi utilitas provocat, dispensatio laudabilis est; utilitas dico communis, non propria; nam cum nihil horum est, non planè fidelis dispensatio, sed crudelis dissipatio.* An non pluribus defacto idipsum dici posset, quod Albertus M. olim cuidam Canonicò Colonienſi dixit, qui valdè contentus Româ reversus est, obtentâ licentiâ possidendi simul plura beneficia? *poteras ire in infernum sine licentia; nunc ibis cum dispensatione.* Speculum

culum Cleri. seq. 7. Detestare hanc poligamiam spiritualem; noli seduci vanis quibusdam prætextibus, quibſ aliqui utuntur ad eam colorandam. Si Confessarius es, inspira pœnitentibus tuis Clericis horrorem de illa; stude paulatim eos reducere in viam rectam, qui ab ea aberrarunt, ante omnia autem ora pro iis in præparatione tua ad Missam; ut DEI Filius, qui omnia pro nobis DEO Patri suo sacrificat, corda eorum abstrahere ab his terrenis dignetur; quia, ut S. Hieronymus epist. 1. ad Heliod. ait *affatim dives est, qui cum Christo pauper est.*

§§ ————— §

FERIA QUINTA.

Non potestis DEO servire, & mammonæ.

Matth. 6. 24.

DE AVARITIA.

1. Plures Clerici huic vitio subiecti sunt.
2. Pauci se emendant.

PUNCTUM I. Audiatur avarus, ait S. Hieronymus; audiat, qui hoc nomine Christiani gloriatur, quod hic Christus dicit: *non potestis DEO servire & mammonæ.* Non ait Salvator, non potestis habere pecunias, sed dicit, non potestis pecuniæ servire. Estote Domini, non mancipia divitiarum. Qui Dominus est, distribuit illas, & facile se illis privat; verum qui illarum mancipium est, custodit eas, iisque alligatus est. Et hanc adhesionem timere debemus, hanc adeo

post Dom: decim: quart. post Pent. 61

adeò damnat Christus JESUS in Evangelio suo. *Videte, & cavete ab omni avaritia*, ait ad Discipulos suos, Luc. 12. 15. O quam necessario ita monendi eramus! proficiamus ex hac monitione, ait S. Augustinus ser. 107. de V. E. nov. edit. *Audiamus, timeamus, caveamus.* Omnes Christianos contingit hoc monitum, verum particulariter Clericos, quorum vita non solum exempta esse debet ab avaritia, sed insuper ab omni suspitione hujus vitii. Elegerunt sibi DEUM pro parte, & hæreditate, sed ipse solus cor eorum possidere debet, ipse eis promisit centuplum, quod eis sæpe in hac vita concedit, eo, quod plures talia bona possideant ut Clerici, quia non haberent, si in sæculo mansissent. *Nonnulli enim sunt*, ait hic S. Hieronymus Epist. ad Nepot. *qui possident opes sub Christo paupere, quas sub locuplete, & fallace diabolo non habebant.* Et tamen ad confusionem plurimorum dicere oportet, vitam illorum minimè exemptam esse ab avaritia. Verum dices, ubi ergo sunt isti avari, & pecuniis iphiantes Ministri sacri? omnes illi sunt, respondent SS. PP. qui statum Ecclesiasticum amplectuntur ex fine & intentione ditescendi, & ut ibi commodius vivere valeant, quam in mundo vixissent, *ut suspiciat Ecclesia divites, quos mundus tenuit antea mendicos.* Ibid. Illi sunt, ait S. Greg. Nazian. qui sacros Ordines ut occasionem, vel medium considerant,

&

& arripiunt lucrandi vitæ necessaria, *vidēs parandi occasionem, & subsidium, hunc ordinem esse judicantes.* apolog. 1. Illi sunt, ait Gregorius Papa, Pastor. 1. p. c. 1. qui ex solo instinctu cupiditatis seipso ingerunt in hunc statum, & curam animarum, *sua cupiditate accensi, culmen regiminis rapiunt.* Illi sunt, qui beneficia beneficiis accumulunt; qui Missam non legunt, Officio Divino non intersunt, nisi ob retributionem; qui non prædicant, nec Sacramenta administrant, nisi ex fine lucrandi, qui sæpius etiam indignis absolutionem impertiunt, sub spe donarii, vel lucri cujusdam, *docentes, quæ non oportet, turpis lucri gratia,* ad Tit. 1. 11. Denique omnes illi sunt, qui contra præceptum Christi JESU, DEO & mammonæ servire volunt, vel quod pejus adhuc est, qui DEO serviunt, ut pecuniæ & divitiis serviant, existimantes, ut S. Paul 1. Tim. 6. 5. ait, *quæstum esse pietatem.* Adorant DEUM apparenter, & ex hypocrisi; pecunias autem in veritate, & sine fictione. Infelices isti, ut verbis S. Bernardi utar, *Christi opprobria, sputa, flagella, clavos, lanceam, crucem & mortem, hæc omnia, in fornace avaritiæ conflant, & præstigunt in acquisitione turpis quæstus, & pretium universitatis suis marsupiiis includere festinant.* serm. 10. in cant. Quiescant in amore falsorum (si tamen sollicitudo, hæc conservandi, & augmentandi, eis requiem quam

dam

post Dom: decim: quart. post Pent. 63

dam permittit) & nec minimum vel salutē,
vel perditionem animarum curant; *harum in
amore quiescunt animarum, nec casus repu-
tatur, nec salus* S. Bern. ibid. O statum de-
plorandum! examina nunc, an non teipsum
etiam reum avaritiæ invenias? vel omnino e-
tiam Simonix? & ut majorem horrorem de
ejusmodi vitiis concipias.

PUNCTUM II. Considera, quod rarum
quid sit, si quis ex avaris se convertat. S.
Paulus 1. Tim. 6. 9. hanc dat rationem: qui
volunt divites fieri, incidunt in tentationem,
& in laqueum diaboli, & in diversa desideria
inutilia, & pernitiōsa, quæ præcipitant homi-
nes in abyssum perditionis, & damnationis.
Reliqua vitia cum ætate decreſcunt, sola a-
varitia adeo non diminuitur, ut potius non
obſtante infirmitate virium crescat, *omnia
vitia senescunt senescente homine, sola avar-
itia non senescit*, ait S. Gregorius M. mor-
tal. l. 15. c. 11. videmus hoc quotidie non
solum in divitibus hujus sæculi, sed etiam
apud ipsosmet Clericos. Quam rarum est, Sacerdotem,
qui huic vitio semel ingressum in
cor suum concessit, seipsum corrigere, &
pœnitentiā desuper agere? plurimi quoad
hoc Judæ similes sunt, scimus, quod, prout
Origenes comment. in cant. hom. 4. notavit.
Christus Dominus illi curam temporalium, &
pecunias suas modicas commiserit, ut talia ad
suam voluntariam dispositionem habens, quibus

bus cor ipsius tanta aviditate inhiabat sensim de sua hac passione aliquid remitteret; sed pro eo, ut ex hoc excessu bonitatis proficeret, docet nos Scriptura, à sua avaritia illum eousque impulsam, & coactum fuisse, ut magistrum suum prodere, & pro pretio eum vendere constituerit. An non id ipsum etiam faciunt Clerici? bonis eos replet Christus Dominus, & quidem majoribus quandoque, quam in sæculo habere potuissent; fiuntne exinde meliores? minuitne hoc cupiditatem eorum? non, potius crescit illa in dies, & sæpè haud minor est, quàm illa Judæ, siquidem ea furantur Christo, quæ pauperibus non dant, neque verentur pretium redemptionis generis humani vendere populo suo, dando iis Sacramenta, & quidquid in religione nostra sanctum est, pro pecuniis. Judas mortuus est in peccato suo, & objectus execrationis factus est post mortem suam, finis horum Clericorum sapissimè similis est; postquam in tota vita sua ad omne bonum inutiles fuere, ordinariè post mortem evadunt objectum murmurationum, & indignationis aliorum. Ministri Domini detestamini igitur vitium hoc tam infame, tam indignum statûs vestri sanctitate; *tu autem o homo DÊI! hac fuge*, 1. Tim. 6, 11. Amate eleemosynam; non solum avarus est, qui rapit aliena, sed & ille avarus est, qui cupida servat sua. S. Aug; serm. 28. de divers. Evitate

post Dominic. decim: quar. post Pent. 65
virate hanc parsimoniam, quæ potius laqueus est, quem diabolus vobis tendit sub prætextu futurarum necessitatum; multa, qui recondit, videat cætera, cui remaneant, ne forte cum servas, unde vivas, colligas, unde moriaris, ait S. Augustinus Ibid. Et quia tentatio possidendi hæc bona terrena tam periculosa est; ut hac occasione etiam sapientiores quique lapsi sint, roga Christum Dominum, ut hanc tibi misericordiam exhibere dignetur, ne illi succumbas; hanc gratiam hodie in Missa petere debes. O JESU! qui nobis tantopere contemptum divitiarum commendasti, ne permittas, obsecro, ut fiduciam meam in iis ponam; ut affectiones cordis mei iis non addicam, fac quæso, ut avaritiam fugiam tanquam rem Clericis omnino perniciosissimam, & tanquam originem & radicem venenatam, quæ maximorum in Clero excessuum causa existit. *Sint mores sine avaritia, contenti presentibus; ipse enim dixit: non te deseram, neque derelinquam. Hebr. 13. 5.*

FERIA SEXTA.

Ne solliciti sitis animæ vestræ, quid manducetis, neque corpori vestro, quid induamini. Matth. 6. 25.

QUOD ANIMUM NOSTRUM AB HIS
TERRENIS ABSTRAHERE DEBEAMUS.

Medit. Pars Aut,

E

I. Quam

1. Quam hoc sit necessarium.
2. Et quam rarum inter Clericos.

PUNCTUM I. Rincipalis finis, quem sibi in Evangelio isto, quod hic explicamus, proposuit Christus. est abstrahere corda nostra ab his terrenis bonis. Conformemus nos cum omni reverentia huic intentioni divini magistri; non damnat justā, & rationabilem sollicitudinem circa nostram subsistentiam, seu sustentationem decentem; & convenientem; esset hoc tentare DEUM, si media illa negligeremus; quæ Divina Providentia in manibus nostris posuit, ut nobis procuremus necessaria vitæ, id, quod prohibet, est hæc inquietudo, anxietas illa, curæ superfluxæ, quas nobis ipsis facimus, ordinariè circa illas res, quæ nobis minimè deerunt, si fideliter DEO servierimus. *Non vidi justum derelictum, nec semen ejus, quærens panem.* Ps. 36. 25. Discamus itaque hodie abstrahere animum nostrum à bonis hujus mundi, simus dociles huic divini Magistri voci, & sermone, qui Luc. 14. 1. 3. ait; *qui non renuntiat omnibus, quæ possidet, non potest meus esse Discipulus.* Dicamus similiter cum Apostolis: *Ecce reliquimus omnia, & secuti sumus te.* Hæc erat illa sancta dispositio, quæ, & per quam primi isti Ministri JESU Christi, quorum modò tenemus locum, totum mundum converterunt, & in corde paganorum avaritiam destruxerunt, quæ erat magnam illud

post Dom. decim. quart. post Pent. 64

illud mundi idolum. Ut de hoc simus per-
suasi, alio non opus est, nisi ut audiamus id,
quod S. Paulus ad Presbyteros Ecclesiæ E-
phesinæ Act. 20. 33 ait: *argentum, & au-
rum, aut vestem nullius concupivi, sicut i ipse
scitis, quoniam ad ea, quæ mihi opus erant,
& his, qui mecum sunt, ministraverunt ma-
nus istæ; omnia ostendi vobis, quoniam sic
laborantes oportet suscipere infirmos, ac me-
minisse verbi Domini JESU, quoniam ipse
dixit: beatius est, magis dare, quam accipe-
re. Si omnes, qui se Apostolatus officio im-
miscant, tam puras manus ostendere possent,
ut S. Paulus, omnino alium fructum Aposto-
latûs ipsorum videre esset. Non apportabat
hic Apostolus ad prædicationem Evangelii,
juxta S. Chrysostomum hom. 6 in 3. ep. ad
Ephes. magnum apparatus, seu commea-
tum, non mensam magnificam, non pretiosam
suppellectilem, sed doctrinam sanam, vitam
irreprehensibilem, & mentem ad omnia para-
tam pro Christo. Venite pastores divites,
& opulenti, venite, & videte parsimoniam
hujus S. Apostoli? quidque divitiarum ex
prædicatione Evangelii collegit? proximus
morti erat, quam indies expectabat, quando
secundam suam Epistolam ad suum Charissi-
mum Timotheum scripsit; penulam, quam
reliqui Troade apud Carpum, veniens affer-
tecum & libros; maxime autem membranas.
2. Tim. 4. 13. Ah! pallium istud pauperiæ*

num S. Pauli, tot conversionum causa, plus valet, quam omnes thesauri pastorum, qui, nescio, quam magnificè vivunt! o quam benè ostendit omnibus Evangelii Ministris, quam necessaria illis sit, ita abstrahere animum suum ab hisce terrenis rebus, ut expeditius laborare valeant pro salute animarum, prout oportet; interim.

PUNCTUM II. Rarissimum hoc est inter Clericos; & reflexio illa S. Bern, supra hæc verba S. Pauli 1. Tim. 6. 8. *habentes alimenta, & quibus tegamur, his contenti sumus*, nunquam minùs locum invenit, quam moderno tempore. Non est quidem honorifica respectu plurium Clericorum, necessaria tamen ipsis est, ut horrorem de statu suo miserabili, in quo vivunt, concipere discant. Nunquam, ait hic S. P. in præfat. vit. Malach. minor erat numerus bonorum, quam in præsentis; nullum sæculum adeò denudatum fuit, quam nostrum; silentio involvo vulgarem, & viliorum multitudinem filiorum hujus sæculi; oculos meos conjicio in eos, quos ut columnas Ecclesiæ respicimus; *quem mihi ostendās vel de illorum numero, qui videntur dati in lucem gentium, non magis de sublimi fumantem, quam flammantem* ubi inveniemus hæc luminaria, & ardentes faculas, nisi eos numerare, & producere velis, qui sibi metipsis tales esse videntur? qui putant, pietatem ipsis servire debere pro medio discendi

secundi; quærendi non gloriam Christi, sed proprium interesse & lucrum; quid dico? pro sanctis haberentur, si contenti forent iis, quæ sua sunt, & non aliena, injustè desiderarent, vel quærerent. Meminerint tamen tales, qui ad hunc gradum imaginarium sanctitatis pervenerunt, qui contenti vivunt, eo, quod ad ipsos justè pertinet, nec aliena peccaminosè appetunt, id ipsum vel à paganis etiam requiri; an non petimus à militibus, ut suo solario contenti vivant, si salvi esse velint? sitne igitur laus aliqua pro Clerico, si perfectior haud sit milite? Domine! ubi sumus? *quam rarus tamen iste ipse in Clero!* ubi inveniendus igitur Clericus talis, qui necessariis contentus vivat, & res superfluas spernat? hoc tamen omnibus Clericis, qui Successores Apostolorum esse volunt, imposuit Apostolus, *habentes alimenta, & quibus tegamur, his contenti simus*, ait. Ubi hic ordo, hæc regula observatur? legimus ista in libris, sed quis est, qui talia observet? *Ubi forma hæc? in libris cernimus eam, sed non viris; habes vero de justo, quia lex est in corde ipsius, & non in codice.* Et tamen si observares hæc ordinationem Apostolicam, nondum propterea ad perfectionem pervenisses; nam qui perfectus est, semper paratus est etiam necessariis carendi, sed in vanum ista illis proponuntur; *utinam superfluis ponatur modus! utinam non cupiamus in infinitum!*

zum! si ita est, dicet quis, tum nulli amplius darentur sancti Clerici, & Pastores sancti in Ecclesia? absit, ut in talem cogitationem deveniamus, vel consentiamus. Suscitavit DEUS temporibus S. Bernardi multos Sanctos Episcopos, & inter illos admirabilem illum Virum, Sanctum Malachiam, ex cujus occasione illa protulit, quæ primum attulimus, plures similiter suscitavit sequentibus sæculis, quod absolutissimum exemplum fuisse non solum talis perfectæ renuntiationis, sed etiam omnium aliarum virtutum. Non est dubium, quin aliquos pariter sibi etiam nostra ætate reservarit, qui vestigia horum magnorum Sanctorum sequuntur. Verum hoc non obstante valdè modicus est numerus iste, respectu totaliorum, qui volentes divites fieri, scandalizant Ecclesiam avaritia & ambitione sua, & in abyssum damnationis se ipsos præcipitant; super quo meritò cum S. Bernardo ingemiscere debemus. Ora Dominum in præparatione tua ad Missam, ut hanc perfectam abnegationem in te operari dignetur, quo in statu sis, eum imitandi, serviendique Ecclesiæ ipsius deinceps majori cum fructu; *quasi Sacerdos & Levita, nudus nudam crucem sequar.* S. Hier. Epist. ad Nepot.

* * * * *

DIE SABBATHI.

Quærite ergo primùm regnum DEI, & iustitiam

post Dom. decim quar. post Pent. 71
etiam ejus; & hæc omnia adjicientur vobis.

Matth. 6. 33.

DE SALUTE ANIMÆ.

1. Obligatio laborandi pro ea.

2. Quomodo laborandum sit?

PUNCTUM I. **E**N conclusionem Evange-
lij nostri, & surgentem
illam rationem, quam DEI Filius nobis affert,
ut non anxie nos affligamus, quoad ea, quæ
vitæ nostræ necessaria sunt! nimirum prima-
riam curam & sollicitudinem nostram versa-
ri debere, in quærendo primùm regno DEI,
in laborando pro æternitate, vivendo in ju-
stitia & innocentia. Hæc principale est; bo-
na hujus mundi nonnisi accessoria, & acci-
dentalia sunt. Igitur cura salutis nostræ
grande illud, imò unicui nostrum negotium
esse debet, & illud unum necessarium, de quo
alibi Christus ait: *porrò unum est necessarium.*
Ut hanc obligationem capiamus, haud aliter
negotiū salutis nostræ considerare debemus,
quam imò ut negotiū tale, quod maximè ac-
præ reliquis nos tangit; quod personam nostrā
concernit, & quod nulli alteri cōmittere pos-
sumus, sed nos ipsi de eo rationem reddituri
sumus. *Unusquisque onus suum portabit,* ait
S. Paulus Gal. 6. 5. *quæ seminaverit homo,*
hæc & metet Ibid. v. 8. *Unusquisque nostrū*
pro se rationem reddet DEO. Rom. 14. 12.
Si coram divino tribunali comparebimus,
contra nosmetipsos statuemur, & non contra
alios;

alios; & quilibet tunc recipiet juxta opera sua. Igitur attende tibi ipsi, cogita de te ipso, exclamat hic S. Ambrosius Hexam. l. 6. ministri Domini, qui pro salute aliorum laboratis, nolite vos ipsos oblivisci; *attende tibi o homo! attende tibi.* Tibi, & non pecuniis tuis, tibi & non redditibus tuis, vel tuo beneficio, tibi, non corpori tuo, quod non nisi cinis & pulvis est; animæ tuæ, utpote nobilissimæ parti tuæ; *in qua totus es, in qua melior tuæ portio est.* Noli ergo alteri committere, quod tuæ saluti conducere potest, quia non solum nostrum est hoc negotium, sed insuper addo. negotium maximi momenti, negotium magni momenti est illud, ubi lucrum vel damnum magnum quoddam posse bonum, vel malum trahere potest. De quo autem agitur in negotio salutis? de corpore, de animâ, pro tempore, pro æternitate; si salutem tuam assequaris; en te beatum pro semper, si eam negligas. perditus es pro tota æternitate, & nil in toto mundo damnum hoc tibi refarcire potest; *quid enim prodest homini, si mundum universum lucretur, animæ verò suæ detrimentum patiatur?* ait JESUS Christus Matth. 16. 26. *aut quam dabit homo commutationem pro anima sua?* quid interim facimus pro salute nostra, de mane usque ad vesperam à principio anni usque ad finem illius? datur æternitas, de qua ipse DEUS cogitat; & nos nec per aliquam

mo-

post Dom. decim. quar. post Pent. 73

momenti de illa cogitare volumus; salus nostra causa fuit Incarnationis D.N. J. Christi, prout sæpius id in Missa repetimus, & recolimus, *qui propter nos homines, & propter nostram salutem descendit de Calis.* Consideramusne autem salutem nostram tanquam negotium summi negotii? & ut adhuc plus dicam, 3^{ti}o. tanquam uaicum negotium nostrum? quia hoc demum est, ad quod omnia referre debemus; *DEUM time, & mandata ejus observa; hoc est enim omnis homo,* ait Sapiens Ecclesiastis 12. 23. *si hoc est omnis homo,* glossatur S. Bernardus, *absque hoc nihil est omnis homo.* Propone veritatem istam populo tuo, qui magna ex parte ignorat obligationem, quam habet, laborandi pro salute sua; dic ei sæpius cum Apostolo: *Tempus breve est,* 1. Cor. 7. 29 & quidem longè brevius, quam cogitemus ipsi. Multum de illo frustra ætati permisisti, vide, ut impofterum melius illò utaris. *Reliquum ut, qui habent uxores, tanquam non habentes sint; & qui emunt, tanquam non possidentes; & qui utuntur hoc mundo, tanquam non utantur.* Ibid. v. 30. & 31. Tempus est, ut cor tuum abstrahas à voluptatibus & bonis hujus sæculi; *præterit enim figura hujus mundi.* Verùm ut in negotio tanti momenti utiliter labores.

PUNCTUM II. Videmus, quomodo hoc fieri oporteat? negotium nostrum est, debemus

mus ergo quamprimum in eo laborare. Negotium est magni momenti; oportet hoc facere studiosè; est unicum negotium nostrum; ergo continuò in eo, & pro eo laborandum est. imò. quamprimum laborandum est pro eo, neque expectanda senectus, ut primum tunc de ea cogites. *Memento Creatoris tui, in diebus juventutis tue.* ait Sapiens Ecclesiastis 12. 1. *antequam veniat afflictionis tempus, & appropinquent anni, de quibus dicas: non mihi placent.* Non habes tempus, quod perdas; religiosa parcitate illud conservare stude, quia omnia momenta pretiosa sunt; in quibus promereri possumus æternitatem gloriæ; & si hucusque nonnisi nimium expectasti; festina nunc, mi frater, ait S. Hieronymus, in Eccles. c. 9. petere à DEO veniam, quamdiu janua misericordiæ tibi patet; *dum in isto saculo es, festina agere pœnitentiam.* Quia non invenies in altera vita alias gratias, quales hic in vita contempsisti, vel neglexisti, id quod te hortatur Salomon, quando Ecclesiastis 9. 10. ait: *quodcunque facere potest manus tua; instanter operare. Quia nec opus, nec ratio, nec sapientia, nec scientia erunt apud inferos, quò tu properas.* 2dò. oportet magna solitudine laborare pro salute nostra. *Custodite sollicite animas vestras* Consilium est à Moyse datum Israelitis Deut. 4. 15. Non minus nobis necessarium in hoc mundo, ubi
tot

post Dom. decim. quart. post Pent. 75


tot sunt peccandi occasiones, ut quolibet gressu, quem in via ista facimus, in periculo versemur perdendi totam felicem æternitatem, prout loquitur Tertullianus: *nos verò in periculo æternitatis versamur.* Periculosissimi sunt inimici salutis nostræ, aliudque non quærunt, nisi perditionem animæ nostræ; *fortes quæsierunt animam.* Ps. 53. 3. Via, quæ ad æternitatem ducit, arcta est, pauci sunt, qui eam inveniunt; ait Christus Matth. 7. 14. & S. Chrysostomus addit, adhuc pauciores esse, qui eam aggrediuntur; paucissimos, qui usque in finem in ea permaneat. O quot ex reprobis seipsos deciperunt! quia, ut Sapiens Prov. 14. 12. ait, *est via, quæ videtur homini recta, novissima autem ejus deducunt ad mortem.* Totum hoc obligare nos debet ad vigilandum magna sollicitudine supra nos ipsos, & exequendi consilium hoc Apostolicum: *cum metu & tremore vestram salutem operamini.* Philip. 2. 12. 3^{ti}o. oportet continuò in hoc negotio laborare, ne, si paululum remittamus, & intepescamus, alius nobis coronam nostram auferat. Hoc DEUS ipse minabatur cuidam Episcopo in Apocalypsi: *ecce venio citò; tene, quod habes, ut nemo accipiat coronam tuam.* Apoc. 3. 11. Vide, quid in mundo quotidie fiat pro rebus nihili? vir qui vitæ necessaria lucrari debet piscatione sua, intentos habet oculos suos continuò in retia sua; pa-

stor

stor ovium continuò vigilat, ne illo dormiente, lupus gregem invadat, mercator continuò negotium suum secùn ipso tractat. Dignum igitur est, ut & nos quique continuò negotio salutis nostræ occupemur. Dicamus cum Propheta regio Ps. 118. *anima mea in manibus meis semper, & sicut, juxta animadversionem S. Bernardi in Vigil. Nativ. Dom. serm. 3. n. 5. quod in manibus tenemus, non facîle obliviscimur; sic nunquam obliviscamur negotium animarum nostrarum; & illa cura principaliter vigeat in cordibus nostris.* Anne ita laborasti hucusque pro salute tua? humilia te ipsum in consideratione temporis tui, & negligentia commissa; & pro præparatione ad Missam, vel Communionem, excita in teipso novum fervorem, conjice in hunc finem oculos tuos in Sanctos, & DEI amicos. Servierunt DEO in fame, & siti, in frigore & nuditate, in laboribus, vigiliis, jejniis, orationibus, persecutionibus, opprobriis; pauperes coram mundo; divites in gratia & virtutibus, peregrini super terram, nonnisi ad Patriam Cœlestem anhelantes. Horum semitam ingredi, & sequi debes, si salutem tuam operari velis, *quoniam per multas tribulationes oportet nos intrare in Regnum DEI.* Act. 14. 21.



DOMI-



DOMINICA DECIMA QUINTA POST PENTEGOSTEN.

Non efficiamur inanis gloriæ cupidi. Ga-
lat. 5. 26.

DE VANA GLORIA.

1. Facile in illam labimur.
2. Mediâ præservativa contra illam.

PUNCTUM I. **C**lerici & alii, qui devo-
tionem profitentur, &
piè vivere volunt, non debent juxta S. Hie-
ronymū in hunc locum monitū istud Apostoli,
leviter quasi pertransire, & transilire; *non ef-*
ficiamur inanis gloriæ cupidi. A longo jam
tempore, ait hic S. P. desideravi mentē me-
am super hoc aperire; timeo autem hoc fa-
cere; verū puto, obligationis meæ esse, ut
hoc faciam, dicam ergo, & non verebor fa-
teri, vanam gloriam esse infirmitatem meam;
& timendum est, ne non sit generalis pas-
sio, seu malum omnium piè viventium, qui
cæteris, ac aliis malis, seu passionibus renun-
tiāunt; *teneor timore dicendi, dicam tamen:*
nec tacebo passionem meam, passionem commu-
nem. Quia impuritas, avaritia, ambitio, &
alia similia vitia, seipsa, qualia sunt, pro-
dunt, & manifestant, id est, opera carnis fa-
cilè evitantur, verū non ita res se habet
circa hoc vitium. Abscondit, & occultat se
sub sanctissimis etiam virtutibus; quia dari

potest eleemosyna ex vanitate; fieri potest longa oratio ex vanitate, & quod vix credi posset, si Apostolus id non assereret, etiam sanguis profundi potest ex vana gloria. Adhuc plus, adjungit S. Hieronymus, idem & Apostolus ait, loquendo de semetipso, postquam raptus fuit ad tertium usque Cœlum, ubi audivit verba, quæ non licet homini loqui, postquam plus aliis Apostolis laboravit; ne magnitudo revelationum eum extolleret, datum sibi esse stimulum carnis, seu Angelum quemdam malum, & ministrum sathanæ, ad colaphizandum Paulo *datus est ad premendam superbiam, uti in cursu triumphali triumphanti datur monitor suggerens, hominem te esse memento.* Idem Epist. ad Paulam 25. Quod Apostolus ipse nobis indicat, quando ait, se totum ter rogasse, ut auferatur ab eo Angelus iste sathanæ; Dominum autem respondisse, sufficit tibi gratia mea, nam virtus in infirmitate perficitur. Aded nimirum verum est, vanitatem vitium esse omninò periculosum, quod se etiam apud homines magnæ & eximie pietatis facillimè innotuat. Nulli sunt ex ministris Ecclesiæ, etiam diligentissimis, & qui jam multum profecerunt in via perfectionis, quibus ejusmodi assultus vanæ gloriæ non timendi sint, pro ut desumi hoc potest, & judicari ex eo, quod primum nominavit, ut ab eo esset. Possetne quis se sanctius occupare, quam in publica
 expli

explicatione Sacrae Scripturae? vel prædicatione verbi divini? vel in aliis functionibus Sacerdotalibus, ac DEI Ministro propriis? & tamen, ut S. Hieronymus in Epist. ad Gal. 5. ait; *Et hæc, nisi aliquis omni diligentia cor suum custodierit, de cupiditate laudis oriuntur.* Ministri Domini! qui fortè de vitiis majoribus triumphastis, videte, utrum exempti sitis etià ab hoc? multi sunt, qui postquam inceperunt laborare pro salute animarum, ac satisfacere obligationibus suis, taliter se tandem abduci permittunt ab applausu, quem exinde reportant, ut vix amplius se ad talia aliter applicent, nisi ut vanam hominum laudem exinde reportent, prout advertit S. Greg. M. in Ezech. hom. 21. *Postmodum pro acquirendis laudibus laborant, & qui in verbis DEI quarebant prius lucra spiritualia, temporales postmodum favores sequuntur.* An non ex numero istorum es? etiam sanctissimi timuerunt, ne venenum mortiferum vanæ gloriæ in cor ipsorum irreperet; & tu, qui tam longè abes ab illorum virtute, quam justè timere debes? vide igitur, quid tibi faciendum sit, ut te à vana gloria præerves, & contra illam te munias?

PUNCTUM II. imò. considera, nil esse magis contrarium, & oppositum Christo JESU, quam vanam gloriam, desiderium propriæ laudis, & spiritum superbiæ, qui est propriè spiritus diaboli. Nunquàm cessavit Sal-

vator

yator noster prædicare nobis humilitatem; dedit illius nobis exemplum totâ vitâ suâ, maximè autem tempore passionis suæ, ubi tot ignominiiis affectus fuerat & opprobriis. *Pudeat igitur*, ait S. Bernardus, in Festo SS. omnium serm. 9. n. 9. *sectari gloriam, membra, quibus caput suum tam inglorium exhibetur, non habens speciem, aut decorem, vel aliquid ejusmodi &c. Pudeat sub spinato Capite membrum fieri delicatum, quod omnis interim purpura non tam honoris sit, quam irrisioni.* 2dò. quod inhære, ac flere minimè debeamus existimationi hominum, sed testimonio potius propriæ conscientiæ. *Gloria nostra hæc est, testimonium conscientiæ nostræ*, agebat Magnus Apostolus 2. Cor. 2. 12. Falluntur homines in suis judiciis, & dum nos laudant, plerumque hoc fit ex adulatione vel ad proprium ipsorum interesse, verumtamen *vani filii hominum, mendaces filii hominum in stateris, ut decipiant ipsi de vanitate in idipsum.* Ps. 61. 10. Stultitia est, illorum laudes exquirere tam anxie ac sollicitè; imò exponimus nos sic periculo nullam unquam à DEO consequendi, quam obtinuissimus tunc, quando quilibet electorum suorum talem ab eo obtinebit coram Angelis DEI; *tunc laus erit unicuique à DEO.* Cor. 4. 5. 3tiò. oportet continuò ante oculos mentis nostræ habere nihilum nostrum, miseriam nostram, ac peccata nostra; & dum

DEO

DEO placet, uti ministerio nostro, ad præcellens aliquod opus, ipsi soli propterea gloriam dare debemus, nobis autem nonnisi imperfectiones & defectus attribuere, quorum nonnisi peccata nostra causa esse possant, hoc ipsum monitum dat nobis DEUS ipse per Prophetam suum Ezech. 16. 61. & 63. *Et recorderis viarum tuarum, & confunderis, ut non sit ultra aperire os præ confusione tua, cùm placatus tibi fuero in omnibus, quæ fecisti, ait Dominus DEUS.* An sapius recordatus es hujus praxis, quādo supplantare te voluit tentatio aliqua vanæ gloriæ? vide, in quo hucusque deliqueris; & cura impofterum magis esse deditus humilitati. Habes grande exemplum ante oculos tuos humiliatum vides JESUM Christum in sacro Altari, tantæ demissione ac humiliatione, quæ omnino omnes homines confundere deberet, eorumque superbiam destruere, si vel parum fidei, vel pietatis haberent. O JESU, per hanc ipsam tuam profundissimam demissionem, rogo te, abstrahere cor meum ab omni vanæ gloriæ; intelligo enim nunc, & capio hoc: *vanitas vanitatum, dixit Ecclesiastes, Ecclesiastis 1. 3. vanitas vanitatum, & omnia vanitas, præter amare DEUM, & illi solè servire.* Imit. Christil. 1. c. 1.

FERIA SECUNDA

Invicem provocantes, invicem invidentes.
Gal. 5. 26.

Med. Pars Aut.

E

DE

82 *Feria Secunda*
DE ALTERCATIONE, ET CONTEN-
TIONE.

1. Sollicitudo talia evitandi.
2. Quibus mediis utendum.

PUNCTUM I. **S**Tatuamus nos ipsos in
præsentia, seu conspectu
DEI; bonum est, ut sapius hoc nobis suggeratur; quia ab hac imaginatione præsentiae DEI incipere debemus orationem nostram. Agnoscamus Apostolum hic loqui in nomine illius, quando nobis prohibet ejusmodi contentiones, altercationes, pungentia, & provocantia verba, à quibus charitas proximi læditur. DEUS noster, DEUS charitatis est; Christus JESUS Filius DEI venit in hunc mundum, secum apportare hunc ignem divinum; intentio ac finis illius erat, ut corda nostra hoc igne arderent. Magister est, qui vult discipulos suos nonnisi unum cor & animam unam habere; Rex est, qui in statu seu regno suo nequaquam pati vult turbas,urbationes, partialitates. Paterfamilias est, qui pacem & concordiam in domo sua inter suos exigit, *qui inhabitare facit unius moris in domo*. Psal. 67. 7. Caput est, quod nullam omnino inter membra sua divisionem vult. Accomodemus igitur nos voluntati ipsius; fideliter illi obediamus; conservemus sollicitè inter fratres unionem & pacem, quam à nobis petit, & expectat, ac omne illud studiosè evitemus, quod satribus nostris gra-

ve & molestum accidere posset; nolite laedere invicem; non facto, non verbo, non signo qualicunque, ait S. Bernardus scem. 39. in Cant. n. 4 Erratur in hoc puncto ideo, quia plerumque nos invicem tantum quoad exteriora, & quæ in sensus nostros cadunt, consideramus; quia vero aditus iste valde infirmus ac invalidus est, neque sollicitudinem adhibemus confortandi nos ex hac parte perfidem, hinc facile devenimus ad contemptus, ad rixas, ad vexationes: & unus alterum pungit, ac provocat diſteriis. *Invicem provocantes, invicem invidentes.* Parum ad hoc attendimus, aut curamus; habentur talia pro innocenti recreatione, pro lusu quodam, & re nihili; verum longè aliter de hoc judicant sancti; magnum propterea scrupulum suis religiosis faciebat S. Bernardus ibid. *Væ homini illi, per quem unitatis vinculum jucundum turbatur! iudicium profectò portabit, quicumque est ille; nec cavendum à gravioribus tantum offensis, sed à clandestino quoque & venenato susurro: Nescis quale malum commiseris? vulnus eidem intulisti, quod fortè nunquam amplius sanare valebis; ita uritur ille, & moritur clauso & lethali vulnere, intra semetipsum gemens. Dum totus in ira & diſceptatione positus, nihil aliud silens in mente versare posset, nisi injuriam, quam accepit. Non potest orare, non potest legere, non san-*
ctum, aut spirituale quid meditari. Et ite

intercepto vitali spiritu, dum suis destituta alimentis, vadit ad mortem anima, pro qua Christus mortuus est. Quid tu interim, quæso, animi habes? quid oratio tua; aut opus, quodcunque feceris, sapit tua? contra quem nimirum Christus anxie clamat de pectore fratris tui, quem contristasti; filius matris meæ pugnat contra me, qui simul mecum dulces capiebat cibos, replebit me amaritudine. Ostendunt hæ reflexiones S. Bernardi, quam sollicitè cavere debeamus omne id, quod proximum nostrum quoquo modo lædere seu offendere posset, quia tamen nihilominus sæpius etiam inter Clericos aliqui inveniuntur, qui in similes defectus prolabantur.

PUNCTUM II. Videamus, qualia sint præservativa, & cautelæ, ejusmodi defectus evitandi? imum est, ut valdè invigiles supra tuum modum agendi, ut nil tibi elabatur, quod proximum tuum offendere posset; magnæ diffidentię homo est, ais, quem omnia statim cruciant; vel levi ex causa tantum aliquid pro injuria sua interpretatur. Respondeo tibi cum S. Bernardo ibid. quò minor est res, eò facilius tibi erit illa abstinere; noli injuriam pro injuria reddere, nec contemptum pro contemptu; sed quamprimum reprime ejusmodi inclinationem, quæ in te exurgit, alium censurandi, humiliandi, deprimendi. *Sanè commotio tua ibi moriatur,*
ubi

post Dom. decim. quint. post Pent. 85

ubi oritur Nec permittatur exire, quæ mor-
temporat, ne perimat; ut dicere possis & tu
cum Propheta, turbatus sum, & non sum locu-
tus. 2dum est, ut magnam considerationem
facias infirmitatis fratrum tuorum. Fac, ut
eorum defectus non attendas, sed nonnisi
Christum IESUM in iis consideres; fiet sic,
ut cum ipsis reverenter loquaris, ut iis cedas
in disputando, & ut eorum opinioni, & sen-
tentia deferas, quantum salva veritate &
charitate fieri potest, idem sapiatis, ait A-
postolus, eandem charitatem habentes unani-
mes id ipsum sentientes; nihil per contentio-
nem, neque per inanem gloriam; sed in hu-
militate Superiores invicem arbitrantes; non
quæ sua sunt singuli considerantes, sed eas
quæ aliorum. 3tium, agendum in omni loco,
& occasione ex Spiritu Christi quod consili-
um nobis dat Apostolus ad initium hujus
Epistolæ, si spiritu vivimus, spiritu &ambu-
lemus. Oportet in & ex omni actione no-
stra elucere aliquid de bonitate, charitate,
mansuetudine, modestia, & sapientia; qua-
lem Christus in suo modo agendi ubique o-
stendit, & ut sine intermissione conside-
remus id, quod DEO Patri suo gratum esse
noverimus, qui est primus gradus contempla-
tionis, juxta S. Bernardum serm. 5 de di-
vers. n. 5. cui addere possumus, esse etiam
præ aliis necessariam; & minus subjectum
illusionibus *Primus contemplationis gradus*

est, ut incessanter consideremus. quid velit Dominus, quid placeat ei, quid acceptum sit coram ipso. Præparatio tua ad Missam bona erit, si hæc media in praxim deducas, rogâ DEUM, ut hanc tibi gratiam concedat. O Domine! quia non possumus amare te, quin & proximum amemus; neque offendere, quin te ipsum etiam offendamus, fac nos tam bene vivere in pace cum fratribus nostris, ut mereamur DEUM pacis semper habere nobiscum. Pacem habete, & DEUS pacis, & dilectionis erit vobiscum. 2. Cor. 13.

II.

(*)(*)***(*)***(*)***(*)***
FERIA TERTIA.

Frates, si præoccupatus fuerit homo in aliquo delicto, vos, qui spirituales estis, huiusmodi instruite in spiritu lenitatis, considerans te ipsum, ne & tu tenteris. Galat. 6. 1.

DE CORRECTIONE.

1. Quomodo fieri.

2. Quomodo admitti, seu accipi debeat?
PUNCTUM I. S. Paulus dat nobis has admirabiles regulas pro

correctione fraterna, quæ est punctum quoddam maximi momenti in doctrinâ morali Christianâ. imò. docet spirituales esse debere, si corrigere velimus alios peccantes; vos, qui spirituales estis, huiusmodi instruite.

post Dom. decim. quint. post Pent. 87

ite. Qualitas ista plures alias in se includit;
ut aliquis verè spiritualis sit, oportet, ut i-
psemet exemptus sit ab iisdem defectibus,
quos in alio reprehendit, alias sibi ipsi hanc
exprobrationem attraheret, *medice cura te-
ipsum &c* Luc. 4. 23 *Hypocrita, ecce pri-
mum trabem de oculo tuo, & tunc videbis eje-
cere festucam de oculo fratris tui.* Ut verè
spiritualis sis, oportet habere debitam scien-
tiam, & sufficiens lumen; sine hoc nonnisi
zelum cœcum, & indiscretum, quis sequitur,
vocatur bonum malum & malum bonum; id
reprehenditur, quod reprehendi non debet,
& quod reprehendi deberet, non reprehen-
ditur. *Ignorantes enim justitiam DEI, &
suam quærentes statuere, justitiæ DEI non
sunt subiecti.* Rom. 10. 3. Ut quis verè spi-
ritualis sit, oportet habere directionem, pru-
dentiam, & sapientiam, ut sciat se conforma-
re tempori, loco, & aliis circumstantiis, &
dispositionibus personæ, quam quis repre-
hendere vult, quia non possumus eadem ipsâ
regula semper & ubique & respectu omnium
uti. *Non una eademque cunctis exhortatio
congruit,* ait S. Gregorius 3. p. pastoral. c.
1. Aliter reprehendere oportet viros, & a-
liter fœminas; aliter juvenes, & aliter senes;
aliter pauperes, quàm divites, hæc est re-
gula, quam S. Paulus ipse suo Timotheo
dat; *Seniorem, ne increpaveris, sed obsecra
ut patrem, juvenes, ut fratres, anus ut
ma-*

matres juvenculas ut sorores, in omni castitate. 1. Tim. 5. 1. Secutusne es regulas istas? non nisi has observando pro spiritali censeris poteris. *Nihil sic probat spiritualem virum, quàm peccati alieni tractatio,* ait S. Augustinus in Epist. ad Galat. *cum liberationem ejus potius, quàm insultationem, potiusquè auxilia, quàm convitia meditatur.* 2dò. vult S. Paulus, qui alium corrigere velit, debere hoc facere *in spiritu lenitatis.* Dara increpatio ad aliud ordinariè non servit, nisi ut malum exasperet, & infirmum irretet; dulcorari igitur debent correctiones magna quadam modestia, & grandi moderatione; siquidem per seipsas satis jam aliquid de severitate habent; *grave quiddam est, ac molestum, argui,* ait S. Chrysostomus in Timoth. 5. *oportet molestiam rei mansuetudinis temperamento lenire.* Distinctio etiam fieri debet inter eos, qui ex ignorantia, vel malitia delinquant. Priores multa cum charitate, posteriores cum magna firmitate tractari debent, ut sic dometur superbia, & præsumptio rebellium, ac indocilium istarum animarum, qui jugum Christi JESU excutiant cum insolentia & obstinatione. Id ipsum iterum præscribit Paulus Tito quoad ancilas Insulæ Cretensis; *increpa illos durè, ut sani sint in fide.* ad Tit. 1. 23. 3tiò. exigit Apostolus ab iis, qui correctionem aliquàm facere volunt, ut considerent suam propri-

am infirmitatem, considerans teipsum, ne es
tu teneris Imaginari sibi ipsis debent, esse
se capaces, totum illud malum perpetranda,
quod alius quis patravit; *homo sum, hu-*
mani nihil alienum à me puto. Terentius.
Quo fortior est homo, eò magis sibi timere,
& suæ fragilitati diffidere debet; *qui stat,*
videat, ne cadat. 1. Cor. 10. 12. Quia non
est peccatum, in quod alius cadit, in quod
non etiam ipsi cadere possimus, ait S. Au-
gustinus, serm. 39. nov. edit. c. 6. n. 6. si
DEUS gratiâ suâ nos non sustineat. Pastores,
ministri Domini, quicumque demum sitis, qui
alios corrigere tentatis, en regulas, quas se-
qui debetis, si correctionem cum fructu fa-
cere velitis! considerate, & expendite eas
vobiscum, ut in praxi iisdem vos conforma-
re possitis. Tu verò, qui correctionem ali-
quam promeritus es, disce in secundo pun-
cto, quomodo eam acceptare & pati debeas.

PUNCTUM II. Oportet eam suscipere
amò cum docilitate. Grandis error & defe-
ctus est, si quis aversionem & contemptum
contra alios concipiat, à quibus corrigitur.
Indignari medico suo, exurgere in & contra
eum, qui vitam nostram conservare vult,
qualis, quantaque cœcitas! quid? *ergo ini-*
micus factus sum vobis, verum dicens vobis?
dicebat Paulus ad Galatas cap. 4. 16. Sic
etiam videbimus in Proverbio, quod Spiri-
tus sanctus nil magis, ac tanti juvenibus com-

mendet, quàm hanc ipsam docilitatem, *audiens sapiens, sapientior erit.* Prov. 1. 5. E contrario, *qui increpationes relinquit, errat.* Prov. 10. 17. Contemptus iste correctionis, origo est & causa omnium excessuum; id quod ipse DEUS peccatoribus minatur in hora mortis iis eventurum; *despexisti omne consilium meum, & increpationes meas neglexisti, ego quoque in interitu vestrorum debo.* Prov. 1. 25. addò cum humilitate, ita ut quis seipsum non excuset, sed errorē suum fateatur. *Iustus prior, est accusator sui.* Prov. 13. Impudentiam peccato suo addere, est, effrontem esse, committitque talis crimen idololatriæ proximū. Ipse Spiritus S. eos in numerum ponit. Dum Saul suam inobedientiam excusare, & justificare voluit, atque pro actu religionis vendere, dicebat illi Samuel, speciem hanc esse cuiusdam idololatriæ, si quis se excusare, & nequam submittere velit. *Quasi scelus idololatriæ, nolle acquiescere.* 1. Reg. 15. 23. Pro eo, ut talis veritatem adoret, ejusque illustrationi se dedat, nonnisi phantasiā propriam consulit, dæmonem pro consilio adhibet, passionem suam prædominantem sequitur, cœcæque obedientia exequitur, quod ipsa exigit. Quid exinde? malum fit incurabile, & ille, qui curam nostri habet, cogitur, ut nos deferat; *insanabilis fractura tua; pessima plaga tua; curationum utilitas non est tibi.*

Jerem.

Jerem. 30. 12. 3tiò oportet correctionē accēptare cum patientia absque murmuratione, contra eum, qui nos reprehendit, imò neque conqueri debemus contra modum correctionis. Neque dicas, si aliter mecum ageretur, & honestius ac moderatius tractaret, dārem meipsum, & cederem; verū hoc fit nimis crudē; nullam video observari discretionem vel mensuram, hinc impossibile mihi est, ferre talem correctionem. Ridicula sanē molities! oculos claudere debes, quoad defectus illius, qui te corrigit, vel reprehendit, neque aperire alium in finem, nisi ut bonum consilium & monitionem illius videas, utpote signum amicitiae illius erga te suæ. *Argue sapientem, & diliget te*, ait Salomon Prov. 9. 8. En! quid te oporteat facere. Sed quam rarū est, invenire talem sapientem, qui se corrigentem diligit! roga DEUM, ut talem te efficiat. Nam sive ille sis, qui correctionem facere, vel qui accipere debeas, haud quaquam ita te gerere valebis, absque auxilio gratiæ ipsius; pete hoc in præparatione tua ad Missam. Domine DEUS meus! qui nos constituisti in Ecclesia tua, ut fideles tuos in spiritu dirigamus, ad hocque ipsum nos terribilibus pœnis obligas, & sub interminatione indignationis tuæ, nisi eos pro tempore instruamus, & corrigamus in omni patientia; 2. Tim. 4. tu solus, Domine, scis quot errores comittāmus, sive

In danda, sive in acceptanda correctione, sive malè, & agrè eam ferendo, miserere mei; suscita mihi amicum fidelem, & illuminatum, qui me meorum defectuum adinoneat, quin defatigetur ex modico fructu, quem correctiones ipsius in me afferunt; da mihi cor docile, & humile, ut eas acceptem, & si ille fortè erret; tu ipse ô Domine, corriges me, sed fiat hoc à te; *in virga virorum, & in plagis filiorum hominum: misericordia tua autem tuam, ne auferas à me.* 2. Reg. 7. 14.

* * * * *

FERIA QUARTA.

Alter alterius onera portate, & sic adimplebitis legem Christi. Galat. 6. 2.

DE OBLIGATIONE SUPPORTANDI ALIORUM DEFECTUS.

1. In quo fundatur hæc obligatio.
2. Examen, utrum huic nostræ obligationi satisficiamus.

PUNCTUM I. Adoremus Christum **JESUM**, Dominum nostrum supportantem summa mansuetudine & patientia infatigabili defectus, imperfectiones, & cruditates eorum, quibuscum conversatus fuerat. Admiremur, quomodo adhuc quotidie nostros toleret tali bonitate, quæ nos sanè abundè doceat, quomodo & nos supportare debeamus fratres nostros, *si sic DEUS dilexit nos, & nos debemus alterutrum diligere.* 1. Joan. 5. 11. Quia verò tantam difficultatem

post Dominic. decim. quint. post Pent. 93

facultatem facimus, ut ad hoc nos resolvamus, videamus, in quo fundata sit hæc obligatio? fundatur imò in lege Christi JESU, quam à nobis fideliter impleri vult; *sic adimplebitis legem Christi*, ait Apostolus; & S. Augustinus serm. 164 de V. A. nov. edit. ait, nos illam nunquam impleturos, quid quid aliud facimus, si aliorum onera non portamus. *Quæ non implebitur, nisi invicem onera nostra portemus.* Grande præceptum, quod dedit nobis Salvator, est, ut nos invicem diligamus, sicut ipse dilexit nos; *hoc est præceptum meum, ut diligatis invicem, sicut dilexi vos.* Joan. 15. 12. Non potuit retardari Christus defectibus nostris, ergo neque nos absterri debemus. Si non nisi eos diligamus, erga quos sympathiam aliquam in nobis advertimus; si non nisi eorum voluntati, & genio obsequimur, & cedimus, qui nostro arrident, quale meritum exinde habebimus? an non & pagani hoc ipsum faciunt? charitas Christiana amplius ac longius se extendit, nullam personam excipit; non dependet à malo, vel bono humore, vel genio proximi; *in hoc cognoscent omnes, quia discipuli mei estis, si dilectionem habueritis ad invicem.* Joan. 13. 35. En signum! ex quo ut veri discipuli Christi agnosci valeamus! sic primi Christiani ab aliis dignoscebantur; non solum parati erant supportare defectus proximi, sed etiam prompti, ut unus pro
altero

altero moreretur, id, quod stupebant gentiles, prout Tertulianus apolog. c. 30. refert; *videte inquit, ut invicem diligunt, & ut pro alterutro mori sint parati.* Esto charitatis illorum imitator, & difficultatem minimè senties, supportandi aliorum defectus. addo fundatur hæc tolerantia defectuum aliorum in vinculo & arcta unione, quam inter nos ipsos habemus. Membra sumus unius ejusdemque corporis, nonnisi unam societatem, & unam rempublicam prorsus divinam constituimus, ut nos invicem sustineamus; *si quid ergo patiatur unum membrum, compatuntur omnia membra.* 1. Cor. 12. 26. Qui miseriis fratrum suorum non compatitur, neque ille meretur, ut quis ipsi compatiatur; qui eos durè tractat, dum errant, eadem duritie tractari meretur, dum ipse errat, qui supportare non valet infirmitates aliorum, neque suos ab aliis supportari sciat, & indignum se hujus tam præclari corporis membrum aliquod esse. Huic generali societati adde particularia vincula, quæ habere potes. Fortè vivis in communitate, in una domo, familia &c. Totum hoc obligare te debet, ut vos invicem supporteris; *quod si invicem mordetis, & comeditis, videte, ne ab invicem consummami.* Gal 5. 15. 3^{ti}o ipsæ infirmitates fratrum nostrorum ad illos supportandos nos obligant. *Debemus autem nos firmiores imbecillitates infirmorum sustinere,*

& non

Et non nobis placere; ait S. Paulus Rom. 15.
 1. attende ad hæc verba: *debemus;* adeoque
 non facimus illis gratiam aliquam, sed debi-
 tam aliquod indispensabile est, quod ipsis
 solvere debemus; *debemus, non donamus.* S.
 Chrysost in h. 1. Debemus horum infirmo-
 rum infirmitates tolerare, & illis indulgere,
 ut idem nobiscum fiat, quia neque nos exem-
 pti sumus à defectibus, & forte plures ad-
 huc, & majores illis habemus; si autem for-
 tiores essemus, *debemus sustinere;* ait Apo-
 stolus, *Et non nobis placere.* Non debemus
 propterea gloriari, sed DEO gratias agere,
 qui tales nos fecit, & gratitudinem nostram
 illi in eo ostendere, quod infirmitatibus fra-
 trum nostrorum compatiamur per pruden-
 tem quamdam condescendentiam, quæ ipsa
 correctio aliqua pro ipsis erit *repende DEO*
mercedem, qui talem te fecit, ait S. Chry-
 sostomus, Ibid. *tunc autem rependes quando*
infirmitates aegroti correxeris. Expende bonè
 omnes istas rationes; debent te sanè convin-
 cere de obligatione tua, quam habes, sup-
 portandi defectus proximorum tuorum; ve-
 rum quia hæc tolerantia rara est.

PUNCTUM II. Examina te super hoc
 puncto tanti momenti. Supportastine defe-
 ctus & imperfectiones fratrum tuorum; hæc
 ipsa patientiâ, & mansuetudine quam tibi i-
 pfi ab aliis exhiberi vis, memor hujus re-
 gulæ, quam Salvator omnibus præscribit, in

qua mensura mensi fueritis, remetietur vobis. Matth. 7. 2. Considerastine, DEUM tibi toties condonasse, & quidem tot defectus? ergo neque ipse defatigari debes, in condonando defectus illos, quos alii contra te committere possunt: *supportantes invicem, & donantes vobismetipsis, si quis adversus aliquem habet querelam, sicut & Dominus donavit vobis, ita & vos.* Coloss. 3. 13. Adhibuistine diligentiam vincendi in teipso oppositionem, & repugnantiam illam, quam in teipso advertis, contra humorem, vel modum agendi aliorum? excusandi illorum defectus? cooperiendo imperfectiones illorum quantum fieri potest? itaque cum illis agendo, ac si non adverteres talia? persuasus de hoc, non esse ullum hominem sine suis defectibus? & si nos habeamus, quod patimur a nobis? *cum omni humilitate, & mansuetudine cum patientia, supportantes invicem in charitate.* Ephes. 4. c. 2. An non liberius locutus de infirmitatibus corporalibus, & spiritualibus proximi? usque ad confusionem illius, coram aliis, & pro tua recreatione? an non ipsi insultasti; quando defectum aliquem commisit? imitando eum irrisorie in sua pronuntiatione, in gestibus, & modo incedendi, ac similibus, ut aliis risum moveres? denique an non iudicasti, onus esse nimis grave, audire confessiones rudium, & ignorantium? *percipere planctus afflictorum experiri im-*
patientiam

post Dom. decim. quint. post Pent. 57

patientiam & grotorum supportare importan-
tatem se rupulorum, & aliorum similium,
tibi valdè incommodorum? ô si bene feceris
hoc examen, invenies certè occasiones mul-
tas, ubi defeceris in charitate erga proxi-
mum. Pete veniam à DEO de his, antequam
ad Altare accedas, & propositum fac imi-
tandi bonitatem magni DEI tui, qui se no-
bis dare vult, non obstantibus omnibus
nostris miseriis, *estote ergo misericordes, sicut & Pater vester misericors est.* O Domi-
ne! qui me tanto tempore toleras, ut meri-
tò timere debeam, ne te tandem defatigent
miseriæ meæ, siquidem tam facilè defatiga-
ri me permitto miseriis aliorum, condona,
ac remitte mihi, quæso meam modicam cha-
ritatem, patientiam habe in me; gratiâ tuâ
suffultus, propono, quod velim supportare
defectus proximi mei, quancunque relu-
ctantiam intra meipsum experiar; & præfer-
re pacem, & charitatem omnibus aliis re-
bus juxta consilium Apostoli tui, quod mihi
his verbis dat, *super omnia autem charita-
tem habete, quod est vinculum perfectionis;*
& pax Christi exultet in cordibus vestris.

* * * * *

FERIA QUINTA.

*Communicet autem is, qui catechizatur
verbo, ei, qui se catechizat in omnibus bo-
nis. Gal. 6. 6.*

Medit. Pars Aut,

G

RE

RECIPROCA OBLIGATIO CLERICORUM ET SÆCULARIUM.

1. Clerici instruere debent populum.
2. Populus debet ipsis necessaria subministrare.

PUNCTUM I. Quod S. Paulus hic ait, ostendit simul, quid Clerici populo, quid populus Clericis debeat. Incipiamus à primis. Clerici, præsertim illi, quibus cura animarum incumbit, obligati sunt, docere populum mysteria fidei, & veritates illas, quæ ad salutem necessariae sunt. Non possunt secum quoad hoc dispensare, quin al cui essentiali suæ obligationi desint; jus, quod habent, petendi à populo Christiano subsidia vitæ, non fundatur, nisi in labore & cura instruendi, & catechizandi ad illos. Christus JESUS Luc. 10. 7. ait, *dignus est operarius mercede sua*, qui ergo laborare recusat, indignus est salario suo, ait S. Paulus, *communicet is, qui catechizatur verbo, ei, qui se catechizat*; qui ergo catechizare non vult, non meretur id accipere, quod destinatum & consecratum est, pro sustentatione ministrorum verbi DEI. Alibi ait: *qui Altari servit, de Altari vivat.* 1. Cor. 9. 13 qui ergo Altari non servit, de Altari nec vivere debet, neque panem auferre ei, qui hoc magis meretur, quam ille; *si quis operari non vult, non manducet.* 2. Thessal. 3. 10. Nescio: quid opponere valeant Clerici, laboris

post Dom. decim. quint. post Pent. 99

laboris inimici, argumentis tam stringentibus, & concludentibus; sed quid respondunt in extremo iudicio, his fulminantibus verbis Iudicis Supremi? *lac comedebatis, & lanis operiebamini, & quod crassum erat, occidebatis; gregem autem meum non pascebatis.* Ezech. 34. 3. *Pensem* itaque fratres, ait S. Gregorius hom. 17. in Eccl. *ensem*, *cujus damnationis sit, sine labore hic percipere mercedem laboris?* ecce, ex oblatione fidelium vivimus; sed nunquid pro animabus fidelium laboramus? illa in stipendium nostrum sumimus, quæ pro redimendis peccatis suis fideles obtulerunt, nec tamen contra peccata eadem vel orationis studio, vel prædicationis, ut dignum est, insudamus. Expende bene textum istum, & locum S. Gregorii; vide, utrum bene servias Ecclesiæ juxta obligationem tuam, per orationes, prædicationem, per exemplum sanctæ vitæ, & per illa mediâ, quibus Ecclesiam ædificare posses? si ita est; gratias DEO age, & ut magis adhuc animeris ad satisfaciendum obligationi tuæ.

PUNCTUM II. Hanc fac reflexionem Sacerdotes, qui suæ obligationi, & ministerio suo ritè satisfacere student, duplici honore dignos esse; maximè illos, qui laborant in concionando, & populo instruendo; *qui bene præsunt Presbyteri, duplici honore digni habrantur*, ait S. Paulus *maximè quæ*

laborant in verbo & doctrinâ. 1. Tim. 5. 17.

Per duplicem hunc honorē, intelligit Apostolus, fideles haud contentos esse debere; si pastores suos, & eos, qui illis Evangelium annuntiant, cum respectu & submissione audiunt, sed oportere, ut iis etiam de ipsorum sustentatione provideant. Debitores enim illorum sunt ob beneficium longē majoris considerationis, siquidem per hoc medium participes effecti sunt spiritualium divitiarum divinæ gratiæ; majori igitur ratione, & iure illis succurrere debent suis divitiis temporalibus; *si nos vobis spiritualia seminavimus, magnum est, si nos carnalia vestra metamus?* ait Apostolus ad Corinth. 1. Epist. 10.

11. Rationes, quas ad stabiliendum hoc jus affert, omninō convincunt; *quis militat suis stipendiis unquam? quis plantat vineam & de fructu ejus non edit? quis pascit gregem, & de lacte gregis non manducat?* 1. 7. nec sola ratio, decencia, usus, & consuetudo omnium populorum hoc exigunt, ut quis vivat de suo labore; sed hoc ipsum etiam lex divina præcipit; scriptum est enim in lege Moysis *non alligabis os bovi trituranti.* 1. 9. Si ergo Minister Christi laborat, si in Ecclesia facit id, quod bos in area dum triturat; si manum ad aratrum mittit, ut agrum dominicum colat, an non meretur, ut pro sustentatione illius cura habeatur? *nescitis, quoniam qui in Sacrario operantur, quæ in*
Sacrario

Sacrario sunt, edunt: & qui Altari deservi-
unt, cum Altari participant? *¶* 13. Ita pa-
riter voluit, & præcepit Dominus, est con-
clusio S. Pauli, ut cum iis, qui Evangelium
annuntiant, procedatur, *ita & Dominus ordi-
navit iis, qui Evangelium annuntiant, de E-
vangelio vivere.* *¶* 14. Popule Christiane!
qui audis Apostolum ab omni prorsus inter-
esse proprio alienum ita loquentem, satisfac
huic tuæ obligationi, tam rationabili, & tam
justæ, noli esse ingratus erga pastores tuos;
tribue illis bona voluntate, & ex corde, quod
illis debes, si in hoc deficias, teipsum damnas,
& in numerum arborum sterilium venis, ait
S. Hieronymus in Epist. ad Tit. 3. *¶* 14.
*Apostolicis viris, & evangelizatoribus Chri-
sti in necessariis usibus nolle tribuere, sterili-
tatis seipsum est condemnare.* Et vos mi-
nistri Altaris! contenti estote paucis; nolite
exigere nimis rigidè, quæ vobis debentur,
curam gerite pauperum, memores estote,
nil magis nocere progressui Evangelii, quàm
aviditatem bonorum temporalium. *Vidus,
& vestitus, sunt divitiæ Christianorum;* &
S. Chrysostomus Epist. 105. ad Paulin. non
timet dicere, pastores aliud habere non de-
bere, nisi victum & vestitum; *audacter di-
xerim, nihil præter victum & vestitum habe-
re oportere, ne ad ista trahantur desideria.*
in c. 51 ad Tim. Roga DEUM in præpar-
tione tua ad Missam, ut hæc observare va-

leas, sic enim utilis evades Ecclesiæ; tolle
superflua, & salubria surgunt. Utilitati ac-
cedit, quidquid cupiditati dēmis. S. Bern.
serm 58 in Cant n. 10.

FERIA SEXTA.

*Cum appropinquaret porta civitatis; ecce
defunctus efferebatur filius unicus matris
sua. Luc. 7. 12.*

DE COGITATIONE MORTIS.

1. Quid sit hora, seu momentum mortis?
2. Utilitas hujus cogitationis.

PUNCTUM I. EN exemplum, quod no-
bis Ecclesia bina vice
per annum proponit, semel in Quadragesi-
ma, & iterum Dominica decima quinta post
Pentecosten, sine dubio judicavit, & credi-
dit hæc sancta mater, exemplum hominis
juvenis, quem mors in flore ætatis suæ ra-
puit, spectaculum fore sufficiens ad instru-
ctionem nostram, & ad revocandum nobis in
memoriam, cogitationem & reflexionem
supra mortem, quam tam facile nobis è me-
moria elabi sinimus, etsi quotidie quasi, ante
oculos nostros cernamus exempla valdè fre-
quentia, ac insuper familiaria. Huic igitur
sanctæ illius intentioni cor respondeamus; &
aperiamus oculos nostros huic spectaculo,
videamusque hoc momentum, seu instans
mortis. Quid ergo est hoc instans mortis
seu momentum? instans est, quod quoad su-
am durationem modicum, & nobis parum
cogi-

cognitum est, nihilominus sufficiens ad faciendum longissimum illum transitum ex hoc mundo in alium. Momentum sanè formidabile in seipso, ubi totum illud, quod est in mundo, homini tali moritur, & ipse homo omnibus, quæ sunt super terram moritur. Momentum terribile, ubi anima, non obstante intima unione, quam cum corpore suo habet, ab hoc violenter abstrahitur, post grave certamen; ubi homo omnibus denudatus, ab omnibus separatus, oculis spectatorum nil aliud videndum relinquit, nisi corpus aliquod deformatum, quod incipit corrumpi. Momentum immisericors, ubi dives omnes thesauros suos amittit, & pro tota hæreditate sua nil reliquum habet, & acquirit, nisi pulverem sepulchri; *cum interierit, non sumet omnia, neque descendet cum eo gloria ejus.* Ps. 48. 18. Momentum, ubi Monarcha cum subdito, nobilis cum plebejo, sapiens cum ignorante, servus cum Domino, omnia omnino inter se confunduntur. *Pareus & magnus ibi sunt, & servus liber à Domino suo.* Job. 3. 19. Momentum millies adhuc terribilius propter suas sequelas, quam per semetipsum, sunt enim irreparabiles, sunt æternæ. *Ibit homo in domum æternitatis suæ.* Ecclesiastici 12. 5. Breve momentum, el decisivo, & decretorium, post quod pericula nulla amplius speranda est misericordias; neque justus quidquam amplius mereri potest.

test Momentum, cuius vel sola cogitatio, & recordatio timorem incurrit principi in throno suo, iudici in tribunali, cuius iustissimus pavor, & tremor Monasteria Religiosis replevit, cavernas poenitentibus, deserta solitariis. Momentum in quo Ecclesia putavit, & iudicavit, omni possibili modo succurrendum filiis suis, eosque juvandos. Vult, & ordinat, ut Sacerdos, in medio aliorum supplicandorum, & in præsentia moribundi existens, manus suas in Cœlum levet pro salute animæ illius imploret; *subvenite Sancti DEI, occurrite Angeli Domini, suscipientes animam eius.* Commend animæ. Ut animam illius in conspectu DEI præsenteret, quatenus agnoscere dignetur creaturam suam, ut invitet illum ad exhibendam ei misericordiam suam; *agnosce Domine creaturam tuam.* Vult, ut ægrotum accedat, animum illi faciat, exhortetur, & quasi ipse in manus DEI ipsum consignet, quasi portet ipsum ante conspectum ipsius DEI, Creatoris sui, *commendo te, charissime frater, omnipotenti DEO, te ei, cuius es creatura, committo.* Anne unquam feriam supra hoc momentum mortis reflexionem fecisti? quâ curâ usus fuisti, ut tibi momentum hoc propitium redderes? tantum abest, ut hac cogitatione nos occupemus, ut potius omnino eam è memoria nostra eliminemus; obliviscimur illius, & benè nobis est eum hac oblivione. Videmus quotidie ma-
gnos

gnos & parvos, juvenes & senes ad sepulchrum deferri; & aspiciamus talia, quasi nunquam morituri; *non est respectus morti eorum* Ps. 72. 4. Consideremus igitur in secundo puncto utilitatem hujus cogitationis.

PUNCTUM II. Quemadmodum ex omnibus alimentis panis omnibus praevalet, ita idem de meditatione mortis sentire debemus, ait S. Joannes Climacus Gradu 6. n. 3. estque hoc ex omnibus spiritualibus exercitiis utilissimum. Hac meditatio facit Religiosos, qui in communitate vivunt, amplecti labores & exercitia poenitentiae, humilia-
tiones, & contemptus, solitarios, seu eremitas, elongationem, seu fugam omnium negotiorum saecularium; orationem continuam, vigilantiam perpetuam, supra omnes actiones, & cogitationes suas. En in Clericis causat exactam observantiam omnium suarum obligationum, ardentem amorem in JESUM Christum, & desiderium sincerum, seipsum applicandi, & consumendi in servitio Ecclesiae. Verum generaliter dicere possumus, cogitationem seu memoriam mortis hos tres sequentes effectus post se trahere. Primo. elongat à nobis peccatum. Non morimur, nisi propter peccatum; *stipendium peccati, mors*; sed amplius non peccandum satis esset, si serio cogitaremus, nos aliquando morituros, id, quod Sacra Scriptura asserit, & nos docet; *in omnibus operibus tuis memo-
rare*

rare novissima, & in aeternum non peccabis.
 Eccles 7. 40. Statuamus nobis in omnibus
 actionibus nostris ante oculos nostros ultimā
 horam nostram, & brevi dissipabuntur inimi-
 ci salutis nostrae, superbia, avaritia, impuri-
 tas, & cetera vitia aculeum suum amittent,
 si fideliter iis opponamus miseriam, pulve-
 rem, putredinemque sepulchri; alio haud
 opus erit, ut illa vincamus, quā ut sapius
 nobiscum illud Jobi reperamus; *ecce nunc in*
pulvere dormiam, & si mane me quaesieris non
subsistam. Job. 7. 31. 2dō mortis cogitatio,
 abstrahit nos à mundo, qui ordinariē se illā
 occupat, brevi renuntiabit his perituris re-
 bus, omnia transeunt, dicit apud semetipsū:
præterit figura huius mundi. Vita hæc
 præsens, *fugit velut somnium avolans,* imō,
fugit velut umbra. *Torrens rapidus est* Job
 10. 8. qui secum omnes res temporis subje-
 ctas aufert, & in nihilum rapit; *momentis*
transvolantibus cuncta rapiuntur, dicebat S.
 Aug. in Ps. 38. *torrens rerum fluit.* Cogite-
 mus igitur de morte nostra, quamdiu hoc ut-
 iliter à nobis fieri potest; *modo fructuosè*
dicāmus, transeunt; ait hic S. P. in Ps. 23. *ne*
tunc infructuosè dicamus, transierunt. Di-
 camus hoc ad omne illud, quod nobis placet,
 ut ea contemnāmus, dicamus ad omne id,
 quod nobis durum videtur & terribile, ut
 illud non timeamus. Totum quod disparet
 ante oculos nostros, omnes mutationes &

per-

perturbationes, quarum nos testes sumus, omnes ætates, per quas transimus, omnes partes vitæ nostræ, quæ continuò fluunt, & se invicem protrudunt, renovant in nobis incessanter cogitationem hanc, quod omnia finem habeant, & quod alia vera bona, & mala vera, non dentur, nisi in æternitate; quodque huic tam propè simus, ut meritò pro nihilo haberi debeat intervallum istud, quod nos ab ea separat; *omnes morimur, & quasi aqua dilabimur in terram, quæ non revertuntur* 2 Reg. 14. 14. 3tiò. Cogitatio mortis ad bonam mortem nos perducit, dum nos vitam sanctam ducere facit. Clericus, qui hanc cogitationem mente sua versatur, omnes actiones suas ideo facit; ut DEO placeat; principium hoc S. Pauli constanter præ oculis habet; *nemo nostrum sibi vivit; & nemo sibi moritur; sive enim vivimus, Domino vivimus, sive morimur, Domino morimur, sive ergo vivimus, sive morimur, Domini sumus* Rom. 14. 7. Talis erat ratio agendi S. Anselmi, Archiepiscopi Cantuariensis, dum sibi Regem Angliæ indignatum audit, ac prævidit, quæ ab ira hujus principis mala & suæ personæ, & Religiosis suis timenda forent, ad hoc principium recursum suum habuit, tum ut seipsum erigeret in negotio tam difficili. Scripsi ad Regem, agebat ipsis; quamcunque ergo de me resolutionem capiat, hoc minimè vos turbare debet,

me.

memores hujus dicti Paulini: *sive vivimus, sive morimur, Domini sumus.* Epist. 1. 3. 82. Vivite ergo tam sanctè, ut verum sit dicere, quod DEO vivatis, & post mortem ad ipsum ituri sitis. Proficiamus ex hoc consilio S. Anselmi, & ex hac illius doctrina consistat nostra hodierna præparatio ad Missâ. Proponamus nobis sæpius deinceps de morte cogitandi, taliterque vivendi, ut nonnisi propter DEUM vivamus, ut post mortem uniri cum ipso mereamur per totam æternitatem. *Mementote, quia sive vivimus, sive morimur, Domini sumus; sic igitur vivite, ut illi vivatis, & cum moriemini, ad illum transceatis.* Anselm. ihid.

* * * * *

DIE SABBATHI.

Quam cùm vidisset Dominus, misericordia motus super eam, dixit illi: noli flere

DE SANCTIS DESIDERIIS MORTIS.

1. Optare debemus mortem, & non affligi ex ea.

2. Quomodo licitum sit eam sibi optare.

PUNCTUM I. **A**doremus hic compassionem istam charitatem Salvatoris nostri, qui tanta cum benignitate consolatur hanc miseram viduam, quæ filium suum deplorat; neque leviter pertranseamus verba hæc, quæ ad eum dixit: *noli flere*. Mors nequaquam pro nobis esse debet subjectum, seu causa lacrymarum; neque enim spes nostra,

stra, quam habemus de meliori vita, permittit nobis, ut dolori indulgeamus, prout infideles facere solent in morte suorum, *ut non contristemini*, ait S. Paulus 1. Thessal. 4. 12. *sicut & ceteri, qui spem non habent*. Quod tu mortem appellas, nonnisi species alicujus somni est, post quem resurrectio sequatur. Non est, nisi iter quoddam, ait Tertullianus de patientia c. 9. ergo lugere non debemus eum, qui ante nos abiit, sed eum sequi posse, desiderare debemus; *profectio est, quam putas mortem; non est lugendus, qui antecedit, sed planè desiderandus*. Si considero felicitatem, quam proximi nostri adepti sunt moriendo; & illud parum, quod amittendo hanc vitam perdiderunt, ait S. Greg. Nazianzenus, orar. 10. in laud. Cassens frat. adeo me non affligit mors illorum, ut potius gaudio me affici sentiam, dicamque ad DEUM: quando erit hoc, Domine, ut me pariter ab hac terrâ peregrina extrahas; ut ipsos sequar, & ad Patriam illam perveniam, ubi eos inveniam, qui ante me illuc pervenere? quando fiet, ut mors ponat nos in statu communicandi cum ipsis iisdem paradisi deliciis, & vivendi simul vitam æternam beatam? certè, fratres mei, pergit hic S. P. quid exspectare possumus hoc modico tempore, quod nobis ad vivendum restat, quam ut de die in diem majores misérias cernamus, plura mala patiamur, pluraque peccata com-

committamus, quàm hucusque commisimus? Hæc ergo consideratio, & non amissio amicorum nostrorum, periculum offendendi DEUM, cui expositi sumus in vita nostra, non verò dolor de morte illorum, subjectum esse debet, & ratio vera lacrymarum nostrarum, ploremus fratres, sed ploremus prout David, quod incolatus noster prolongetur; affligamus nosmetipsos, quod exilium nostrum finem non habeat; ploremus, quod vitam diligamus tot miseriis subjectam, quæque nos continuo periculo exponit, perdendi gratiam divinam. Hæc est iusta causa, & ratio lacrymarum, & gemituum nostrorum. In gemiscamus supra nosmetipsos cum S. Apostolo, & dicamus, quando tandem destruetur hoc vile tabernaculum, quod modò inhabitamus? an non brevi perveniemus ad illam domum, quæ non est constructa manibus hominum, & in æternum durabit? quousque tandem trahemus nobiscum continuo in omni loco sepulchrum quoddam vivum, in quo anima nostra quasi sepulta est in carne, quæ longè magis & deterius infecta est, quam ipsamet vera sepulchra? studeamus inde sentire cum hoc S. Doctore, inardescamus sancto quodam desiderio mortis; queramus ardentem, & suscipiamus cum gaudio mortem, quæ finem imponere debet miseriis nostris, & initium dare felicitati nostræ, à rebus huius mundi prorsus abstractis;
nam

post Dominic. decim. quint. post Pent. 111

nam ut alius Gregorius ait, hom. in Evan. *terrena substantia supernæ felicitati comparata, pondus est, non subsidium; temporalis vita æternæ comparatâ, mors est potius dicenda, quàm vita.* Sed ut hæc devotio nostra solida sit.

PUNCTUM II. Examinemus, quomodo liceat sibi ipsi optare mortem? ille verè virtuosus est, qui quotidie mortem exspectat, ait S. Joannes Climacus, gradu 5. ar. 7. verùm ille Sanctus est, qui eam in singulas horas desiderat; interim tamen non omne desiderium mortis semper bonum est. Sunt, qui mortem sibi optant ex impatientia, ex indignatione, & quandoque ex desperatione, quia gravari se vident morbis, afflictionibus; tale desiderium laudabile haud est, imò quandoque peccaminosum; ut ergo sanctè mortem desideres oportet illam optare, quia liberat nos à servitute peccati. Etiam innocentissimus inter homines, quamdiu hæc vivit, peccator est, ait S. Ambrosius l. de bono mortis. c. 3. oportet eum mori, ut sic amplius non peccet; morsque illius non tam vitæ ipsius, quàm peccatis finem facit? *mors finis peccatorum.* Optemus igitur mortem, ut peccatum nostri amplius non dominetur, non cessemus dicere cum Apostolo Rom. 7. 24. *infelix ego homo, quis me liberabit de corpore mortis hujus?* desideremus mortem, ut concupiscentia destruat, & ut amplius

in

in nobis non sentiamus legem peccati, & in-
 felicem illam propensionem, quæ nos ad pec-
 candum impellit; *ut destruaturs corpus pecca-
 ti, & ultra non serviamus peccato*; hinc ait
 Sapiens: *melior est mors, quam vita amara*,
 Eccles. 30. 17. seu miseriis plena; & S. Au-
 gustinus in Epist. 1. Joan. tract. 7. ait: *vie-
 tam hanc aliud non esse pro omnibus, qui
 sanctè vivunt, quam exercitium patientiæ*;
Sancti enim non amant vitam, sed tolerant.
 Aliud motivum adhuc perfectius, quo ad de-
 siderandam mortem nos moveat, est deside-
 rium, quod habere debemus, ut Christo per
 omnem æternitatem uniamur; taliter erat
 dispositus S. Paulus, *michi vivere Christus
 est, & mori lucrum*. Philip. 1. 11. Duplici ex
 parte coarctor, agebat hic Apostolus, nimi-
 rum desiderio immortalitatis, & vitæ beatæ,
 & zelo procurandi gloriâ DEI, ac salutem
 animarum; *coarctor è duobus; desiderium ha-
 bens dissolvi, & esse cum Christo, multò ma-
 gis melius, permanere autem in carne, ne-
 cessariam propter vos*. Ibid. v. 23. & 24. En
 perfectionem, ad quam tendere debet bonus
 Clericus; desiderare debet mortem, & con-
 tinuò suspirare, ac optare illud felicissimum
 momentum, quod eum inseparabiliter cum
 Christo conjunget; *sistivit anima mea ad
 DEUM fontem vivum, quando veniam, &
 apparebo ante faciem DEI*. Ps. 51. 3. In-
 terim desideria hæc, & vota semper conjun-
 cta

ita esse debent cum submissione, & conformitate ad divinam voluntatem, adeò ut quis cum S. Martino dicere possit: *Domine, si adhuc populo tuo sum necessarius, non recuso laborem, fiat voluntas tua.* Ecce quomodo se gerere, & loqui debeant veri ministri JESU Christi! tales nempe, qui obligati sunt, vivere in continuo spiritu mortis, & sacrificii, ut sic se conforment statui, illius victimæ divinæ, quam quotidie in altari immolant; tales qui tam urgentia motiva habent desiderandi adventum regni gloriosi, & triumphalis JESU Christi, ubi absolutè destruet peccatum, præcipitabit mortem in sempiternum, & omnia in ordinem suum reducet. Examina te modo, utrum ita dispositus sis? quid sentis de morte? Sancti eam considerant ut transitum ex hac vita ad DEUM: *discessus est ad DEUM*, ut complementum desideriorum suorum, vel *desiderii cumulus*, ut solutionem vinculorum captivitatis nostræ; vel *vinculorum solutio, vel oneris excussio appellanda est*, ait S. Greg. Nazian. orat. & tu quomodo consideras illam? ah si vel parum te supra te ipsum reflectas, invenies te adhuc mundo, vitæ huic, ac creaturis adhærere. Pro præparatione ad Missam, roga Christum Dominum, ut vincula illa dirumpat, quæ te impediunt, ne ad eum ire possis: O JESU! rogo te per tuam pretiosissimam mortem, inspira mihi sancta mortis

Medit. Pars Autum. H *desi-*

desideria! ah! derelictus sum ut pauper, & ut exul in regione inimica; ubi continua pugnā, & mala infinita & innumera inveniuntur. Solare me in exilio meo, Domine; mitiga dolorem meum; quia omnia mea desideria ad te tendunt. Totum, quod mihi mundus offert pro solatio, grāve mihi est, & displicens bonē DEUS! ardentē desidero te frui, fac mihi hanc gratiam, ut ita vivam patienter in hoc mundo, ut tali cum gaudio transire valeam ex illo, quale experiuntur amici tui in morte, *qui perfectus est, patienter vivit, delectabiliter moritur.* S. Aug. expof. in Epist. 1. Joan. Tract. 9.

DOMINICA DECIMA SEXTA POST PENTECOSTEN.

Obsecro vos, ne deficiatis in tribulationibus meis pro vobis, quæ est gloria vestra.
Ephes. 3. 13.

TOLERANTIA PRO ECCLESIA.

1. Gloriosum erat Paulo, pati pro Ecclesia.

2. Nostra gloria esse debet, ut illum in hoc imitemur.

PUNCTUM I. Pulchram hic materiam meditandi habemus, si proficere sciamus ex eo, quod Apostolus ad Ephesios scripsit: obsecro vos, ut animum non despondeatis ex eo, quod me tot, ac tanta pati videatis pro vobis, quia hoc gloriosius

riofum vobis est. O quàm admiranda sunt
verba ista Apostoli & zelo illius omnino di-
gna; docent nimirùm fideles, ut nunquam
scandalizentur ob ea, quæ ministri Ecclesiæ
propter illos tolerant; Clerici autem, ut sibi
continuò ante oculos ponant constantiam &
fortitudinem S. Pauli, qui tanta passus fuit
pro Ecclesia, & tanto cum gaudio, ut id glo-
riæ sibi duxerit, & etiam filiis gloriosum esse
putaverit; *quæ est gloria vestra*, illum nem-
pe Apostolũ, quem Spiritus S. consecravit, ut
esset columna immobilis, à qua sustendenda
esset Ecclesia; qui erat Doctor gentiũ, hoc est,
totius mundi, quem semine Evangelii reple-
vit; qui ipsemet 1. Cor. 9. 16. dixit: *Veni
mihi, si non prædicavero*, ita, ut visus fue-
rit majorem fiduciam posuisse in passionibus,
quàm prædicationibus suis. Fuit Ecclesia in
ortu suo, totis viribus Romani Imperii in-
pugnata, & magnus iste Apostolus tam for-
midabili potentia aliud non opponit, nisi o-
nus & pondus catenarum, & vinculorum sue-
orum, quando Ecclesiam amat ad tam forti-
bus inimicis validè resistendum, alia ipsis ar-
ma non subministrat, nisi patientiam; *in hoc
posui sumus*, 1. Thessal. 3. 3. quando de iis
loquitur, quæ pro fidelibus fecerit, ut suo e-
xemplo eos animaret, nonnisi de laboribus &
tribulationibus mentionem facit; *ne desicia-
tis in tribulationibus meis pro vobis*; quando
narrat extraordinarium successum prædicati-

onis suæ, id annotat, se multa prius passum fuisse; *scitis introitum nostrum ad vos, quia non inanis fuit, sed ante passi multa, & contumeliis affecti.* 1. Thessal. 2. Dum testatur, spem se habere copiosæ messis, & colligendi magni fructûs, addit statim, quod etiam multa sibi patienda restent, & plures habiturus sit inimicos, qui talia impedire velint, & hoc Ecclesiæ in bonum proventurum, iudicando, & desumendo hoc ex magnitudine laborum suorum; *ostium mihi apertum est magnum, & evidens, & adversarii multi.* 1. Cor. 16. 9. Dum vult, ut Epistolæ suæ efficaciter moverent illos, ad quos scriptæ erant, ait, scriptas esse in maximis angustiis, & pressuris; *ex multâ tribulatione, & angustia cordis scripsi vobis; per multas lacrymas.* 2. 2. 4. Dum seipsum excusat, & iustificat apud Ephesios, ostenditque quanta cum innocentia & sanctitate inter eos vixerit, non omittit dicere, factum hoc fuisse *cum omni humilitate, lacrymis; & tentationibus.* Act. 20. 16. Dum de sua conditione, & statu loquitur, ac titulo aliquo uti vult, ad vincula sua provocat; *vinculus Christi, & ego vinculus in Domino.* Adeo æstimat hæc sua vincula, & tanto in honore ac veneratione habet, ut putârit, novum honorem exinde accrescere senectuti suæ; *Pâulus senex, nunc autem & vinculus JESU Christi,* Ephes. 3. 1. & 4. 1. quando in aliquo gloriandum puta-

putabat, hoc faciebat adducendo tribulationes suas; *gloriamur in tribulationibus*. Dum quemdam in particulari commendare vult, summa, quam ei attribuit, laus erat, quod in vinculis eum genuerit, *quem genui in vinculis* ad Philem. Denique dum ea refert pro instructione nostra, quæ pro Ecclesia, quæ est Corpus Christi JESU, fecit, ait Coloss. 1. 24. se pro illa pati: *adimpleo ea, quæ desunt passionum Christi, in carne mea, pro Corpore ejus, quod est Ecclesia*. En! quænam fuerit gloria S. Pauli! Thesaurus crucis Christi tam abundans erat in ipso, ut totam Ecclesiam laboribus & tribulationibus suis divitem effecerit. Ah! quàm longè absumus ab ipsius virtute; & Ecclesia omnia suffert pro nobis, ingemiscendo, quod cernere nos debeat, & experiri tam socordes, laboris adeò inimicos, quòdque tantopere tribulationes fugiamus, nec resolvere nos possimus, vel minimum quid amore JESU patiendi, & pro Evangelio, dum interim totam gloriam suam in hoc ipso posuit S. Paulus.

PUNCTUM II. Meminerimus igitur gloriam nostram, in hoc debere consistere, ut illum imitemur, volo dicere, quòd pati debeamus cum sancto quodam gaudio omnes adversitates, quæ nobis in servitio Ecclesiæ occurrunt. Non permittit amor sanctæ hujus matris, quem nobis in eo ostendit, quod nos in ordinem ministrorum suorum admiserit,

ut inter labores, & ærumnas, quæ ministeri-
um nostrum comitantur, conqueramur. Qua-
so, quomodo conqueri audeamus, quod ali-
quid pro Ecclesia toleremus, siquidem tota
nostra felicitas in eo est, ut nos ipsos sacri-
ficemus pro ipsa ad exemplum tot sanctorum
Sacerdotum, & Pastorum Sanctorum, quo-
rum vitia in continua patientia transit! quid
non suffert bonus aliquis Pastor, si talis est,
qualem Christus JESUS habere vult? oportet,
ut incessanter gregi suo invigilet; ut
semper præsto sit, instruere, corrigere, & ad-
ministrare sacramenta; quod reliquum habet
temporis, etiã pars aliqua ipsius noctis tran-
sit in dolore & gemitibus, modo ob duriti-
em peccatorum, modò super relationem, vel
lapsus etiã ipsorum justorum; modo ob
præcipitatum & improvissam mortem suorum
parochianorum; modò ob decessum infantium,
antequam baptismum susceperint, modò
propter illos, qui veritati resistunt; quia sem-
per aderunt Joannes & Mambres, id est, ho-
mines corrupti in intellectu, & perversi in
fide, qui veritati resistunt, prout isti præ-
stigiatores se se opposuerunt Moyfi. Quid
non oportet tolerare Episcopum, si supra
Dioecesim suam sollicitè invigilet? 2. Tim. 3.
3. audiamus de super S. Chrysostomum hom.
44. in Acta Apostol. de seipso loquentem;
in quem statum redactus sum, dicebat ad
populum Constantinopolitanum? scitis, quod
per

per gratiam DEI jam tres anni sint, quod curam vestri in me susceperim. Verum est, quod non exhortemur, seu prædicemus vobis die ac nocte, quemadmodum S. Paulus; prædico tamen vobis tribus vicibus in septimana, & quandoque per integram hebdomadam. Quid feci hucusque? reprehendo vos, corripo vos, ploro, dolori meo indulgeo, & si afflictio mea mundo non est visibilis, nihilominus cor meum illâ omninò repletur. Patientiâ igitur opus est, si quis servire velit Ecclesiæ, prout oportet; *in labore, & ærumna*. Non deerunt nobis occasiones; tantummodo studeamus illis bene uti. Fiet hoc, si Ecclesiam amemus, sit ergo tessera nostra, qualem S. Paulus divino nostro Magistro attribuit; *dilexit Ecclesiam, & tradidit seipsum pro ea*. Ephes. 5. 25. Diligamus Sponsam JESU Christi, & Sponsam Ecclesiæ, neque fugiamus occasionem laborandi, & tolerandi aliquid pro illis! pete hanc à DEO gratiam ad Altare accessurus. O JESU, qui nobis toties calicem Sanguinis tui in manus nostras consignas, & simul etiam calicem passionis, ac adversitatum nobis gratiam concede, ut unum æquè ac alterum eadem fidelitate suscipiamus. Pro nulla re totius mundi vel minimum quid de Sanctissimo Sanguine effundere vellemus; igitur nec quidquam negligamus etiam, quod pro te pati possumus, ut dicere possimus cum Propheta, ex vero devotio

votionis sensu & affectu; *Calicem salutaris accipiam, & Nomen Domini invocabo.* Psal. 115.

(*)(*)***(*)***(*)***(*)***

FERIA SECUNDA.

Hujus rei gratiâ, flecto genua mea ad Patrem Domini nostri JESU Christi, ex quo omnis Paternitas in Cælis & in terra nominatur, ut det vobis, secundum divitias gloriæ suæ, virtute corroborari per Spiritum ejus in interiorem hominem. Ephes. 3. 14.

DE VITA INTERNA CLERICO NECESSARIA.

1. Clerici debent esse homines interni & spirituales.
2. Plurimi tamen vivunt vitam animale[m] & carnalem.

PUNCTUM I. **F**Ac pro te ipso eandem orationem, quam S. Paulus hic ad DEUM dirigit pro Ephesiis, quod eos confortare velit per suum Spiritum in interiorem hominem; eandem tu quoque pete gratiam; sed fiat hoc eadem devotione & fervore; *hujus rei gratiâ flecto genua ad Patrem Domini mei JESU Christi.* Roga Cœlestem Patrem, ut sua fortitudine te repleat, donetque tibi Spiritum vitæ alicujus internæ & spiritualis, sine qua neque ut bonus Christianus, neque ut bonus Clericus vivere potes; *ut det vobis secundum divitias gloriæ*

*gloriæ suæ virtute corroborari, per Spiritum
ejus in interiorem hominem.* Christianus in-
ternus, & spiritualis est ille, qui liber ab in-
ordinatis passionibus, & affectionibus, nullam
difficultatem habet, se totum DEO, ac saluti
suæ consecrandi & applicandi; *absconditus
est homo cordis.* 1. Petr. 3. Homo est, qui
ex fide vivit; qui se cogitatione æternitatis
pascit; qui continuo ante oculos suos habet
mortem, & judicia DEI; qui timet peccatum
& magnam sollicitudinem adhibet illud evi-
tandi; qui exteriora negligit; interiora verò
colit, & incessanter se ad hoc applicat, ut
cor suum purificet, ad serviendum DEO in
Spiritu & veritate; *nos enim externam qui-
dem speciem, ac velut picturam, parum ad-
modum curamus; in interno autem homine
multò plus operæ, studiique ponimus,* ait S.
Greg. Nazian. orat. 3. advers. Julianum.
Estne hoc ipsum, quod etiam tu facis? Cle-
ricus internus & spiritualis est homo oratio-
nis, assuetus conversari cum DEO, qui ab
ipso desumit regulam vivendi; attentus ob-
ligationibus suis, exactus in iis adimplen-
dis; qui intelligit, quid sit beneficium, qui
sentit onera officii, & ministerii Ecclesiastici;
qui statum hunc nonnisi cum horrore consi-
derat, de quo mundani homines, modo prorsus
indigno, quandoque loquuntur: *animalis
homo non percipit ea, quæ sunt Spiritus DEI;
stultitia est enim illi, & non potest intelligere*

re; *spiritualis autem iudicat omnia.* 1. Cor. 2. 14. Est homo sapiens, mansuetus, humilis, patiens, mortificatus, qui à longo tempore, & ex propria experientia scit seipsum vincere; & aptus etiam est, alios docendi artem reprimendi suas passiones, & resistendi diversis tentationibus, quibus in vita expositi sumus. Talis esse debet Clericus, qui pro sua & aliorum salute laborare vult; *ille modis omnibus debet ad exemplum vivendi pertrahi, qui cunctis passionibus moriens, iam spiritualiter vivit; qui prospera mundi postponit, qui nulla adversa pertimescit, qui sola interna desiderat &c.* Qui orationis usu, & experimento didicit, quod obtinere à Domino, quæ poposcerit, possit, ait S. Greg. pastoral. p. 1. c. 10. Quam rara est hæc qualitas, seu constitutio hominis interni & spiritualis apud Clericos! ut autem clarè hoc cernas.

PUNCTUM II. Oportet advertere cum S. Hieronymo, commentar. in c. 5. ad Gal. quòd homo carnalis sit ille, qui se totum delitiis & voluptatibus dat; spiritualis verò ille, qui gustat, & sequitur motus, seu inspirationes S. Spiritûs. Qui illum audit, illi obedit, tanquam Magistro suo; *carnales dicimur, quando totos nos voluptatibus damus; spirituales quando Spiritum Sanctum prævium sequimur, id est, cum ipso sapimus instruen, ipso docemur auctore* *Animales reos esse,* pergit hic S. D. Philosophos, qui proprios cogi-

cogitatus putant esse sapientiam. Porro quia multi omninò Clericorum, qui delicias amant & voluptates; iisque prorsus se immergunt; qui nonnisi rationem à peccato corruptam sequuntur, qui se ipsis seu proprio amore pleni sunt, qui non gustant res supernas & divinas, hinc fateri oportet, quòd pauci spirituales sint, plures è contrario, qui vitam prorsus animalem & carnalem vivunt. Experientia id ipsum nimis clarè, & ad oculum ostendit. Quod sunt e.g. in seminariis, cum quibus tota die sermo habetur de rebus divinis, in quibus tamen nullum gustum inveniunt? quot sunt prædicatores & pastores, qui alios doceant & instruunt, quin seipsos doceant? audiunt ipsi veritates clarissimas, easque populo etiam proponunt, & de terribilibus, ac maximi momenti rebus, & mysteriis Fidei nostræ, è Cathedra loquantur, ied sit hoc ab ipsis modo aliquo præcisè historico, & quia ipsi talibus non tanguntur, nec moventur, hinc neque in auditoribus suis ullum motum, vel sensum alicujus devotionis, compunctionis, gratitudinis, adorationis, multò minùs praxim aliquam, seu exercitium virtutum, & bonorum operum causant, & efficiunt. Status hic adeò defactò communis & ordinarius, magisque horrendus est, quam nobis imaginemur; quia ordinaria via, seu modus ab illo evadendi, est ut ita dicam, oclusus, & obturatus; alia enim via evadendi non patet.

tet, nisi verbum divinum, isti autem homines carnales fugiunt illud, nullum gustum exinde habent, imò etiam contemnunt; quis non contremiscat, & timeat pro illis? porro *illa tuarum clausula litterarum graviter me turbavit*, agebat Petrus Blesensis Epist. 76 ad quemdam Clericum, ejusdem sectum nominis, & ex eadem Civitate, sed talem, qui ex numero illorum erat, de quibus modo locuti sumus, nempe spiritualis ad hominem carnalem & animale scribebat; *turbavit me inquam, sermonem evangelicum vocas durum, insipidum, infantilem*. Respondeo tibi breviter: *non est durus sermo Domini; sed tu durus es, terrenus homo, carnalis, animalis*. Homo terrenus, carnalis & animalis est cæcus; nam juxta Apostolum talis homo non est capax, seu aptus ad illa, quæ Spiritus DEI docet: stultitia enim illi esse videntur, nec illa capere potest, *dum sermonem Domini durum vocas, istorum apostasiæ deformiter te conformas*, addis sermonem DEI tibi videri *insipidum*; valdè distas per hoc à sancta dispositione Prophetæ regii, qui præ gustu & gaudio exclamavit; *quàm dulcia faucibus meis eloquia tua, super mel & favum*. Ps. 118. 103. Denique *simplex* tibi videtur sermo evangelicus, infantilia, & simplicia non inficior; *nam semper amica est veritati simplicitas*. Igitur renova, mi charissime amice, concludit Petrus Blesensis, renova interiora

post Dom. decim. quint. post Pent. 125

animæ tuæ, ut quemadmodum portasti imaginem hominis terrestris, ita portes deinceps imaginem hominis cœlestis. Stude proficere ex hoc consilio hujus sapientissimi Archidiaconi, quod dedit huic Clerico; renuntia huic vitæ animali, & carnali filiorum hujus sæculi, allabora, ut tandem evadas in virum verè internum & spiritualem; & pro præparatione ad Missam, aspice exemplum, quod tibi dat Salvator tuus sub velo specierum Sacramentalium absconditus, tanquam sub sigillo humilitatis, perpetuò in hoc intentus, ut suum æternum Patrem ac DEUM adoret. Potesne cogitare de hac divina recollectione, & de hac interna vita Christi JESU in S. Altari, & interim tibi ipsi placere in tali vita prorsus mundana & sæculari? disce igitur te non amplius ita effundere in exteriora, dum magistrum ac Dominum tuum vitam vivere consideras adeò secretam & internam; *posuit tenebras latibulum suum, in circuitu ejus tabernaculum ejus. Ps. 17. 12.*

~~~~~  
FERIA TERTIA.

*Ut det Christum habitare per fidem in cordibus vestris. Ephes. 3. 17.*

### DE VITA FIDEI.

1. Quænam sit vita Fidei.
2. Quam nobis sit necessaria.

PUNCTUM I. **P**ostquam S. Paulus DE-  
UM rogavit, ut conforta-  
ret



ret Ephesios in homine interno per suum Spiritum S. rogat insuper, ut faciat Christum JESUM habitare in cordibus eorum per fidem. Adjungit, vitæ æternæ, de qua heri egimus, vita fidei, de qua hodie tractabimus. Incipiamus statim à præstando homagio adorationis, gratitudinis, & amoris erga Dominum nostrum JESUM Christum, qui per fidem in cordibus nostris habitare dignatur, vult nos esse sanctos; vult, ut insistamus vestigiis suis; & in hunc finem desiderat, ut per fidem vivamus, quæ est participatio quædam vitæ divinæ, qua ipse vivit, quamque è sinu Patris sui haurit. O quàm pretiosa est hæc vita fidei! æquum est & justum, ut bene de illa instruamur. Quid ergo est vita fidei? scriptura docet nos, esse vitam justī in hoc exilio; *justus autem meus ex fide vivit.* Hebr. 10. 38. Vivere itaque vitā fidei, est vitam ducere juxta regulas justitiæ, eamque totā referre in DEUM, abnegando naturā, & sensus nostros, per quos à DEO abstrahimur, quia vera justitia consistit in eo, quod quis in omnibus prorsus rebus se DEO subjiciat; hinc dictum est, justum, si se DEO subtraxerit, eidem haud placiturum, *quod si subtraxerit se, non placebit animæ meæ.* Ibid. Vivere vitā fidei, est elevare seipsum supra res præsentēs, neque alligare se rebus transitoriis, sed unicè æternis adhærere; *non contemplantibus nobis, quæ videntur, sed quæ non videntur.*

*videntur. Quæ enim videntur, temporalia sunt; quæ autem non videntur æterna. 2. Cor. 4. 18. Vivere vitâ fidei, est renuntiare spiritui veteris hominis, ut quis nonnisi spiritum novi hominis sequatur; est loco opinionum & principiorum, quæ nobis natura & sensus nostri inhihent, substituere principia, & regulas Evangelii; denique est renuntiare mundo, & semetipsum abnegare, ut DEUM vocantem sequamur, illique ex toto corde uniamur. Si ergo cogitationes nostræ objectis præsentibus non adhærent, neque sive bona, sive mala hujus mundi amplius nos distrahunt, seu impediunt ab attentione illa, quam DEO debemus; si nihil ex his rebus visibilibus desideramus, quod erat principium S. Ignatii, Epist. ad Rom. *nihil de his, quæ videntur, desiderant*; si gaudium nostrum, & tristitia nostra originem non trahunt ab iis; quæ videntur, sed quæ credimus; si denique omnes affectus cordis nostri nullatenus terram, sed Cælum petant, tunc dici potest, vivere nos vitâ fidei, quæ nonnisi objecta invisibilia, quæ speramus, ut Apostolus Hebr. II. 1. ait, *habet; sperandarum substantia rerum, argumentum non apparentium*. Vide nunc, utrum vita fidei vivas, estne hæc regula opinionum tuarum, & actionum, totiusque vitæ ratio? judicâsne secundum lumina, seu principia istarum rerum terrenarum, bonorum, divitiarum, officiorum, beneficiorum? an non sequetur*



sequeris falsas illas ideas, quas mundus de rebus ejusmodi format? consulisne fidem in dubiis, difficultatibus, & negotiis tuis? suntne instructiones & decisiones tuæ doctrinæ morali Evangelii conformes; potesne denique dicere cum Apostolo Galat. 2. 20. *in fide vivo Filii DEI*? ah! si te super hoc reflectas, invenies ex propria tuâ experientia, quàm hæc vita fidei rara sit; interim.

PUNCTUM II. Nil magis necessarium, quàm hæc ipsa vita fidei; nam quia ex omni parte circumdati sumus istis rebus visibilibus, & nostra concupiscentia continuò nos talibus adhærere facit, hinc nullus est locus, nullum tempus, nulla occasio, ubi necesse non sit, ut per fidem vivamus, ut sic nos conservemus in justitia & exercitio bonorum operum. *Fomes operum fides*, ait S. Paulinus Epist: ad Severum Magna hæc virtus alios limites nescit, nisi illos, quos vita nostra habet, debetque exerceri in omnibus prorsus occasionibus, si curæ nobis est salus nostra, nec passum ullum seu gressum facere possumus, quin præ oculis nostris habeamus has duas diversas vias, vitæ nimirum, & libertatis: quæ est vita fidei, & captivitatis, ac mortis, quæ est vita naturæ. Semper nobis ipsis invigilare cogimur, ut non supplantemur, sed bene eligamus: id quod ansam dedit S. Cyrillo Jerosolimitano dicendi, debere nos continuò in ~~animis~~ nostris habere lampadem

dem fidei accensam & lucentem: *fidei lampades non extinguas, manutenendo, custodite.*  
 Catechesi 1. Necessaria nobis est lux ista, ut sanum iudicium formare valeamus de vocatione nostra, illique fideliter respondeamus: ut agnoscamus obligationem nostram; illique satisfaciamus: ut gloriam DEI, ac animarum salutem procurare, ac promovere valeamus; uno verbo per hanc evadere possumus homines DEI, ut ait S. Clemens Alexandrinus, Stromat. 1. 6. *per fidem sunt homines DEI* Si autem ullum unquam tempus sit, quod vita fidei opus habeamus, specialiter tempore adversitatis, & afflictionis illud opus habemus; tunc vel maxime recursum ad illam habere debemus, & auxilium ab illa quærere, id est, ab ipso DEO, prout S. Augustinus in Ps. 90. n. 10. ait: *fides sit tecum, & tecum est DEUS in tribulatione.* Mare fluctus suos commovet; navis tua agitatatur, quia Christus JESUS dormit; dormiebat olim in navicula, quâ vehebatur; & ii, qui in illa erant cum ipso, in periculo pereundi versabantur. *Si fides tua dormit in corde tuo,, tanquam in navi tua dormit Christus; quia Christus per fidem in te habitat, cum turbari ceperis, excita Christum dormientem, erige fidem tuam, & noveris, quia non te deserit.* ibid. Nequaquam dormiebat JESUS Christus in corde S. Eusebii Episcopi Samosatani, qui se ambabus manibus osculabatur. *Medit. Pars Aut,* I *scribat,*



ferebat, Legato ab Imperatore Valente ad se misso, dixit posse quidem eas amputari sibi, minimè verò se cogi, ut extradat acta ab Episcopis Catholicis sibi tradita, & concedita, in quibus malitia Arianorum clarè continebatur. Theodoret l. 2. hist. Eccles. c. 31. Non dormiebat Christus JESUS in corde S. Basilii, quando Officialis quidam ejusdem Imperatoris post intentatas minas exilii & ipsius mortis, sed inutiliter, subitaneâ irâ correptus, & abreptus, furore plenus eidem minatus fuit, se violenter jectur ex corpore ipsius extrahi mandaturum, absque ulla alteratione, nonnisi frigidè ei respondit, hoc sibi omninò gratum fore futurumque medium sanitatis suæ, cùm ex hac parte maximas pati debeat infirmitates. Grandes hi Viri & Sancti vivebant planè ex fide, de qua nos tantummodo loquimur. Roga Dominum JESUM instantè, ut per hoc Sanctissimum Sacramentum, ad quod toties accedis, fidem tuam accendere, vivacioremque, & magis activam reddere dignetur. Domine, adauge nobis fidem. Luc. 17. 5. O JESU, abbi vive in nobis per fidem, ut firmi & immobiles simus in tuo servitio; pleni que zelo ardenti in exercitio bonorum operum; ut inveniamur in fide stabiles, & in opere efficaces. Oratio Ecclesiæ.

\* \* \* \* \*

FERIA QUARTA.

Ut possitis comprehendere cum omnibus sanctis,

post Dom. decim. sext. post Pent. 131

*His, qua sit latitudo, & longitudo, & sublimitas, & profundum, scire etiam supereminentem scientia charitatem Christi, ut impleamini omnem plenitudinem DEI. Ephes. 3.*

## DE CHARITATE CHRISTI ERGA HOMINES.

Debent Clerici in eo esse.

1. Ut eam comprehendant.
2. Et imitentur.

PUNCTUM I. **Q**UOD S. Paulus Ephesis optat, totum id est, & omne, quod quilibet bonus Christianus & Clericus desiderare debet in hac vita, nempe, ut comprehendere valeret latitudinem, longitudinem, sublimitatem, & profunditatem mysterii DEI Incarnati, & illam immensam extensionem charitatis JESU Christi erga homines, quam Crux illa, cui pro peccatis nostris affixus erat, longè clariùs nobis ob oculos ponit, & efficacius prædicat, quàm quidquid aliud, quod nobis de illa dici posset. Longitudo illius, (ait quidam interpres. Estius in hunc locum) denotat tempus, latitudo loca illius, sublimitas gloriam, profunditas discretionem, seu separationem electorum à reprobis. Ille comprehendit longitudinem crucis, qui agnoscit & intelligit, à principio mundi ad finem usque sæculorum neque fuisse, neque futurum ullum hominem, qui aliter salvus factus sit, vel fieri possit, nisi per merita passionis D. N. J. C. latitudo



dignoscitur ex eo; quod sciamus Ecclesiam  
 ex latere ipsius lanceæ aperto ortam, diffun-  
 di per totum orbem terrarum, quemadmo-  
 dum Eva desumpta fuit ex latere, seu costa  
 Adam sponsi illius; elevamur ad cognoscen-  
 dam illius sublimitatem, quando lumine fi-  
 dei illustrati, & convicti agnoscimus, ex vi-  
 lirate & humilitate Crucis provenire, quod  
 ad sublimitatem gloriæ nos perveniamus;  
 denique comprehenditur profunditas, si con-  
 siderando consilia misericordiæ divinæ super  
 nos è massa corruptionis, & quam modicus sit  
 numerus, quibus talia possint, exclamemus  
 cum Apostolo; *ô latitudo divitiarum, sapi-  
 entia & scientia DEI, quam incomprehen-  
 sibilia sunt judicia ejus, & investigabiles  
 via ejus.* Rom. 11. 33. Verùm hoc longè  
 melius adhuc comprehenditur corde, quam  
 intellectu; adeò, ut quod in hac meditatione  
 facere possimus, hoc sit, ut permaneamus in  
 silentio & admiratione mysterii adeò ineffa-  
 bilis charitatis Christi JESU erga homines,  
 quæ omnem captum nostrum, omnes ideas  
 nostras, & quascunque possibiles expressio-  
 nes, longè transcendit. Vel si aliquid dicere,  
 & loqui volumus, sufficiant nobis hæc verba  
 S. Pauli: *in fide vivo Filii DEI, qui dilexit  
 me, & tradidit semetipsum pro me.* Gal. 2.  
 20. O Domine DEUS Omnipotens! & Rex  
 Sanctorum omnium, quis te non laudet? quis  
 tibi non benedicat? non possum capere, quæ  
 pro

pro salute mea fecisti; factus es homo; elegisti naturam nostram præ natura Angelica, voluisti transire per omnes ætates hominum; cum ipsis conversari; omnia pati, & tolerare, quæ ipsi patiuntur; tentari ut illi; mori illorum instar; non possum exprimere excessum bonitatis tuæ; contentus igitur ero, ut dicam cum Apostolo tuo: *in fide vivo Filii DEI, qui dilexit me* &c. l. c. Dicam hoc per singulas horas, singulis momentis, ut ita per continuam gratiarum actionem gratitudinem meam tibi exhibeam; *beatus, multumque felix*, ait S. Hieronymus, in hunc locum Ep. ad Galat. *qui vivente in se Christo, per singulas cogitationes & opera potest dicere: in fide vivo Filii DEI, qui dilexit* &c. Sed quia Clerici obligati sunt laborare pro salute animarum, non sufficit illis, ut studeant cognoscere, & comprehendere charitatem JESU Christi erga homines.

PUNCTUM II. Debent insuper solliciti esse, ut eam imitentur. In societatem assumpti sunt divini illius Sacerdotii, hinc debent fidelibus in seipsis exhibere imaginem quandam sensibilem vitæ illius qualem ille duxit: debent comparere vestiti ipso JESU Christo; *Christus magna Sacerdotum tunica*, dicebat quidam ex veteribus PP. debent exprimere admirabiles dispositiones summi huius Sacerdotis, specialiter hanc immensam illius charitatem, quam pro salute hominum

13 habu-



habuit, quæ eum eò adgit, ut voluerit esse  
 similis nobis, ut esset talis ad Patrem suum  
 pro nobis Pontifex, qui posset compati infir-  
 mitatibus nostris, & orare pro populo, ut S.  
 Paulus Hebr. 2. 17. loquitur; *unde debuit  
 per omnia fratribus similari, ut misericors  
 fieret, & fidelis Pontifex ad DEUM, ut  
 repropitiaret delicta populi.* Ut igitur eum  
 in hoc puncto imitemur, debemus ad exem-  
 plum illius necessitatibus populi nostri com-  
 municare, & partem aliquam eorum, quæ  
 patiuntur, in nos assumere; & in tentationi-  
 bus eorum eos solari, si hoc non facimus,  
 nunquam in statu, seu capaces erimus, ut  
 debitam iis assistentiam exhibeamus; conse-  
 quenter obligationibus ministerii nostri nun-  
 quam satisficiemus. S. Cyprianus hanc ver-  
 ritatem optimè sibi persuasam habebat, dum  
 compassionem gerendo cum pluribus ex gre-  
 ge suo infelicitè lapsis, quos furor persecu-  
 tionis dejecerat, plane paterno affectu, &  
 charitate plenus, ut eos Christo JESU de-  
 nuò lucraretur, iis dixit: ego vobiscum do-  
 leo, & nequaquam exinde consolationem  
 cupio, quod ego solus relictus sim sanus, &  
 integer; siquidem verus pastor longè viva-  
 cius sentit plagas & vulnera gregis sui, quàm  
 ipse grex; *quantò plus pastor in gregis sui  
 vulnere vulneratur.* Cypr. de Lap. Pariter  
 vobiscum contristor, & pondus tristitiæ ve-  
 stræ etiam ego sentio; *cum plangentibus  
 plan-*

*plango, cum deflentibus defleo; cum jacentibus jacere me credo. Idem gladius, qui vos vulneravit viscera quoque mea pertransivit; adeò ut dicere haud possim, seu exemptum à violentia persecutionis, siquidem affectus ille, quem erga fratres meos gero, omnes illos ictus me sentire quoque fecit, quos illi exceperunt: in prostratis fratribus, & me prostravit affectus. O JESU, ah! fac quæso, ut omnes pastores, & ministri Evangelii tui eum imitentur, quemadmodum magnus hic Episcopus te fuit imitatus; ut cor habeant plenum erga miseras & necessitates populorum suorum. Dona eis ad hunc effectum gratiam tuam, quæ illis auferat cor lapideum, & det illis cor carneum erga fratres suos, ut omnibus eorum necessitatibus ad exemplum tui communicent. Fac de hoc præparationem tuam ad Missam; & ut ad praxim deveniamus, considera unum ex excellentioribus mediis, acquirendi cor verè compassivum super miseriis proximorum nostrorum, esse, ut sæpius te reflectas supra tuas proprias miseras; nam, ut S. Bernardus de grad. humil. c. 3. ait, ut ob alienam miseriam cor miserum habeas, oportet, ut tuam prius agnoscas, ut proximi mentem in tua invenias, & ex te noveris, qualiter illi subvenias; sicut enim pura veritas non nisi puro corde videtur, sic miseria fratris veritas misero corde sentitur.*

FERIA



*Cum intraret JESUS in domum cujusdam Principis Phariseorum, Sabbatho manducare panem, & ipsi observabant eum. Luc.*

14 1.

### DE INVIDIA.

1. Nihil odiosum.

2. Nil tamen communius.

**PUNCTUM I** O Quam maligni, & perturbati sunt oculi invidorum, ut aliquid vel in ipsa sanctitate reprehensibile inveniant! quis sibi promittere possit, se ab iis securum, siquidem vel ipse Salvator persecutionem eorum non evasit! *& ipsi observabant eum.* Nunquam desistebant Pharisei ab invidia sua contra eum, quousque non à passione sua hac eò impulsu fuere ad inveniendum medium, quomodo eum perderent. Ipse Judex, qui eum ad mortem condemnavit, agnovit clarè quod nonnisi invidia stimulante, manibus suis fuisset consignatus: *sciebat enim quod per invidiam tradidissent eum.* Matth. 27. 18 Ah! quis non detestetur scelus illud, quod vel ipsiusmet auctorem vitæ neci tradidit! sed ut melius adhuc instruamur, & majorem horrorem contra hoc crimen concipiamus, examinemus quid sit invidia? tristari de bono proximi, gaudere de illius malo. En! hæc est propriè invidia. *Nequam est oculus lividi.* Eccl. 14. 8. Si tolerare, & ferre non potes prosperitatem  
pro-

proximi tui, si secretum & occultum odium erga illum concipis eò, quod felicior plura bona possideat majoris authoritatis & famæ, majoris industriæ; perspicacioris intellectus sit; pluraque forte talenta, & virtutes possideat, quàm tu, tunc planè invidus ei es; si gaudes, dum audis, demum aliquod illi accidisse infortunium passum, ab aliis humilitum, & contemptum fuisse. invidus es. Porro nil odiosius est, quam hoc vitium, imò destruit charitatem. Proprium hujus virtutis est, omnibus hominibus omninò optare, ut illis benè sit; proprium è contrario invidiæ est, habere animi dolorem, ac impatientiam ex bono illo, quod alii possident, quodque illis eripere vellet, si posset, & vires sufficientes ad hoc haberet. Invidi nullum rivalem, seu comparem tolerare possunt; soli vellent æstimari; soli honorari; & adeò non vivunt cum suis fratribus in pace & unione, quam ipsis societas inspirare deberet, ut potius ex invidia se ab iis separent, & mostra privata esse velint; & dum hac passione abripiuntur, neque illis parcere possunt, quibuscum eandem naturam participant; ait quidam Pater: *parcere nequeunt iis, quorum se genus esse cognoscunt.* Cassiodor l. 2. variorum. 2dò hominem diaboli similem reddit. *Invidia diaboli, mors introivit in Orbem terrarum; imitantur autem illum, qui sunt ex parte illius.* Sap. 2. 14. S Chrysostomus



Stomus nullam difficultatem habet appellan-  
 di hominem invidum diabolum; imò, quod in  
 aliquo sensu pejor sit ipso diabolo; nam invia-  
 dus amat malum, ut malum queniadmodum  
 diabolus, *nec tam suis malis, quam alienis  
 bonis infelix est.* En! quid invidum diabolo  
 similem faciat; verum, in quo malitia ipsius  
 major esse videtur, hoc est, quod invidia da-  
 monum non se extendat adversus alios da-  
 mones: hominum autem invidia eousque pro-  
 cedit, ut unus alterum supplantare, & de-  
 struere satagat; *invidi demonibus pares sunt,  
 & forte deteriores, siquidem demones consor-  
 tibus non insidiantur.* S. Chrysost. hom. 44.  
 ad pop. 3tio vitium hoc ad omne genus ex-  
 cessuum perducit; non est minus fecundum,  
 quam perniciosum, ait S. Cyprianus de zelo  
 & livore, *late patet zeli multiplex & facum-  
 da perniciēs, radix est malorum omnium, fons  
 cladum; seminarium delictorum, materia cul-  
 parum.* Visne cognoscere damna, & clades,  
 quas invidia causat? aperi Libros Sacros, &  
 invenies, quod sit causa calumniarum, prodi-  
 tionum, injustitiarum, latrociniorum, & alio-  
 rum plurium, maximè enormium scelerum.  
*Abelem occidit invidia; fratres contra Josephum  
 animavit, Daniele in lacum leonum misit,  
 Caput nostrum Cruci affixit,* ait S. Aug. serm.  
 18. de temp. quis ergo horrorem non conce-  
 piat contra hoc vitium? quamquam autem  
 hoc vitio nil sit odiosius, videbimus tamen in

secunda

secundo puncto, quod nil communius illo sit in mundo, & quod peccatum sit infinitorum hominum

PUNCTUM II. Invidia contagiosum est malum, ait S. Chrysostomus, quod se ubique diffundit. Intrat in palatia Magnatum, & totidem ibidem invidiosos facit, quot ibi inveniuntur, qui Principi famulantur. Si ex aula transeamus ad plebejos, ferè totidem iterum inveniemus, cum omnia plena sint invidia. Maledictum hoc peccatum etiam in tabernas mercatorum se insinuat, usque in summam curiam, inter Senatores; & quod adhuc magis molestum ac grave accidit etiam in ipsam Ecclesiam & monasteria. Clerici non magis exempti sunt ab hoc vitio, quam sæculares. Claustrales, quam homines mundani, tam qui in communitate vivunt, quam qui vitam privatam ducunt, invidia laborant. Quid sentis de hoc, magne Apostole, qui sapissime te expositum vidisti molestissimis invidorum oculis? *quidam propter invidiam, & contentionem Sc. Christum annuntiant non sincere, existimantes pressuram se suscitare vinculis meis.* Philip. 1. 15. Quidam prædicant Christum, estne hoc malum quid? absque dubio; non faciunt idipsum, quod ergo; sed ex invidia illum prædicant, & ut mihi molesti ac graves sint; & hoc malè ab eis fit. Laboriosum ac periculosum est, annuntiare Evangelium; hunc tamen laborem libenter in se susci-



sciunt, ac huic periculo se exponunt: quia  
 vero invidia meliorem partem in hoc ipso-  
 rum ministerio obtinet, quod de se adeo  
 sanctum est, hinc sit, quod DEUM prædica-  
 tione sua offendunt. O crudelitatem! ô furo-  
 rem! exclamat hic S. Chrysostomus; quia S.  
 Paulus quamdam reputationem sibi concilia-  
 vit & obtinuit, vani & invidiosi quidem ho-  
 mines hoc pati non possunt. Satis illis non  
 erat, si eum afflictum, catenis gravatum, in  
 carcere persecutiones patientem videant, in-  
 vidiam contra eum secretam, & occultam  
 concipiunt, vellentque illum jam mortuum  
 videre. An non & ipse secutus es agendi mo-  
 dum istorum adversariorum, & inimicorum  
 S. Pauli? an non ex aliquo spiritu invidiæ, &  
 æmulationis concionaris? an non spernis alio-  
 rum laborem? an non dominatur tibi aliquo  
 modo invidia & zelotypia? examina teipsum  
 sedulo; ingemisce deinde coram DEO pro-  
 pter excessus illos, quos vitium illud causat  
 in Ecclesia. O quot sunt membra malè affe-  
 cta hoc morbo in Corpore mystico Christi JE-  
 SU! à planta pedis usque ad verticem capitis  
 non est in eo sanitas, exclamat Propheta,  
 Is. 1. 6. & cur? vulnus & livor, & plaga tu-  
 mens; non est circumligata, nec curata me-  
 dicamine Quia livor & invidia ubique le-  
 thalia inflixit vulnera; & quamquam mor-  
 taliter lapsi sint homines, vix tamen cura  
 aliqua adhibetur, vulnera hæc ligentur, &  
 conc

*post Dom. decim. sext. post Pent. 141*

congrua medicina adhibeatur. Meritò dici potest, nil magis periculosum esse pro salute, quàm peccatum invidiæ; quia vix aliquis de illo se accusat; minùs laborant, ut ab hoc vitio curentur & se corrigant. Pro Missa, roga DEUM charitatis, quem brevi post sumpturus es, ut te præserves ab hoc peccato, quod charitati omninò formaliter, & è diametro oppositum est. O JESU! rogo te per virtutem Sanguinis tui, sana animam meam à plaga tam periculosa! expellat charitas tua invidiam de corde meo, ut mihi nunquam amplius dominari patiar passionem hanc Christiano adeò indignam, quæque ei nonnisi lethalem ictum infligit, qui victas ei manus dat, *verè stultum interficit iracundia; & parvulum occidit invidia.* Job. 5. 2.

\*\*\*(\*)\*\*\*(\*)\*\*\*(\*)\*\*\*(\*)\*\*\*(\*)\*\*\*

#### FERIA SEXTA.

*Et respondens JESUS dixit ad legisperitos, & Phariseos dicens: si licet Sabbatho curare? Luc. 14. 3.*

#### DE SANCTIFICATIONE FESTORUM.

1. De modo illa sanctificandi.

2. Media, quibus uti debent Clerici ad contribuendum aliquid ad hanc sanctificationem.

**PUNCTUM I.** **N**on sine causa & ratione Filius DEI proposuit Phariseis, & Legis Doctoribus hanc questionem; *si licet Sabbatho curare?* observabant Judæi



Judæi Sabbathum modo tam rudi, ut in hac die etiam à bonis operibus abstinuerint, quasi interdicta fuissent, quamvis deinde nullam difficultatem habuerint, diem totum in otio, deliciis, & voluptatibus transigendi, prout S. Augustinus Conc. in Ps. 32. notat. Voluit igitur Christus JESUS eos ab hoc errore liberare, ac ostendere, quod si opera servilia in die Sabbathi interdicta essent, hoc idem factum sit, ut sic obligarentur vacare diuino servitio, & exercitio bonorum operum; tantumque abesse, quod die Sabbathi ab his abstinere debeant, ut potius è contrario adhuc magis in particulari se illis applicare, & dedere debeant. Examinemus intentum hujus præcepti, & videamus, quomodo diem dominicum, qui Sabbatho successit, aliosque dies festos sanctificare oporteat, qui per annum occurrunt? docet hoc S. Gregorius lib. 1. Epist. 3. paucis verbis-- *Dominico verò die à labore terreno cessandum est, atque omnimodè orationibus insistendum, ut si quid negligentia per sex dies agitur, per diem resurrectionis dominicæ precibus excipietur.* Oportet imò abstinere ab operibus servilibus. Num. 15. 35. id est, ab illis, quæ ordinariè fieri solent ad lucranda vitæ necessaria v.g. rusticorum, artificum, servorum &c. & à commerciis, uti sunt venditiones; emptiones, nundinæ, mercatus sollemnis &c. item ab occupationibus nimium distrahentibus, hominem

minemque à servitio divino retrahentibus, ut sunt piscatio, venatio, absque necessitate iter peragere &c. S. Thom. 2. 2. q. 22 à 4. ad 3. 2dò etiam peccatum est opus quoddam servile, specialiter sanctitati festorum oppositum, abstinere ab illo debemus omni tempore, maximè autem his sanctis diebus, & tamen, quod sanguineis lacrymis deplorandù, hi ipsi dies dominici, & festivi sunt, in quibus DEUS maximè offenditur. An non hisce sanctis diebus frequentantur tabernæ? inebriantur aliqui? lites alii incipiunt? impudica pertractantur? societates & amicitia peccaminosa contrahuntur? ad choreas curritur? ad spectacula itur prospere? lusu indulgetur? & si quis infinitorum quasi Christianorum modum agendi consideret, an non dicendum potius, videri tales dies dæmoni consecratos esse, & sacros, non DEO? qualis cæcitas! exclamat S. Chrysostomus de Lazaro, *accepisti Sabbatum, ut animam tuam liberares à vitiis, tu autem majora committis!* 3tiò, ut dies domini, & festa sanctificentur, oportet his diebus insistere precibus, & interesse divino servitio; manè devotè assistere Sacrificio Missæ, præsertim Missæ publicæ, seu officio in Parochia; confiteri, communicare; post prandium interesse vespers, Catechismo, Concioni. Si quis talibus omnibus exercitiis interesse non possit, debet legere librum spiritualem, visitare ægros, consolari afflictos, instrue-



instruere ignorantes, præsertim infantes & domesticos; uno verbo: oportet transigere dies hos sanctos in bonis operibus, & laborare tum ad propriam sanctificationem, tum ad eorum, qui curæ nostræ & officio commissi. *Diebus dominicis & festis in suas Parochias populus conveniat, & Missa & Concioni, at Vesperis intersit,* ait Concilium Provinciale Rhemense, à Ludovico Cardinale Guisio anno 1583. habitum, & sequenti anno à Gregorio XIII. approbatum. Examina te super hoc puncto tanti momenti, quod non tam te ipsum, quam omnes fideles concernit. Quomodo observasti hucusque Dominicas & Festa? quomodo observantur à tua familia? in domo tua? in tua Parochia &c. Ah! quot peccata committuntur his diebus, quos unicè in DEI servitio insumere deberemus, & in oratione! verùm ut tales defectus non etiam à te admittantur.

PUNCTUM II. Considera, quid Clerici facere oporteat, ut aliquid ad sanctificationem festorum contribuant, primum est, ut sæpius populum suum moneant, & instruant, quantam obligationem habeant, sanctè celebrandi dominicos & festos dies; *memento, ut diem Sabbathi sanctifices.* Exod. 20. Modos, quo Dominus utitur, & seipsum explicat, dum præceptum hoc nobis dat, satis indicat, quod sæpè de hoc mentio fieri debeat; quia plures sunt, qui hujus suæ obligationis obli-

viscantur. Dantur aliquæ Parochiæ, præsertim in iis locis, ubi etiam hæretici potestatem seu jurisdictionem quamdam habent, qui non verentur dicere cum impiis illis apud Prophetam Ps. 73. 8. *quiescere faciamus omnes dies festos DEI à terra.* Oportet igitur Clericos sæpius de hoc facere mentionem, quam exacti esse debeant in adimplenda hac sua obligatione; quodque hæc ipsa profanatio festorum soleat esse causa ordinaria malorum illorum, quibus premimur, *Sabbatha mea violaverunt vehementer; dixi ergo, ut effunderem furorem meum super eos;* ait DEUS per Prophetam suum Ezech. 20. 13. 2dū. debent Clerici quoad hoc ipsum dare bonum exemplum populo suo, hoc est, debent sollicitè evitare id omne, quod eos à servitio divino impedire posset, debent his sanctis diebus exactè assistere, & interesse divino Officio; prædicare, catechizare, confessiones audire, & populum occupare diversis pietatis & devotionis exercitiis; quod enim magis in Ecclesia detinentur, eò minorem occasionem habent se distrahendi. 3tiū, armare seipso debent zelo contra profanatores ejusmodi scandalosos; rogare magistratus, Dominos locorum, & alios Superiores, ut auxilium ipsis præstent, sine quo sanè difficile est aliquid efficere; nam, quomodo e.g. parochus quidam ruralis eliminabit vel solum vitium ebrietatis? hydram istam plurium capitum, & origie

*Medit. Pars Autum.;*      K      nem



nem omnium aliorum scelerum, & vitiorum, prout in capitulis Caroli M. vocatur: *magnum malum ebrietatis, unde omnia vitia pullulant, modis omnibus cavere præcipimus.* Capitul. l. 5. c. 69. Impossibile est, ut hoc præstet, nisi Officiales, & Præfecti sæculares iustitiam quoad hoc illi administrent. Denique Clerici, & Pastores subalterni cavere debent, ne pro sua voluntate nova Festa introducant, vel præcipiant, quæ esset usurpatio quædam authoritatis Episcopalis. Memores esse debent, mentem Ecclesiæ haud esse, ut tam facile festa multiplicentur, sed potius, ut observentur exactè illa, quæ jam introducta sunt, & stabilita. Vide nunc defectus tuos, quos ex occasione festorum commisisti. Quales abusus, excessus, & scandala contigere in tua Parochia his sanctis diebus, quin vel minimum quid contra talia dixeris? pete veniam à DEO de tua socordia & negligentia; & si hodie ad Altare accedis, fiat hoc cum renovatione novi spiritus, fervoris, & zeli, qui tibi necessarius est ad hoc, ne divinus Magister tuus toties offendatur. Noli esse pusillanimis in animo tuo. Eccl. 7. 9.

\* \* \* \* \*

### DIE SABBATHI.

*Dicebat autem & ad invitatos parabolam, intendens, quomodo primos accubitus eligerent, dicens ad illos: cum invitatus fueris ad nuptias, non discumbas in primo loco, ne forte*

post Dom: decim: sext. post Pent. 147  
forte honoratior te sit invitatus ab illo. Luc.

14. 7.

## DE AMBITIONE CLERICORUM.

1. Quam peccaminosa sit.

2. Media eam impugnandi, & vincendi.

**PUNCTUM I.** Adoremus Dominum nostrum JESUM Christum, ambitionem Phariseorum condemnantem. Gerit se cum illis ut peritus medicus, qui statim originem & causam mali adoritur, probe gnarus, invidiam ipsorum, quā erga ipsum ardebat, non nisi ex fundo superbiæ, quā pleni erant, provenire; conatur igitur ex corde ipsorum eradicare, & evellere funestam hanc radicem vanitatis, quam dæmon ibi plantavit; & ut motivō eorum infirmitati proportionatō utatur, timorem iis injicit humiliatiōnis, & confusiois inexpectatæ, ac coactæ, quæ plerumque conjuncta est superbiæ, & ferè inseparabilis ab ipsa. *Si invitatus fueris ad nuptiās, ait illis: noli discumbere in primo loco, ne honoratior te sit invitatus; & ut ille, quite & illum invitavit, veniat, & dicat: da huic locum, & tunc incipies cum rubore tenere novissimum locum.* Ostendunt hæc verba, quā ridicula sit ambitio, verū passio ista quandoque tam fortis est, & valida in nobis, quemadmodum in Phariseis, ut timor confusiois, nec temporalis, neque æternæ, sufficiens sit ad eam cohibendam. Semper assurgere, & altius attolli volumus quin ullum ti-



meamus præcipitium; *Superbia eorum ascendit semper.* Ps. 73. 23. Malumus imitari angelum apostatam, qui dixit: *in Cælum conscendam; super astra DEI exaltabo solium meum.* If. 14. 13. quàm ut imitemur exanitionem Verbi Incarnati, qui cum in forma & natura DEI esset, formam servi accepit; imò pedibus conculcari voluit, instar vilissimi vermis, *ego autem sum vermis, & non homo, opprobrium hominum, & abjectio plebis.* Ps. 21. O quam sceleratus est modus iste agendi, præsertim in Clericis, quibus Christus JESUS in persona Apostolorum dixit, ut à se invicem minimè exspectarent honores, & dignitates temporales; *Reges gentium dominantur eorum, vos autem non sic.* Et tamen, prout quotidie videre est, vix major inter sæculares reperitur ambitio. Vix aliquis in Seminarium recipiatur, & statim ad Sacros Ordines accipiendos aspirat; Subdiaconus vellet statim ad Diaconatum promoveri; & in hoc ordine vix tribus mensibus transactis, ipsum Presbyteratum ambit. Idem dicendū de præcedentia; omnes fugiunt ultimum locum, & primos accubitus occupare festinant. Hos tales præsumptuosos ita ironice animat S. Bernardus de Offic. Ep. & de vita & mor. Cleric. ad plura ambienda. *Omne sublime videant oculi tui; festina multiplicare Præbendas; inde ad Archidiaconatum evola; deum aspira ad Episcopatum; ne ibi quidem requia*

post Dom. decim. sext. post Pent. 149

requiem habiturus, quoniam sic itur ad astra.  
Quo progredieris miser? an, ut ab altiore  
gradu sit casus gravior? neque enim sic pau-  
latim decides, sed tanquam fulgur in impetu  
vehementi, quasi alter sathanas, subito deji-  
ceris. Time vitium adeò periculosum, quod  
prout dicit S. Bernardus in Ps. Qui habitat,  
usque ad horribile illud vitium idololatriæ te  
pertrahere potest; *ambitionis via, adoratio*  
*diaboli*. Examina te hic, utrum huic vitio  
subjectus non sis? quid sentis de Officiis &  
dignitatibus? an non pro eo, ut deplores illos,  
qui talia possident, potiùs felices & beatos  
æstimas? an teipsum maximis & supremis ho-  
noribus dignum ducis? an non omnem lapidẽ  
moves, illuc perveniendi? si malo hoc adeò  
pernicioso affectus es.

**PUNCTUM II.** Vide, quid te facere o-  
porteat, ut illud impugnes & vincas? imò  
concipere debes magnum horrorem de ambi-  
tione. Quamdiu mancipium hujus passionis  
fueris, nunquam vera aliqua requie gaudebis;  
imò semper apud teipsum carnificem cir-  
cumferes, qui te continuò torquebit. *O am-*  
*bitio, ambientium crux!* exclamat S. Bernar-  
dus L. 13. de consid. c. 61. *quomodo omnes*  
*torquens, omnibus places?* 2dò si superior es,  
studere debes, reprimere aviditatem illam,  
quam in tot Clericis videre est, qui tanto  
pruritu ad Sacros Ordines anhelant, vel di-  
gnitates quasdam honoratiores acquirere la-  
borant.



borant. *Sicut locus regiminis desiderantibus negandus est, ita fugientibus offerendus, ait S. Gregorius M. L. 6. Epist. 4. vide, quale consilium dederit S. Bernardus Summo cuiusdam Pontifici, & in illius Persona omnibus Episcopis, ac his omnibus, quorum interest, examinare illos, qui ad Sacros Ordines, vel ad beneficia præsentantur. Pro quo rogaris, sit suspectus; qui ipse rogat pro se, jam judicatus est &c. itaque non volentes, neque currentes assumito, sed cunctantes, sed renuentes, etiam coge illos, & compelle intrare; in talibus, ut opinor, requiesce spiritus tuus, qui non sint attrita frontis, sed verecundi, sed timorati, qui præter Deum tantum timeant nihil, nihil sperent, nisi à Deo. Si regulæ istæ observarentur, certè diminueretur numerus ambitiosorum. 3<sup>ti</sup>o. remedium denique efficax, quod quilibet ambitioni opponere debet, est, ut quis de se ipso humiliter sentiat; *elegi abjectus esse in domo DEI mei Ps. 83. 11.* Si instinctum humilitatis sequamur, is nobis persuadebit, ut ultimum locum eligamus; *recumbe in novissimo loco.* Ita dispositi, & comparati erant Sancti omnes; adeò non aspirabant ad supremas Ecclesiæ dignitates, ut potius infra vires, & merita sua locum occuparent, adeò, ut quandoque nonnisi violenter manus ipsis illata fuerint, ad conferendum Sacerdotium. Infinitum forem, si exempla horum*

*post Dom: decim: quint. post Pent.* 151

horum afferre vellem; sufficiat illud S. Martini qui non Galliae solum, sed totius Ordinis Ecclesiastici decus fuit & gloria, *Gemma Sacerdotum*. Voluit S. Hilarius Pictaviensis, qui merita illius sciebat, eumque libenter Ecclesiae suae lucrari, & alligare volebat, eum ordinare Diaconum, sed magno clamore, *vociferans se indignum*, ajebat (sunt verba Severi Sulpitii, qui vitam ipsius scripsit) oportebat igitur profundae illius humilitati cedere; hinc solummodo Exorcista ordinatus fuit ab eodem Hilario. Etiam haec functio, & hic gradus videbatur Martino nimis sublimis, & hinc dignum se reddidit audire verba haec; *ascende superius*, & occupare principaliorem in Gallia Cathedralam nempe Archiepiscopatum Turo-nensem. Igitur ultimum semper eligamus locum in Ecclesia, & Dominus convivii dabit nobis honoratiorem, si non in hoc mundo, quod fortè causa esset perdendi thesaurum humilitatis, infallibiliter tamen hoc fiet in altero, seu in Festo, & convivio nuptiali agni divini in Coelo; *tunc erit tibi gloria coram simul discumbentibus*. Luc. 14. 10. Pro Missa habemus hic causam & rationem magnam timendi, & contremiscendi; quia si tam indigni sumus, occupare dignitates Ecclesiasticas, quid dicendum, & sentiendum de eo, quod locum Christi JESU in altari teneamus? *estne hic forte ultimus locus?*  
vel



vel ille saltem, qui nobis debeatur? reflectamus nos parum super hoc! ut si celebrare debemus, fiat hoc majori cum humilitate, & respectu, quam ordinariè fiat, dum nos mensæ Regis Regum cum Principibus Regii sanguinis affidere cernimus, quod causa nobis esse debet concipiendi vivam opinionem de indignitate nostra, & humilem, gratamque erga Deum agnitionem, dicendo: *suscitat de pulvere egenum, & de stercore elevat pauperem, ut sedeat cum Principibus, & solium gloriæ teneat.* 1. Reg. 2. 8.

## DOMINICA DECIMA SEPTIMA. POST PENTECOSTEN.

*Obsecro vos, vinctus in Domino, ut dignè ambuletis vocatione, quâ vocati estis.* Ephes.

4. 1.

### DE MEDIIS RESPONDENDI Vocationi NOSTRÆ.

1. Applicare nos debemus ad illam benè cognoscendam.

2. In eaque fideliter perseverare.

**PUNCTUM I.** **P**Rorsus emphaticè hic rogat S. Paulus, docetque simul, ut nunquam erubescamus Crucem. Nil pretiosius invenit hic Apostolus suis vinculis; pluris ea æstimat, quàm omnes thesauros totius mundi, quid dico? præfert illam etiam visioni, extasi, ac raptibus, quibus cum

di-

dignatus fuerat DEUS, nam non ait, ego Paulus, qui raptus fui ad tertium usque Cœlum; sed *ego vindictus*, & in carcere detentus pro Christo JESU. Et cur hoc titulo utitur? cur in memoriam revocat Ephesiis vincula sua, & carcerem? fecit hoc, ut eos magis confortaret in fide, quibus Evangelium predicavit, ut proprio suo exemplo animaret, ad quidquid potius tolerandum, quam ut non fideliter correspondeant gratiæ, ipsi à DEO factæ, dum ab eo vocati fuere ad Ecclesiam suam. O pulcherrimam adhortationem! studeamus proficere ex illa! sit via nostra conformis, & digna vocatione nostri; si verò nullum adhuc statum elegimus, studeamus benè indagare illum, ad quem DEUS nos vocat; hanc etiam electionem haud citè considerare debemus, nisi ut fundamentum, ex quo futura vita nostra, vel sana, vel omninò perversa, dependeat. *Quodgo tanti momenti esse duco, ut totius vitæ, vel rectè, vel malè traducendæ, fundamentum in eo positum esse putem.* ait S. Gregorius Nazianzenus orat. 23. si bonâ sit hæc electio? ah quanta consolatio pro nobis, si verò malâ? qualis miseria! quis enim, quis enim expbet? quantam turbationem, quas agitatione & afflictiones sentiat ille, qui aliâ & statui, quem elegit, omninò opposita, in seipso, deinde advertit inclinationes! summi igitur ac maximi momenti negotium est, anni possibilia



sibili modo laborare, ne quis in hac electione fallatur. Media autem ista sunt: imum Oratio. Sed oratio fervida, quæ nobis detegat propriam infirmitatem, consequenter indigentiam nostram, & à Cælo lumen accipiamus ad agnoscendum, qualem nobis DEUS statum præordinarit, in quo nos ambulare velit, ut ad eum perveniamus; & ideo sæpius cum Propheta exclamare oportet: *neam fac mihi viam, in qua ambulem; quia ante levavi animam meam.* Psal. 142. 8. 2dum examinare vires & talenta nostra, cuiam statui congruant? quia alia religionis, alia aliis Clericis conveniunt. Non omnes eadem talenta possident. *Nunquid omnes Apostoli? nunquid omnes Doctores?* ait Apostolus 1. Cor. 12. 29. Vis fieri Sacerdos? examina te ipsum, pondera talenta tua; vide, quam progressum in virtute feceris? utrum talenta tua naturalia, & dona supernaturalia, quæ offides, huic statui, ad quem aspiras, congruant? *ante, juxta consilium Salvatoris, edisse debueras;* ait S. Bernardus ad taletemerarios usurpatores Sacerdotij, l. 2. de consi. C. 6. *æstimasse opus; metiri vires; ponderasse sapientiam; merita comparasse, sumptus computasse virtutum.* 3tium, peter consilium à viris prudentibus, qui rerumistarum experientiam habent, quique discernere, & judicare possint, utrum vocatio tua: DEO veniat, nec ne. *Anima viri sancti*

*sancti enuntiat aliquando vera, quam septem circumspectores sedent in excelsis ad speculandum* Eccl. 37. 18. Non potes Episcopum tuum consulere? fac saltem aliquanto tempore secessum, aliquam spiritualem; elige tibi Directorem pium, prudentem, proprii commodi minimè studiosum; aperi illi fundum cordis tui; sequere consilium illius, quin ab eo exigas, ut tibi secundum inclinationes tuas privatas respondeat; quia taliter consiliū ab eo petere idem est, ac exponere se periculo illi, de quo Propheta Ezech. 14. 10. ait, *juxta iniquitatem interrogantis, sic iniquitas Prophetæ erit.* En bona motiva, ex quibus cognoscere quis possit vocationem suam. Ususne es illis? sed supponamus, quod reipsa vocatus sis ad hunc statum, *nihilne ultra timendum est? timendum quidem & maximè,* ait S. Bernardus. Saul vocatus erat ad regnū; Judas ad Apostolatū; nihilominus scis finem hujus & illius? quid sequitur exinde?

PUNCTUM II. Oportet perseverare, & vitam vocatione sua dignam ducere; *ut dignè ambuletis vocatione, quæ vocati estis.* Ad hunc effectum imò debes amare statum tuum, & illi inharere, quin diabolus tentantem audias, qui ægrè ferens, quot tam benè elegeris, libenter te ab ea avertere vellet per spiritum quemdam inconstantē, & levitatis. O quot solitarios non sefellit, illis per-



persuadendo, ut solitudinem suam defererent sub isto specioso prætextu, se a libi majorem fructum allaturos, quot non seducit adhuc hominē Clericos, qui novitatis & mutationum amatores vitam suam hinc inde discurrendo transigant, quin in aliquo loco maneant, vel cuidam Ecclesiæ se alligent, ubi utiliter & cum fructu laborare possent, pro eo, quod vita illorum ita errans & vagabunda, aliud nos non perducit, nisi ad licentiam vitæ, dissipationem, & nescio, ad quos excessus: *sicut avis transmigrans de nido suo, sic vir, qui derelinquit locum suum.* Prov. 27. 8. 2dò, oportet obligationibus status sui fideliter satisfacere. *Ecce mundus totus Sacerdotibus plenus est,* ajebat S. Gregorius, hom. 12. in Evang: *sed tamen in messe Domini rarus invenitur operator; quia ministerium quidem Sacerdotale suscipimus, sed opus Officii non implemus.* Idem sentiendum, de vocatione ad Sacerdotium, quod de vocatione ad Christianismum. Tam in uno, quam altero ex his statibus multi dantur vocati, sed pauci electi, eo, quod pauci sint, qui bene utantur gratiis à DEO collatis, & talem, tantumque fructum afferant, qualis ab ipsis expectatur. Quid juvat accepisse ministerium Domini, dicebat S. Bernardus, beneque in illud intrasse, si fideliter huic ministerio non satisfiat. Si vita non ducatur sancta, & sæcunda bonorum operum? *quid prodest, quod canonicè eligan-*

*eligantur quod est per ostium intrare, si non  
canonice vivant? ibid. S. Bernardus. 3tio.  
oportet in eo perseverare cum fervore. Me-  
mor esto incessanter hujus magni momenti  
consilii, quod S. Carolus Borromæus in quar-  
to Concilio Mediolanensi Clericis suis de-  
dit; illud unusquisque ex Clericis repetat, se  
non ad inertiam atque ignaviam, sed ad  
spiritualis, & ecclesiastica militiæ labores  
vocatum esse. Parum tibi prodesset, si magno  
cum fervore studium aggressus fuisses, si po-  
stea defatigatus desisteres; non debet ex-  
spectari præmium, nisi ad metam usque cur-  
ratur; frustra velociter currit, qui prius  
quam ad metas perveniat, deficit. ibid. S.  
Bernardus. Interim pauci sunt, qui pari  
passu ambulent, & progrediantur in via  
Domini. Si initio velociter incedunt, non  
durant longo tempore; primus iste ardor  
brevis remittit, vel minimum quid eos re-  
tardat, facitque mutare etiam optimas quas  
fecerunt resolutiones. Renova hodie illas!  
pro præparatione ad Missam dic intra tei-  
psum, dum ad Altare accessurus es. Quo-  
modo præsentare, & sistere me audebo co-  
ram tribunali supremi Judicis manibus va-  
cuis, dum interim boni & pii Sacerdotes ibi  
comparebunt multis spoliis, quæ mundo &  
inferno abstulere? nimirum vecors, & ne-  
gligens forem, si de eorum labore partici-  
pare nil vellem, qui tamen ejusdem gloriæ  
cum*



cum ipsis pârteps fieri cupio: *Namquid fratres vestri ibunt ad pugnam, & vos hic sedebitis!* Num. 32. 6. verba hæc sunt Moyſis ad quosdam Israelitas, qui operam suam jungere noluêre fratribus suis in recuperanda terra promissa. Utere iisdem ad accendendum in teipſo novum fervorem. O Domine! qui vocaſti nos ad statum Ecclesiasticum; confirma nos semper magis ac magis in vocatione nostra, fac ut omnibus obligationibus nostris fideliter satisfaciamus; ut perseveremus in fervore peragendi functiones nostras, & laborandi ad mortem usque, ut sic per fidelem cooperationem certam faciamus vocationem nostram, afferendo fructus statui & vocationi nostræ congruos. Quemadmodum ad hoc nos hortatur Princeps & Caput Apostolorum: *Satagite, ut per bona opera certam vestram vocationem & electionem faciatis.* 2. Petr. 1. 10.

FERIA SECUNDA.

*Cum omni humilitate & mansuetudine, cum patientia supportantes invicem in charitate.*  
Eph. 4. 2.

DE PATIENTIA.

1. In quo consistat hæc virtus.
2. Quales habere debeat qualitates.

PUNCTUM I. **N**on sufficiebat S. Paulo, quod Ephesios solummodo in generali fuerit exhortatus, ad ambulandum.

post Dom. decim. septim. post Pent. 159

bulandum dignè vocatione sua, sed in particulari indicavit eis virtutes, in quibus exercere se deberent, inter quas ponit patientiam, quam hodie meditandam suscipimus, cum de aliis jam alibi tractaverimus. Adoremus ante omnia ad initium meditationis DEUM patientiæ, Virum dolorum, JESUM Christum, in Monte Calvariæ passum, tantum cum pace & gaudio, ut & Cælum & terram in sui admirationem raperet. Oremus, ut intelligere nos faciat virtutem istam, cuius nobis tam præclarum exemplum dedit; siquidem tanta in alium finem non fuit passus, nisi ut doceret nos, qualis nostra debeat esse patientia, ut S. Augustinus serm. 9. de V. A. ait; *sapientiâ suâ passus est, ut doceret patientiam nostram.* Virtus ista iuxta hunc doctorem consistit in eo, ut quis mala hujus vitæ bono animo ferat, ne bona illa æterna amittat, quæ in altera expectamus; *patientia hominis, quæ recta est & laudabilis, & vocabulo digna virtutis, ea perhibetur, quâ equo animo mala roleramus, ne animo iniquo bona deseramus, per quæ ad meliora perveniamus.* lib. de patient. c. 2. Tom: 6. nov. edit. ille, qui verâ præditus est patientiâ, tam bene scit moderari tristitiam & alias suas passiones, quæ naturaliter in nobis exsurgere solent ad primum assultum, seu eventum alicujus mali, ut quancunque etiam in seipso sentiat commotionem,



nem, exinde tamen cor illius minimè turbatur, *non contristabit iustum, quidquid ei acciderit.* Prov. 12. 21. Homo patiens conservat pacem in medio etiam maximorum malorum, si hæc sint exteriora, si interna; si ve corpus affligant, si ve animum; taliter se exterius gerere scit, ut nihil, neque in ulla ipsius actione advertere sit, quod indignationem, ægritudinem animi, vel quemcunque excessum indicet, prout in Tobia patet; *non est contristatus contra DEUM, quod plaga tacitatis evenerit ei.* Tob. 2. 13. Qui omnem illum amorem & æstimationem pro hac virtute, quam meretur, habet, quam S. Paulus 1. Cor. 13. 4. pro primario effectu charitatis agnoscit, *charitas patiens est;* & quam Sanctus Jacobus consumationem, seu perfectionem omnium virtutum appellat, *patientia opus perfectum habet;* Jac. 1. 4. talis inquam, contentus haud est, ut afflictiones occurrentes absque quærela ulla toleret, sed fert illas etiam cum gaudio, prout primi Christiani comparati erant, de quibus Apostolus Hebr. 10. 34 ait, *rapi-  
nam bonorum vestrorum cum gaudio suscepistis; cognoscetes, vos habere meliorem, & manentem substantiam.* Si injuria aliqua, contemptus, maledicentia, obrectatio, calumnia, damnum honoris, jactura bonorum toleranda, nequaquam commovetur, in hoc tempore adversitatis, imò potius è contrariis

*post Dom: decim: septim. post Pent. 161*  
rio; dispositionem Divinæ Providentiæ ad-  
oret, & magis, quam unquam, in his circum-  
stantiis fiduciam suam in DEO ponit, di-  
cendo cum Job: *Dominus dedit, Dominus*  
*abstulit, sicut Domino placuit, ita factum est,*  
*sit Nomen Domini benedictum* En imaginem  
hominis verè patientis! estne hæc imago tua?  
verùm quia facilè quis in hoc falli potest, &  
plures sibi imaginantur, patientiam se habe-  
re, quam tamen non habent.

PUNCTUM II. Considera patientiam;  
ut vera sit, ad minus tres qualitates habere  
debere. imò debet esse *universalis*, id est,  
debet tolerare *omnia*: morbos, paupertatem,  
inurias, calumnias, humiliações, contra-  
dictiones, persecutiones, &c. Vocatio seu sta-  
tus Christiani est, pati: quemadmodum militis,  
pugnare; *in hoc positi sumus*. 1. Thess 3. 3.  
Oportet pati; *ab omnibus*; à Superioribus, ab  
æqualibus, ab inferioribus, à Dominis, à dome-  
sticis, à vicinis, ab extraneis. Non possum hoc  
pati à tali homine, ais; hæc exceptio nil va-  
let; & tua patientia vera non est, oportet  
pati ab omnibus. A DEO, qui purificare  
nos vult, probare, & coronare; ac gustan-  
dum nobis dare calicem JESU Christi Filii  
sui; & per adversitates ad Cælum perducere;  
*per multas tribulationes oportet nos intrare*  
*in Regnum DEI*. Act. 14. 21. A diabolo, qui  
nos tot modis tentat, ut aliud non quærat,  
quam seducere nos; cui incessanter resiste-  
*Medit. Pars Aut.*



re debemus, quib unquam animum despōn-  
deamus. *Ab hominibus*, qui nos persequun-  
tur; & denique *à nobismetipsis*, quia tolera-  
re cū omnibus debemus nostros proprios  
defectus, & infirmitates tam corporis, quam  
animi: patientia ergo nostra debet esse uni-  
versalis; *patientes estote ad omnes*. 1. Theff.  
5. 14. 2dò, debet esse *invincibilis*, & con-  
stans; *patientia enim vobis necessaria est, ut*  
*voluntatem Dei facientes, reportetis promissi-*  
*onem*, ait Apostolus Hebr. 10. 36. igitur  
nec per impatientiam unius momenti tan-  
tū perdamus merita; quæ acquirere po-  
tuiss mus per patientiam plurium annorum;  
consideremus mala, quæ nobis imminet,  
cum tali constanti resolutione, ut mori por-  
tius eligamus, quam ad illa evitanda tale  
quid facere, quod DEO displicere posset;  
*vincula, & tribulationes Ierosolymis me ma-*  
*nent*, dicebat S. Paulus Act. 20. 23. in me-  
dio quasi universalis diluvii omnium malorū,  
quibus erat circumdatus, *sed nihil horum*  
*vereor; nec facio animam meam pretiosorem,*  
*quam me*. Ita loqui, ita agere oportet bo-  
num Clericum, quando se in afflictione aliqua  
positum videt. 3tiò, debet patientia nostra  
esse *Christiana*, id est, DEUS debet esse fi-  
nis illius *Patientia comes est sapientiæ, non*  
*famula concupiscentiæ; amica est bonæ consci-*  
*entiæ, non inimica innocentia*, ait S. Augu-  
stinus lib. de pat. c. 5. Oportet pati non ex  
genio,

*post Dom. decim. septim. post Pent. 163*

genio, seu humore; non ex poliria, aut ad turpiter complacendum aliis; sed ex motivo fidei & Religionis, quia DEUS hoc vult, & obligatio nostra Christiana hoc à nobis exigit. *Non omnes, qui patiuntur, participes sunt patientia*, pergit S. Augustinus ibid. c. 6. *sed qui passione rectè utuntur; hi patientia veritate laudantur; hi patientia munere coronantur.* Vide, utrum patientia tua omnes istas qualitates habeat, quas modò audisti; examina illas, quæ tibi desunt; & pro præparatione ad Missam, pete illas à JESU Christo, qui patientiam hanc tecum habet, ut te in altari toleret, quantumvis indignus sis ad illud accedere. O si ad hoc te reflecteres; anne auderes impatientem te exhibere erga alios? o JESU! verus Doctor, & Magister patientiæ, doce nos, ac instrue, quomodo hanc pretiosam virtutem exercere debeamus; tu dedisti nobis exemplum illius, & vis insuper ipsemet esse merces & compensatio illius? fac o Divine Salvator, ut utrumque nos permoveat ad te imitandum; *utrumque es mihi Domine JESU, & speculum parienti, & premium patientia, utrumque fortiter provocat, ac vehementer accendit* S. Bern. serm. 47. in Cant. n. 6.

\* \* \* \* \*

### FERIA TERTIA.

*Soliciti servare unitatem spiritus in vinculo pacis. Ephes 4. 3.*

*La*

*DE*



DE PATIENTIA CLERICIS NECES-  
SARIA.

1. Quantopere nobis necessaria hæc virtus. 2. Motiva illam exercendi.

PUNCTUM I. Nil magis probat necessitatem exercendi hanc virtutem patientiæ, quam hæc magna sollicitudo ab Apostolo nobis commendata, conservandi pacem cum omnibus; *soliciti servare unitatem spiritus in vinculo pacis*. Instructio hæc sine dubio omnes concernit fideles, siquidem omnes obligati sunt pacificè vivendi cum proximo suo, sed specialiter concernit Clericos, Sacerdotes, & Pastores animarum, qui Angeli pacis sunt, & depositarii illius, quam proinde ubique invehere, & conservari debent, *excellentes quippe in Ecclesia pati debent vigilare, intentione consulere*, ait S. Augustinus in Ps. 71. debent omnes supportare, & neminem offendere; consequenter magnam, ut sic dicam, sibi provisionem de patientia facere debent. Hinc est, quod Christus JESUS mittens Discipulos suos ad prædicandum Evangelium in toto mundo iis dixerit: *mitto vos, sicut oves in medio lorum*. Matth. 10. 16. Ex omnibus animalibus nulum patientius est ove; tales fuere Apostoli; devorari fuere, si ita loqui licet, ab hominibus; omnia ab ipsis tolerarunt, quin propterea iis irascerentur; & hi ipsi lupi, oves deinde facti fuere. O virtus mittendi oves in medio lupo-

post Dom: decim: sept. post Pent. 165

*luporum!* exclamat S. Chrysostomus, Tom. 3. hom. de Pentec. *lupi facti sunt oves.* Quamdiu oves fuerimus, supremus pastor noster nos haud deseret; si verò lupi evadimus, auxilium suum nobis subtrahit; per patientiam omnia à DEO, & hominibus obtinebimus; duces victoriosi in militia terrena, de suis inimicis triumphant per stragem, quam iis inferunt, sed victores in militia Christi tales evadunt, si omnia ab inimicis suis illata patienter tolerant; *non viſtrice potentia*, ait S. Augustinus, hom. 4. de V. D. *ſed potentiore patientiâ.* Bellum illatum fuit duodecim Aſtophœiſis; & totus mundus conſpirabat contra illos; interim quibus bellum inferebatur, reſtabant victores, & qui illud inferebant, erant victi. Quomodo hoc fit, aut fieri poteſt? per ferream patientiam horum mirabilium prædicatorum, qui omnis generis hominibus omnem poſſibilem manſuetudinem & patientiam exhibebant, *omnem oſtendentes manſuetudinem ad omnes homines.* Tit. 3. 2. Agnoſcite igitur miniſtri Domini! extremam neceſſitatem patientiæ, ut fructum aliquem afferatis in miniſterio veſtro paſtores! patientia vobis neceſſaria eſt, ut nullam contentionem ſeu litem cum veſtris parochianis habeâtiſ; tali etiam indigetis apud ægrotos, & in adminiſtratione Sacramentorum, hac opus habetis in Cathedra, & in confeſſionali, quia nunquam deſatigari debetis in inſtru-



endis ignorantibus, in corrigendis sceleribus & vitiis; hanc exercere debetis in tentationibus intus & foris, tum in iis, quæ vobis à perversis hominibus accidunt, qui fortè atroces contra vos calumnias suscitabunt, prout S. Athanasio contigit, quem in pleno Concilio accusarunt, quod Episcopum quemdam occiderit, eique brachium absciderit, & mulierem quamdam violaverit, quàm in iis, quæ vobis à vestris confratribus contingunt, qui, pro eo, ut vobiscum laborent in procurando bono, fortè id ipsum impedire conabuntur, quod jam invenistis. Denique patientiâ vobis opus est, & quidem prorsus absoluta & perfecta, ad vincendam obstinationem peccatorum, & ad reducendos illos à suis excessibus, & ad illos Christo JESU lucrandos. In ejusmodi enim occasionibus oportet exercere illud ipsum, quod S. Paulus ad Discipulum suum scripsit: *prædica verbum, in omni opportune, importune; argue, obsecra, increpa in omni patientia, & doctrina.* 2. Tim. 4. 2. Habesne hanc patientiam? quia autem fortè eam acquirere optas & desideras.

PUNCTUM II. Attende ad hæc motiva, quæ adjuvante DEI gratiâ salutare tibi patientiam persuadere, & te evincere poterunt. amò. Considera, quod principaliter populum tuum per patientiam ædificare, & sanctitatem ministerij, seu status tui, conservare debeas; *nemini dantes ullam offensionem, ac*

post Dom. decim. septim. post Pent. 167

non vituperetur ministerium nostrum, ait S. Paulus 2. Cor. 6. sed in omnibus exhibeamus nosmetipsos, sicut DEI Ministros, in multa patientia, in tribulationibus, in necessitatibus, in plagis, in carceribus, in seditionibus, in vigiliis, in jejuniis &c. per gloriam, & ignobilitatem, per infamiam, & bonam famam En! quò pervenire debeat patientia tua! 2<sup>do</sup> Considera impatientiam tuam ad nil aliud tibi prodesse, & servire posse, quam ut malum augeat, & magis exasperet, omne peccatum, ait Tertulianus l. de patientia, impatientia adscribendum; malum, impatientia boni. Voluntas DEI est, ut aliquid pro gloria ipsius patiaris, & salute animarum; huic voluntati libenter submittere debes. Laboro usque ad vincula, quasi male operans, dicebat S. Paulus, 2. Tim. 2. 2 sed verbum DEI non est alligatum; ideo omnia sustineo propter electos; ut & ipsi salutem consequantur, quæ est in Christo JESU cum gloria Cælesti. Loquens ad Presbyteros Ephesinos Mileti congregatos, agebat; quod servierit Domino, cum omni humilitate & lacrymis Act. 20. 19. Testatur, se tribus integris annis die ac nocte non cessasse à lacrymis, monendo unumquemque ex ipsis &c. Bone Deus! qualis patientia? quid non facere oportet pastores, audito, & præ oculis habito hoc exemplo? deberent nempe parochianos suos, & peccatores non solum tribus annis, sed per totam



totam vitam suam monere; prædicando, orando, continuo ingemiscendo, quousque eos à profundissimo suo lethargo excitarent, ac induratum illorum cor emollirent. 3tiò. denique conjice oculos tuos in JESUM Christum Authorem salutis tuæ. En specimen quoddam patientiæ ipsius prorsus extraordinariæ! S. Lucas c. 19. 41. ait de ipso: *ut appropinquavit videns civitatem, flevit super illam; dicens: quia si cognovisses & tu, & quidem in hac die tua, quæ ad pacem tibi; nunc autem abscondita sunt ab oculis tuis.* S. Matthæus adhuc magis se explicat, & Cap 23 37 ait Christum JESUM locutum fuisse: *Jerusalem, Jerusalem! quæ occidis Prophetas, & lapidas eos, qui ad te missi sunt, quoties volui congregare filios tuos, quemadmodum gallina congregat pullos suos sub alas? & noluisti.* O quam affectuosa & tenera est hæc similitudo! quam potens & efficax ad persuadendam nobis patientiam! prout re ipsa etiam hac usus fuit S. Augustinus serm. 105. de V. E. n. 11. nov. edit & sibi eam applicavit: *videte gallinam hispida plumis, dimissis alis voce fracta, & quassa, & lassa, & languida congruenter parvulis suis* Mirare patientiam hujus matris, volant pulli supra dorsum illius; capiti illius insident, seipsos quandoque alis suis percutiunt; vocat omnes nihilominus sub alas suas, voce fracta & flebili, omnem sibi ipsi

*post Dom. decim sep. post Pent. 169*

ipsi vim infert, ut locum habeant sub alis suis; recipit omnes, extendit super omnes suas alas,, ne calore frustrentur, quo opus habent. En imaginem & formam boni Sacerdotis, & pastoris, ac veri Discipuli JESU Christi! nunquam irritatur contra peccatores! semper habet brachia aperta ad eos recipiendos; portat illos in corde suo, non obstantibus omnibus malis, vel persecutionibus, quas propterea ab illis fortè tolerare debet, quia scit, hoc ipsum esse, quod DEUS ab eo exigit. *Tolera; ad hoc enim natus es, tolera, quia fortè toleratus es.* S. Aug. serm. 47. de ovibus in Ezech. 34. O JESU! qui nos omnes in S. Altari congregas sub alas infinitæ misericordiæ tuæ, ut nos pascas, & nutrias Sanctissimo Corpore tuo, tuumque nobis Spiritum communices, fac nos tam patientes, prout nos esse oportet; quia nullus est ô Domine! qui nobis hanc gratiam largiri possit nisi tu; *quoniam tu es patientia mea Domine, spes mea à juventute mea.* Psal. 70. 5.

\* \* \* \* \*

#### FERIA QUARTA.

*Unum corpus, & unus spiritus, sicut vocati estis in una spe vocationis vestræ. Unus Dominus, una Fides, unum Baptisma, Ephe. 4. 5.*

#### DE ECCLESIA.

1. Quam illi obligati simus.
2. Quam gratos nos illi exhibere debeamus.

PUN.



**PUNCTUM I.** SUBministrat nobis S. Paulus plura motiva perfectæ unionis, quæ inter nos regnare debet; ait, nos esse membra unius, ejusdemque corporis, cujus Christus Caput est; nos omnes animari, instrui, & illuminari ab eodem S. Spiritu, quem DEUS super nos effudit; vivere nos in & cum eadem spe vitæ æternæ; esse nos filios, & servos ejusdem DEI; eandem nos profiteri fidem, & Religionem; denique unum eundemque nos recepisse Baptismum, qui nobis est instar sinûs cujusdam materni; siquidem per Baptismum omnes renascimur in Christo JESU. Potuissetne DEUS pluribus nos invicem vinculis colligare? Verum; quia nonnisi in Ecclesia Catholica hæ prærogativæ & privilegia reperiuntur; meditentur, & expendamus hodie diffusius, quam simus obligati huic Ecclesiæ? imò dicere possumus, nos eidem debere Dominum nostrum J. C. quia per ministerium illius totidem quasi *Christi* sumus. Dicit Sancta hæc Mater ad quemlibet nostrum, quod Apostolus Galatis Cap. 4. 19. dicebat; *filii mei, quos iterum parturio, donec formetur Christus in vobis.* Quasi dicat; etsi jam per Baptismum filii mei facti sitis, sentio nihilominus novos dolores partûs, quousque Christus JESUS plenariè & integrè in vobis formetur. Qualis obligatio, quod hac ratione debeamus Ecclesiæ Christum JESUM! debemus

illi Sanctissimam Virginem MARIAM, quæ  
quæ est primaria Ecclesiæ Filia, utpote hu-  
millima, quamque nobis filiis suis in Ma-  
trem nostram dat Ecclesia. Primarium &  
maximum ex omnibus mysteriis contingit in  
sinu, seu Virginali Utero Beatissimæ Virgi-  
nis; sed hunc felicissimum sinum Filia, qui  
est quasi Sanctuarium Virginitatis, debemus  
sinui Mâtris Ecclesiæ, in quo nutrita, & Vir-  
go effecta fuit. Vocant illum SS. PP. glo-  
riam Ecclesiæ, quia de illa gloriari potest,  
utpote ad eam spectante; & si hoc primariū  
membrum nos sua intercessione suffulcit, &  
conservat, bonum hoc à corpore provenit,  
debemusque beneficium hoc Christo JESU &  
Ecclesiæ. Ecclesia est, quæ nobis Apostolos  
dedit, qui ut Vicarii amoris Christi JESU, &  
interpretes veritatis illius, postea effecti sunt  
sal terræ. De illius manu recipimus Evange-  
listas, qui nobis quotidie Panem vitæ submi-  
nistrant, quo nutrimur; nec dubitat S. Au-  
gustinus dicere, se veritates suas haud credi-  
turum, nisi ab Ecclesia eas audisset. Eccle-  
sia dedit nobis Martyres. Ipsa enim eos tam  
sanctè educavit, ut docuerit eos mori, dum  
eos bene vivere docuit. Illa est, quæ in sinu  
suum sanguinem illorū collegit, ut esset se-  
men immortalitatis, & semen fidei, prout  
Tertullianus apolog. advers. gent. loquitur:  
*Sanguis Martyrum, semen Christianorum.*  
Ab Ecclesia habemus sanctos Ecclesiæ Patres,



ac Doctores. In hoc nimirum firmamento hæc lucidissima astra micant, quæ nos illuminant, & hodie dum adhuc dividunt lucem à tenebris. Ipsa est, quæ hunc pretiosum thesaurum veritatis, quam nos docuerunt, custodit, prout illum nominat S. Iræneus ad ver. hæret. l. 3. *depositorium, dives veritatis*. Ecclesia est, quæ nobis tantum numerum Anachoretarum, Sanctorum Sacerdotum, Sanctorum Religiosorum, & Virginum dedit, qui supra mundum, tanquam supra theatrum aliud quod se elevando, ut exinde fallacias mundi contemplarentur, ut S. Macarius hom. 5. ait, nos exemplo suo pariter ab his fraudibus liberarunt, factique sunt protectores populi DEI, qui continuo manus suas in Cælo ad DEUM levant pro nobis. In campo hoc Ecclesiæ invenimus admirabiles pastores illos, qui oves perditas reducant, & sine cessatione allaborant per ministerium Verbi Divini, & administrationem Sacramentorum, reconciliare nos cum DEO, qui non contenti, infundere in plagas nostras vinum & oleum, etiam *lacrymas sanatrices*, ut S. Ambrosius loquitur, superaddunt; qui denique nostram salutem operantur. Dicamus omnia uno verbo: omnia nostra sunt, si veri filii DEI sumus, & Ecclesiæ suæ, ait enim S. Paulus 1. Cor. 3. 22. *Omnia vestra sunt, sive Paulus, sive Apollo, sive Cephas, sive mundus, sive vita, sive mors, sive præsentia, sive futura*  
*Omnia*

post Dominic. decim: sept post Pent. 173

*Omnia enim vestra sunt; vos autem Christi, Christus autem DEI. O Domine! æternum sis benedictus, quod nos ad Ecclesiam tuam vocaveris; o Domine! quia ego servus tuus, ego servus tuus, & filius Ancilla tuæ. P sal. 115. 6. Verum quia illi tot titulis obstricti & obligati sumus.*

**PUNCTUM II.** Videamus, quid nos facere possimus, ut debitam ei gratitudinem exhibeamus. imum est, ut illam amemus, nosque totos illius servitio mancipemus; *Christus dilexit Ecclesiam, & seipsum tradidit pro ea. Ephes. 5. Vide, quid Christus pro ea fecerit? nostrum est, qui gloriamur esse Ministri illius, illum quoad hoc imitari. Amemus igitur Ecclesiam, quia ut S. Augustinus tract. 32. in Joan. ait: credamus fratres, quantum quisque amat Ecclesiam Christi, tantum habet Spiritum S. Diligamus Sponsam Regis Regum; diligamus Matrem nostram, quæ tanta sollicitudine nos nutrit, cujus cibis, ac nutrimentum adeò nobis necessarium est, ut omne aliud lac, nonnisi venenosum, & mortiferum pro nobis sit; hinc bene dixit S. Paulus Hebr 13. 9. doctrinis variis & peregrinis, nolite abduci. Ut amor noster otiosus non sit, consecremus illi labores, sudores, defatigationes, & tribulationes nostras; non diligamus verbo, neque lingua, sed opere, & veritate. 1. Joan. 3. O quam pauci sunt Clerici, qui tali modo diligant; non omnes sunt*



*Sunt amici, quos hinc inde vides Sponsa affi-*  
*stere.* ait S. Bernardus serm 26. in cant. Si  
 tales essent, nonnisi de illa exornanda cogi-  
 tarent, & ut illam per sanctitatem vitæ suæ,  
 & morum suorum compositionem glorifica-  
 rent, pro eo, quod nonnisi eam denigrent, &  
 deturpent per scelera sua, & excessus suos;  
*fornicatur in Ecclesiam, qui in Ecclesia male*  
*vivit,* ait alius quidam S. P. (Clemens Alex.)  
 2dum, quod facere debemus pro Ecclesia,  
 est, audire illam, eique perfecta submissione  
 obedire. Quicumque hoc facere renuit, tan-  
 quam ethnicus, & publicanus haberi debet  
 juxta sententiam Christi JESU. Matth. 18.  
 17. & S. Petrus, Vicarius ipsius docet Chri-  
 stianos oportere esse *filios obedientie.* 1 Petr.  
 14. Fides nostra non fundatur, neque in lu-  
 mine puræ rationis, neque in judicio sensuum  
 nostrorum, sed unicè in Verbo DEI scripto,  
 vel tradito, cujus Ecclesia depositaria est,  
 quodque illa sola nobis authoritative & infal-  
 libiliter communicare potest. Submittamus  
 itaque nos humiliter omnibus illius definitio-  
 nibus; credamus, quod credit ipsa; damne-  
 mus, quod damnat: nil aliud doceamus, aut  
 predicemus, nisi quod ipsa docet & prædicat,  
*quia in ventre Ecclesie residet veritas,* ait S.  
 Aug. in Ps. 7. 3tū denique est, quod orare de-  
 beamus pro omnibus necessitatibus Ecclesie.  
 Non cessat hæc Sancta Mater orare pro nobis;  
 igitur neque nos cessemus orare pro illa; me-

mores sumus, quod militans Ecclesia sit, quam diu super terram est, & quod multa illi patientia intrent. Ah! si vel parum oculis Fidei consideraremus mala, quæ illam affligunt; turpitudinem peccatorum nostrorum, quæ illam deformant; tot Christianorum excessus, tot scandala indignorum ministrorum, à quibus inhonoratur, dum eidem servire deberent; tot altercationes Doctorum, qui charitatem illius destruunt, & divisionem introducunt, & schismata nutriunt, tot malos Casistas, qui nonnisi fucatam quamdam Theologiam habent, ut expressione S. Gregorii Nanzianzeni orat. 21. fol. 380. utar, *fucata tractanda Theologia ratio*. Qui potius cupiditati humanæ blandiuntur, quam ut illis securas pro salute sua regulas, & doctrinas subministrarent. Si consideremus cæcitatem tot peccatorum, qui neque Ecclesiam audire, nec se convertere volunt; odium implacabile, quod hæretici erga illam gerunt in animo, qui vellent, si id in eorum potestate foret, eam destruere, & per errores suos, ac impietatem suam subvertere, furorem gentilium, qui eam armata manu invadunt; si, inquam, hæc omnia nobiscum expenderemus, & nobis mala ista ob oculos poneremus, quorum causa peccata nostra sunt, nunquam sanè à gemitu, & ab oratione, pro illa cessaremus. Pro præparatione ad Missam, meliorem haud facere possis, quam ut idipsum actu præstes, quod primum  
medi-



meditatus fuisti. Roga Divinum Ecclesiæ  
Sponsum, ut ad hoc gratiam suam tibi conce-  
dat, ut scias, quomodo oporteat te in Domo  
DEI conversari, quæ est Ecclesia DEI vivi,  
Columna, & Firmamentum veritatis. 1. Tim  
3. 15.

FERIA QUINTA.

Unus DEUS, & Pater omnium, qui est su-  
per omnes, & per omnia, & in omnibus nobis.  
Ephef. 4. 6.

### DE PERFECTIONIBUS DEI.

1. Idea, quam de iis formare possimus.
2. Quales illæ sint, de quibus S. Paulus hic loquitur.

PUNCTUM I. **C**ontinent hæc ultimâ ver-  
ba Epistolæ breve elogium  
um perfectionum DEI; ex quo discimus nos  
capaces haud esse, plura de iis dicendi materia  
hæc talis est, ubi plus meditandum, quam lo-  
quendum. Adeo magnus est Dominus DEUS  
noster, ut totum ac optimum, quod à nobis  
circa hoc fieri possit, in profundo potius si-  
lentio, ac admiratione de illius magnitudine  
consistat. *Tibi silentium laus* Psal. 47. 1.  
Non habet intellectus humanus alas tam for-  
tes, quibus ad hoc supremum Esse evolare  
posset, imò quò plus conatur illi appropin-  
quare, eò altius elevatur hoc adorandum  
objectum, & ab eo elongatur, in pœnam talis  
semeritatis. Igitur cum Psalmista Psal. 138.

post Dom. decim sept. post Pent. 177

6. dicamus: *mirabilis facta est scientia tua ex me, confortata est, & non potero ad eam.* Agnoscamus humiliter impotentiam nostram, immergamus nos ipsos in abyssum nihili nostri, in comparatione & conspectu infinitarum perfectionum divinarum. Credamus illas. Adoremus illas. Meditemur illas sine cessatione, verum, quando de iis loquendum, ut in Catechesi fieri debet, dum populus instruendus est, sufficiat nobis dicere, & saepius repetere hoc ipsum, quod sint omnino incomprehensibiles; *magnus Dominus, & laudabilis nimis, & magnitudinis ejus non est finis.* Ps. 144. 3. Vel si aliquid addere volumus, ut populus aliquam ideam de iis sibi formare possit, explicemus illi sapientissimi Cajetani pulcherrima verba ista, comment. in 1. p. D. Thom. Scire cupitis, quam magnus & perfectus sit DEUS? respondeo, quod sit *in infinitis modis infinites infinitus, in perfectionibus infinitis*, id est, DEUS non habet solum infinitas perfectiones; & hæ non solum sunt infinite excellentes, sed quælibet ex his perfectionibus infinitis continet in seipsa infinitum numerum magnitudinum, excellentiarum, & mirabilium. En! quid Beati in Cælo contemplantur cum admiratione semper nova, *in quem desiderant Angeli prospicere.* 1. Petr. 1. 12. En! quid etiam nostrum grande objectum beatitudinis, & felicitatis æternæ futurum sit, si DEO fideliter hic in terris servierimus.

*Medit. Pars Aus.* M O



O quantam impressionem in animo nostro facere nobis hoc debet! *videmus nunc per speculum in enigmate; tunc autem facie ad faciem.*

1. Cor. 13. 12. Quia autem ex Scriptura haurire debemus ideam, quam de DEO nobis formare possimus.

PUNCTUM II. Videamus, quid nos hic Apostolus doceat? *unus DEUS.* Non est nisi unus DEUS. Hæc unitas demonstrat nobis, magnitudinē & excellentiam illius omni alteri esse incommunicabilem; illum solum, quem nos ex toto corde amare; solum, in quo fiduciam nostram ponere; solum, quem adorare; solum, ad quē omnia nostra, & res omnes referre debeamus, cum sit primum principium nostrum, & noster finis ultimus. *Pater omnium.* Pater est, & Creator omnium rerum; Cæli, & terræ; Angelorum, hominum, quæ videmus; creavit ex nihilo omnes creaturas; conservati illas per suam providentiam, & regit tanta sapientiâ, qualem miratus est Propheta regius, & quam cum ipso etiam nos admirari debemus; *quam magnificata sunt opera tua Domine! omnia in sapientiâ fecisti; impleta est terra possessione tua. Qui est super omnes, & per omnia, & in omnibus nobis.* Ps. 103. 24. Theodoret. ibid. DEUS est super omnia per suam supremam potentiam; est ubique & per omnia, per extensionem Providentiæ suæ? est in in omnibus nobis per suam charitatem & gratiam. Est super omnia per suam independentiâ Et ubique per suam

am

*post Dom: decim: sept. post Pent. 179*

am immensitatem; est in nobis per suam præsentiā, & illuminationem. Sol est, qui nunquam eclipsatur. Nondum satis hoc est, possumus nos subtrahere lumini, seu radiis Solis, si nos abscondamus in profundo terræ; sed medium nullum adest, ut nos Divino huic lumini subtrahere valeamus, penetrat omnia corpora; omnes spiritus; hinc dicebat David Psal. 137. *quo ibo à spiritu tuo? & quo à facie tua fugiam? si ascendero in Cælum, tu illic es; si descendero in infernum, ades; laudemus, benedicamus, glorificemus hunc magnū DEUM, qui est benedictus in sacula seculorum, Amen.* Pro Missa, rogemus Dominum JESUM, qui in hunc mundum venit, ut formaret veros adoratores Patri suo æterno; & qui nos tales reddit, per infinitam misericordiam suam; & quia in S. Communionem DEUM in nos recipimus, immergamus, & perdamus nosmetipsos in hoc adorando Oceano; ut melius instructi, & edocti, quam ille ridiculus Philosophus, qui immensitatem maris haud capere & comprehendere valens, se in illud præcipitavit; præcipitemus nos sanctius in DEUM; ut nos absorbeat tanta majestas, & tam immensa. Et ut altius adhuc nos immergamus, & tanto ponderi succumbamus, reflectamus nos supra hanc differentiam, quæ invenitur in DEO, qui in se quiescit; & in DEO nostro, qui in medio nostrum quiescit post S. Communionem; in DEO, qui tanto

*Ma*

*splen-*



splendore & gloria in seipso refulget, & in hoc ipso Deo, qui ad fundū usque, seu ad ima miseriarum nostrarum descendit, ut novam nobiscum societatem, novum commercium amoris ineat, & nos in sua unitate consumat. Sanè quis dicat hoc aliquid esse proportionatum miseris peccatoribus, quales nos sumus? & tamen hæc ipsa est gratia, quam à Christo JESU in SS. Eucharistia accipimus. *Et ego dispono vobis, sicut disposuit mihi Pater meus regnum, ut edatis, & bibatis super mensam meam, in regno meo. Luc. 22. 19.*

\*\*\* (✠) \*\* (✠) \*\*\* (✠) \*\*\* (✠) \*\*\* (✠) \*\*\*

### FERIA SEXTA.

*Diliges Dominum DEUM tuum ex toto corde tuo; & in tota anima tua, & in tota mente tua; hoc est maximum & primum mandatum. Matth. 22. 37.*

### DE AMORE DEI.

1. Obligatio nostra amandi DEUM.

2. Modus, quo illum amare debemus.

**PUNCTUM I.** **A**Doremus DEUM dantem homini maximum & summum mandatum, quod est, ut illum diligamus. *Diliges Dominum Deum tuum.* Summū hoc esse, in hoc totam suam felicitatem invenit, quod seipsum amet; & nihilominus etiam à creaturis suis amari vult. Angeli illum diligunt; beati isti spiritus, nonnisi amore illius sunt occupati; Seraphini, qui proximè ad illum accedunt, ardent præ amore Dei,

Am

*post Dominic. decim: sept post Pent. 181*

*Ardent igne Deo.* Verum hoc ipsi satis non est oportet, ut & terra particeps huius felicitatis sit; vult, ut & nos ipsum amemus; & hoc solum, non solum nobis præcipit; sed in super iram suam, & omnem miseriam nobis comminatur, si illum non diligamus. Ah! possetne esse major miseria, quam hæc, quod te non amemus? exclamat S. Augustinus L. 1. Conf. c. 5. *Quid mihi es? miserere, ut loquar. Quid tibi sum ipse, ut amari te jubeas à me, & nisi irascaris mihi, & mineris ingentes misérias? parvane est ista miseria, si non amem te?* rationes seu motiva, quæ nos ad DEUM amandum obligant, continentur in hoc ipso mandato. *Dilige Dominum.* Diligere debemus eum, quia noster supremus Dominus est. Cultus, & homagium, quod illi à nobis debetur, amor noster est; *quis cultus ejus, nisi amor ejus?* ait S. Augustinus, quia idem S. Doctor l. 12 de Trin. c. 14 asserit, nos aliter devotos, & pios esse non posse, nisi in quantum DEUM amamus; *pietas, cultus Dei est, nec colitur, nisi amando.* Idem ep. 120. ad Honor. c. 8. Omnes agnoscimus, quod DEUS sit supremus Dominus omnium rerum; quod dominium quoddam supremum in & supra nos habeat; quod absolutus Dominus sit corporum, & bonorum nostrorum; an non igitur æquum est & iustum, quod etiam Dominus sit cordis nostri? & tamen, quam pauci Christianorum, imò etiam Clericorum

M3

sunt,



sunt, qui cum veritate dicere possint. *Deus cordis mei, & pars mea Deus in aeternum?* utinam non inveniuntur, qui integros annos elabi sinunt, quin vel unum solum actum amoris eliciant. Qualis confusio? *numquid obliviscitur virgo ornamentis suis*, ait Dominus Jerem. 2. 32. *aut sponsa fascia pectoralis sui? populus vero meus oblitus est mei diebus innumeris Diliges Dominum Deum.* Amare illum debemus, quia DEUS noster est; primum nostrum principium, & ultimus finis noster; ab ipso ortum trahimus; ad ipsum denique redire debemus; *versa, & reversa in tergum, & in latera, & in ventrem, & dura sunt omnia, & tu solus requies.* Dicelat S. Augustin. Conf. 1. 6. c. 16. ratio est, quia cor hominis nonnisi pro Deo creatum est; ipse solus vera illius pax esse potest, gaudium, & voluptas illius; extra illum nonnisi inquietudinem, & turbationem invenire potest; *quia fecisti nos ad te, Domine*, pergit hic S. Doctor; Conf. 1. 1. c. 1. *& inquietum est cor nostrum, donec requiescat in te.* Crede firmiter veritatem istam, nihil esse in toto mundo, quod tibi satisfacere possit; DEUM solum aptum esse, ut vacuitatem cordis tui impleat, ipsumque esse centrum illud, quod omnes affectus tui, & desideria tua collimare debeant, prout illum quidam e patribus Ecclesiae (Dion. de div. nom. 42.) nominat; *centrum totius amoris.* *Diliges Dominum Deum tuum.* Diligere Eum debe.

debemus, quia omninò voluit totus esse noster, consequenter justum est, ut & nos velimus esse ipsius; *dilectus meus mihi, & ego illi.* Cant. 2. 16. Omnia adhibuit media, ut corda nostra lucraretur; non contentus, quod Creator noster sit, voluit insuper esse Redemptor noster, non contentus, formasse nos propriis manibus suis, nos insuper è manibus diaboli eripuit. O quis dicere & exprimere valeat DEI in & erga nos amorem; *sic Deus dilexit mundum, ut Filium suum Unigenitum daret.* Joan. 3. 16. Expende tecum benè hæc omnia verba; habuit Pater Æternus nonnisi unicum Filium; & hunc nobis dedit; sic nempe dilexit nos; *sic.* Non Rex, non Princeps terræ, sic nos amavit, sed DEUS; *sic Deus.* Dilexit nos, utut indignos tali amore gratuito & præveniente; dilexit nos, dum adhuc inimici sui eramus, amore prorsus generoso, & magnifico; *sic Deus dilexit.* Adeò nos dilexit, ut non solum vitam, & omnia bona, quibus gaudemus, nobis donaverit, sed insuper, Filium suum, unicum objectum complacentiæ suæ; *Ut Filium suum Unigenitum daret.* Et hic ipse adorandus Filius quomodo nos pariter dilexit? dic nobis hoc ipsum, ô Beatissima Virgo! quæ eum in sinu tuo portasti; dicat hoc nobis Stabulum Bethlehemiticum, in quo natus; dicat Crux pretiosa, in qua mortuus fuit. Ah! si in una balance poneretur amor omnium Cherubinorum, Seraphino-



phinorum, omnium Apostolorum, Martyrum; Beatorumque omnium: si DEUS de novo miliones Angelorum & hominum crearet, omnes isti amores, simul uniti, nequaquam æquare possent amorem illum, quem Filius DEI erga nos habuit. Quid exinde sequitur? hoc, quod, quia ipse totus esse voluit noster per suam misericordiam, nos quoque toti ipsius esse debemus per gratitudinem; *nos ergo diligamus Deum, quoniam Deus prior dilexit nos.* 1. Joan. 4. 19. Utere rationibus istis & motivis, ut teipsum ad amorem DEI excites, aliosque ad idipsum promoveas. Verum, quia pauci sunt, qui non credant se DEUM diligere.

**PUNCTUM II.** Videamus nunc modum, quomodo illum diligere debeamus, quod non tam facile capi potest, quia, ut S. Bernardus Tract. de dil. DEI c. 1. ait, *modus diligendi Deum est, diligere sine modo.* Interim, ut verbis hujus ipsius præcepti insistamus, & inhaereamus; dico inò nos eum diligere debere *ex toto corde.* Id est, quod omnem affectum nostrum illi dare, conservare, & consecrare debeamus; quod permissum nobis non sit, dividere cor nostrum inter DEUM & creaturas, quia dum totus amor noster DEO soli debetur, hoc omne illi detrahimus, & furamur, quod creaturæ impendimus, pro-ut S. Augustinus Conf. 10. c. 29 ait, *minus te amat, qui aliud præter te amat, quod præter*

*pter te non amat.* Quantumcunque nos ad  
se illiciant creaturæ, non possumus tamen illas  
amare, nisi in DEO, & propter Deum; illi er-  
go seipfos decipiunt, & falluntur, qui putant  
posse se cor suum dividere inter DEUM, &  
mundum; damnat Scriptura divisionem adeò  
injustam, quæ que etiam causa est interitûs  
tot Christianorum & Clericorum; *divisum est*  
*cor eorum, nunc interibunt.* Osèe 10. 2. 2dò,  
debemus DEUM amare *in tota anima*; voluit  
DEUS per hoc à nobis petere, ait S. Augu-  
stinus de doctr. Christi l. 1 c. 22. omnes a-  
ctiones vitæ nostræ, dum animam nostram à  
nobis exegit, quæ est principium illarum.  
*Nullam vitæ nostræ partem reliquit, quæ*  
*vacare debeat, vel locum dare, ut alia re frui*  
*velit: sed quidquid aliud diligendum venerit,*  
*illuc rapiatur, quò totus dilectionis impetus*  
*currit.* 3tiò, debemus diligere DEUM *in to-*  
*ta mente*; id est, ipse debet esse objectum co-  
gitationum nostrarum; debemus omnem de  
illo æstimationem habere; illum omnibus aliis  
præferre! supra omnes alias res amare, plus,  
quàm parentes; quam amicos; quàm nos-  
metipfos, ita quidem, ut parati simus, potius  
omnia amittere, quam illum offendere. O  
quam rarus est amor iste appretiativus! O  
quam indigemus nos illa ipsa admonitione,  
quam Josue olim Israelitis cap. 23. 11. dedit;  
*hoc tantum diligentissime præcavete, ut dili-*  
*gatis Dominum Deum vestrum.* Erubescere o-  
mninò,



mninò, & confundere, quod tam parum Deum amaveris; & pro præparatione ad Missam; hanc ad eum orationem cuiusdam magni Sancti dirige: *suscipe residuum annorum meorum.* O Domine! à te accepi favores, & miserationes ineffabiles; agnosco hoc, & gratias tibi propterea ago; dignare, quæso, suscipere hoc modicum annorum meorum, qui mihi adhuc restant in reparationem annorum illorum, quibuste non amavi. Ita est o Domine! ego tibi offero, totum vitæ meæ residuum; ne respuas hoc donum; do tibi parum, fateor, quia fieri potest, ut pauci mihi dies vitæ supersint, verum consecro tibi totum hoc, quod in illis erit; *suscipe residuum annorum meorum.* Fateor, quod rubore & confusione pleplenus sim, dum tibi, nonnisi miserabile hoc residuum vitæ meæ præsentò, à qua florem & primitias mundus & voluptates illius abstulere; sed spero me reparaturum per poenitentiam, quod per peccatum perdidi. Serò, ac tardè venio ad te: *serò te amavi, bonitas tam antiqua.* O pulchritudo semper antiqua! semper nova, quæ corda Angelorum & Sanctorum ad te rapis; nimis tardè incipio te amare; volo autem per sanctitatem vitæ meæ supplere, quod brevitatis dierum meorum mihi non permittit adimplere; amabo te ex toto corde meo, ex tota anima mea, & ex tota mente mea; amabo te super omnia; amabo absque ulla divisione, amabo constanter in hac  
vita,

post Dom. decim. septim. post Pent. 187

vita, ut amare te valeam per totam æterni-  
tatem; o amor! qui semper ardes, & nunquam  
extingueris, charitas, Deus meus, accende  
me. S. Aug: Conf. l. 10. c. 20.



## DIE SABBATHI.

*Secundum autem simile est huic, diliges pro-  
ximum tuum, sicut te ipsum. Matth. 22. 39.*

### DE AMORE PROXIMI.

1. In quo sensu præceptum, de diligendo  
proximo, simile sit præcepto diligendi Deum.

2. Qualiter implendum sit.

PUNCTUM I. **A**Doremus Dominum no-  
strum J C ut qui nos indu-  
ceret ad diligendos fratres nostros, nobis o-  
stendit magnitudinem, & excellentiam hujus  
nobis dati præcepti, dicendo, hoc secundum  
mandatum simile esse primo, hoc est illi, quod  
DEUS imposuit nobis, ut ipsum diligamus.  
*Secundum autem simile est huic.* O quam  
pulchra comparatio, & similitudo ista! quàm  
benè nos docet obligationem nostram, nos  
invicem diligendi? ut autem sensum hujus  
præcepti intelligamus, examinemus, in quo  
consistat præceptum de diligendo proximo, &  
in quo simile sit primo mandato? imò quia  
est effectus amoris DEI, quia qui diligit DE-  
UM, necessariò etiam proximum suum dili-  
gere debet; *per amorem DEI, amor proxi-  
mi gignitur; & per amorem proximi amor  
DEI*



DEI nutritur, ait S. Gregorius l. 2. mor. ca.  
 11. non sunt duo præcepta, sed nonnisi unum  
 præceptum; quemadmodum solummodo una  
 fides, una spes est, sic etiam charitas tantum  
 una est, quæ duo brachia habet, uno ample-  
 ctitur DEUM, nempe dextrâ, sinistrâ proxi-  
 mum. DEUS taliter coordinavit hæc duo  
 præcepta inter se, ait idem S. P. ut præcep-  
 tum de diligendo DEO sit instar finis, de di-  
 ligendo proximo, instar medii, quod nos ad  
 hunc finem perducere debet; unum includit  
 alterum; *duo annuli, sed una catena, duæ a-*  
*ctiones, sed una virtus; duo opera, sed una*  
*charitas; duo apud Deum merita, sed unum*  
*sine altero inveniri impossibile est, ibid. 2dò si-*  
 mile est præceptum de diligendo proximo,  
 præcepto amoris DEI in eo, quod amor pro-  
 ximi signum sit, & probatio dilectionis DEI.  
 Quia amor DEI multum participat de natura  
 objecti sui, quod est invisibile, facile nosmet-  
 ipsos fallere, & credere possemus, nos DEUM  
 diligere, dum interim amore proprio pleni su-  
 mus, ut ergo hac deceptione liberemur, im-  
 pō sūt nobis DEUS hoc secundum mandatū; *dili-*  
*ges proximum tuum sicut teipsum, cujus adim-*  
*pletio certa probatio & signum est amoris non*  
*stri erga DEUM; qui enim non diligit fra-*  
*tre suum, quem videt, quomodo Deum diligere*  
*poteſt? quem non videt. 1. Joan 4. ratiocinatio*  
 hæc S. Joannis clara est, & convincens.  
 Quomodo e. g. blandiri sibi possit aliquis  
 Cle-

post Dom. decim. sept. post Pent. 189

Clericus, quod DEUM amet, si nonnisi frigidus est, & indifferens erga fratres suos, & salutem ipsorum. *Si frater est, & eum non diligis*, ait S. Augustinus in Epist. Joan. 4. *quomodo Deum diligis, cujus mandatum contemnitis?* 2dò præceptum amoris DEI includit omnem obligationem nostram erga DEUM, sic etiam præceptum amandi proximum omnem obligationem nostram erga proximum & ideo simile est illi etiam ex hoc capite; hinc ait S. Paulus, Rom. 13. 8. *qui enim diligit proximum, legem implevit; nam, non adulterabis; non occides; non concupisces, non furaberis &c. Et si quod est aliud mandatum, in hoc verbo instauratur, diliges proximum tuum, sicut teipsum. Dilectio proximi, malum non operatur, plenitudo ergo legis est dilectio.* Admirare hic extensionem, magnitudinem, excellentiam præcepti hujus, & sollicitus esto ut illud populo proponas, & explices, quia autem satis haud est, sublinem de illo præcepto sibi formare ideam.

PUNCTUM II. Considera, quomodo debeat impleri? imò. diligere debemus proximum, ut nos ipsos. *Diliges proximum tuum sicut teipsum.* Omnis homo est proximus tuus; & ut ipse regula tibi es, quam in eo amando sequi debes; pondera bene verba ista: *sicut teipsum.* En mensuram amoris! quem fratribus tuis debes; noli fallere teipsum; quia *in qua mensura mensi fueritis*, ait Chri-

stus



stus Matth. 7. 2. *remetiatur vobis*. Sequendo hanc regulam, debes proximum sicut te ipsum tractare; tu non vis, ut proximus te contemnat, ut te offendant: igitur nec ipse etiam illum contemnas, aut offendas. Non vis, ut tibi injuriam inferat; ergo ignosce, vis, ut tibi beneficiat, ergo & tu illi, *bene fac, omnia ergo quaecunque vultis, ut faciant vobis homines, & vos facite illis*, ibid. v. 12. Facis hoc? o quàm malè observatur hæc regulà! 2dò oportet amare proximum, in DEO & propter DEUM, *proximus de charitate diligitur propter Deum*, ait S. Thomas 2. 2. q. 23. ad 5. solus DEUS est finis, quem nobis proponere debemus in amore proximi, hiac neque ob authoritatem illius, vel divitias, vel ob alias prærogativas, vel commoda temporalia, eum amare debemus, sed purè & simpliciter propter DEUM. Non ex sympathia, vel conformitate humorum, seu genii, diligendus est proximus, sed gratia DEI, & fides nos movere debet ad hunc amorem, adeò, ut aliud non quæramus, nec intendamus, nisi gloriam DEI, *quisquis ergo rectè diligit proximum, hoc cum eo debet agere, ut etiam ipse toto corde, totà animà, tota mente Deum diligit*. ait S. Augustinus de doctr. Christi l. 1. c. 6. Amastine ita proximum tuum? verùmne est, Deum esse motivum, & finem affectionis tuæ, quam erga illum geris? an non illum amasti ex proprio tuo interesse?

post Dom. decim. septim. post Pent. 191

esse? vel ob fines omninò peccaminosos? examina te desuper. 3tiò oportet diligere proximum, *non verbò, neque linguà*, tantum, *sed opere & veritate.* 1. Joan. 3. 18. Debemus é corde nostro non solum omnem offensionem, ab ore nostro omnia verba aspera & injuriosa eliminare, sed insuper eidem effectivè per opera nostra demonstrare, quod amemus illum sincerè; debemus defectus illius supportare; illum consolari in afflictione; succurrere in necessitatibus; eidem compati; omne auxilium præsertim, quæ salutem illius, & vitam æternam concernunt, præstare, siquidem hoc summum illud bonum est, quod nos nobis metipsis præstare, & conferre valeamus, nec etiam magis illi prodesse possumus. *Quod ergo agis tecum, id agendum cum proximo est, hoc est, ut ipse perfecto amore diligit DEUM.* Non enim diligis, sicut teipsum, si non ad id bonum, ad quod tendis, adducere satagis, ait S. Augustinus de mor. Eccles. Cathol. c. 25. Vide nunc, quomodo hoc grande præceptum adimpleas de amore proximi? non est aliud, quod nobis tantopere commendaverit, & tam instantè Christus JESUS, nisi hoc, vocat suum speciale præceptum: *hoc est præceptum meum ut diligatis invicem.* Joan. 15. 12. Voluit esse signum distinctivum discipulorum suorum à reliquis hominibus; *in hoc cognoscent omnes, quia discipuli mei estis, si dile-*



*dilectionem habueritis ad invicem.* Quomodo autem hoc nos observamus? ah! si o Domine, signum est discipulorum tuorum; quod ergo devenerunt Christiani? imò etiam Clerici, qui nonnisi invidiam, zelum animarum, antipathiam, inimicitiam, contentiones contra fratres suos ostendunt? *multitudinis credentium erat cor unum, & anima una.* Act. 4. 32. charitas illorum tam magna erat, ut in admirationem paganos traxerint, & ad fidem; *videte, inquiunt: ut invicem diligant, & pro alterutro mori sint parati.* Tertull. apolog. c. 39. Verùm nostris temporibus tantum abest, ut convertantur, sed potius scandalizentur nostris litibus, & contentionibus: & charitas inter nos adeò refriguit, ut si hanc probationem inire velimus, vix ulla sit differentia, & disparitas inter gentiles & nos. Ah! *miserere nostri!* pro Missa roga DEUM, ut charitatem istam in corde tuo accendere dignetur. Domine! tu vis, ut diligam proximum meum; ne totum tibi resigno, ut hoc præceptum tuum magnum adimplere valeam; veniam à te peto, quod toties contra illud deliquerim; doce me o Domine! diligere proximum meum tali modo, quem à me requiris, fac, ut te in ipso semper amem, & nil aliud in ipso, nisi te. Nolo imposterum creaturis inhærere. Nolo illis placere, vel ex puro humano respectu aliquid agere; sed tu Domine DEUS, solus occupa totum cor meum.

um; tunc enim verè diligam proximum meum, prout oportet, siquidem illum amem in te, & te in illo. O JESU ita fiat! sit mihi hoc mandatum aliquod novum, quod deinceps nova quædam perfectione studeam observare; *mandatum novum do vobis, ut diligatis invicem, sicut dilexi vos, ut & vos diligatis invicem.* Joan. 13 34.

**DOMINICA DECIMA OCTAVA.  
POST PENTECOSTEN.**

*Gratias ago Deo meo semper pro vobis, in gratia DEI, quæ data est vobis in Christo JESU.* 1. Cor. 1. 4.

**DE GRATIARUM ACTIONE.**

1. Quàm familiaris esse debeat Clericis.
2. Qualiter exerceri debeat?

**PUNCTUM I.** OMnes fideles, maximè Clerici obligati sunt ad exemplum S. Pauli, continuò gratias agere, non solum ob beneficia, quæ quotidie in tanta abundantia ab eo accipiunt, sed etiam pro iis, quæ proximo nostro obveniunt: *gratias ago DEO meo semper, pro vobis.* Nil familiarius, nil ordinarius Apostolo fuit, quam hæc orationis species, adeò efficax, ad promerenda nova de Cælo beneficia. Gratissimum se exhibebat ob ea, quæ ipse accepit, & quæ DEUS per suum ministerium aliis fidelibus concessit; continuam eorundem apud se memoriam retinebat: erat hæc gratissima ipsi occasio.

*Medit. Pars Autum.* **N** *cupa.*



cupatio: vita illius continuum quasi Eucharia-  
 sticum, seu gratiarum actionum Sacrificium  
 erat. Inde fere omnes suas Epistolas incipit,  
 & etiam finit, ut nimirum nobis hanc ipsam  
 praxim & exercitium inspiret, prout notat  
 S. Chrysostomus in hunc locum: *Et ideo in  
 omni fere Epistola hoc proponit.* Quamne au-  
 tem sollicitudinem habemus nos, eum in hoc  
 imitandi? major Clericorum pars multò ne-  
 gligentiores sunt in persolvenda tali gratia-  
 rum actione auctori omnium bonorum, quam  
 in sollicitanda bonitate illius, pro accipiendis  
 novis. Stude imposteriorum exactior esse in hoc  
 sancto exercitio. Erat talis gratiarum actio  
 frequentissima in ore primorum Christiano-  
 rum, & primorum Ecclesiae Pastorum, quia  
 pleni erant gratitudine erga DEUM, & char-  
 itate erga fratres suos; hæc etiamnum apud  
 nos foret frequens, si solliciti essemus eradi-  
 candi è nobis vitium ingratitude, quod præ  
 omnibus aliis vitiis maximè in nobis regnat.  
 Recordamur quandoque beneficiorum, quæ  
 à DEO accepimus; illorum verò, quæ DEUS  
 proximo nostro contulit, obliviscimur. Di-  
 scamus hic, gratos nos DEO exhibere pro iis,  
 quæ nos, & proximi nostri à DEO accepe-  
 runt; exemplum S. Pauli de hoc nos convin-  
 cit; & fides, quam profitemur, docet nos hoc  
 ipsam, dum ostendit nos nonnisi unum corpus  
 conficere; consequenter bonum fratrum no-  
 strorum etiam nostrum esse bonum; siquidem  
 quod

quod unum membrum concernit, ad totum corpus spectat; DEO itaque pro omnibus gratiarum actionem debemus. Nostrum est bonum; si propterea gaudeamus; nam gaudium hoc particeps nos facit bonorum istorum; nostrum est bonum, quin tale bonum proximi nostri nos ædificat, & confortat impressio, quam de virtute proximi concipimus, dat nobis desiderium, illum imitandi, vel novam firmitatem, & constantiam in bono addit. Bonum illud e. g. quod S. Carolus operatus est, & effecit in Diœcesi Mediolanensi, fuit semper, & est etiamnum publicum aliquod bonum, pro bono totius Ecclesiæ. Quàm multis Clericis, Pastoribus, & Episcopis utilia fuere, & profuere egregia exempla virtutum, hujus sancti Archiepiscopi, qui eum quoad hoc imitati sunt? igitur obligatio nostra est, ut DEO gratias agamus pro bono, quod consulit proximo nostro, æquè pro eo, quod nos ipsi ab illo accepimus. Hæc obligatio tangit omnes Christianos; specialiter autem Clericos, Pastores & Sacerdotes, qui pro salute animarum laborant; quia ordinariè per ipsorum ministerium communicat DEUS populo amorem virtutis, & exercitium bonorum operum; consequenter gratias agere debent infinitæ illius bonitati, quod benedictionem suam effundere dignatus sit super curam, & labores ipsorum, dicendo cum Apostolo: *ideo & nos gratias agimus DEO sine intermissione;*



26; quoniam cum accepissetis à nobis verbum auditus DEI, accepistis illud, non ut verbum hominum, sed (sicut est verè) verbum DEI, qui operatur in vobis, qui credidistis. 1. Theff. 2. 13. En obligationem nostram! videamus nunc quomodo, quod eidem satisfacere debeamus.

PUNCTUM II. Debet nostra gratiarum actio, ut DEO placeat, esse imò affectuosa, id est, debet procedere ex corde, amore & gratitudine erga DEUM pleno, id quod S. Paulus nobis indicat, quando ait: gratias ago Deo meo; putares, DEUM nonnisi Pauli DEUM esse; si videas illum orare pro Corinthiis, putares eum solummodo pro Corinthiis, seu totum Corinthiorum esse; adeò absorptus est à gratiis illis, quas acceperunt illi, & quas ipsemet accepit; adeò gratitudine plenus est erga DEUM pro ipsis, & pro se. Quod nos docet, debere nos taliter unitos esse DEO, quando illi preces nostras, in gratiarum actionem, tum pro populo offerimus, ut illum nobis ipsis aliqua ratione, quasi appropriare possimus, ejusdem nempe cum ipso spiritus, ut sic digniores simus exaudiri ab eo, & ut nostra gratiarum actio impetratoria sit, novorum favorum & gratiarum pro nobis, & pro aliis. Fecit Apostolus per ardentissimum suum zelum charitatis DEUM sibi quasi proprium, qui communis est omnium, ut S. Chrysostomus ait ibid. *ex magna affectione facit*

*facit proprium.* Utitur modo loquendi Prophetarum, qui sæpè ajunt: *Deus, Deus meus.* Imitemur hanc ipsius charitatem; si linguæ amoris, seu charitatis uti, & loqui volumus; *omnium quidem DEUS est,* ait S. Augustinus, in Psal. 53. *sed eorum propriè DEUS dicitur, qui eum diligunt, qui eum tenent, qui illum possident, qui illum colunt.* 2dò debet nostra gratiarum actio esse continua. *Gratias ago DEO meo semper pro vobis.* S. Paulus non interrumpit suam gratiarum actionem, vita ipsius quasi continuum quoddam canticum est sine cessatione manus suas ad Cælum levatas habet, ut DEUM laudet, & benedicat ob gratias illas, quibus fideles Corinthios afficere dignatus est. Quia cor illius charitate ardebat, hinc continuò sciatillas foras emittit. Ut hoc nobis persuadeamus, alio haud opus est, quam ut quis audiat, quomodo ad Th. salonicenses loquatur: *gratias agimus semper pro omnibus vobis, memoriam vestri facientes, in orationibus nostris, sine intermissione, memores operis fidei vestræ, & laboris, & charitatis, & sustententiæ, spei Domini nostri JESU Christi, ante DEUM & Patrem nostrum. Sciētes fratres dilecti à Deo electionem vestram; quia Evangelium nostrum non fuit ad vos in sermone tantum, sed in virtute, & in Spiritu Sancto, & in plenitudine multa.* Ministri Domini! en exemplar ad imitandum! una ex principalibus obligationi-



bus eorum, qui pro salute animarum laborant est, ut divinæ bonitati gratias agant pro gratiis, quas iis confert, qui eorum curæ subsunt. Si Angeli in Cælo gaudent super conversione peccatoris alicujus, & diem festum agunt, quamvis non sint membrum illius, quemadmodum nos invicem membra sumus, quale gaudium esse debet, & jubilus cordis in sacerdote, si fructum videat, quem per gratiam DEI in animabus attulit, quibus Evangelium prædicavit, & quas Christo parturivit hæc erat maxima Apostolorum consolatio; *magis non habeo gratiam, quam ut audiam filios meos in veritate ambulare*, dicebat S. Joannes 3. Epist. 1. 4. Hoc ipsum deberet esse objectum, & causa gaudii nostri, & orationis continuæ loco talium gaudiorum sæcularium & profanorum, quæ cor nostrum evacuant, ac Spiritum DEI ei auferunt, nosque quasi insensibiles reddunt erga bona & mala, quæ Ecclesiæ contingunt. 3<sup>ti</sup>o, debet nostra gratiarum actio fieri in Nomine JESU Christi; in hoc Nomine semper gratias agit Apostolus; *gratias ago Deo meo semper pro vobis in gratia Dei, quæ data est vobis in Christo JESU*. Gratia nobis data, & donata sunt, & per JESUM, & in JESU; quia Christus JESUS illorum est dispensator; nec aliter obtinentur, nisi per ipsum; *per JESUM*. Et quia omnes gratiæ datae fuerunt Christo JESU, tanquam unico objecto cōplacentiæ Patris sui Divini,

ni, quorum participes aliter fieri homines non possunt, nisi in quantum inveniuntur in Christo, & membra sunt corporis illius, in Jesu. Etiam illi ipsi, qui extra corpus Christi gratias aliquas obtinent, accipiunt eas, non in alium finem, quam ut intrent in hoc corpus; aliter illis non obveniunt, nisi quia DEUS hanc gratiam concessit corpori vivo Christi JESU, ut vivificare etiam possit membra mortua. Igitur origo & fons gratiae semper est in Christo JESU; & ex illo effundit in corpus, quod illi unitum est; deinde etiam in membra ab hoc corpore separata, ut eidem reuniantur. Ideo per ipsum, & in unione illius gratias agere debemus. DEO; gratias agentes semper pro omnibus, in Nomine Domini nostri JESU Christi, Deo & Patri. Eph. 5. 20. Pro praeparatione ad Missam; id ipsum in praxim deducere & exercere stude, quod nunc meditatus es; per ipsum ergo offeramus hostiam laudis semper Deo, id est fructum laborum consentientium Nomini ejus. Hebr. 13.

15.



## FERIA SECUNDA.

*Quod in omnibus divites facti estis in illo, in omni verbo, & in omni scientia. 1. Corin.*

1. 5.

### DE STUDIO.

1. Obligatio Clericorum quoad studia.
2. Modus studendi.

PUN.



**PUNCTUM I.** QUando audimus Aposto-  
lum singulariter grati-  
as DEO agere, quod Corinthii divites facti  
suerint in omni eo, quod donum verbi & sci-  
entia appellamus, reflexio, quam desuper  
facere debemus, est ista, ut intelligamus, &  
capiamus indigentiam nostram, quam habe-  
mus, horum excellentium donorum; quæ DE-  
US Ecclesiæ Corinthi contulit; nam qua ra-  
tione satisfaciamus obligationibus ministerii  
nostri, si neque donum verbi, neque scientiæ  
donum possidemus? consideratio hujus nostræ  
indigentia ad hoc nos movere debet, ut in-  
stanter ad DEUM recurramus; attendere au-  
tem debemus, ut simul etiam orationi nostræ,  
studium jungamus, & meminisse S. Pau-  
lum, qui laudavit Corinthios ob talenta &  
scientiam, quam per DEI gratiam obtinue-  
runt, tamen etiam monuisse, & adhortatum  
fuisse Timotheum Discipulum suum, ut le-  
ctioni seu studio incumberet: *dum venio, ar-  
tende lectioni, exhortationi & doctrinæ.* 1.  
Tim. 4. 13. Audiamus, & discamus monitum  
hoc datum discipulo, ait S. Chrysostomus, ut  
non negligeret lectionem & meditationem S.  
Scripturæ. Deditus erat S. Paulus huic stu-  
dio plus quam cæteri, magnâ curâ statim do-  
ceri voluit, & instrui in lege DEI ad pedes  
Gamalielis; postea verò seipsum omni conatu  
applicavit huic lectioni. Fecit ergo primus  
& prior, quod aliis deinde consuluit; sic vi-  
demus;

*post Dom. decim. Octav. post Pent. 201*

demus; quod in scriptis suis, seu Epistolis ubique citet Prophetas, ut dictis suis fidem & auctoritatem conciliaret. *Paulus lectioni intendit*, ait hic S. Pater in loc. cit. *ex qua emolumentum sciebat non minimum elici posse; nos contra negligimus.* Studiis non vacare, DEUM tentare est; non nisi studiis semper, & solum vacare, est negligere ministerium suum. Vult Apostolus, ut Discipulus suus se studiis applicet; vult autem insuper, ut etiam instructioni vacet, per quod innuitur Clerico, non satis esse, præcisè studiis incumbere; sed postquam aliqua didicit, & per lectionem scientiæ Sanctorum sufficienter instructus est, hoc ipsum etiam communicare populo per instructiones, & Conciones, doctrina & pietate plenas. Igitur certò persuasa sit tibi hæc obligatio tuâ, studiis incumbendi, possis DEO & Ecclesiæ utiliter servire, & satisfacere obligationibus boni Clerici. Quot errores committuntur in statu nostro, quando quis à studiis abhorret? hinc oritur ignorantia, & irreligio, seu indevotio in populo, & excessus in Clericis, præsertim ruri, ac in pagis; si studia non amant; amant societates, & conventicula, excursions; visitationes inutiles, conversationem cum sæcularibus, lulum, convivias; voluptates &c. Tandem deveniunt ad otium omninò peccaminosum, à quo in omnia scelera præcipites aguntur; *qui evitare, incidet in mala.* Prov. 17. 16. *Ca-*



pe igitur resolutionem hanc, quotidie certas horas studio assignandi. Quia verò haud sufficit, ut studeas.

**PUNCTUM II.** Audi, quomodo studere debeas. S. Bernardus explicans verba ista S. Pauli 1. Cor. 3. 2. *si quis se existimat scire aliquid, nondum cognovit, quemadmodum oporteat eum scire*, dat nobis suas regulas prorsus excellentes ad sanctè studendum. Vides, ait hic S. P. serm. 36. in cant. n. 3. *quoniam non probat multa scientem, si sciendi modum nescierit; vides, inquam, quomodo fructum, & utilitatem scientiæ in modo sciendi constituit; sed quid intelligit per modum sciendi seu studendi? quid? nisi ut scias quo ordine, quo fine quæque nosse oporteat?* explicemus paulò latius has regulas.

Quo ordine?

Debet servari ordo; initium faciendum ab oratione, per quam veritas in cor introducatur; *si sapientiam invocaveris, scientiam Dei invenies*, Prov. 2. 5. & ante discendum, quod saluti nostræ magis necessarium est; *ut id prius, quod maturius ad salutem*. S. Bern. ibid. Contra hanc regulam peccant, qui nullum ordinem in studiis suis servant. qui etiam subtilissimas, & intricatissimas Theologiæ quaestiones penetrare volunt, antequam vel prima elementa Christianismi didicerint; qui se ingerunt ad docendum seipfos cognoscere, & proprias passiones domare; illi denique, qui  
oratio-

orationem negligunt, sine qua impossibile est, ut Clericus in bonum Theologum evadat; *si es Theologus, verè orabis, & si verè oraveris, Theologus verè eris, dicebat S. Nilus Discipulus S. Chrysostomi Nilus de orat.*

Quo studio?

Oportet studere cum applicatione, sed majori longè fervore & ardore iis incumbere debemus, quæ vivaciùs nos ad amorem DEI movere possint; *id ardentius, quod vehementius ad amorem.* S. Bern. ibid. Contra hanc regulam peccant illi, qui inviti sine gustu, cum nausea, absque ulla attentione student; qui pro eo, ut lectioni S. Scripturæ SS. PP. ac talium librorum, qui perfectioni, & sanctitati statûs sui convenirent, vacent, solummodò gustum suum inveniunt in libris profanis, inutilibus, imò quandoque etiam periculosis. *Ne desideres de cibus ejus, in quo est panis mendacii.* Prov. 2. 3. 3.

Quo fine?

Debemus studere ex bono fine, pro gloria DEI; pro nostra, vel proximi ædificatione ad cognoscendam, amandam, & defendendam veritatem, si talia intendamus per studia nostra, benedictionem divinam super studia nostra attrahemus. *Bonas facite vias vestras, & studia vestra, & habitabo vobiscum,* ait Deus per Prophetam Jerem. 7. 3. Contra hanc regulam peccant, qui student ex vana gloria; ut satisfaciant curiositati suæ; vel alio simili



ex motivo, sunt namque, ait S. Bernardus, qui scire volunt eo fine tantum, ut sciant; & turpis curiositas est. Et sunt, qui scire volunt, ut sciantur ipsi; & turpis vanitas est. Et sunt item, qui scire volunt; ut scientiam vendant; e. g. pro pecunia, & honoribus; & turpis quæstus est. Pergit ulterius S. Bernardus: sed sunt quoque, qui scire volunt, ut ædificent, & charitas est. Et item, qui scire volunt, ut ædificent, & prudentia est; horum omnium soli ultimi duo non inveniuntur in abusione scientiæ; quippe qui ad hoc volunt intelligere, ut bene faciant. S. Bern. ibid. Omnes Clerici obligantur esse ex horum ultimorum numero, quia obligati sunt, ut ædificent populum per suas instructiones, sequæ ipsos per studium divinæ legis, ut eam in praxim deducant. Reliqui omnes, conclusio est S. Bernardi, audiant, scienti bonum, & non facienti, peccatum est ei. Applica tibi consilium hoc S. Bernardi; & pro præparatione ad Missam, roga Dominum, ut illud cordi tuo insculpere dignetur. O Domine! qui nos per Apostolum tuum 1. Cor. 8. 1. mones, scientiam inflare, charitatem autem ædificare; fac, ut tam sanctè studeam, quò mihi scientia, quam acquirere possum, serviat ad tibi serviendum, & perfectiùs te amandum. Sic lege, sic discite, ut memineris verissime dictum; scientia inflat; charitas ædificat. Sic itaque adhibeatur scientia, tanquam machina quædam,

post Dominic. decim: octa post Pent. 205  
dam, per quam structura charitatis assurgat;  
quæ maneat in æternum, etiã cum scientiã  
destruetur, quæ ad finem charitatis adhibita  
multum est utilis; per se autem ipsa, sine ta-  
li fine, non modo superflua, sed etiã pernici-  
osa, probata est. S. August. Epist. 55. n. 39.  
nov. edit.

\* \* \* \* \*

### FERIA TERTIA.

*Ita ut nihil vobis desit in ulla gratia, ex-  
spectantibus revelationem Domini nostri JE-  
SU Christi. 1. Cor. 1. 17.*

### DE GLORIOSO ADVENTU CHRISTI JESU.

1. Debent Clerici sæpius de illo cogitare.
2. Et ad illum se præparare fideliter cor-  
respondendo gratiæ DEI, & satisfaciendo o-  
bligationibus suis.

**PUNCTUM I.** **N**on prætendit S. Paulus  
per laudem hanc, quam  
Corinthiis dat, dicere, prout interpretes ad-  
vertunt, quasi nulla illis scientia desit, liqui-  
dem ipsemet illos in multis etiã instruxit;  
Theodoret & Menoch. vel quasi omninò per-  
fecti essent, cum de semetipso loquens dicat  
Paulus, Philip. 3. 12. *non quod jam perfe-  
ctus sim.* Status enim præsentis vitæ non pere-  
mittit quietem, vel, ut quis sibi certam me-  
tam præscribat; sed vult Apostolus id confir-  
mare, quod prius dixerat, nimirum Corinthi-  
os, quia Evangelium receperunt, omni gene-



re spiritualium bonorum repletos fuisse; & cum DEUS huic vineæ fecerit, quod potuit, eum exspectare nunc fructum ab ipsis; *exspectantibus revelationem Domini nostri JESU Christi.* Instituiamus meditationem nostram super hæc ultima verba, memores, Dominum JESUM hoc ipsum etiam à nobis exigere, ut in pari expectatione vivamus; & vos similes hominibus exspectantibus Dominum suum. Luc. 12. 35. Nutriebatur hac expectatione devotio primorum Christianorum; etiam nostra exinde augmentum sumat. Dum mundus eorum oculis stultas magnitudines, & excellentias suas obtrudere, sicque eos excæcare volebat; abite, inquit, prout refert Tertullianus apologet, apage, gens cæca! gens amore sæculi inebriata; *saginentur ejusmodi dulcibus convivæ sui; nostræ nuptiæ nondum sunt.* Sic deberent loqui Christiani, præsertim verò, ac præ omnibus Clerici omnes. Non sufficit conversationem internam alicujus boni Clerici in Cælo esse, dicebat S. Philippus Neri, etiam illius exterior conversatio de Cælo esse debet, Sacerdos, qui mundo mortuus esse debet, non debet immundane & sæculariter amplius loqui, sed nonnisi de DEO & Regno Cælorum; *loquens de Regno Dei.* Act. 1. 3. Imò debet in mundum invehere linguam, quam non vult intelligere, illumque docere tales veritates, quas nunquam didicit. *Linguam, quam non noverat, audit.*

vii. Psal. 80. Una ex sanctioribus obligationibus nostris est, ut nos ipsos invicem exhortemur ad suspirandum. Desiderium istud, prout notat S. Augustinus, Epist. 80. ad Hesich. essentialia est Christianismo, quia nemo Christianus esse potest, nisi Christum JESUM amet: nemo amare potest Christum JESUM, si non doleat, quod minimè agnoscatur, quod injuriatur, persecutionem patiatur, à peccatoribus, ab impiis, à libertinis; & quod inimicus ipsius, id est diabolus, adhuc in majori parte hominum regnet. Jam verò status iste durabit, quàm diu mundus durabit; quàm diu Christus JESUS possessionem Regni sui non fuerit adeptus; quàm diu diabolus dominabitur adhuc infinitæ multitudini hominum; quàm diu Christus JESUS non agnitus contemptus est, & persecutionem patietur. Non nisi dies adventus Domini perfectè liberabit totam Ecclesiam, eamque perfectæ securitati, & quieti restituet. Mors quemlibet quidem fidelem in particulari in libertatem educit, sed hoc ipsis non sufficit; quia sunt tamen adhuc in periculo in persona fratrum suorum, quos omnibus artificiis & dolis mali inimici expositos relinquunt. Erit generale bellum usque in finem mundi inter JESUM Christum & diabolum; & quàm diu hoc bellum durabit, infinita multitudo Christianorum peribit; finem igitur & cessationem belli hujus optare & desiderare debemus; quia verò finem



nem non habebit, nisi in adventu glorioso Christi JESU, qui omnes inimicos in inferno includet, & electos suos perfecte liberabit, ut secum per totam æternitatem regnent, orare oportet incessanter, ut hoc regnum gloriosum adveniat; *diligendus ergo est, & expectandus Domini adventus*, ait S. Augustinus. Facisne hoc? cogitasne de hoc frequenter? loquerisne de hoc adventu? ex tuo ordinario vivendi & agendi modo iudicium desumi debet; *loquela tua, te manifestum facit*; sed & si te etiam talibus occupares, hoc solum haud sufficeret.

**PUNCTUM II.** Debes insuper dignum te reddere & præparare ad hunc Domini adventum per fidelem correspondentiam, seu bonum usum gratiarum, id, quod S. Paulus nobis insinuat ad finem hujus Epistolæ, ubi testatur Corinthiis se sanctâ quâdam fiduciâ plenum esse, eos ad felicem finem perventuros; Deum que daturum illis donum perseverantiæ, coronam omnium aliorum donorum, ut sine crimine perveniant ad hunc magnum diem adventus Domini nostri J. C. *qui & confirmabit vos usque in finem sine crimine, in die adventus D. N. J. C.* Continetur in verbis istis, quod nos ex una parte consolari possit, dum cernimus sortem in manibus versari Patris cœlestis, qui nobis hucusque tot signa amoris sui in nos ab æterno dedit; sed ex altera parte contremiscere debemus in consideratione in-

firmitatis nostræ, scientes, grande hoc donum  
perseverantiæ effectum esse puræ misericor-  
diæ divinæ. Verum est, quod nunquam pri-  
or nos deserat; neque permittat, ut tentemur  
supra id, quod possumus; sed ô quam indignos  
nos reddimus per infidelitatem nostram, in  
non correspondendo gratiæ ipsius; super om-  
nia autem ob secretam superbiam nostram,  
protectione ipsius particulari? quoties laces-  
simus, & quasi defatigamus patientiam ipsi-  
us divinam? uniamus igitur invicem hæc duo  
motiva timoris & sp̃s; & in tantum nobis  
ipsis diffidamus, in quantum confidimus in bo-  
nitate D. N. J. C. nunquam ipsum è conspectu  
seu consideratione nostra dimittendo; ambu-  
lando continuò viam illam, quam nobis &  
verbo, & exemplo suo monstravit; fideliter-  
que satisfaciendo in omni occasione obliga-  
tionibus ministerii nostri, quod nobis con-  
credidit; sic enim & non aliter dicere  
poterimus cum Apostolo, 2. Tim 4. 8. *in  
reliquo reposita est mihi corona justitiæ, quam  
reddet mihi Dominus in illa die, justus Ju-  
deus; non solum autem mihi, sed & iis, qui di-  
ligunt adventum ejus.* Pete à Domino JE-  
SU Christo hanc fidelitatem in præparatio-  
ne tua ad Missam; roga ipsum in hunc finem,  
ut spiritum & cor tuum repleat cogitatione  
hac ultimi adventus sui, ut cogitatio hæc te  
impellat ad serviendum ipsi majori fervore,  
& ut dignus efficiaris, & inveniaris in hora  
*Medit. Pars Aut.*      O      *mortis*



mortis tuæ, quæ pro te erit initium manifestationis JESU Christi, & regni ipsius, ac perfecti dominii super animam tuam, qui tibi dicat Matth. 25. 21. *Euge serve bone & fidelis, quia super pauca fuisti fidelis, supra multa te constituam; intra in gaudium Domini tui.*

\* \* \* \* \*

### FERIA QUARTA.

*Et ecce offerebant ei paralyticum jacentem in lecto. Matth. 9. 2.*

#### CLERICI SUNT ADVOCATI APUD DEUM.

1. Pro talibus considerare seipsos debent.
2. Quid hæc ipsorum conditio ab ipsis requirat.

**PUNCTUM I.** **C**ONsidera, quod si in paralytico hodierno imaginem quamdam habemus peccatorum, etiam imaginem quamdam DEI Ministri habeamus in iis, qui hunc Christo JESU præsentarunt; discere ab iis potest Clericus, obligationem suam esse, juvare non solum miserabiles personas hic, apud potentes hujus sæculi, sed etiam intercedere pro iis apud DEUM; *intercessionis officium*, ait S. Augustinus Epist. 26. ad Cæcil. *solet esse nostra importuna, non tamen improbanda professio.* Non permittit nobis unquam nostra professio, ut peccatores derelinquamus; viscera paterna erga illos habere debemus; eos gestare in corde nostro;

JESU

JESU Christo incessanter præsentare; illius clementiam sollicitare, implorare bonitatem, & neque ulli labori, vel difficultati parcere, ut oves errantes reducamus, quin unquam defatigemur; quia audit tandem DEUS vocem ministrorum suorum; audiet clamorem cordis eorum prout & audiit clamorem Moysis, antequam ullum verbum protulisset: *quid clamas ad me?* Exod 14. 15. videt desiderium & affectum seu sollicitudinem, quam habent, pro salute peccatorum; & solet ordinariè vi-  
væ eorundem fidei sanitatem peccatorum concedere; quemadmodum hodie sanitatem precibus illorum, qui paralyticum eidem præsentârunt; & prout sanavit servum Centurionis in consideratione humilis fidei Domini illius; & vitam Lazari, lacrymis Sororum ejus. Hinc ait S. Ambrosius l. 5. in Lucam super hoc Evangelium; *unusquisque æger petendæ præcatores salutis debet adhibere, per quos nostræ vitæ compago resoluta, actuumque nostrorum clauda vestigia, Verbi Cælestis remedio, reformatur. Sint igitur aliqui monitores mentis, quorum adminiculis & attollere, & humiliare se facilis ante JESUM locetur, dominico dignus videri aspectu.* Esne è numero talium intercessorum, semper applicatus ad hoc, ut peccatores convertas, & ad JESUM reducas? quam curam adhibes precandi pro iis? potesne dicere populo tuo, tuæ curæ commissio, tanquam alter Moyses,



& mediātor inter Dominum & illum, interponendo lacrymas & preces tuas in omni-  
bus occasionibus, ubi ipsi DEUM offenderunt, ut  
ita quasi arma DEO eripias, & iustitiæ ejus?  
*ego sequester, & medius fui inter Dominum,*  
*& vos,* Deut. 5. 5. Functusne es officio tuo,  
in Confessionali, in Cathedra, in Altari? ah!  
fortè nec unquam ad hoc ullam fecisti reflex-  
ionem! vide, ut exactior in futurum sis in  
satisfaciendo obligationibus tuis; &

PUNCTUM II. Vide, quid hæc qualitas,  
seu status iste intercessoris & advocati à te  
requirat? imò. Petit à te, ut homo sanctæ sis  
conversationis & vitæ. *Quomodo enim potest*  
*Præses Ecclesiæ auferre malum de medio e-*  
*jus, qui in delicto simili corruerit?* ait S.  
Hieronymus, in c. 1. Epist. ad Tit. solum  
hoc nomen intercessoris apud DEUM hoc in-  
psum importat, ut DEO gratus & acceptus  
sis; *si ergo homo apud hominem,* ait S. Gre-  
gorius M. Pastor p. 1. c. 21. *de quo minime*  
*presumit, fieri intercessor erubescit, qua men-*  
*te apud DEUM intercessionis locum pro po-*  
*pulo arripit, qui familiarem se e jus gratia*  
*esse per vitæ meritum non agnoscit?* 2dò.  
Petit à te ardentem charitatem, nullum ma-  
jus lucrum reputando, quam si peccatorem  
ad DEUM reducere valeas; *si Officium Pre-*  
*sbyteri vis exercere,* ait S. Hieronymus Epi-  
st. 23. *aliorum salutem, fac animæ tuæ.*  
Quantum non requiritur, ut Pastor e.g. tan-  
ta

tae charitatis & teneritudinis sit, ut dicere possit ad DEUM cum Moyse; *aut dimitte eis hanc noxam; aut si non facis, dele me de libro tuo.* Exod. 32 32. Quid non requiritur; ut tantum ardorem & zelum pro salute Fratrum suorum habeat, quemadmodum S. Paulus, qui dicebat Rom. 9 3. *optabam ego ipse anathema esse à Christo pro fratribus meis.* Felix illa Parochia, quæ talenti Parochum amore DEI & proximi plenum habet! 3tio denique oportet, ut Sacerdos, qui intercessor esse vult apud DEUM pro populo, sit homo orationis continuæ, ut ex propria experientia vehementis sui erga DEUM amoris sciat, seu speret, quid è Cælo obtinere possit, tanquam unus ex iis, ad quem ista verba Prophetæ dirigantur: *adhuc loquente te, dicam, ecce adsum;* sic enim ait S. Gregorius Pastor. p. 1. c. 10. *qui orationis usu & experimento jam didicit, quod obtinere à Domino, quæ poposcerit, possit; cui prophetica voce jam quasi specialiter dicitur; adhuc loquente te dicam: ecce adsum.* Ah! bone DEUS! ubi inveniemus hodie tales Clericos, Sacerdotes & Pastores, qui omnes hæc conditiones necessarias habeant, ut pro nobis apud te intercessores existant! ah Domine! concede nobis illas obsecro, quas nobis adhuc deesse novis. Præcipuè ad Altare nobis incumbit intercedere pro salute populi. *Omnis Pontifex debet quemadmodum pro populo, ita etiam*



¶ pro semetipso offerre pro peccatis. Hebr. 5.  
 3. Sacerdos habitu sacerdotali vestitus, locum Christi JESU tenet; ut DEUM pro se, & pro omni populo suppliciter & humiliter roget; habet ante se, & retrò Dominicæ Crucis signum, ad memorandam jugiter passionem Christi; ante se Crucem gerit; ut propria peccata lugeat; post se, ut illorum etiam commissa per compassionem defleat, & se medium inter DEUM & peccatorem constitutum esse sciat. Ita Author 1. de Imitat. Christi l. 4. c. 6. Pro præparatione ad Missam roga Dominum JESUM pro hac gratia, ut hoc tuo Officio satisfacere valeas; uni in hunc finem teipsum huic unico & supremo mediatori, non solum durante Sacrificio Missæ, sed in omnibus aliis precibus tuis, continuo ante oculos tuos habendo pulcherrima hæc verba cujusdam summi, ac S. Pontificis: *Sacerdotibus & orandi, & sacrificandi jugè officium est*; S. Innoc. Epist. ad Exup. c. 8.

\*\*\*(\*)\*\*\*(\*)\*\*\*(\*)\*\*\*(\*)\*\*\*(\*)\*\*\*

### FERIA QUINTA.

*Et videns JESUS fidem illorum, dixit paralytico: Confide fili, remittuntur tibi peccata tua.* Matth. 9. 2.

### DE OFFICIO CONFESSARII.

1. Quam difficile sit.
2. Regulæ, ut dignè quis illud obeat, & exequatur.

PUN-

PUNCTUM I. **F**ides illorum, qui Salvatori paralyticum hunc præsentarunt, multum ad sanitatem illius contulit; dubitare tamen non debemus, quod non hic ægrotus pro sua parte etiam excellentes dispositiones attulerit, per quas non solum sanitatem corporalem, sed etiam spiritualem, seu animæ promeruit, siquidem ad eum Christus dixit: *fili, remittuntur peccata tua*. Optandum sanè esset, ut spirituales paralytici, volo dicere peccatores, qui Confessionale circumstant, easdem aut similes secum afferrent dispositiones, parique fide seu fiducia præditi essent, ac ille; verum, eheu! minimè hoc experimur, imò major pars illorum haud meretur audire verba hæc Filii DEI; *remittuntur tibi peccata tua*, quia omni prorsus contritione seu dolore carent, id quod ipsum est, ob quod Confessarii ingemiscunt, & occasionem nobis præbet agendi hic de difficultate hujus sacri officii. Difficultas hæc oritur imò ex depravatione morum, quæ aded excrevit, ut planè vix ullum amplius remedium sibi applicari patiantur peccatores. Concilium Tridentinum Sess. 14. c. 4. declarat, ut quis per Sacramentum poenitentiae justificetur, ista quatuor necessariò requiri: 1. *Cessationem à peccato*. 2. *Vitæ novæ propositum*. 3. *& inchoationem*. 4. *Veris etiam odium*. Debet aliquis destitisse à peccato suo, & habere firmum propositum, vitam im-

ste-



sterum vivendi novam, hoc est, vitam verè Christianam; actu etià talem vitam jam inchoasse, & denique odisse, seu detestari excessus vitæ præteritæ. Anne invenire poterimus pœnitentes, qui taliter essent dispositi? *labor iste paucorum est, qui post casum resurgunt, qui post vulnera convalescunt*, ait S. Pacianus Episcopus Barickonenſis, & Ecclesiæ Pater, Epist. 3. ad Simpron. Novarian. 2dò. provenit difficultas ista à qualitatibus, quas Confessarius habere debet, quas S. Carolus ab iis requirit; *ut pii, bene morati, docti, prudentes, de animarum salute solliciti, & fideles custodes sint eorum, quæ in confessione dicuntur*, Conc. Provinc. 1. tit. quæ pertinent ad Sac. Pœn. admin. Non est tam facilè, ac nobis imaginamur, invenire omnes istas qualitates in Clericis. Nonnisi quam plurimi sunt, qui illis carent, & tamen hoc adeò difficili officio funguntur, & illud exercent. *Quis cogitationum vulnera occultiora esse nesciat, vulneribus viscerum? & tamen sæpè, qui nequaquam spiritualia præcepta cognoverunt, cordis se medicos profiteri non metuunt; dum qui pigmentorum nesciunt, videri medici carnis erubescunt*, ait S. Gregorius M. Pastor p. 1. c. 1. 3tiò oritur hæc difficultas ex periculis, quibus Confessarii expositi sunt. Periculum adest quo ad castitatem; nam non solùm evitare oportet infelicitatem impiorum illorum, de quibus S. Ju-

das

das Epist. 4. *Dei gratiam transferentes in luxuriam; sed debet quis insuper resistere tentationibus, quæ occurrere solent iis, qui laborant alios avertere, & extrahere ab hoc infami vitio impuritatis. Debet nempe in istis circumstantiis gerere se Confessarius instar rosæ inter spinas; & ut alter Loth, qui in medio Sodomæ aspectu & auditu justus erat, 2. Petr. 2. 8. Adest periculum delinquendi contra charitatem, & patientiam, siue quo ad ignorantes, siue quoad peccatores, erga quos tantam charitatem habere debet Confessarius, & compassionem, ut condolare possit iis, qui ignorant & errant, Hebr. 5. 2. Adest periculum, ut quis desit obligationi suæ peccaminosam condescendentiam, seu voluntatem placendi hominibus; si principia mundi cum principiis Evangelii concordare quis vellet, si quis vitia Magnatum non reprehendere, nec iis obligationum ipsorum manifestare vellet, ob quod ipsum prohibet talibus, Spiritus S. suscipere in se, Officium Judicis, ut pote destitutis sufficientibus viribus, & debita firmitate; noli quærere fieri Judex; nisi valeas virtute, irrumpere iniquitates, Eccl. 7. 6. Adest periculum sibi ipsi propriam damnationem adsciscendi, dando absolutionem indignis, ad restitutionem obligatis, in proxima occasione peccatis, vel habituatis &c. Pondera tecum seriò hæc omnia pericula, quæ officium hoc comitari solent, antequam in illud*



lud te intromittas. Quid, quæso, prodesse tibi, si propterea peccata tua propria non puniaris, ait quidam Pater Ecclesiæ, si ob peccata aliorum pereas? *quid ei proderit, non puniri suo, qui puniendus est alieno peccato?* S. Prosper seu Author l. 1. de vita contemp. c. 20. quia ad laborandum pro salute animarum destinatus es, nec minus pro te periculum est, si talentum tuum defodias, ac si illo abutaris.

PUNCTUM II. Examina nunc, quid facere debeas, ut hoc tuo officio ritè & dignè fungaris? primum est, ut tibi provideas de regulis, seu principiis Evangelicis; de doctrina SS. PP. & praxi Virorum Apostolicorum; qui tales labores Apostolicos ipsi experti sunt; si tales sequare, certe non adulaberis peccatoribus per falsam commiserationem, neque etiam ad excessivum quemdam rigorem deflectes; *tunc Sacerdos irreprehensibiliter graditur; cum exempla Patrum praecedentium indefinenter intuetur*, ait S. Gregorius Pastor p. 2. c. 6. *cum Sanctorum vestigia sine cessatione considerat; & cogitationes illicitas deprimit, ne extra ordinis limitem operis pedem ponat.* 2dum est, adire Confessionale ex recta intentione, non ex vanitate, vel avaritia, vel curiositate, vel ex alio quodam motivo humano; sed unicè ad procurandam DEI gloriam, & salutem animarum; observando semper justam moderationem, si a

ve concedenda sive deneganda sit absolutio; non sequendo motum propria passionis, sed regulas illas, quas Ecclesia præscribit, quales in Rituali communiter notatae sunt. *Videte, quid faciatis? non enim hominis exercetis iudicium, sed Domini; & quodcumque iudicaveritis, in vos redundabit?* 2. Paralip 19. 6. 3tio oportet functionem hanc peragere non negligenter, aut festinanter; sed cum zelo, & attentione. Potestas quam habes, ligandi & solvendi, *grandis sanè est honor*, ait S. Gregorius, Hom. 26. in Evan. *sed grave pondus istius est honoris*. Itaque probe examinandum est prius, de quo hic agatur, antequam hanc potestatem ligandi, atque solvendi exerceas; oportet scire, & bene distinguere culpam, quæ præcessit, & pœnitentiam, quæ secuta sit post culpam, ait S. Gregorius ibid. *ut quos Omnipotens Deus per compunctionis gratiam visitat, illos pastoralis sententia absolvat; tunc enim vera est absolutio præsentis, cum æterni arbitrium sequitur Iudicis*. Denique oportet peccatori ostendere gravitatem peccati sui, & non imponere leves pœnitentias pro peccatis notabilioribus; *pro mensura delicti, erit & plagarum modus*. Deut. 25. En regulas utilissimas ad fructuosè audiendas confessiones! o quantum boni præstare possemus in tribunali pœnitentiæ! si tales exactè sequeremur, & observaremus! Fac de hoc propositum; si verè

jam



jam ita resolutus es, & ita te geris, roga Dominum, ut in hac praxi persistere valeas. Si verò Confessarius non es, roga hunc Supremum animarum Medicum, quem propediem sumpturus es, in S. Altari, ut det Ecclesie sue tales fideles Dispensatores gratiarum suarum, pretiosissimi Sanguinis sui, & meritatorum suorum infirmorum. Domine JESU qui commisisti Sacerdotis ministerium istud reconciliationis, miserere infirmitatis nostrae; adjuva nos in functione hac adeò sublimi; & fac, quaeso, ut tanquam fideles servi illam exequamur, qui aliud non querit, nec intendit, quam ut voluntatem faciat Domini sui; *Beatus ille servus, quem cum venerit Dominus, invenerit ita facientem*, Luc. 22. 43.

\*\*\*(✠)\*\*\*(✠)\*\*\*(✠)\*\*\*(✠)\*\*\*(✠)\*\*\*

### FERIA SEXTA.

*Et ecce quidam de Phariseis dixerunt intra se: hic blasphematur; & cum vidisset JESUS cogitationes eorum, dixit: ut quid cogitatis mala in cordibus vestris. Matth. 9. 3.*

### DE CALUMNIA.

1. Calumniis sæpe expositi sunt boni Clerici.
2. Qualiter se gerere debeant in his circumstantiis.

**PUNCTUM I.** **D**ebemus gloriam Christo JESU, dum interim Scribae

ba & Pharisei eum ut blasphemum tractant,  
& calumniantur. Dat illis signum quoddam  
& probationem potestatis, quam habebat, san-  
nandi animas, ac remittendi peccata, per il-  
lam sensibilem & visibilem potestatem suam,  
quam in morbos & infirmitates corporales  
exercebat, & infelices isti passionibus suis om-  
ninò scelestis præventi, pleni bile & in-  
vidia, quorum cor exasperatum & exulceratum  
erat odio & zelotypia, quam in iis excitabant  
miracula à Salvatore patrata, & splendor san-  
ctitatis ipsius, pro eo, ut agnovissent divini-  
tatem illius, qui usque in corda illorum pene-  
traverat, tam insolentes fuere, ut illum eti-  
am de blasphemia accusarent. *Hic blasphemat.*  
O furorem! ô cœcitatem! reflexio, quam super  
verba ista facere possumus, hæc est, ut con-  
sideremus ministros Christi Domini sæpè parie-  
ter tractari, ac Magister, & Dominus illorum  
à Phariseis male fuit habitus. Fuerunt sem-  
per, & erunt in Ecclesia similes Pharisei, qui  
ex innocentissimis etiam verbis Seryorum  
DEI crimina eruere volunt; qui eorum san-  
ctissimis etiam actionibus odium concili-  
are laborant; qui pro blasphemia habent to-  
tum, & omne id, quod ipsorum principiis con-  
trarium est, & contra præoccupaciones illo-  
rum militat. *Hic blasphemat.* Nil aliud in  
medium quis afferat, nisi quod certum, &  
indisputabile sit; nil nisi fundatum in puris



doctrina SS. PP. Conciliorum, Traditionum, nil nisi quod fundamentum immobile habet; dicat quis, oportere facere fructus dignos poenitentiae, DEUM haud contentum esse verbis & caeremoniis, quæ nonnisi folia quædam sunt, sed velle, ut sibi serviatur in Spiritu & veritate; impossibile est, simul combinare amorem DEI & mundi; quod ad amplectendum Sacerdotium, & obtinenda beneficia, vocatio necessaria, essentialis, & indispensabilis sit; Beneficiarios nonnisi Oeconomos esse, & Dispensatores reddituum suorum, neque fas, aut licitum illis esse, suos inde ditare; *blasphemat*. Habentur veritates hæ fundamentales pro blasphemiiis & novitatibus. Servi DEI, qui in his & similibus occasionibus vident membra sua aded in malam partem accipi, & optima etiam facta sua damnari, & denigrari habent, unde se consolentur per exemplum JESU Christi, qui vocatus & appellatus fuit blasphemus & Beelzebub; non enim est servus major, sed melior magistro suo. *Si Patrem familias Beelzebub vocaverunt, quanto magis domesticos ejus* Matth. 10. 25. sed quid faciendum est his bonis Clericis, in talibus circumstantiis, in quibus tales calumnias sustinent? hoc ipsum est, quod nunc examinandum venit.

PUNCTUM II. Oportet imò orare pro his, qui nos calumniantur. *Orate pro persecuentibus & calumniantibus vos,* ait Christus

JE

JESUS, Matth. 5. 44. Si putamus, debere nosmetipsos justificare, & probare innocentiam nostram, fieri hoc debet absque amaritudine, imitando modum agendi, & loquendi, mansuetudine & charitate plenissimum, Salvatoris nostri cum Phariseis calumniatoribus; *ut quid cogitatis mala in cordibus vestris?* 2dò oportet spernere calumniam. Confundit JESUS Phariseos, & contemnendo injurias, & temerarias ipsorum suspiciones, dat corporalem sanitatem, & spiritualement huic paralytico; id ipsum etiam nos facere debemus. Superiores esse oportet scandalis ejusmodi Phariseorum, & propterea nos non minus applicare ad curandos infirmos, quos DEI Providentia curæ nostræ commisit. Melius est, ut scandalum oriatur, quam ut veritas relinquatur. S. Bernar. Epist. 78. n. 10. *væ illis, quos lux offendit, & illa re irritantur, quæ occasio Angelis est in Cælo festum celebrandi.* Si bonus successus, quem DEUS laboribus nostris dat, morum passionibus exasperat, & audaces ac temerarios contra nos reddit, hoc ipsum nos affligere debet ex motivo charitatis, & compassionis, pro salute ipsorum; ex altera vero parte gaudium concipere possumus, eo, quod ipsorum oppositio, & contradictio fortè origo sit benedictionis divinæ pro nobis. *Scitis, fratres introitum nostrum ad vos, quia non inanis fuit,* ait S. Paulus, 1. Thessal. 2. *sed ante passim multa, & contumeliis affecti.* En! quid expectare



stare debeamus, succedimus nimirum quò ad  
 talem injuriosam tractationem æquè Aposto-  
 lis ac in dignitate illorum, dicebat D. Bar-  
 tholomæus de Martyribus, Stimul. Past. p.  
 2. c. 7. Et valdè bene considerandum est id,  
 quod de S. Gregorio refertur, cuidam Epi-  
 scopo talia passò, & se apud illum conquesto,  
 respondente: *dubium non est Reverendissime*  
*Frater, bonos pravorum odio sustinere; divi-*  
*nisque intentos operibus, perversorum adver-*  
*sitatibus lacerari &c. minus piè vivis, si mi-*  
*nus persecutionem tuleris, l. 6. Epist. 190.*  
 Columbo Episcopo Numid. 3tiò. debemus  
 nobis hoc afflictionis tempore peccata nostra  
 ob oculos ponere. *Innumeras amaritudines*  
*patior, agebat S. Gregorius, Epist. 38. ad*  
*Constant. sed DEO gratias ago, quia minus*  
*valdè affligor, quam mereor.* Verba hæc,  
 in nos melius quadrarent, quam in Sanctum  
 hunc Pontificem. Sed, sum innocens; patior  
 pro veritate, & pro justitia. Esne innocen-  
 tior, quam Magister & Dominus tuus, qui  
 etsi ipsa sanctitas fuerit, tamen accusatus, &  
 inhonoratus fuit tanquam sceleratus, & popu-  
 li seductor. Conjice cōstanter oculos tuos  
 in hunc divinum Pastorem, qui in Cruce mo-  
 ritur, eo quod homines veritatem docuerit;  
 audi desuper S. Augustinum, in Psal. 63. n.  
 3 *Pertulit omnes infirmos eorum, curavit*  
*omnes langvores eorum, prædicavit regna Cæ-*  
*lorum, non tacuit vitia eorum, ut ipsa potius*  
*eis*

post Dom. decim octa. post Pent. 225

*eis displicerent, non medicus, à quo sanabatur. His omnibus curationibus ejus ingrati, tanquam multa febre frænatici insanientes in medicum, qui venerat curare eos, excogitarunt consilium perdendi eum. Quid post hæc habes dicere? Pro Missa, offer temetipsum Deo in Sacrificium tanquam victimam paratam pro gloria ipsius immolari, ac pro nihilo computando, & reputando id omne, quod hucusque pertulisti, in comparatione beatitudinis illius, qua Deus coronabit meritâ electorum suorum. Et si coram hominibus tormenta passi sunt, spes illorum immortalitate plena est, in paucis vexati, in multis bene disponentur. Sap. 3. 4.*

\* \* \* \* \*

#### DIE SABBATHI.

*Tunc ait paralytico: surge, tolle lectum tuum, & vade in domum tuam. Matth. 9. 9.*  
**DE TEPORE IN SERVITIO DIVINO.**

1. Status animæ tepidæ.

2. Remedia contra hoc malum.

**PUNCTUM I.** **P**aralyticus iste in lecto suo decumbens, qui nil agere, neque ambulare potest, juxta SS. PP. figura aliqua funesti illius status, inquem peccator reductus est, ut hoc intelligas, adverte; dari aliquam paralytim spiritualem, quæ mortalis est, nempe cum quis in peccato mortali est, tunc enim nullam prorsus functionem vitæ spiritualis peragere potest,  
*Medit. Pars Autum, P utpote*



utpote qui peccator caret, cum anima Deo mortua sit per peccatum, sine cuius gratia & auxilio nec minimum gressum, seu progressum versus ipsum facere potest. O tristem statum! alia insuper est paralyſis ſpiritualis, quæ quidem re ipſa mortalis haud eſt, ſed omnino periculoſiſſima; nempe tepiditas in ſervitio Dei, quæ hodiernæ meditationis materia erit. imò ſervitur Deo cum naſea; exercitia pietatis oneroſa ſunt; oratio diſplicet, lectio fatigat, aſteritates incommodæ ſunt, ad nihil talis ſe obligatum eſſe vult; contrahuntur aliquæ amicitiole, quæ etſi innocentes eſſe credantur, tamen cor occupant & diſtrahunt, anima deliciis, & voluptatibus huius mundi inefſcata calcatur, vel rejicit a ſe conſolationes divinas, obligationibus ſuis non ſatisfacit, dum interim ille, qui animam huiusmodi affectionibus & exceſſibus vacuum habet, etiam difficillimas actiones ſuaves & gratas experitur; id, quod indicant nobis iſta verba: *anima ſaturata calcabit favum, & anima eſuriens, etiam amarum pro dulci ſumet*; Prov. 27. 7. 2dò. Obligationibus negligenter ſatisfit; Miſſæ Sacrificium nonniſi deſideranter peragitur, breviarium recitatur ſine attentione, rarus eſt Sacramentorum uſus, facilè ſomnus ſub oratione obrepit; indulgetur ſomno, vel tempus inutili deambulatione perditur, quod ſtudiis vel orationi dandum eſſet, quæ peragenda ſunt, nonniſi ſuper-

superficialiter sunt & tantum consuetudina-  
liter. Non aspiro, dicit talis, ad magnam  
perfectionem: contentus sum mediocritate.  
Illusio hæc est, ait S. Bernardus, Epist. 96.  
optima præcautio, quam adhibere possis ad  
salutem tuam securam reddendam, est, si e-  
vites teporem, & supra mediocritatem te  
attollere studeas; quæ relaxationi & excessi-  
bus tam propinqua est; *necessarium ad cau-  
telam, proximum defectui, mediocritatem  
transcendere, & declinare teporem.* 3tio de-  
nique in statu isto, quod nonnisi negligenter  
peragebatur, tandem vel omnino, vel ex par-  
te omittitur; quandoque cessatur ab exerci-  
tio orationis, quandoque à Missa; nunc lectio  
spiritualis, nunc exâmen conscientie negligi-  
tur; unô verbô dispensat quis secum in ob-  
servantia regularum suarum ex minimo quo-  
cunque prætextu, qui se offert. O quam ti-  
mendus est status iste! peior quandoque est,  
quam ipsa infidelitas; & ordinariè hoc post se  
trahit, quod Deus talem spernat, & omnino de-  
relinquet. Quis dicit hoc? Spiritus S. in Apo-  
calypsi cap. 3. ex occasione alicujus tepidi E-  
piscopi, cujus funestum statum annotare, &  
indicare nobis voluit, ut statum tepiditatis ex  
hac funesta descriptione melius agnoscere-  
mus. Notate Ministri Domini! erat Prælatus  
iste, alias vitæ cujusdam apparenter satis re-  
gularis, & ordinatæ, saltem nullum ei impo-  
nitur peccatum! ob quod pro scelerato ha-



beri potuisset. Non reprehenditur ex eo, quasi unam ex ovibus suis perire permiserit ex defectu residentiae, & debita sollicitudinis, neque quod superba ædificia construxerit; quod dissipaverit redditus suos, in suppellectili pretiosa, in lusu, in conviviis, in nutriendis canibus, vel equis, quos in sustentationem pauperum applicare debuisset. Non accusatur quasi potius dominari maluerit Clero suo, quam illi utilis esse; quod majori ardore jura sua, quam Ecclesiae suae prosecutus sit, & defenderit; majori zelo exarserit ad vindicandas suae personae privatim illatas injurias, quam quas religio, seu nostra fides à libertinis patitur ex impietatibus eorum, & scandalis. Nil prorsus de talibus excessibus illi imponitur: solummodo dicitur, quod sit tepidus, & quamvis sibi ipsi imagine tur, quod sit dives, tamen re ipsa pauper, cæcus, nudus, & miserabilis sit. Quid est ergo illud, quod Deus per S. Joannem huic Episcopo dici voluit? scribe illi meo nomine: scio opera tua: *sed quia tepidus es, & nec frigidus, nec calidus, incipiam te evomere ex ore meo.* Stupenda comminatio! facisne supra hoc reflexionem aliquam? vide nunc, quid tibi agendum sit, ut ab hoc periculosissimo statu exeas, si forte infelicitè in talem incidisti.

**PUNCTUM II.** Quamcunque deplorandus sit status animarum tepidarum, nihilominus minime desperanda est illorum salus, seu curatio, imò potius tractari debent cum majori

jori charitate, utpote infirmi, & non sequi,  
vel derelinqui, tanquam mortui; *medendi  
sunt tepidi, sicut agri, non ejiciendi, ut mor-  
tui*, ait S. Gregorius l. 3. in Reg. c. 9. Re-  
media, quæ huic malo adhiberi debeant, com-  
prehenduntur in istis verbis Christi Domini ad  
paralyticum: *Surge, tolle lectum tuum, & va-  
de in domum tuam*. Surge, oportet surgere,  
& resolvere se ad laborandum deinceps majori  
solicitudine pro salute propria, tanto tem-  
pore nihil fecisti pro Deo, nihil pro anima  
tua. Tanto tempore tepiditas tua te otiosum,  
& inutilem reddidit; surge igitur à somno  
tuo; accinge lumbos tuos; proba, & experire  
vires tuas, nullique labori parce, ut ab hac  
fatali paralyti tua cureris. *Surge, prae-  
cinge te, tolle otium, exerce vires, move brachia;  
complosas explica manus*, agebat S. Bernardus  
Ep. 1. ad Robertum juvenem laxum, hoc est,  
quod te facere oportet, *tolle lectum tuum*, ait  
S. Chrysol. de Paralyt. serm. 50 *hæc est,  
porta portantem, omnes muta vices; ut quod  
est infirmitatis testimonium, sit probatio sa-  
nitatis; ut lectus doloris tui sit mea cura-  
tionis indicium, ut receptæ fortitudini magni-  
tudinem ponderis asserat magnitudo* 3tiò.  
Dixit JESUS paralytico: *vade in domum tu-  
am*. Oportet fortiter & generosè progredi, &  
ambulare Coelum versus, quæ est nostra habi-  
tatio, quin defatigemur. Si quis solum modo  
ad tempus tepidus esse velit, periculum incur



rit, ut talis sit per totam vitam suam. *Cum*  
*torpore deprimeris*, ait S. Bernar. 1. de do-  
 cum vit. relig. apud Bernardum ad eundem  
 juvenem, de quo supra; *cogita, quod operari*  
*licet, cras fortasse non licebit; nullus labor*  
*durus; nullum tempus longum videri debet,*  
*quo gloria aternitatis acquiritur.* Pro Missa  
 roga Dominum JESUM, ut vires tuas con-  
 fortet, & animet per virtutem hujus divini  
 Sacrificii. Pete ab eo instanter hoc probatum  
 aurum charitatis, quo indiges, ad illi dignè  
 serviendum, & cum fervore; sed memento,  
 aurum hoc emendum esse expensis, seu re-  
 nuntiatione commoditatum, voluptatum qui-  
 etis; & quod nonnisi hac conditione locuples  
 fieri valeas, in oculis illius, qui pretium vir-  
 tutis cognoscit; *suadeo tibi emere à me au-*  
*rum ignitum probatum, ut locuples fias, & ve-*  
*stimentis albis induaris, & non appareat*  
*confusio nuditatis tuæ.* Apoc. 3 18

**DOMINICA DECIMA NONA.**  
**POST PENTECOSTEN.**

*Renovamini spiritu mentis vestræ.* Eph.

4 23.

**DE SPIRITU CLERICALI.**

1 In quo consistat.

2. Quid facere debeamus, ut in nobis  
 renovetur.

**PUNCTUM I.** **N**on est fere instructio, seu  
 documentum majoris  
 momen-

momenti, præsertim pro Clericis, quam illud, quod S. Paulus nobis dat initium hujus Epistolæ: *renovamini spiritu mentis vestræ*. Una ex gratiis, quibus ad ritè peragenda omnia, prout fideles Christi JESU ministros decet, indigemus, est spiritus Clericalis; & quia facilè est, illum inter tumultus sæculi amittere, hinc satis repeti, & inculcari nobis non potest hoc, *renovamini spiritu mentis vestræ*. Verùm antequam hanc renovationem incipiamus, stabiliendum prius est, quid sit reipsa hic ipse Spiritus? Spiritus Clericalis est abundans quædam seu copiosa participatio, Spiritus Christi ipsiusmet, cujus nos ministri sumus; *nos autem non spiritum hujus mundi accepimus, sed Spiritum, qui ex Deo est*. 1. Cor. 2. 12. Donum est DEI, quod nobis inspirat amorem erga functiones Ecclesiasticas, nosque capaces & aptos reddit ad dignè, & prout oportet, eas obeundas. Sic ergo facilè deprehendere, & cognoscere poteris spiritum Clericalem ex duobus signis, imò, Si libenti, & volenti animo, ac cum gustu exerceas ejusmodi functiones. 2. Et si hoc congruè, & decenter facias. Debet Clericus, ut spiritum statûs, seu vocationis suæ habeat; specialem inclinationem & appetitum erga tales virtutes habere, quæ ipsi maximè conveniunt; perfectam religionem, seu devotionem; Angelicam puritatem, ardentem zelum pro gloria DEI, & salute animarum, magnûm  
amo-



amorem pro Ecclesia, affectionem singula-  
rem erga orationem, studium & laborem.  
Debet in omni loco exhibere signa dignita-  
tis suae; exterior ipsius conversatio, vestimen-  
ta, omniaque talia esse debent, qualiter ab  
Ecclesia praescribuntur. Debet diligere fun-  
ctiones status sui; gaudium ex eo concipere,  
si eas absque distinctione ac indifferenter e-  
xercere valeat, etiam minimas, & quae mi-  
noris considerationis esse videntur. Quid di-  
co minimas? non est ulla ex omnibus, quae  
non infinities sublimior, & excellentior sit,  
quam, ut nos illam exercere mereamur. Ta-  
lis erat nimirum idea, quam sibi de iis for-  
marunt sancti omnes. Dum S. Cyprianus se-  
rvitio DEI se consecravit, petiit adhiberi pro  
scopanda Ecclesia, & ad minimas etiam, &  
vilissimas functiones sacri ministerii; prout  
ex S. Gregorio Nazianzeno Orat. 18. auditus  
minister; Templum everrens ac repugnans.  
Eli 5. ibi. id discimus. Legimus in Epistolis  
hujus Illustrissimi Martyris, quod fuerint ex  
SS. Confessoribus, qui post atrocissimas pu-  
gnas pro defensione fidei obitas, honori sibi  
duxerint, minima officia in Ecclesia per-  
agere potuisse; & loquendo de Aurelio, qui  
pro fide generose certavit, & vicit, ait Epist.  
38. *merebatur talis Clericae Ordinationis ul-  
teriores gradus &c. Interim placuit, ut ab  
Officio lectionis incipiat. Et pergit ulterius,  
nihil magis congruit voci, quam Dominum glori-  
osae*

riosa predicatione confessa est, quam celebrandis divinis lectionibus personare, post verba sublimia, quæ Christi Martyrium prolocuta sunt, Evangelium Christi legere, unde Martyres fiunt ad pulpitem, post catastam, venire. Ibid. Denique ut quis spiritum Clericalem habeat, haud sufficit, amare functiones status sui, sed necessaria insuper sunt talenta ad illas ritè obeundas. Quando DEUS hominem ad certam conditionem, seu statum vocat, præsertim Ecclesiasticum, tunc Spiritu suo eum replet; & character hujus Spiritus est, reddere homines capaces ad peragendas functiones, statui, ad quem vocati sunt proprias. Ita legimus, Exod. 31. 3. postquam Beseleel, & Ooliab à DEO electi fuere ad construendum tabernaculum, illos repletos fuisse spiritu sapientiæ, intelligentiæ, & scientiæ; omnium eorum, quæ ad opus ad quod electi fuerunt, erant necessaria, S. Aug. quæst. 38. in Exod. descendit id, quod de Beseleel, & Ooliab dicitur, extendi, & intelligi potius debere ad magnas illas veritates per tabernaculum præfiguratas, quam ad ipsum tabernaculum, quod solummodo figura aliqua illarum erat, id est DEUM voluisse nobis indicare per hanc figuram, quod si aliquem in lege gratiæ pro ministro Ecclesiæ suæ eligat illum etiam repleat sapientiâ & intelligentiâ ad benè & ritè peragendas functiones suas. En! quid sit spiritus Clericalis! vide nunc, utrum illum



illum acceperis, saltem in aliquo gradu? sed sustinuistine conservare etiam illum juxta hæc Apostoli verba, 1. Thessal. 5. 19. *Spiritum nolite extinguere*. O quam timendum est, ne extinctus sit in te spiritus iste, siquidem tam parum ex tuo modo agendi & vivendi de illo elucet. Hinc.

PUNCTUM II. Adhuc hodie amplectere media quædam, hunc spiritum renovandi. En! duo valde utilia! imò. Elonga te à spiritu huius mundi, qui extremè oppositus est, & contrariatur Spiritui Christi. Non es de hoc mundo, sed prout Christus ad Discipulos suos Joan. 15. 19. dixit: *ego vos elegi de hoc mundo*. Electio ista, & seperatio nostra à mundo ad hoc nos obligat, ut nil amemus, quod mundus amat; mundus iste corruptus aliud non amat, quam voluptates & delicias; aliud non querit, nisi divitias & honores, nil tale amare debet bonus Clericus, totum, quo occuri, debet, illud est, quod Paulus Timotheo Discipulo suo 2. Ep. 4. 5. suadet; vigila, labora, opus fac Evangelistæ, ministerium tuum imple, sobrius esto. Nota tibi bene hanc doctrinam. Clericus debet esse sobrius in omnibus; in mensa, in recreationibus, in conversatione, in loquendo, in usu omnium illarum rerum, quas DEUS imbecillitati & fragilitati humanæ indulgit. O quam felices essemus, si quantum ad ista bona temporalia taliter comparati essemus, quemadmodum Ego  
genius

genius Papa, cui S. Bernardus hoc testimonium perhibet: *de avaritia non est, quod tuum fatigem intuitum, cum pecuniam tanquam paleam dicatis habere.* l. 2. de confid. c. 14. Sobrius denique quantum ad Officia & dignitates, quæ ipsi offeruntur; non quærendo illas nimia aviditate; nec recusando illas nimia obstinatione, sed sequendo hanc regulam pulcherrimam S. Aug. Epist. 48. nov. edit. alias 81. *vos exhortamur; ut si quam operam vestram Mater Ecclesia desideraverit, nec emulatione avida suscipiatis, nec blandiente desidia respuatis.* Vide, ut taliter sentias, & affectus sis, si spiritum Clericalem in te renovare cupis. 2dum medium non minus utile ad hunc effectum est, sacra aliqua solitudo, seu secessus spiritualis semel, in mense, & aliquot diebus ad finem anni; id, quod nos docuerunt sanctissimi quique per suum proprium exemplum; adeo se non exemerunt ab his sacris exercitiis ad renovandum spiritum suum, ex prætextu ingentis molis negotiorum, ad quæ ratione Ecclesiarum suarum adstricti erant, ut potius hoc ipsum eos ad hoc compulerit, certos dies destinandi huic sacro exercitio, quo serius examinare seipsos, ac purificare possent à defectibus, quos committere in necessario commercio, seu conversatione cum sæcularibus, & ut repararent negligentias priorum temporum, & in futurum sibi prospicerent, ut omnia cum majori puritate & zelo



zelo ab ipsis peragerentur. Imitare illos, & pro preparatione ad Missam pete à Domino DEO tuo per merita vitæ ipsius occultæ, cuius mysterium tibi per mysterium SS. Eucharistiæ representatur, hanc gratiam, instituenti quandoque talem spirituales secessum, ut serio te supra te ipsum reflectere valeas. Noli timere, ne sic tempus perdas in tali solitudine, otium hoc spirituale grâde tibi erit negotium, si tempus hoc transigas, prout oportet. *Nemo inuideat otio meo, quia otium meum magnum habet negotium.* S. Aug. Ep. 213. alias 110.



## FERIA SECUNDA.

*Et induite novum hominem, qui secundum Deum creatus est in iustitia, & sanctitate veritatis* Eph. 4. 24.

## DE SANCTITATE STATUS ECCLESIASTICI.

1. Rationes, ex quibus obligantur Clerici, ut sint Sancti.

2. In quo consistat sanctitas ista.

**PUNCTUM I.** Possemus sanè de pluribus Clericis idipsum dicere, quod olim S. Bernardus de quibusdam Religiosis. Nempe eos nonnisi habitum & exteriora de sua professione habere, absque spiritu: *Veterem hominem non exuerunt, sed novo palliant* Apolog. ad Guiliel. Abb. Contenti sunt tales, si crines tondeantur, si coronam

in capite portent, si habitum mutent, aliqua pietatis opera exerceant: sed in fundo, seu corde, & intrinsecus veram illam sanctitatem non habent, quam ab ipsis sublimitas status ipsorum requirit, & ad quam nos invitat S. Paulus per verba ista nobis tam familiaria, scilicet nota: *induite novum hominem, qui secundum Deum creatus est in iustitia & sanctitate veritatis.* Utilem igitur valde meditationem instituamus, si consideremus rationes, quæ ministros novæ legis obligant ad hoc, ut sancti sint. En! quid ipse Dominus dicat ad Moysen Levit. 21. 1. 6. 8. *Loquere ad Sacerdotes filios Aaron; & dices ad eos &c. sancti erunt Deo suo, & non polluent nomen ejus; incensum enim Domini, & panes Dei sui offerunt, & ideo sancti erunt &c. Et panes propositionis offerunt; sint ergo sancti, quia ego sanctus sum Dominus, qui sanctifico eos.* En! quomodo in his paucis verbis dicat Dominus tertia vice, ministros illius sanctos esse debere; concludere ex eo, quales esse debeant Sacerdotes novæ legis; illi nimirum, quorum ministerium non amplius in eo præcisè consistit, ut incensum offerant, & panes; sed sanctum sanctorum, & illum, qui est victima propitiationis pro salute totius mundi; illi, qui ministerium Angelicum habent, id est, quod Angelis potius convenit, quam hominibus, ut S. Chrysostomus l. 6. de Sacerd. ait; *sint ergo sancti, quia & ego sanctus sum Dominus, qui sanctifico eos.*



205. Omnia in ministro Ecclesiæ sancta sunt; character est sanctus: functiones sanctæ; æquū igitur est, ut & vita ipsius sancta sit. Quid est Sacerdos? est Vicarius JESU Christi. *Sacerdotes sui ipsius Vicarios reliquit*, ait Concilium Tridentinum; sess. 14. c. 5. hoc est; Sacerdos locum Christi tenet super terram, quem etiam in suo modo agendi, & vivendi repræsentare debet. Ubi autem inveniat quis imaginem hanc, & repræsentationem JESU Christi in Sacerdote, si sanctus non sit? ubi inveniens Christus zelo plenus pro gloria Patris sui. JESUS pauper, JESUS patiens, JESUS plenus sapientia, JESUS vitam suam in laboribus transigens &c. in Sacerdote scelerato, vel socorte? illo ipso tempore ordinati sumus in Vicarios JESU, quo in Sacerdotes; repræsentare ergo illum debemus non solum in Ecclesia, in Confessionali, ad Altare, sed etiam in mundo & in oculis, seu conspectu omnium hominum per conformitatem vite nostræ cum vita ipsius. En! quo extendere se debeat sanctitas nostra! adeo, ut si virtutem tantum communem habeamus, digni haud sumus Vicarii JESU Christi. *Vides in Sacerdotibus nihil plebejū requiri*, ait S. Ambrosius l. 3. Epist. 2. & l. 10. Epist. 92. *quomodo enim potest observari à populo, qui nihil habet segregatum à populo?* expende ista! humilia te usque ad centrum terræ; & dole de tua tam modica attentione, & studio acquirendi sanctitatis.

Et tatem status tui. Quia verò non sufficit, ut in genere scias, quod sanctus esse debeas.

PUNCTUM II. Considera, in quo consistat sanctitas hæc statui tuo adeò essentialis. imò. Afferre oportet ad Sacerdotium innocentiam vitæ, vel saltem debent delicta juventutis per sinceram pœnitentiam sufficienter esse reparata. S. Paulus loquens de Diaconis 1. Tim. 3. 10. ait: *hi probentur primum; & sic ministrare, nullum crimen habentes.* Ecclesia semper secuta fuit hæc doctrinam Apostoli; vult enim ministros suos esse probatos, id est, juxta explicationem magni cujusdam Pontificis; *ut nullus ordinetur Clericus, nisi probatus, vel Episcoporum examine, vel populi testimonio.* Ep. Nicel. ad Clerum c. 5. Tom. 8. Conc. p. 1003. Idem Pontifex dicit expresse, quod intelligi velit de longo quodam examine. Examen requiritur tale, in quo tota series vitæ seriò examinetur, quia sæpè accuratius indagando, tales excessus inveniuntur, qui ostendunt talem tantum apparuisse, non fuisse innocentem. *Quorum per longum tempus examinata sit vita, & merita fuerint comprobata.* ibid. Non omisit Ecclesia in hoc examine ullam cautelam; imò etiam populi desuper consilium audiebatur, prout S. Cyprianus testatur in quadam Epistola. *In Ordinationibus solemus vos ante consulere.* En! quid ante ingressum in statum Ecclesiasticum requiratur? adò. Quando actu quis in hoc stato

vera



versatur, & ab Ecclesia in numerum ministro-  
rum suorum electus, & assumptus est, oportet  
firmiter in eo permanere, quem semel ample-  
xus est. Caractere Ecclesiastico insignitus es;  
caractere omnino sanctissimo ex omnibus;  
consequenter obligatus etiam es, sanctius nunc  
vivere, quam unquam vixeris; *ut nomen con-  
gruat actioni; actio respondeat nomini; ne sit  
honor sublimis, & vita deformis; ne sit deifica  
professio, & illicita actio*, ait S. Ambrosius de  
dign. Sacerd. delicta evites, sed ut Concilium  
Trident. sess. 22. c. 1. loquitur, *levia etiam  
delicta, quæ in ipsis maxima essent, effugiam.*  
Ita mores tuos compone, ut nil in te notari  
possit, quod non devotionem spiret, & clare  
demonstret, te omnino persuasum esse de su-  
blimitate ministerii tui; in id solum inventus,  
ut tuæ propriæ ac aliorum sanctificationi stu-  
deas; *nihil nisi grave, moderatum, ac religi-  
one plenum præferant.* ibid. 3tio. Sancti-  
tas Ecclesiastica requirit, ut quis sibi propo-  
nat, semper novos facere progressus in virtu-  
tute. Si dicas, sufficit, periisti. Hæc regula  
seu principium S. Augustini serm. 109. alias  
25. de V.A. vel maximè Clericis congruit, qui  
ex sua vocatione & statu ad talem sublimem  
perfectionem obligati sunt. Igitur non audi-  
as illos, qui tibi dicunt, quod possis quiescere  
& quod abundè jam laboraveris, sed audi  
pòtius illum, qui tibi dicit, *surgè, grandis es  
nim tibi restat via.* 3. Reg. 39. 7. Examina  
te

*post Dom: decim: nonam post Pent. 241*

te ipsum super hac triplici sanctitate, quæ statui Clericali competit, Qualem habuisti sanctitatem, quando statum Clericalem amplexus es! *Sancti sint Clerici*, ajebar S. Hieronymus Epist. 4 ad Rusticum; Ita ergo age, ut adolescentiam tuam nulla sorde commacules; ut ad Altare Christi quasi de thalamo virgo procedas. Itane ingressus es Sanctuarium? dum actu in statu hoc fuisti; quali sanctitate vixisti? denique nunquam ad laxitatem deflexisti? & quia oportet magno animo, & fortiter ambulare viam perfectionis, conforta te divino pabulo, quod de Altari sumpturus es; & vide, ut hanc veritatem tibi firmiter persuasam habeas, nempe, nil magis facere ad contemptum Ecclesiæ, quam videre Laicos longè meliores, & vitæ sanctioris, quam Clericos. Unde non solum Episcopi, Presbyteri, Diaconi, debent magnopere providere, ut cunctum populum, qui præsent conversatione, sermone, ac scientia præcedant; verum & inferior gradus Exorcistæ, Lectores, editui, & omnes omninò, qui domui Dei serviunt; quia vehementer Ecclesiam Christi destruit, meliores esse Laicos, quam Clericos. S. Hier. in Epist. ad Tit. c. 2. §. 55.

\* \* \* \* \*

### FERIA TERTIA.

*Propter quod deponentes omne mendacium;  
loquimini veritatem unusquisque cum proximo  
Medit. Pars Aut.*

Q

suor



*suo; quoniam sumus invicem membra. Ephes.*

4. 25.

# DE MENDACIO.

1. Quid sit mendacium, & quomodo displiceat Deo?

2. Quam abhorrere ab illo debeant Clerici?

**PUNCTUM I.** Invitat nos S. Paulus, ut sinceri simus erga proximum nostrum: ratio, quam assignat, deberet sanè nos convincere; non quærit unum membrum supplantare alterum membrum: oculus non fallit aurem; pes non decipit manum; quia ergo sumus omnes membra ejusdem corporis, cujus Caput Christus est an non æquum est, ut longè simus ab omni mendacio, & ut quilibet veritatem loquatur cum proximo suo? *propter quod deponentes omne mendacium, loquimini &c.* Verùm quia contrarium nonnisi frequentissimè in mundo accidit; & plurimi etiam Clericorum ab hoc vitio exempti non sunt; videamus, quid sit mendacium, & quomodo DEO displiceat? mentiri est dicere aliquid, quod quis credit esse falsum, ad hoc, ut audientem decipiat. Potest quis mentiri, non solum loquendo, sed etiam scribendo, vel per alia quæcunque exteriora signa, vel denique utendo æquivocationibus, vel restrictione mentali, *Ille mentitur, qui aliud habet in animo, & aliud verbis, vel quibuslibet significativis.*

*post Dom. decim. nonam post Pent. 243*

*nibus enuntiat, ait S. Augustinus l. de mend-  
c 3. unde duplex cor esse dicitur mentientis.  
S. Thomas 2. 2. q. 110. 2. 2. & 3. distin-  
guit tres sordes mendacii; officiosum, jocosum,  
perniciosum. Primum est, quod dicitur, ad  
præstandum proximo quoddam servitium; po-  
test quis prudenter occultare, seu celare  
veritatem, quam manifestare non obligatur;  
& cujus manifestatio vel nobis, vel aliis  
posset esse præjudiciosa; nunquam autem  
licitum est mentiri; si hoc etiam ad propri-  
am vitam salvandam fieret; imò ne qui-  
dem, si per mendacium æternam proximo-  
rum salutem procurare possem, ait S. Augu-  
stinus l. de mend c 20. n. 42 ad sempiter-  
nam verò salutem nullus ducendus est opitu-  
lante mendacio. Ratio est, quia nunquam li-  
cet facere malum ad impediendum aliud  
malum, neque ad procurandum bonum; nun-  
quid Deus indiget vestro mendacio, ut pro  
illo loquamini dolos? Job 13. 7. alterum ge-  
nus mendacii est, quod dicitur ad compla-  
cendum proximo, & ad alios recreandos  
qualia sunt, certæ historiæ, & narrationes  
studio ad hoc inventæ, ut alii audientes re-  
creationem inde capiant. Non sunt quidem  
mendacia ejusmodi magna peccata, nihilo-  
minus semper tales defectus, qui Deo displice-  
ant; qui simplicitati Christianæ; multo ve-  
rò magis modestiæ, & gravitati Ecclesiasti-  
cæ contrariantur. Non magna culpa est, sed  
Q2 tamen*



tamen non sine culpa, ait S. Augustinus in Psal. 5. denique ultimum genus, quod gravius est prioribus, in eo consistit, quando aliquid ex proposito, & malitia, falsi dicitur, ad nocendum proximo v. g. mentiri in materia fidei, & religionis, quanta impietas! mentiri in præjudicium proximi, quoad bona illius, vel honorem & famam; quanta injustitia! nihilominus est hoc ipsum de facto valde commune, & ordinarium, ubi simplicitas & veritas videntur omnino è commercio & societate civili proscriptæ. Vix unus alteri amplius fidei, quilibet in magnis negotiis nescio quas cautelas adhibet, ut se securum conservet; quare hoc? quia plerumque homines, nescio quibus fraudibus & dolis utuntur, posuimus mendacium spem nostram, & mendacio protegi sumus Is. 28. 15. Neque ad hoc attenditur, talem modum agendi mortem animæ adferre; os, quod mentitur, occidit animam Sap. 1. 11 Et quod scriptum sit perdes omnes, qui loquuntur mendacium. Pl. 5. 7. Time mendacium! vide, utrum non ipse etiam illi subiaceas? &

PUNCTUM II. Stude horrorem contra illud concipere. En! aliquot motiva, quæ nos ad illud detestandum inducere debeant. imò mendacium inhonorat Deum, qui est suprema Veritas, cui mendaces abominabiles sunt; abominatio est Domino labia mendacia. ait Sapiens, Prov. 12. 22. qui autem fideliter agunt

*post Dom: decim: nonam post Pent. 245*

*gunt, placent ei. Facit injuriam JESU Christo, qui in hunc mundum venit, testimonium reddere veritati; impugnat puritatem & simplicitatem Evangelii, quod ubique veritatem annuntiat & prædicat. Spernit Sanctos, qui defensores erant veritatis, quam cum periculo vitæ suæ sustinuere; & quis non abhorreat ab hoc vitio, quod oppositum est, & contrariatur omni illi, quod in religione, seu fide nostra sanctissimum est! 2dò. Imitatores nos facit diaboli; ipsius enim spiritu animantur, & aguntur mendaces; pro duce, pro patre, pro exemplari habent hunc inventorem omnis doli, fraudum, & mendaciorum. Hæc est exprobratio Christi Domini olim Pharisæis facta inimicis suæ sanctæ simplicitatis, & verbi, quod eis prædicaverat; non enim contentus solum dixisse, illos neque Abraham pro patre suo habere, à quo descenderant, neque Deum, quem exterius adoraverunt, adjunxit: vos ex patre diabolo estis, & desideria patris vestri vultis implere. Job 8 v 44. Mentitus fuit diabolus primis nostris parentibus, vellet ex toto mundo eliminare veritatem, & homines mendaces reddere, sicut seipsum; mendacium adeò proprius ipsius character est, ut illud loquens ex suo loquatur, cum loquitur mendacium, ex propriis loquitur. Si homines ad illud invitat, idem est, ac ad similitudinem & imitationem suam, eos provocare; quia occupatio, qualitas,*



conditio, natura ipsius alia non est, quam ut sit mendax; *quia mendax est, & pater ejus.* En! quodnam sit exemplar, quis pater hominum? qui mendacium agunt, loquuntur ut dæmones; vivunt ut dæmones, & illius desideria perficere satagunt; & *desideria patris vestri vultis implere.* 3<sup>o</sup>. Mendacium januam aperit omnibus peccatis; *anima dolosa errant in peccatis.* Prov. 13. Per mendacium seminatur divisio, & introducitur dissensio in familias: foventur quærelæ & inimicitia inter vicinos; per mendacium obvelant, & contegunt juvenes scelera sua & excessus, mercatores usuras suas, & dolos ac fraudes, justitiæ Ministri violentias & rapinas suas. Clerici suas simulationes & avaritiam docuerunt enim linguam suam loqui mendacium, ut inique agerent, laborarent Jerem: 95. Id quod permovit S. Basilium, ut diceret: quemadmodum veritas terminus est, quò se omnes virtutes conferunt, ut soliditatem & felicitatem suam consequantur; ita etiam mendacium esse quasi consummationem & ultimam lineam in prudentia & malitia peccati; *extrema malitia linea, mendacium.* Pluribusne opus sit ut vitium adedò infame detesteris, quod Deum inhonorat; quod te facit imitatore diabolus, & pertrahere potest in omne genus excessuum. Utère hoc motivo ad concipiendum horrorem de hoc vitio, & ad similem populo

post Dom. decim. nonam post Pent. 247

populo inspirandum. His adde, si placet pœnas, quibus Deus mendaces in hoc & in altero mundo afficit. (exemplum Ananiæ & Sapphiræ Act: 5.) *omnibus mendacibus pars illorum erit in stagno ardenti igne & sulphure.* Apoc: 21. 8. In particulari autem nunquam præbe sæculâribus ullam occasionem vel causam, ut te pro mendace & fraudulento habeant; ut nunquam inveniantur in te, *ita & non*, sed simplex & candidus, quales Dei Ministros oportet esse, *estote simplices sicut columba.* Esto ex veris Israëlitis, sine duplicitate & fraude. Pete hanc à Deo gratiam in tua præparatione ad Missam; & memento, conjungi simul non posse Belial cum JESU Christo, neque spiritum mendacii cum Deo veritatis, quem sumere cogitas, & desideras. *Non potestis mensæ Domini participes esse, & mensæ demoniorum.* 1. Cor. 10. 21. Domine Deus, qui Clericos elegisti, ut essent prædicatores verbi, ne permittas obsecro, ut ab hoc deflectant; *ne auferas de ore meo verbum veritatis usquequaque.* Psal. 118. Spero me Te nunquam amplius offensurum, per mendacia; neque permissurum seu daturum linguæ libertatem hanc, ut aliquod cogitet: neque intelliui meo, ut aliquod exigeret; hoc est propositum meum, quod hodie cum S. Job concipio; dona mihi Domine hanc gratiam, ut illud servare, & exequi valeam. *Donec superest habitus in me, non loquentur labia mea iniquitatem;*



*ratem; lingua meditabitur mendacium. Job.*

27. 4.

\*\*\*(\*)\*\*\*(\*)\*\*\*(\*)\*\*\*(\*)\*\*\*(\*)\*\*\*

### FERIA QUARTA.

*Irascimini, & nolite peccare, sol non occidat  
super iracundiam vestram. Ephes. 4. 26.*

#### DE IRA.

1. Datur ira laudabilis, quæ Clericis con-  
venit.

2. Datur alia peccaminosa, quam evitare  
debent.

**PUNCTUM I** Docent SS, PP. duas esse  
species iræ, seu motus  
iracundiæ, primi excitantur in anima nostra  
per impatientiam, alii ex amore justitiæ; illi  
sunt peccaminosi, hi virtuosi, *solertum sciens-  
dum est*, ait S. Gregorius Papa, l. 5. moral.  
in Job. c. 30. *quod alia est ira, quam impa-  
tientia excitat; alia, quam zelus justitiæ  
format; illa ex vitio, hæc ex virtute genera-  
tur* Irasci, ut causa Dei defendatur, ut vi-  
tiæ reprimantur; ut malefactores puniantur  
juxta regulas justitiæ, & moderationem illa-  
m, quam religio exigit, zelus est, & non  
peccatum. Bonus Christianus, & bonus Cleri-  
cus zelum hunc habent, quando se commoveri  
sentiunt propter excessus, qui de factò in mun-  
do regnant, & ob injurias, quæ continuò di-  
vinæ Majestati inferuntur; *qui derelinquunt  
legem*, ait Sapiens, Prov. 28. 4. *laudent impi-  
um, qui custodiunt, succendentur contra e-*  
*um.*

*post Domini decim: nonam post Pent. 249*

*um.* Phinees animatus erat sancta hac irâ, quando tam ardenti zelo vindicavit causam Domini, & tanto numero filios Israel gladio peremit ad idola conversos, cujus iram nec propinquissimi etiam evadere poterant. Numer. 25. 11. Matathias hac irâ inflammatus subvertit profanum illud Altare Antiochi, & unâ sanguinem concivis sui ibi fudit, qui temerario & sacrilego ausu, impulsu officialis regii, in eo sacrificavit; quem pariter etiam trucidavit: *accensus est furor ejus, secundum judicium legis.* 1. Machab: 2. 24. Christus JESUS, ipsa incarnata mansuetudo, zelo Domus Dei corripiebatur, & quasi commovebatur, dum bina vice prophanatores illius ex ea ejecit, nec minorem iram, & commotionem in aliis pluribus occasionibus ostendit contra Phariseos, qui legem Dei violabant in puncto religionis etiam sanctissimo & maximè essentiali, & populum insuper docebant eandem violandi per suas superstitionas traditiones; *circumspiciens eos cum ira.* Marc. 3. 5. S. Paulus perfectus illius imitator, reprehendit acriter Galatas, quod se seduci passi sint, tractat eos ut insensatos; eorumque falsos doctores ubique vivis coloribus depingit. Omnes Viri Apostolici hæredes fuere hujus sancti zeli; oderunt nimirum peccatum perfecto odio. Quis non irascatur, aiebat S. Augustinus, in Ps. 30. si videat tot Christianos vivere instar gentilium; seu



seu paganorum; qui sæculo nonnisi ore tenus renuntiant, non autem re ipsa, seu effectivè; qui videntur esse filii Dei, & fratribus suis insidias struunt, *confitentes Deum vocibus, moribus negantes*. Si non similes in nobis motus talis sanctæ iræ sentiamus, contra tot homines, qui divinam majestatem adeò offendunt, tunc clarum est, parum curæ nobis esse gloriam Dei, deesseque nobis chârîtatem proximi. Si enim, ut S. Gregorius ibid: ait, *sic proximos, ut nos amare præcipimur, restat, ut sic eorum reatibus, sicut nostris vitiis irascamur*. Roga Deum, ut reaccendat in te zelum. &.

**PUNCTUM II.** Considera aliam dari iram, quæ omnino vituperanda, & magnâ sollicitudine vitanda est; illa nimirum, de qua alibi locuti sumus, explicando hæc verba S. Jacobi: *ira enim viri justitiam Dei non operatur*. Jacobi: 1. vide Septim: 4. post Pascha. Et de hac ira loquitur hic S. Paulus, quando nos admonet, ut nos abripi non sinamus à motibus passionis adeò periculosa, sed quamprimùm eos reprimamus: *sol non occidat super iracundiam vestram*. Effectus quidem est infirmitatis, & debilitatis humanæ per aliquot momenta iracundiæ quibusdam motibus corripi; sed conservare odium, & fovere spiritum vindictæ in corde suo, diabolica malitia est. Scisne, quid sit, si taliter affectus cubitum conscendas? idem est,

ac si lecto tuo inferres serpentem, vel leonem. Et quomodo vis, ut Deus se tibi placatum exhibeat, & tibi ignoscat offensas innumeras, si tu inflexibilis es, in remittendis levibus tibi à fratribus illatis injuriis, vel offensis? verùm si ira tantopere culpanda est in simplici quodam Christiano, adeò ut declaret Christus **JESUS** in Evangelio, eum, qui fratri suo dixerit fatue, gehennâ puniendum, multo magis culpanda, & minimè toleranda est in Clericis; minùs dampnandus est furor, ait S. Greg: Nazian: in hominibus secularibus, quam vel minimi motus iracundiæ, in hominibus DEO consecratis. Nil magis nobis commendavit Christus, quam ut mansueti simus, & humiles corde; præcipit Apostolis, ut inter medios homines tanquam agni sint inter totidem lupos. S. Paulus vult ministrum Dei extremè mansuetum, & mitem se exhibere debere erga omnes; *servum Dei oportet mansuetum esse ad omnes, docibilem, patientem* 2. Tim. 2. 24. Non permittitur nobis irasci, nisi contra solum peccatum, contra abusus, contra excessus, & scandala; imò etiam in hoc casu vult hoc moderatè fieri, ita ut vitium reprehendatur, vitiosus verò diligatur: *cum modestia corripientem eos, qui resistunt veritati.* Ibid: v. 25. Denique à Sacerdotio excludit violentos, & iracundos; *non iracundum, non percussorem*, ratio est, ait S. Hieronymus ad Tit: 1. 7. quia tales com-

mo-



motiones magis aptæ sunt, ut homines in malum præcipitent, quam ut eos eripiant, qui in illud lapsi sunt. Spiritus Christi, quo animati esse debemus, talis est spiritus, qui nobis præsentatur sub figuræ alicujus columbæ, ad indicandum nobis, nos felle carere, nec aliis armis, nisi gemitibus uti debere. *Veni columba, te vocat, gemendo te vocat; fratres mei, vobis dico, gemendo vocate, non rixando, vocate orando; vocate jejunando, de charitate intelligant, quia doletis eos.* Serio tecum meditare pulcherrimâ hæc S. Aug: verba tract. 6. in Joan: & discce exinde, quod neminem duriter, & imperiosè tractare debeas. Pro præparatione ad Missam, pete veniam de præteritis tuis commissis defectibus; majori solitudine tibi ipsi deinceps invigila. Si ira in te accendatur, statim illam suffoca: nec tempus illi concede, ut invalescere valeat; *ira sit brevis, nec in diem crastinam differatur. Quid agent in die judicii, super quorum iram non unius diei, sed tanto enim annorum sol testis occubuit.* S. Hier: in hunc locum.

\*\*\*(\*)\*\*\*(\*)\*\*\*(\*)\*\*\*(\*)\*\*\*(\*)\*\*\*\*

### FERIA QUINTA.

*Amice, quomodo huc intraſti, non habens vestem nuptialem? at ille obmutuit.* Mat: 22. 12.

### DE VESTE NUPTIALI.

1. Quid sit. 2. Pauci Clerici illam habent

PUN.

PUNCTUM I. **H**omo iste, de quo hodie-  
num Evangelium, qui  
convivio nuptiali sine veste nuptiali interfu-  
it, imago est Christianorum, qui charitate  
spoliati, & statu gratiæ carentes, hanc teme-  
ritatem habent, ut accedere audeant ad Sa-  
cram Mensam, Divinumque Panem come-  
dant cum conscientia peccatis obnoxia. *Quid  
debemus intelligere per nuptialem vestem,  
nisi charitatem?* ait S. Gregorius hom; 38.  
in Evang. Quia autem homo iste pro amico  
habetur, *amice*, & hoc nomine Christus JE-  
SUS Ministros suos honorat; *vos amici mei  
estis*, Joan: 15. 14. dicere possumus, quod  
specialiter Sacerdotes & Clericos repræsen-  
tet, qui celebrant, aut Altari deserviunt,  
quin ad illud vestem innocentia afferant.  
Memento igitur vestem, quâ Clericus indu-  
tus esse debet, ut in cœnaculum convivii  
nuptialis Christi JESU intrare possit, haud  
esse communem aliquam, seu ordinariam; est  
enim vestis nuptialis, id est, virtutem com-  
munem haud sufficere ad exercendum mini-  
sterium Ecclesiasticum, & distribuendam a-  
liis Sacratissimam Carnem Agni Divini in  
Convivio Sacramentali, quæ est una ex fun-  
ctionibus Ecclesiasticis; sed oportere orna-  
tum esse, & provisum omni thesauro gratia-  
rum; id quod figuratum nobis ostenditur per  
vestes illas adeo pretiosas & magnificas, quas  
Deus fieri mandavit Aaroni & filiis ejus, ut  
coram ipso Sacerdotio fungerentur. Ephad,  
ex



ex auro, hyacintho, & purpura, coccoque bis tincto; tunica lineæ; rationale pretiosissimis lapidibus distinctum, mitra, cingulum, lamina auri in fronte; tintinnabula aurea, in extremitate vestis cum granatis &c. Omnia hæc, ait S. Gregorius, denotabant sanctitatem, quam nos habere oportet in peragendis nostris Ecclesiasticis Functionibus. Verum necesse non est, ut recurramus ad figuras antiquæ legis; an non videmus Sacerdotes ad Altare non accedere, nisi tam splendide vestitos, quam id requirat sanctitas hujus functionis? en imaginem, quales esse debeamus interius! inhonoramus Sacerdotium Christi JESU, si nonnisi in habitu, seu vestitu communi comparere velimus, sanctitas Sanctuarii nos à se repellit, neque nos tolerabit, *vestimenta etenim Sacerdotis quid aliud, quam recta opera debemus accipere?* ait S. Gregorius Pastor. p. 2. c. 5. *Propheta attestante, Sacerdotes tui induantur justitiam.* Nonnisi Sacerdotes Sancti sunt, qui possunt accedere ad sacra mysteria. *Sancta sanctis* oportet, ut humilitate, mansuetudine, amore paupertatis, & mortificationis, puritate incontaminata; ante omnia autem ardenti charitate, tanquam veste & indumento Sacerdotali præfulgeant; *omnibus his velut ornamento vestieris.* Jf. 49. 18. O quam pauci sunt, qui ad Altare accedentes taliter vestiti sint, ut de hoc te convincam.

PUNCTUM II. Connice oculos tuos in tot Clericos, qui Altari adstant! vide, & considera vitam illorum, & exinde judica, utrum habeant vestem hanc nuptialem? utrum sint ex veris amicis sponsi. Ah! exclamat S. Bernardus, serm. ad Clerum in Conc. Rhem: congregatum; *non sunt omnes amici Sponsi, qui hodie sunt sponsi Ecclesiæ.* Vide, qualiter plerique utantur bonis, quæ ipsis Ecclesia subministrat? aliqui exinde ditantur ipsi; alii luxum inde procurant; alii voluptatibus & deliciis applicant; *non est hoc ornare spon- sam,* ait hic S. P. *sed spoliare, non est custodire, sed perdere; non est defendere, sed exponere: non est instruere, sed prostituere.* Vide, qualem vitam ducant tot Sacerdotes otiosi, qui marcescunt in otio; qui nonnisi deliciis inhiant, qui forum ac domos publicas frequentant; quorum occupationes nonnisi sæculares & prophanæ sunt? Breviarium suum recitant; Missam legunt; sed plura ab iis noli exigere, non studium, non lectionem, non conferentias spirituales, nullum laborem, qui proximo utilis esse posset &c. Tales tamen quotidie ad S. Altare accedunt; possuntne hoc facere? quid dicemus de tot aliis? qui scelera- tiores adhuc iis, de quibus primum locuti sumus, omnem prorsus respectum & reverentiam erga res sanctissimas perdunt, & haud verentur apertè etiam sanguinem Christi JESU  
propha-



prophanare. En! quod satis deplorari non potest, si vel parùm quid de timore Dei & respectu Sacris Religionis nostræ Mysteriis debito habeamus. Sacerdotes, qui sancti esse deberent, prophani sunt, mundani, homines sensuales, imò quandoque impii, ac pessimi. Homines isti sanctitate privati, homines infames, anne accedere audeant ad tremenda mysteria fidei nostræ? qualis profanatio! qualis durities! o si sciremus, qualis esse debeat sanctitas Sacerdotis: & quam necessaria sit sanctitas ista ad dignè obeundas grandes istas, & maximi momenti functiones Sacerdotales; quot putamus inveniri posse Sacerdotes, qui ad Altare accederent? qui se ab eo non subducerent, ut seipsos lacrymis penitentiae abluerent, & sacrificarent? reflexio ista S. Ambrosii, quam facit supra illud præceptum Domini; datum Levitis, in veteri testamento, ut lavarent vestimenta sua; antequam ad sacrificia offerenda accederent: *disce Sacerdos, atque Levita, quid sit lavare vestimenta tua, ut mundum corpus celebrandis exhibeas Sacramentis*, S. Ambrosius l. 1. 1. offic. c. 30. Quia vero status tuus hoc à te exigit, ut sapius ad hæc divina mysteria accedas; examina teipsum, & considera, utrum in statu sis, seu aptus intrandi hoc cœnaculum convivale? *amice*: te alloquitur Salvator noster per hæc verba: *amice!* cui tot gratias contulit qui thesauros meos concredidit! & dispensa-

torem

*post Dom: decim. nonam post Pent. 757*


corem mysteriorum meorum constitui! quomodo huc intraſti non habens veſtem nuptialem? non loquor de vere illa innocentia, quam habere debuiffes intrando illarum hunc Clericalem, ſed ſolummodo de modo illo, quo quotidie ad Altare accedis; qualis eſt tua præparatio? quam devotionem aſſeſ? quam ſolicitudinem adhibes purificandi conſcientiam tuam? conſiteriſne antea? facis fortè hoc, ſed nonniſi de levibus defectibus te accuſas; nullam autem attentionem ſeu reflexionem facis ad tuas ſtatus tui obligationes, an non ex illis unuſes, de quibus loquitur Filius Dei excolantibus culicem, camelum autem glutientibus? qui magnâ curâ exteriora mundaſ, internâ autem negligunt, ubi regnat impuritas, ſuperbia, avaritia, & tot aliæ ſimiles inordinatæ paſſiones, & exceſſus? *Phariſæe cæce! munda prius, quod intus eſt, calicis & paropſidis, ut fiat id, quod deſoris eſt, mundum, Matth: 23. 24.* Cogita de mutanda vita, de reformandiſ moribus tuis, & ad renuntiandum omniſus, quæ ſanctitati ſtâtus tui contraria ſunt; & ſi celebrare, aut communicare viſ, inſtitue præparationem tuam ſuper illis verbis Ambroſii, ſerm. Dom. 4. Adventûs, quæ tibi horrorem meritò incutere debent: *mutet vitam, qui vult accipere vitam, ſi non mutat vitam, ad iudicium accipiet vitam; & magis ex ipſa corrumpitur, quam ſanetur, magis occiditur, quam vivificetur.*

*A edit. Pars Autum.*

R

FERIA





## FERIA SEXTA.

*Tunc dixit Rex ministris, ligatis manibus  
mitte eum in tenebras exteriores; ibi erit  
fletus & stridor dentium. Matth. 22. 13.*

## DE INFERNO.

Damnatus est infelix.

1. Quia privatus omni bono.
2. Gravatus omni malo.
3. Aeternum punitus.

PUNCTUM I. **Q**uia SS. PP. de inferno  
exponunt, & explicant  
tenebras hasce exteriores, in quas conjectus  
fuit homo iste, tam ignominiosè à convivio  
nuptiali expulsus: S. Aug. l. contra Donatum  
Origen. & Hier. in *Matth.* instituamus hodie  
meditationem de tanti momenti materia,  
quæ sola sufficeret ad sanctos nos reddendos,  
si prout oportet institueretur. Quid ergo est  
damnatus? qualem ideam nobis de illo for-  
mare possumus? damnatus infelix est, & mi-  
serabilis, quia omni bono privatus est. imò  
omni bono naturali. Considera divitem illum  
sceleratum in inferno: nil amplius habet de  
omnibus bonis, & deliciis suis præteritis, nisi  
tristem & crudelem memoriam. *Recordare,  
quia recepisti bona in vita tua. Luc. 16. 25.*  
Tam pauper & inops est, ut vel guttam aquæ  
intendere cogatur, quæ refrigerare linguam  
possit in medio flammarum, tam miserabilis  
est,

*post Dom. decim. nonam post Pent. 259*

est, ut vel ipsam etiam spem amiserit, talem  
unquam obtinendi; & in his omnibus, *inter*  
*nos & vos chaos magnum firmatum est.* Hæc  
erat responsio illi data, quamque etiam per  
totam æternitatem audiet. En! statum, ad  
quem seipsum quilibet reprobus in puncto,  
seu momento damnationis reducit! quamprimum  
condemnabitur à Supremo Judice, statim  
se privatum videbit omni bono naturali;  
nullam voluptatem, nullum honorem, nullos  
amicos, nullas divitias, imò nequidem  
guttam aquæ amplius obtinebit; *dives cum*  
*dormierit, nihil secum auferet; aperiet oculos,*  
*& nihil inveniet.* Job, 27. 19. 2dò pri-  
vatus est bonis gratiæ; nil amplius habet de  
salutari cogitatione vel desiderio se conver-  
tendi; nullam spem salutis. Tempus meri-  
torum & pœnitentiæ pertransiit; non superest  
ullum medium liberationis ex hoc tenebroso  
carcere, *in inferno autem quis confitebitur tibi?*  
Ps. 6. 6. interroga eos, qui ibi inclusi de-  
rinentur, respondebunt omnes una voce, quod  
in inferno nec Redemptori, nec redemptioni  
locus sit; non esse vel unicam guttam in  
toto diluvio Sanguinis JESU Christi, quod da-  
mnatis prodesse possit: *in inferno nulla est re-*  
*demptio.* 3tiò. privatus est bonis cœlestibus,  
felicitate & beatitudine Sanctorum; quæ ta-  
lis privatio est, ut in hac vita comprehendere  
non possit. Quia reprobi ex alia causa hanc  
jacturam non patiuntur, nisi quia DEUM

R<sub>2</sub>

sona



summum bonum amiserunt; ut quis illam comprehendere posset, deberet etiam intelligere, quis sit DEUS? & quis hoc valeat, nisi ille, qui illum possidet, aut perdidit? non sentit, seu non attendit ad illud naturale vinculum peccator, quod anima à phantasmabus sæculi hujus libertata, clarè videbit, & agnoscet. DEUM esse centrum & locum requietionis suæ, & quod extra seu sine illo nonnisi infelix, ac in statu violento ac crudeli esse possit. Vellet illi uniri, & ad eum in credibili quadam inclinatione rapitur; quia verò Deus videt in illa totam turpitudinem, & fectorem peccati, æternaliter illam à se rejiciet, adeò, ut summa & extrema infelicitas, & malum talis animæ hoc futurum sit, quod se à DEO separatam & avulsam videat; ita est, tota rabies & furor dæmonum, universa inferni supplicia nunquam æquabunt hanc solam cogitationem, à qua damnata anima in æternum torquebitur, nempe *amisi Deum Amisi eum propter in meam culpam; amisi eum pro tota æternitate.* Qui est ipsissimus sensus verborum istorum Danielis; *evigilabunt in vitam æternam; & alii in opprobrium, & videant semper,* Dan. 12. 2. Damnatus non solum privatus est omnibus bonis, sed insuper.

PUNCTUM II. Oneratus & gravatus omnibus malis. Quemadmodum beatitudo cumulus est omnium bonorum, sine admixtione

one ulius mali, sic etiam damnatio omnia in  
se mala claudit, absque admisione ullius  
boni; *status omnium malorum congregatione*  
*peffimus*, dicit quidam SS PP. S. Chrysost.  
serm. 66. Luc. 16. 28. Non est supplicium,  
quod in inferno non inveniat; *est locus*  
*tormentorum, & gehenna ignis*, ait Evange-  
lium, Matth. 5. 22. Est thesaurus iræ DEI,  
juxta S. Paulum, Rom. 2. 5. & S. Joannes  
Apoc. 20. 9. vocat infernum; *stagnum ignis*  
*& sulphuris*. Non loquamur nisi de solo  
tormento ignis, qui expressè notatur in hac  
terribili sententia, quam Supremus Iudex  
pronuntiabit contra reprobos; *discedite à me*  
*maledicti in ignem æternum, qui paratus est*  
*diabolo, & angelis ejus*. Matth. 25. 41. Hoc  
solum tormentum loco omnium est; *non erit*  
*iste ignis sicut focus tuus*, ait S. Aug. in Ps. 29  
erit ignis sine luce, *flammea nox*, ait quidam  
è PP. (Casarius Arelat. Hom: 2. in Dom.  
post Epiph.) ignis insupportabilis fœtoris, qui  
vim suam æquè in animam, ac in corpus, ex-  
ercet, adeò ut omnes animæ potentia, seu  
facultates ab illo torqueantur. In memoriæ  
recordatio præteritorum scelerum; in intel-  
lectu idea, seu repræsentatio mali semper  
præsentis in voluntate vivus & asperrimus  
dolor; iacturam & perditionem fore æternam,  
erit vermis ille conscientia, qui non morie-  
tur, & ignis, qui nunquam extinguetur;  
*vermis eorum non moritur, & ignis non ex-*



*tinguitur*, Marc. 9. 47. Corpus reprobī seu damnati pariter post resurrectionem patiētur in omnibus membris ignem talem, qui illud uret, quin tamen unquam consumat. Ignis inferni, ait DEI Filius, erit instar salis intīmē penetrantis corpora damnatorum, à quo conservabuntur, non vero destruuntur, ut sint quasi totidem victimæ justitiæ divinæ immolatæ; *Omnis enim igne salietur, & omnis victima sale salietur*, ibid. 8. 48. O terribilia supplicia! quis ea possit explicare? dives damnatus aliud de illis dicere & testari non potest, nisi hoc; *crucior in hac flamma*. Luc. 16. 24. Sunt aliàs homines miserabiles, valdè eloquētes, & facundi in describendis miseriis suis; unde ergo est infortunatum istum verba non habere, quibus se explicet, nisi ex eo, quod mala sint extrema, quæ exprimi haud possint. *Crucior*. Totum hoc est, & omne, quod damnatus dicere valet. Aperiamus oculos nostros ad has tristes inferni flammās, & discamus exinde, quid peccatum mereatur. Quamcunque extrema forent supplicia damnatorum; patientia! modò tandem finem habitura essent; sed semper hæc Ecclesiā credit, & fides nos docet, nunquam finiēda; hinc

PUNCTUM III. Infelix erit damnatus, quia æternum torquebitur, *ibunt hi in supplicium æternum*, ait Christus JESUS Matth. 25. 46. *pœnas dabunt in interitū æternū*, ait

ait S. Paulus 2. Thessal 1 9 *Cruciabuntur die ac nocte, in sacula seculorum*, ait S. Joannes, Apoc. 20 10 Igitur damnati neque finem, neque mitigationem poenarum suarum sperare possunt; æternæ sunt; nunquam finientur. Totum quod optare possent in hoc cumulo malorum, hoc esset, ut in nihilum redigerentur, ad hoc enim furor & rabies eos adiget, sed in vanum; *desiderabunt mori, & mors fugiet ab eis*, Apoc. 9 6. Tendent ad mortem, & in nihilum, incredibili impetu; & nunquam tamen eò pertingere poterunt; odio habebant vitam & esse suum, & nunquam illud destruent, id, quod S. Augustino ansam dedit dicendi; *prima mors animam nolentem pellit de corpore; secunda mors animam nolentem tenet in corpore*, de Civit. Dei 22. c. 3. Terribilia hæc sunt auditu, sed quam longè terribiliora iis erunt, qui talia experientur? privatum esse omni bono, gravatum omni malo; omnia simul pati singulis momentis, & quidem absque fine, in æternum, in quolibet malo sentire pondus æternitatis totius; en statum damnatorum! en! statum quoque tuum, si vivas, & moriaris in peccato mortali! utere hac cogitatione contra peccatum! *si libidinis igne flagras, ignem illum oppone, atque hinc confestim extinguetur & evanescet*, S Chrysost hom. in 2. Cor. 5. Si pruritum aliquem in te animadvertas, proferendi verbum quoddam inhonestum, & mi-

nūr



nus rectum, cogita stridorem illum dentium, quem tibi olim causabit; & timor i e instar frœni tibi erit, quod linguam tuam cohibeat. Si tentationem patiaris auferendi proximo bona sua; audi Judicem tuum, hanc sententiam proferentem; *ligatis manibus & pedibus, mittite eum in tenebras exteriores;* Matth. 22. Si vino & luxui deditus es, repræsenta tibi ob oculos tuos divitem illum de profundo inferni clamantem: *Pater Abraham, mitte Lazarum, ut intingat extremum digiti sui in aquam, ut refrigeret linguam meam, quia crucior in hac flamma,* Luc. 16. Denique si deliciae & voluptates mundi huius te alliciunt, noli, tantum considerare hanc apparentem felicitatem eorum, qui in gaudio & abundantia omnium rerum hic vivunt, sed vide, quo tandem terminentur hæc omnia, quem finem accipiunt? & alium non invenies in hac vita nisi putredinem & corruptionem, in altero verò vermem illum, qui non moritur; & ignem, qui non extinguitur; *hæc itaque animis considerantes, non eos qui deliciis indulgent, spectamus, sed quis eorum sit exitus, hic nempe stercus, & corporis obestas, illic vermis, & ignis concludit,* S. Chrysost. ibid. Pro præparatione ad Missam, stude proficere ex monito huius S. P. sæpius infernum cogita: utere hoc ipso medio, ut peccatores ab errore viæ suæ revoces. dicendo cum Propheta: *quis poterit habitare de*

post Dom. decim. nonam post Pent. 265  
vobis cum igne devorante? quis habitabit ex  
vobis cum ardoribus sempiternis. 33. 14.

\* \* \* \* \*  
DIE SABBATHI.

Multi enim sunt vocati, pauci verò electi.  
Matth: 22. 14.

## DE PARVO NUMERO ELECTORUM CLERICORUM

1. Pauci Ecclesiastici salvabuntur.

2. Rationes, quas afferunt SS. DD.

PUNCTUM I. **D**efinit hodiernum Evan-  
gelium hanc terribilem  
sententiam, quam Christus JESUS sæpius  
pronuntiavit, ut nullum de hoc nobis dubium  
remaneret, nimirum, *multos esse vocatos, pau-  
cos electos*. En grandem veritatem pro me-  
ditatione! *multi sunt vocati*; nos omnes de  
horum numero sumus; quia omnes vocati ad  
salutem & vitam æternam. *Deus vult omnes  
homines salvos fieri, & ad agnitionem veri-  
tatis venire* 1. Tim. 2. 4. Verum *pauci sunt  
electi*. Ah nescimus! utrum non simus de hoc  
numero, & pusillo grege, quibus Pater Cœ-  
lestis regnum suum destinavit, quia non o-  
mnes respondent Deo vocanti; non omnes  
certam reddunt vocationem suam per sua  
bona opera; non omnes profectum capiunt  
ex donis & gratiis Dei; elegit nos Deus, &  
secundum suam gratiam, & secundum nostram  
justitiam, ait S. Aug: serm. 7. de V. D. nunc  
serm. 110. n. 3. Sed hæc justitia donum est  
gratiæ



gratiz suæ; debemus hoc agnoscere humiliter, & gratiam hanc conservare fideliter. Terribilis est ista veritas, respectu omnium Christianorum, maximè autem respectu Clericorum; nam è tanto numero ministrorum Ecclesiæ, quod inveniuntur, qui nequidem vocati sunt ad statum tam sanctum? & si tibi ipsi fortè de vocatione tunc aduleris, scias, nil tibi prodesse, quod fueris Clericus, Sacerdos, aut Pastor; quid profuit e. g. Heli, Ophni, & Phinéas, filiis ejus, fuisse Sacerdotes & Pastores in Israël? siquidem primus, quia curam non habuit, filios suos, qui officio & obligationi suæ non satisfecerunt, corrigendi, omnes tres morte funestâ perire, ac meruerunt, ut progenies illorum à supremo Sacerdotio fuerit exclusa. Quid profuit Judæ fuisse Apostolum? cum per suam avaritiâ factus fuerit filius perditionis. Quid profuit Nicolao, uni è septem primis Diaconis, quod ab ipsis Apostolis ad ministerium electus & assumptus fuerit? cum juxta plures SS. PP. dominari sibi permiserit spiritum impuritatis seu libidinis, ut æquè odibilis Deo evaserit, ac sectatores illius. Iren. l. 1. 27. & l. 3. c. 11. Clem. Alex. l. 3. Strom. Epiph. hæres. 25. & Euseb. l. 3. hist. Eccles. Quid tot Clericis proderit fuisse quidem vocatos; occupasse primarias Sedes in Ecclesia, si postquam spiritu ceperunt, turpiter per carnem finiunt; & quia hoc malum,

*post Dom. decim. nonam post Pent. 267*

& tanta infelicitas nimis ordinaria & communis est, hinc fateri oportet, paucos esse Clericos, Sacerdotes & Pastores, qui salvantur. Audiamus de hoc ipso S. Chrysostomum, hom. 3. in Acta. *non temerè dico, sed ut affectus sum sentio.* En verba! quæ sola pro meditatione quadam sufficerent; *non arbitror, inter Sacerdotes plurimos esse, qui salvi fiant; sed multo plures, qui pereant. In causa est, qui res ista excelsum requirit animum, & multis illis undique oculis opus est.* Ejusdem cum illo opinionis fuit etiam S. Augustinus Epist. 148. ad Valerium, qui de hac re ita scripsit: *nihil esse in hac vita, & maxime hoc tempore, facilius & latius, & hominibus acceptabilius, Episcopi, aut Presbyteri, aut Diaconi officio, si persundoriè, atque adulatoriè res agatur; sed nihil apud Deum miserrius, & tristius, & damnabilius; item nihil esse in hac vita, maxime hoc tempore difficilius, laboriosius Episcopi, aut Presbyteri, aut Diaconi officio; sed apud Deum nihil beatius, si eo modo militatur, quo noster imperator jubet.* Suntne fortè isti sancti nimium scrupulosi? vel nos minùs, quam deceret? habueruntne aliud Sacerdotium, quam quali nos fungimur? aliam Ecclesiam? aliumve Deum, quam cui nos quoque servimus? si ergo crediderunt in sæculo illo, quo ipsi vixerunt, tam paucos Clericos salvos fieri, quid nos dicere debemus de nostro sæculo, ubi tot excessus



cessus in Clero videre est? contremiscamus!  
humillemus nosmetipsos! & exclamemus cum  
S. Petro, Matth. 8. 25. *Domine, salva nos  
perimus.* Et

**PUNCTUM II.** Indagemus rationes,  
quare tam pauci Clerici salutem suam con-  
sequantur. En! aliquas ad quas SS. PP. par-  
ticularem reflexionem & attentionem fece-  
runt. Prima desumitur ex modica illa pro-  
portione, quæ datur inter vitam, quam major  
pars Clericorum ducit, & sanctitatem statûs  
ipsorum. Sublimissimus est hic status; vita  
autem illorum omninò abjecta; combinant,  
& uniunt inter se id, quod est sanctissimum  
in Religione nostra, cum vita quadam pro-  
fus sæculari & profana; *monstruosa res*, ait  
S. Bernardus, l. 2. consider. c. 7. *gradus  
summus, & animus infimus; sedes prima &  
vita ima; lingua magniloqua, & manus otio-  
sa, sermo multus, & fructus nullus; vultus  
gravis, & actus levis; ingens authoritas, &  
nulla stabilitas.* Interim quod S. Bernardus  
tanquam monstrum reputat, nonnisi valde  
frequenter apud Clericos invenitur, ada-  
tio est illa modica vocatio, qua quidam sta-  
tum Ecclesiasticum amplectuntur, olim vio-  
lentiâ inferri debebat sanctis, ut ordinaren-  
tur; modo curritur passim ad S. Ordines, &  
*reverenda ipsis quoque spiritibus angelicis  
ministeria, homines apprehendunt sine reve-  
rentia, sine consideratione.* S. Bern. de conv.  
ad

post Dom: decim: novam post Pent. 268

ad Cleric. c. 2. 3tia ratio exinde sumitur,  
quod peccata Sacerdotum magis sint enormia,  
quam sæcularium; *si peccaverit vir in virum,*  
*placari ei potest Deus; si autem in Dominum*  
*peccaverit vir, quis orabit pro eo?* 1. Reg 2  
25. En! quid scriptura dicat de peccato pu-  
erorum, seu filiorum Heli; id quod gravita-  
tem & magnitudinem peccati in Sacerdotibus  
ostendit; ait S. Greg. in hunc loc. *quia ple-*  
*rique eorum à Domino in impenitentis cordis*  
*caliginem projiciuntur, & nullam hominis ad-*  
*hortatione respiciunt.* Adhuc fortius & a-  
crius loquitur S. Chrysostomus, hom. 27. in  
Matth. ibid. *Laici delinquentes facile emen-*  
*dantur; Clerici autem, si semel mali evase-*  
*rint, inemendabiles fiunt.* En verba, quæ i-  
psum invenis sanguinem congelascere face-  
re possint, *si privatim peccas, nihil tale pas-*  
*surus es; si in Sacerdotio, peristi.* Denique  
ultima quædam ratio, quod tot Clerici, &  
Pastores damnentur, est, quod rationem red-  
dere debeant pro aliis, adeò, ut haud suffici-  
at ipsis, si pro sua privata persona parum  
mali faciant; debent insuper alios edificare,  
instruere, corrigere; & quis est, qui hoc, ut  
oportet, faciat? eheu! igitur verum est,  
quod pauci Clerici salventur! *ô mirandam*  
*stupiditatem!* ait quidam zelosissimus Episco-  
pus sæculi nostri, *ardet vitiis Ecclesia, flam-*  
*mis vitiorum uritur sponsa tua; vix reperit-*  
*tur unus aut alter, qui in toto corde suo Do-*  
*minum*



minum quærat; & Episcopus vacabit splendore statûs ac deliciis, cum oporteret sacco & cinere indutum, gemere, vociferare, jejunare, & nudis pedibus cum Isaia incedere! crescunt morbi; desunt medici, videlicet Clerici probi, & docti, & facultates Ecclesiæ, quibus mendici agent, consumuntur in splendore status. Domin. Barthol. de mart. stim. pastor. p. 2. c. 6. sub finem. Serio igitur cogitemus de reformatione nostra; & si hoc totum, quod meditati sumus, non sufficit ad nos convincendos, pro præparatione ad Missam dic ad JESUM cum homine illo Evangelico; Domine, si pauci sunt, qui salvantur? & pro gratiarum actione inhæreamus responsioni illi, quam in hac occasione Christus dedit: contendite intrare per angustam portam; quia multi, dico vobis, querunt intrare, & non poterunt. Luc. 13. 23.

---

80

## DOMINICA VIGESIMA POST PENTECOSTEN.

*Videte fratres, quomodo cautè ambuletis, non quasi insipientes, sed ut sapientes. Ephes. 5. 15.*

### DE PRUDENTIA.

1. Qualis sit, & quam necessaria iis, qui pro salute animarum laborant.

2. Ubi in specie exercenda sit.

**PUNCTUM I.** Audiamus cum fide & debita reverentia Spiritum Dei,

Dei, qui nos in hac Epistola per os S. Pauli instruit, & docet, ut in omnibus occasionibus cum magna circumspectione, prudentia, & sapientia operemur. Est hoc documentum sine dubio omnibus Christianis maximè autem Clericis, iis præsertim, qui pro salute animarum laborant, necessarium, æquè enim talibus, ac Apostolis dictum fuit à Christo JESU: *esto te prudentes, sicut serpentes*, Matth. 10. examinemus itaque hic, quænam hæc sit prudentia? & quantopere nobis necessaria? prudentia virtus est, quæ nos discernere facit, quid ad Deum adducat, & quid ab eo nos abducat: donum Dei est, quod intellectum nostrum illuminat, & ostendit, quomodo nos in casibus & occasionibus particularibus gerere debeamus, ut in errorem non incidamus: hunc effectum illi attribuit Spiritus S. *consilium custodi & te, & prudentia servabit te, ut eruaris à via mala.*

Præf. 2 11. Prudentia est oculus cordis, quo desideria nostra diriguntur; est custos linguæ, ut omnia nostra verba sapientiæ sint condita; regula est actionum nostrarum, ut legi divinæ conformes sint; præsidet omnibus negotiis nostris, ut securos nos reddat contra illusiones; idipsum illi attribui potest, quod S. Bernardus de consider. loquens ad Summum Pontificem, olim Discipulum suum. *Primum quidem ipsum fontem suum, id est, mentem, de qua oritur, purificat consideratio, deinde regit affectus, dirigit adus, corrigit excessus,*



componit mores, vitam honestat, & ordinat  
 postremo divinarum pariter & humanarum  
 rerum scientiam confert. Hæc est, quæ con-  
 fusa disternat; hiantia cogit: sparsa colli-  
 git; secreta rimatur, vera vestigat: verisimi-  
 lia examinat. ficta & fucata explorat; hæc  
 est, quæ agenda præordinat, acta recogitat, ut  
 nihil in mente resideat, aut incorrectum, aut  
 correctione egens. l. 1. de confid. c. 7. Est  
 hæc virtus absolute necessaria Clerico, qui  
 pro salute animarum laborat; quemcunque  
 zelum & bonam intentionem habeat, si pru-  
 dentia careat, nil boni efficere potest, imò  
 quandoque plus Ecclesiæ nocet, quam profit.  
 Sine hac virtute omnes aliæ ferè vitia ma-  
 gis sunt, quam virtutes. Constantia severi-  
 tas quædam est obstinata, mansuetudo mol-  
 lis quædam condescendentia; zelus indiscre-  
 tio, uno verbo; sine illa omnes aliæ bonæ qua-  
 litates & talenta Clericis inutilia sunt, con-  
 silia ipsius alios irritant tantum, correctiones  
 sunt absque fructu. O quot ex juve-  
 nibus, qui mira præstare possent in Ecclesia,  
 si vel parum prudentiæ haberent, & seipsos  
 miserè perdunt, & frequenter etiam alios,  
 qui regulas non sequuntur, quas excellens  
 hæc virtus præscribit; dici potest de illis, quod  
 olim S. Paulus de Judæis. Rom. 10. 2. quod  
*emulationem Dei habent, sed non secundum*  
*scientiam.* Vide, utrum non sis ex istorum  
 numero? ut autem teipsum corrigas & emen-  
 des.

PUN-

**PUNCTUM II.** Examina hic certas occasiones particulares, in quibus elucere debet prudentia Sacerdotis, vel curati, qui pro salute animarum laborat? primum est, ut per seipsum indaget, quænam in parochia sua sunt, & non simpliciter relationi seu narrationi aliorum credat, seu fidat. Præcipit Deus iis, quibus aliorum cura incumbit, ut ipsi invigilent, *fili hominis, speculatorem dedi te domui Israel. & audies de ore meo verbum, & annuntiabis eis ex me.* Ezech. 3. 17. Impossibile est parochum, qui se ab aliis regi sinit, omnia mala videre, quibus mederi debeat; occultatur ipsi pars aliqua excessuum parochianorum; si vero celari non possint, dissimulantur, seu tacentur miseria pauperum, necessitates infirmorum, oppressiones afflictorum, violentia divitum &c. Nonnisi planctus & gemitus ubique erunt; & pastor talis neque aures habet ad audiendum, neque oculos ad videndum, quid ab aliis fiat, *pastor & idolum derelinquens gregem.* Zachar. 11. 17. 2dò. Si aliqua sit discordia inter Parochianos, prout valdè difficile est, ut talia non contingant, oportet eam quamprimum sedare; ad hunc autem effectum petit prudentia, ut erga neutram partem partialis sit. Oportet decidere pro iustitia & veritate quin respectus habeatur ad Consanguineos, ad amicos; pauperes & divites; non consistere personam pauperis; nec honores vultum

*Medit. Pars Aut.*      *S*      *poten-*



*potentis, iuste judica proximo tuo.* Lev. 19.  
 15 3<sup>ti</sup>um. magna prudentia opus est in con-  
 versatione. Auditur Sacerdos, observatur,  
 examinatur, totum id, quod agit; præcipue id,  
 quod loquitur, igitur parum loqui, &  
 multa audire debet; *velox ad audiendum,*  
*tardus autem ad loquendum.* Jacobi 1. 19.  
 Magna imprudentia est in Pastore, si absque  
 necessitate etiam apud proprios suos domesti-  
 cos continuo de defectibus Parochianorum  
 suorum loquatur; solent talia malos post se  
 effectus trahere; *ori tuo facito ostia, & seras.*  
 Ecc<sup>l</sup> 28. 28 quia aliis etiam narrantur. O.  
 p<sup>r</sup> ad hunc effectum evitare frequentati-  
 onem Laicorum, & conviviorum, ubi ple-  
 rumque nimis libere loqui solemus. Optan-  
 dum foret, ut Sacerdotes alibi non videren-  
 tur, nisi ad Altare, in Cathedra, in Confessi-  
 onali, & in exercitio bonorum operum; in  
*Sacerdote Christi*, dicebat S. Hieronymus,  
*omnia debent esse vocalia.* 4<sup>tu</sup>m. oportet  
 prudentem esse in cathedra, ut aliud non  
 prædicet, seu annuntiet, nisi verbum DEI  
*Pradica verbum*, & quidem juxta indigenti-  
 am, & necessitatem auditorum; vitiis & sce-  
 leribus non parcere, bene tamen peccatori-  
 bus seu sceleratis; dicere veritatem omnibus  
 indiscriminatum. *Qui habet sermonem meum*  
*loquatur sermonem meum verè,* ait Deus  
 Jerem 23. 28. *quid paleis ad triticum,* di-  
 cit Dominus. O si Concionatores solummodo  
 Deum

Deum audirent, & non iudicia hominum, quantum majorem fructum afferent? *si stetit in consilio meo, & nota fecissent verba mea populo meo, avertissem utique eos à viâ suâ malâ, & à cogitationibus suis pessimis.* ibid. v. 22. Num extremâ prudentiâ opus est in Confessionali, respectu omnis generis hominum & applicare remedia pro differentia morborum animi, quæ sint proportionata. O quot Confessiones malæ fiunt, non solum ex defectu pœnitentium, sed insuper ob imprudentiam Confessariorum! Etiam debet Pastor prudentiam adhibere omnibus suis actionibus, etiam optimis, & nil magni momenti incipere, nisi petito prius Consilio Sapientum, & in talibus expertorum; *fili, sine consilio nihil facias, & post factum non punitebis.* Eccles. 32. 24. Verbo; bonus Clericus & Sacerdos debent habere prudentiam universalem, & generalem, & pro regula omnium verborum, & actuum suorum, hoc principium ex Sacra Scriptura assumere, & amplecti; *tor boni consilii statue tecum.* Eccl. 37. 17. Bone Deus! ubi inveniemus Ministros Ecclesiæ, qui tam vastam possident prudentiam. Ignosce Domine tot defectibus nostris, quos per imprudentiam commisimus. Non solum una vice lapsi sumus, quemadmodum Sacerdotes illi, de quibus in libro Machabæorum, sed pluries, eo quod has regulas prudentiæ non fuerimus secuti: *in illa die ceciderunt*



*Sacerdotes in bello, dum volunt fortiter facere, dum sine consilio exeunt in praelium. 1. Machab. 5. 67. Miserere nostri Domine, concede nobis, quæsumus virtutem hanc a deo nobis necessariam, ut omnia nostra utilia esse possint Ecclesiæ tuæ; da mihi sedium tuarum assidricem sapientiam &c. ut mecum sit, & mecum laboret, ut sciam, quid acceptum sit apud te. Sap. 9. 4. Pro præparatione ad Missam; omnia adhibe media ad acquirendam hæc grandem virtutem, ante omnia autem noli cessare, illam continuò à Deo petere, & in his omnibus deprecare altissimum, ut dirigat in veritate viam tuam. Eccl. 37. 19.*

\*\*\*(\*)\*\*\*(\*)\*\*\*(\*)\*\*\*(\*)\*\*\*(\*)\*\*  
FERIA SECUNDA.

*Redimentes tempus, quoniam dies mali sunt. Ephes. 5. 16.*

CLERICI SEMPER OCCUPATI ESSE  
DEBENT, UT FACIANT.

1. Quod DEO.
2. Quod proximo.
3. Quod sibi ipsis debent.

PUNCTUM I. **N**onni nimum tempus perdidimus, grande igitur negotium nostrum erit, illud redimere ad quod nos invitat S. Paulus; verum quomodo illud redimemus, nisi expensis, seu renuntiatione commoditatum, ac voluptatum nostrarum? oportet pretium quoddam expendere ad redimendum tempus adeò pretiosum,

osum, id est, oportet ducere vitam occupa-  
tam seu laboriosam, id, quod pauci Cleri-  
corum satis capiunt, hæc erit hodiernæ me-  
ditationis materia. Possumus dicere Cleri-  
cis, quod cum homines sint, æquè ad labo-  
rem obligati sint, ac cæteri omnes; quod  
ut peccatores manducare debeant panem  
suum in sudore vultus, quemadmodum o-  
mnes filii Adam, quod ut Christiani ducere  
debeant vitam pœnitentem, & mortificatam,  
ut pote Discipuli JESU Christi; sed sufficiat  
nobis, id eis insinuare, quod sint Clerici &  
ut tales obligati sint ducere vitam occupa-  
tam seu laboriosam. Obligatio illorum erga  
Deum hoc ab eis requirit. Ministri sunt Ale-  
tissimi; debent igitur applicare se ad servi-  
endum ipsi cum fervore, qui eos à communi  
plebe fidelium distinguat, quique incompati-  
bilis sit cum otiositate. Dum Christus Apo-  
stolos elegit, qui erant primi Ministri Evan-  
gelii ipsius, vocavit eos ad laborem; *ites*  
*prædicate*, dicebat illis, si Apostoli otiosi  
mansissent, directè contra intentionem, &  
finem Magistri sui fecissent, & contra ex-  
pressum ab ipso acceptum mandatum. Suc-  
cessimus Apostolis in ministerio illorum, illos  
imitari debemus in laboribus eorum, tale  
officium, seu statum in nos suscepimus, qui à  
Christo ad hoc institutus fuit, ut in eo con-  
stitutus laboret; proinde licitum nobis non  
est langvescere in otio & desidia; *exhibea-*



*mus nos ut dignos Ministros Dei. 2. Cor. 6.*

4. Et quomodo hoc ipsum Apostolus ostendit? per assiduos labores suos. Qui ergo non laborant, nullum signum edunt, ex quo constet, quod sint ministri Christi JESU; imò & contrario totus illorum modus, & ratio agendi ostendit, quod caractere suo abutantur, & proinde obligationi statûs sui non satisfaciunt. Alio in loco, idem S. Paulus semper eidem principio & fundamento insistit; ait, meliori jure se Apostolorum esse, quam eos, quod de hoc titulo cum illo contendebant. Quam autem hujus rei probationem affert? hanc, *plus illis laboravi.* Itaque essentialia quoddam vinculum est inter Sacrum Ministerium JESU Christi, & laborem; non est quis Minister JESU Christi, nisi in quantum ministerium suum diligit, suæque obligationi satisfacere studet. *Nomen nos Pastoris,* ait S. Gregorius l. 4. Epist. 15. *non ad quietem, sed ad laborem suscepisse cognoscite, exhibeamus ergo in opere, quod signemur in nomine Sacerdotii prærogativa; si recta consideratione pensamus, sollicitis & bene gerentibus in honorem; negligentibus autem profectio erit in onus. Sicut igitur laborantes, & circa animarum salutem sollicitos, hoc nomen ante Deum æternam ducit ad gloriam, ita desidæ ac torpentes urget ad penam.* Vult igitur Deus Ministros suos laborare; instituit statum Ecclesiasticum tanquam statum laboriosum; molliter

*post Dom. vigesimam post Pent.* 279

molliter in eo vivere velle, invertere est ordinem à Deo statutum, neque solum obligatio nostra erga DEUM laborem à nobis exigit, sed insuper.

PUNCTUM II. Proximo laborem nostrum debemus. Principium est innegabile, neminem statum Ecclesiasticum amplecti debere, nisi ut proximo serviat, *nos autem servos vestros in Christo JESU*, dicebat S. Paulus, 2. Cor. 4. 5. en veram ideam, quam nobis de statu Ecclesiastico formare debemus! absit, ut nobis imaginemur, quasi idea ista vile reddat ministerium nostrum & abjectum; nil enim nobilius & excellentius, quam servire proximo. Si fratribus nostris servitium quoddam exhibemus, id Christo exhibemus, ipse Christus JESUS vitam suam servitio hominum consecravit; *bene Christo servis*, ait S. Augustinus in Psal. 108 *si servis, quibus Christus servivit*. Hinc est, quod Apostolus dicat, se debitorem esse omnibus, Græcis, barbaris, Sapientibus, & insipientibus. Ministerium Ecclesiasticum obnoxios nos reddit omnibus fratribus nostris; & quid est, quod illis debemus? debemus ipsis sollicitudinem, laborem, tempus nostrum. Totum hoc non amplius nostrum est: bonum est, quod ad ipsos spectat; omnia hæc in bonum illorum impendere debemus, de quo omnes sancti omnino persuasi fuere. S. Augustinus Conf. 1. 6. c. 3. loquens de S. Ambrosio dicit; *non*

*quarere*



*quærre ab eo poteram, quod volebam, secl-*  
*dentibus me, ab ejus aure atque ore, catervis*  
*hominum, quorum infirmitatibus serviebat.*  
 Dum S. Gregorius de suis officiis & negotiis  
 loquitur, l. i. Ep. 30. ait; *homo quotidie oc-*  
*cupationibus pressus, & respirare non valet.*  
 Non igitur quæramus alia exempla ad pro-  
 bandam & stabiliendam hanc veritatem, si-  
 quidem omnes Sancti Sacerdotes viri erant  
 actibus charitatis, & salutis proximorum,  
 prorsus devoti, & consecrati. Comparemus  
 modo vitam activam Virorum Apostolicorum  
 cum vita Clericorum prorsus mundanorum,  
 quorum tota hæc est occupatio, ut nihil pro-  
 fus faciant; ut non nisi deambulationibus in  
 foro publico vacent, ludant, conversationibus  
 intersint, inutiles visitationes peragant &c.  
 suntne hi tales Sacerdotes? sapè possident  
 redditus notabiles, & nullum pro iis Ecclesiæ  
 exhibent servitium; dum interim zelosi Cle-  
 rici, qui alium thesaurum non habent, nisi pau-  
 pertatem JESU Christi, sine intermissione  
 laborant, ut signa ei exhibeant charitatis suæ,  
 quæ erga ipsum, & membra illius ardent.  
 Videbis ejusmodi indignos ministros onustos  
 quasi, & obrutos magnis redditibus Ecclesiæ-  
 sticis, eosdemque non nisi in usus profanos im-  
 pendere, & expendere, quin unquam functio-  
 nem aliquam Ecclesiasticam peragant. Quid?  
 anne ergo redditus ejusmodi Ecclesiastici  
 illis ideo dantur, ut vanitati eorum satisfiat,  
 ut

ut luxu serviatur; ut molliter & enerviter vivere possint? reflecte te parumper super hoc! &

PUNCTUM III. Considera, obligatum te esse ducere vitam occupatam, si vel teipsum solum attenderes, quia denique laborare debes ad tuam propriam satisfactionem, tibi ipsi invigilare; evitare peccandi occasiones, & periculâ, quæ in mundo dantur, ne quis ab aliis corrumpatur, & pervertatur. Quomodo autem ad hæc omnia te applicabis, si otiosus semper maneat? quid? an ne ergo otium; à quo tot Laici damnantur, Clericos salvabit? an non & ipsi quemadmodum & omnes alii, etiam habent carnem rebellem, quam domare, & passiones, quas reprimere debeant? an non & de ipsis, quemadmodum de reliquis, verum est dicere? *multam malitiam docuit otiositas*, Eccles. 33. 29. ita est, nimis quam verum est, Clericum desidem & socordem in prædâ cedere diabolo, & omni generi vitiorum, quæ ipsum inimicum Ecclesiæ, scandalum populi, dedecus Cleri, & horrorem omnium eorum faciunt, quibus excessus illius innotescunt. En abyssum, inquam quis labitur, si labor non ametur! oportet igitur recursum habere ad hoc remedium, si nosmetipsos defendere volumus contra inimicos salutis nostræ & firmi persistere in tot tentationibus, quibus in hac vitâ expositi sumus; nil sanè utilius, & nobis proficuum

ma-



magis, quam sequi hoc consilium S. Hieronymi Epist. 4. plenum sapientiâ cuidam, nomine Rustico datum; *fac semper aliquid operis, ut te diabolus inveniat occupatum.* Resolve te adhuc hodie ad ducendam ejusmodi vitam occupatam. Occupationes consuetiores, & magis ordinariæ Clericorum, sunt oratio, studium, instructio, administratio Sacramentorum; & alia auxilia proximo impendenda. Applica te hujusmodi actionibus, novo & majori fervore, sequendo consilium istud S. Pauli Timotheo datum: *attende lectioni, exhortationi, & doctrinæ,* i Tim: 4. 13. Si nondum in statu sis, ut Ecclesiæ servire possis, labora, ut capax & aptus evadas ad illi suo tempore serviendum, quamdiu fortè in quodam Seminario, aut Convictu es, congrega tibi thesaurum pietatis, & devotionis quam deinde effundere valeas super populum tibi commitendum. Pro Communionem vel Missa; repræsenta tibi ipsi vitam laboriosam JESU Christi, & Apostolorum ejus, concipe ardens desiderium illos imitandi; *inspice, & fac secundum exemplar,* Exod. 25. O Bone DEUS, qui nos hortaris per Apostolum tuum, ut laboremus tanquam boni milites Christi JESU; concede quæsumus nobis gratiam effugiendi otiositatem, pestem sanè mortiferam vitæ Clericalis, ducendi vitam semper occupatam, & ante omnia, ut exequi studeamus functiones ministerii nostri, ad quod  
nos

nos vocare dignatus es, semper parati, & prompti eundi & laborandi ubique, ac omni tempore, quo nos tua divina providentia vocare dignabitur. *Calceati pedes in preparatione Evangelii pacis*, Ephes. 6. 15.

\* \* \* \* \*

FERIA TERTIA.

*Nolite fieri imprudentes, sed intelligentes, quæ sit voluntas Dei.* Ephes. 5. 17.

DE PRÆVENTIONE SEU PRÆOCCUPATIONE.

1. Quam magnâ mala causet.
2. Media contra illam.

PUNCTUM I. **P**ergit S. Paulus nobis dare consilia prudentiæ;

Pergamus etiam & nos in fructu ex iis capiendo, siquidem in hac prudentia Sanctorum consistit; *scientia Sanctorum prudentia*. Requirit virtus ista, ut omnia examinentur. *Nolite fieri imprudentes, sed intelligentes, quæ sit voluntas Dei*, ait Apostolus Prov. 9. 10. in quo sanè plurimi Clerici errant, qui neque examinare, neque altius rimari volunt res, sed de iis ita judicare, prout ipsis placet, jam præventi, seu præoccupati, id quod ansam nobis præbet hic indagandi mala illa, quæ ex talibus præjudiciis oriri solent. Præoccupatio impedit cognitionem veritatis, & administrationem justitiæ; si jam præoccupatus es contra aliquem, nunquam credes bonum de illo, quod fecit, bene autem mala, quæ non



non fecit, sicut & viceversa; præoccupatus in bonum, nunquam credes mala, quæ fecit; bona autem credes, quæ non fecit, clarum est, talem ita dispositum, non posse cognoscere veritatem, neque administrare proximo iustitiam; nec minus clarum est, talia præiudicia funestas post se trahere sequelas; non est necesse citare hic aliud exemplum, quam ipsius JESU Christi, qui semper fuit, & erit magna & grandis consolatio Sacerdotum, qui injustas persecutiones patiuntur. Vide quomodo, & quam indignè habitus fuerit à personis plurimum æstimatis inter Judæos, tam ob pietatem, tam ob scientiam illorum. Scribæ & Pharisei erant de horum numero, noluerunt hi credere miracula Salvatoris, & bona, quæ fecit; imò potius omnia mala, quæ non fecit, de illo crediderunt, adeò ut enormia etiam crimina ei affinxerint. O horrenda præventio, & præoccupatio! videamus probationem ex Evangelio. Si cum admiratione explicat veritates Legis & Prophetarum dicunt; *quomodo iste litteras scit, cum non didicerit?* Joan. 7. 15. si suas prærogativas manifestat, non possunt hoc credere & respondent, *nonne à Nazareth potest esse aliquid boni?* si in prædicatione sua corda auditorum, quasi fascinat, invidia ipsorum non permittit eis talia audire, sed potius occasionem illa perdendi quærunt; si miracula patrat, ista vel negant, vel dicunt fieri in nomine Beelze-

Beelzebub; vel fatagunt talia in oblivionem trahere, adeò ut ex hac ipsa causa Lazarum, quem suscitaverat, occidere voluerunt. *Viso Lazaro resuscitato*, ait S. Augustinus tr. 50. in Joan. sub finem, *quia tantum miraculum Domini tanta erat evidentia diffamatum, tanta manifestatione declaratum, ut non possent vel occultare, quod factum est, vel negare; quid invenerunt? videte, cogitaverunt autem Principes Sacerdotum, ut & Lazarum interficerent. O stulta cogitatio, & ceca sententia! Dominus Christus, qui suscitare potuit mortuum, non posset occisum? non solum non crediderunt scribæ & Pharisei bona, quæ fecerat JESUS, sed mala de illo crediderunt, quæ non fecerat, denigrabant illum tanquam peccatorem, violatorem Legis, destructorem Templi, inimicum Cæsaris, seditiosum ac perturbatorem publicæ pacis ac quietis; Samaritanum, dæmoniacum, stultum, furiosum, seductorem, voracem, vino deditum, amicum publicanorum & peccatorum; usurpatorem regis potestatis, blasphemum, magum; imò principem magorum, qui dæmones in nomine principis dæmoniorum ejiceret. Possitne horribilius quid dici? JESUM, qui erat ipsa sanctitas, & alios omnes sanctos facit, accusare de talibus criminibus, & quidem à talibus, qui pro piis, imò sanctis habebantur; quid terribilius! en excessus, ad quos deveniunt præoccupati! quod*

Serie



Scribæ & Pharifæi fecerunt contra JESUM, qui præoccupati contra illum erant, plures adhuc hodie faciunt respectu, & contra fideliores & zelosiores ipsius ministros, contra quos jam semel præventi & præoccupati sunt. Detestare errorem adeò periculosum, &

PUNCTUM II. Considera, quænam sint media, huic præventioni, seu præoccupationi resistendi? primum est, prorsus à se abdicare ejusmodi præjudicia. Spiritus præoccupatus non est in statu cognoscendi veritatem. *Ego autem, si veritatem dico, non creditis mihi,* dicebat JESUS Judæis Joan. 8. 45. Pro eo, ut proprio sensui nostro, vel incertis relationibus hominum inhæreamus melius fieret, prout hic S. Paulus ait, si studeremus cognoscere in omnibus, quæ nam sit voluntas Dei, *intelligentes, quæ sit voluntas Dei* Voluntas Dei non est, ut cogitemus malum, aut temere judicemus de proximo nostro, sed ut quilibet mensuram illam observet erga alios quæ erga nosmetipsos utimur id quod efficeret, ut valdè cauti & circumspecti essemus in verbis nostris, in cogitationibus nostris, in nostris judiciis, ad hoc semper nos reflectendo, Judicem nos habere in Cælo, qui omnia nostra examinat. Consilium hoc est Sapientis. Ecclesiastis 5. 1 *Deus enim in Cælo, & tu super terram; idcirco sint pauci sermones tui.* 2dum est, ut semper audiatur accusatus,

fatus, & locus illi concedatur se justificandi,  
si possit; nunquam pœnitebit hoc fecisse, quod  
Dei Filius nobis in Evangelio dixit: *nolite  
judicare secundum faciem, sed justum judi-  
cium judicate.* Joan. 7. 24. Quid est secun-  
dum justitiam judicare? est examinare ne-  
gotium, seu causam, & utramque partem au-  
dire, hoc requirit justitia, *qui inaudita par-  
te judicat, nihil judicat.* Quare putas S.  
Scripturam annotasse, quod, licet peccata  
Sodomæ & Gomorrhæ tam enormia fuerint,  
ut clamore eorum usque ad Cœlum pervene-  
rit, Deus nihilominus dixerit: *descendam, &  
videbo, utrum clamorem, qui venit ad me, o-  
pere compleverint, an non est ita, ut sciam.*  
An fortè necesse fuit, Deum mittere Ange-  
los, ut certus fieret de infamibus excessibus  
horum publicorum peccatorum? minimè, sed  
docere nos voluit, quod instrui prius nos pa-  
tiamur antequam ullum unquam condemne-  
mus. Seriam & prudentem annotationem fe-  
cit Theodoretus hist. l. 1. c. 28. supra id,  
quod Constantinus Imperator seduci se passus  
sit à quinque Episcopis aulae suæ, contra Atha-  
nassium, quem in exilium misit. Errorem hunc  
suum correxit Imperator in lectulo suo mor-  
tuali mandato, ut Athanasius à suo exilio re-  
vocaretur, & in Episcopatum suum restitue-  
retur. Princeps iste, ait hic Historicus, quam-  
cunque magnus fuerit, ostendit per hoc, quod  
i, qui aliis præsunt, semper unam aurem  
aper-



apertam reservare debeant accusato. Etiam ipsi gentiles in hoc principio conveniunt, *non est consuetudo Romanis*, ait Festus in Actis Apostolorum cap. 25. 16. loquens de S. Paulo, *damnare aliquem hominem, priusquam iis, qui accusatur, praesentes habeat accusatores, locumque defendendi accipiat, ad abluenda crimina*. En verba, quæ ruborem exprimere deberent Christianis & Clericis, qui ex præcisa apparentia & conjecturis frivolis, modum agendi fratrum suorum damnant, & temerarie judicant de intentionibus & dispositionibus cordis internis. Pro Missa, antequam ad Altare accedas, examina te sedulo super hoc errore, & defectu adeò contrario sanctæ illi dispositioni, qua cum accedere deberes ad JESUM Christum; expende tecum, & trutina parumper calumnias, detractiones, perturbationes, & injustitias, quarum causa extitit præventiæ & præoccupatio tua in judicando proximum tuum. Pete veniam à Deo; & stude hos defectus reparare, memor pulcherrimorum verborum istorum: *cum judicaveris, te ipsum sine adulatione, judica & proximum tuum cum dilectione, quod videris, judica, quod non vides, Deo dimitte*. S. Aug. serm. 49. de verb. Micheæ 6. n. 5.

\* \* \* \* \*  
FERIA QUARTA.

*Et nolite inebriari vino, in quo est luxuria; sed implemini Spiritu Sancto. Ephes. 5. 18.*  
DE

DE EBRIETATE

1. Quam indignum sit clerico hoc vitium.
2. Quos excessus post se trahat.

PUNCTUM I. **V**itium ebrietatis res est  
tam turpis & infamis,

ut videatur clericos nequidem capaces esse  
in illud incidendi, esseque quasi injuriosum  
illis, si quis eos exhortari vellet, ad fugam  
hujus vitii, quod non nisi hominum vilissi-  
morum sit, & talium, qui absque ullo ho-  
nore vivunt, & omni generi sordium pro-  
stituti, ac quibusvis rebus indignis dediti  
sunt, si experientia contrarium nos non do-  
ceret, dari nempe non nisi quàm plurimos;  
qui sui ipsorum adeò obliviscuntur, ut ad  
talem excessum devenire non erubescant,  
id quod non nisi cum lacrymis dici potest;

*nunc autem & flens dico*, Philip. 3. 18.

Bone Deus! quàm fieri potest, ut ministri Jesu  
Christi Nazàræi novæ legis, Christi, seu un-  
cti Domini, qui eos judices, exemplaria,  
mediatores, & ut ità dicam, quasi deos cæ-  
terorum hominum constituit, adeò obliviscan-  
tur sanctitatem, & sublimem characterem  
statûs sui, atque ad tales excessus deveniant?

*quorum Deus venter est, & gloria in con-  
fusione ipsorum.* v. 19. Audiant tales cleri-

ci idipsum, quod fortè ipsimet aliis prædi-  
carunt, nempe maledictiones illas terribiles,  
quas contra tales viho & ebrietati deditos  
Spiritus S. pronuntiat, II. 5. v. 11. 22.

*Medit. Pars aug.*

**E**

**Ve**



*Vae!* qui potentes estis ad bibendum vinum &  
 viri fortes ad miscendam ebrietatem *Vae*  
 vobis, qui consurgitis mane ad ebrietatem se-  
 standam, & potandum usque ad vesperam,  
 ut vino aestuetis; & opus Domini non respici-  
 tis; speculatores cæci, canes impudentissimi,  
 nescierunt saturitatem. Venite sumamus  
 vinum, & impleamur ebrietate, & erit sicut  
 hodie, sic & cras, & multo amplius, Isai. 56.  
 11. & 12. Invitat vos Dominus Deus exer-  
 cituum ad lacrymas, ad suspiria, ad preces,  
 ad jejunia, ut iram illius peccatis populi ac-  
 censam mitigetis; & ecce gaudium & lætitia;  
 occidere vitulos, & jugulare arietes, comedere  
 carnes, & bibere vinum. Comedamus, & bi-  
 bamus, cras enim moriemur. Hinc in furo-  
 re suo dicit Dominus Deus exercituum, si  
 dimittatur iniquitas hac vobis, donec mori-  
 amini, Is. 22. 12. O quam terribiles sunt  
 hæ minæ! fac desuper seriam reflexionem!  
 ô quam deplorandus est clericus, sacerdos,  
 vel pastor, qui vino deditus est! monstrum est  
 in sua parochia, indignus suo ministerio, in-  
 capax exercendi functiones suas; naucleus  
 est dormiens in navi in medio maris, deberet  
 esse oculus, & nil videt; deberet esse anima,  
 & nullum habet motum; vigilare deberet su-  
 per alios, & ad aliud non servit, nisi ut alios  
 errare faciat, prout ipse Deus eum, qui ejus-  
 modi est, descripsit; & erit sicut dormiens in  
 medio mari, & quasi sopitus gubernator  
 amisso clavo, Prov. 23. 34.

O statum planè deplorabilem, & sanguineis lacrymis dignum! commiseratione magna dignus populus sub tali pastore constitutus, si tamen vel hoc ipso etiam nomine dignus est! verùm ut adhuc majorem de hoc vitio horrorem concipias;

PUNCTUM II. Considera, ad quos excessus deveniat homo deditus vino. En. aliquot, quos Spiritus S. Prov. 23. 29. nobis indicat; *cui va? cuius patri va? cui vixit? cui foveat? cui sine causa vulnera? cui suffuso oculorum? nonne his, qui commorantur in vino, & student calicibus epotandis* Si quis non semper in hos excessus cadat, saltem proximè ad illos accedit. Clericus vino deditus, est injuriosus, violentus, superbus, non curat, si ei obligationes suæ remonstrantur, neque remorsus propriæ suæ conscientiae attendit; obliviscitur mala, quæ fecit, neque cognoscit præsentia, quæ actu facit, nec prævidet mala sibi imminentia. Estne talis pastor? quæso, quam fiduciam in tali ponant parochiani! qualem consolationem, qualem ædificationem ab ipso sperent? qualem benedictionem, qualem unctionem habere possunt verba illius? quid dico unctionem? non est capax, ut quidquam rationi consonum dicat, benè autem è contrario, ut in quoslibet excessus labatur, in verba dissoluta, in juramenta, in actiones scandalosas, in infinita absurda. Quomodo reprehendet



eos in populo, qui huic dediti sunt, prout  
 ratione ministerii seu officii sui obligatur, si  
 ipse iis tale exemplum seu scandalum præbet?  
 quomodo solabitur miserias pauperum, qui  
 fame moriuntur, dum interim ipse, qui eorum  
 pater esse, & eos nutrire deberet, redditus  
 suos modo tam peccaminoso & infami pro-  
 digit, nullaque commiseratione populi sui  
 tangitur? *bibentes vinum in phialis, nihil pa-*  
*tiebantur super contritione Joseph, Amos 6. 6.*  
 Verum maneamus solummodo in vitio impu-  
 ditiæ, quod S. Paulus ebrietati attribuit,  
*in quo est luxuria,* Id quod Salomon ante  
 illum Prov: 20. 1. dixit *luxuriosa res vinum.*  
 Si per se satis difficile est, reprimere recal-  
 citrantem carnem, si etiam castigatur, mor-  
 tificatur, ac in servitutem redigitur; si  
 quis ieiunat, & exacte observat omnes tem-  
 perantiæ regulas; quid fiet in eo, qui huic  
 igni alimenta præbet? si oleum infundat? ô  
 quam verissima sunt verba S. Hieronymi E-  
 pist: ad Ocean. 83. *venter merô astuans,*  
*citò despumat in libidinem.* Prætendere con-  
 servationem castitatis, & tamen multum vi-  
 ni bibere, idem est, ac prætendere, impedire  
 effectum, cuius causa conservatur; tentare  
 Deum est hoc, & illudere illi; *nunquam ergo*  
*ebrium castum putabo,* ait S. Hieronymus  
 in c. 1. ad Titum. dicat quiscunque quod  
 velit; quantum ad me, concludit hic S. P.  
 possum testari ab experientia propriæ consci-  
 en-

entia, abstinentiam mihi semper fuisse tum-  
 mè utilem; quòdque nunquam limites quo  
 ad hoc transgressus fuerim, quin me poenitue-  
 rit Fugiamus itaque ebrietatem, & extre-  
 mum horrorem, erga vitium hoc adeò infame,  
 concipiamus, quod aditum aperit vitio  
 luxuriæ, quòdque & corpus & animam for-  
 didat nostram, & polluit; utamur vino non  
 aliter, nisi ad necessitatem juxta consilium  
 Pauli Timotheo datum; *modico vino utere;*  
 super quo S. Bernardus in Cant. serm 30.  
 n. 12. hanc facit reflexionem, *si tibi au-*  
*thoritas Apostoli placet de bibendo vino (mo-*  
*dico) quod ille adjunxit, non pratermittas.*  
 Pro Missa considera, dari sanctum quemdam  
 modum se inebriandi, qui nobis interdictus  
 haud est, imò ad quam ebrietatem è contra-  
 rio nos hortatur S. Paulus per verba se-  
 quentia textûs, quem hîc explicamus, *sed*  
*implemini Spiritu S. inebriemus nos vino*  
*hoc novo, seu musto, quo pleni erant Apostoli*  
*in die Pentecostes; læti bibamus sobriam e-*  
*brietatem Spiritus* Inebriemus nos san-  
 guine JESU Christi ad altare; sponsus ani-  
 marum nostrarum ad hoc ipsum invitat nos  
 ipsemet; *comedite amici, & bibite, & ine-*  
*briamini charissimi* Cant. 5. 1. ah faciat  
 vinum hoc cœleste nos oblivisci vinum ter-  
 restre! ebrietatēque ab intemperantia pro-  
 venientem, quæ debiles & titubantes nos  
 facit, ebrietas verò Spiritûs S. confortat nos,



& in Christo radicatos conseruat; *vinum enim qui inebriatur, vacillat & titubat, spiritus, qui inebriatur, in Christo est* S. Ambrós. de Cain & Abel l. 1. c. 5. O felix ebrietas! excl. mat S. Ambrosius; *hac ergo ebrietate corpus non titubat, sed resurgit; animus non confunditur, sed consecratur.* idem in Ps. 118. scilicet. 115. Dignos nos reddamus hac sancta ebrietate, accedendo ad S. altare cum devotione omnino pura, ut post acceptam S. Communionem dicere possimus ad Christum JESUM, pro gratiarum actione: *visitasti terram, & inebriasti eam; multiplicasti locupletare eam.* Ps. 64. 9.

\* \* \* \* \*

### FERIA QUINTA.

*Loquentes vobismetipsis in psalmis & hymnis, & canticis spiritualibus; cantantes & psallentes in cordibus vestris Domino.* Ephes. 5. 19

#### DE RECITATIONE BREVIARII.

1. Fieri debet cum reverentia. 2. Attentione.
3. Et devotione.

**PUNCTUM I.** Locutus sum die Mercur. Septim. 5 post Epiph. de cantu ecclesiastico ex occasione verborum istorum S. Pauli. Hodie meditationem instituemus circa materiam, quae haud minoris momenti est pro clericis; nempe de modo persolvendi divinum officium, seu

feu recitandi brevium, prima dispositio, quam ecclesia pro recitatione Breviarii requirit, & præscribit, est, ut fiat reverenter, seu dignè. Excellentia divini officii exigit à nobis hoc. imò officium istud divinum preces continet publicas, quas nomine totius ecclesiæ persolvimus; quæ videns filios suos nimis occupatos rebus ac negotiis temporalibus, nos delegavit, & deputavit ad offerendas Deo preces purissimas, & valdè frequentes, quæ sint instar tributi laudis, & incensum quoddam divinæ ipsius majestati oblatum. Quâ igitur reverentia fungi nos oportet hac nobis imposita commissione? 2do. constat officium hoc magna ex parte ex verbis S. Scripturæ. Selectum fuit ex illa, quod in libris sanctis affectuosissimum est, tum quantum ad clericos, tum quo ad diversas solennitates, quæ in Ecclesia celebrantur, ut sic pietas & devotio nostra nutriatur. Recitamus in illo psalmos & hymnos, qui nobis in memoriam revocant misericordias Domini. Habemus ibi in compendio incomparabiles actus sanctorum, à quibus excitemur ad illorum imitationem. Legimus homilias SS. PP. ex quibus sollicitudinem & curam illorum colligimus, quam habuere in instruendo populo ipsis commisso. En pretiosas margaritas, quas Ecclesia collegit ad componendum hoc divinum officium; quæ satis indicant, quàm sint obligati clerici, illud recitandi  
cum



cum omni respectu & reverentia. Et tamen pauci sunt ex iis, qui Breviarium recitant, qui hanc tam sanctam functionem reverenter obeunt. Vide te ipsum, qualis fuerit tua in hoc puncto modestia? elegistine loca ab hominibus remota, & orationi congrua? observastine situm corporis decentem? genuflexus, vel stans? tectus vel detectus, flexendo genua, aliasque ceremonias in recitatione Breviarii præscriptas observando? an non illud recitasti festinanter, deproperanter; omnia simul & semel, ut eo citius te expedires, quin alligatum te esse volueris horis ab ecclesia præscriptis? ô quàm timendum est, ne non pluries in ejusmodi deliqueris; quia verò non sufficit, observare solummodo exteriorem quamdam modestiam & reverentiam, ut benè persolvatur, & recitetur Breviarium;

PUNCTUM II. Considera, debere etiam adesse *attentionem*. *Attentè* ait S. Hieronymus explicans hæc verba Apostoli; *cantantes & psallentes in cordibus vestris*. Ait ministros ecclesiæ ex verbis istis discere debere, quòd plus corde, quàm ore cantandum sit eò, quòd sola vox penetrare non possit usque ad thronum Dei, si per affectus & desideria illuc usque non portetur. Oportet, ait Cassianus, collat. 23. c. 7. intus cogitare quod foris recitatur. Si attentio necessaria est, in oratione solummodo libera &

Voluntaria, multò magis necessaria est ad orationem præceptam, & ad quam obligaris. Quomodo putas Deum favorabilem futurum, & exauditurum eos, qui seipfos non intelligunt? vel quod Ecclesia, quæ alia ex causa non præscribit recitationem officii divini ministris suis, nisi ut homagium præstent Deo, contenta sit tali modo recitationis, qui Deum magis offendat, quàm honoret? an non dicere quis possit cum S. Chrysostomo in Math. hom. 15. de taliter orantibus; *qui Deum orat, & peccat, non Deum rogat, sed deludit?* an non de tali oratione publica intelligere oportet id ipsum, quod S. Cyprianus tract. de orat. Dominica scripsit? *quando stamus ad orationem, vigilare, & incumbere ad preces toto corde debemus; cogitatio omnis carnalis, & secularis abscedat; nec quidquam tunc animus, quàm id solum cogitet, quod precatur.* Addamus cum hoc S. P. quòd cor nostrum hoc tempore apertum esse non debeat, nisi soli Deo? *claudatur contra adversarium pectus, & soli Deo pateat.* Igitur non levis aliqua negligentia vel socordia venialis est, si quis voluntariè se abripi patiatur à cogitationibus vanis & inutilibus, quando Breviarium recitatur, totamque hanc suam obligationem restringere velle, ad puram recitationem vocalem, quod etiam psittacus peragere posset, si ad hoc instrueretur. An non de talibus Clericis Breviarium suum ita



recitantibus dici possit, similes eos cherubinīs in tabernaculo depictis, manus quidem conjunctas & elevatas habentibus, nil tamen orantibus? *dabit cor suum in similitudinem picturæ* Eccles. 33. 28. Sit, quòd tales v. g. ad chorum afferant reverentiam aliquam, & magnam modestiam, quo ad externam apparentiam, adeò ut quasi angeli esse videri possint, si tamen simul toto hoc tempore aliud in mente non revolvant, nisi quòd à laude Dei, quam decantant, longè alienum sit, tunc oratio ipsorum non nisi depicta oratio est, per quam nec Deo, nec Ecclesiæ satisfaciant. Non satis etiam est juxta S. Bernardum, repellere à se cogitationes inutiles; sed nec illæ admitti debent, quibus se alio tempore occupare utiliter quis posset, *nihil aliud*, dicebat ad suos religiosos, serm. 47. in cant. *dum psallitis, quàm quòd psallitis, cogitate*. Sit, quòd quis majori devotione afficiatur, alia cogitando; melius est talia in aliud tempus differre, & aliud non meditari, quàm ea, ad quæ verba, quæ recitantur occasionem & ansam præb. nt. *Sì orat psal- mos, orate; si gemit, gemit; si gratulatur, gaudete; si sperat, sperate; & si timet, time- re*; en regulam, quàm S. Aug. in Ps. 30. conc. 3. dat, quæ nos ducit ad

PUNCTUM III. Docetque, recitari debere Breviarium non solum *reverenter, & attentè*, sed etiam *devotè*. Quantum con-

cilium Lateranense sub Innoc III. anno 1215.  
can. 17. ita habet: *districte precipientes, ut  
divinum officium, nocturnum pariter & di-  
urnum, quantum eis dederit Deus, studiosè  
celebrent, pariter & devotè.* Concilium  
Aquilgranense, Trevirense, Mediolanense,  
& alia plura id ipsum commendant, concilium  
autem Basiliense hanc conditionem  
miss. 2. c. qualiter horæ canon. dicendæ sint  
extra chorum, pro tam essentiali supponit,  
ut iis, qui privatim recitant Breviarium,  
hoc præscribat; *tali in loco recitent, unde  
à devotione non retrahantur.* Si à me petas,  
in quo consistat hæc devotio? respondendo  
paucis; consistere in conformitate amorosa  
internorum nostrorum affectuum cum iis, qui  
in hymnis vel psalmis continentur, & expri-  
muntur, adeò, ut si propheta regius mira-  
bilia Dei, ejusque potentiam & sapientiam  
admiratur, etiam affectus admirationis in  
nobis excitentur; si à Deo petit auxilium,  
hoc ipsum etiam nos imploremus pro nobis,  
& pro fidelibus; si affectus compunctionis  
in consideratione peccatorum suorum expri-  
mat, etiam nos pariter affici debemus; si  
Deo gratias agi pro beneficiis acceptis, etiam  
nos gratias agere oportet. Sed ut hos si-  
milèsq; affectus in nobis sentiamus, & ex-  
liciamus, debet in corde nostro ignis divi-  
ni amoris ardere; quia, ut S. Ait in Ps 88.  
*desinis laudare, si desinis amare.* Parum



curat & attendit Deus laudem illam, quæ ei datur, si non procedat à magna æstimatione, quam quis de ipsius suprema maiestate habet, & ex ardenti desiderio ipsi placendi, debitumque ipsi homagium præstandi *Fratres*, pergit idem S. Aug. *non tantum ad sonum attendite, cum laudatis, sed totum Deum, toti laudate; cantet vox; cantet vita; cantent facta.* O si vel parum quid de ista devotione haberemus; haud foret necessarium, ut dicatur nobis, ne præcipitanter recitemus Breviarium; ut omnia verba distinctè profeceramus, ut rubricas intelligere studeamus, aliasque præscriptas cæremoniâs observemus; ipsi enim à nobismetipsis ex corde & optima voluntate totum hoc exactè præstaremus. Pro præparatione ad Missam roga Deum, ut ignoscat & dimittat tibi defectus tuos in recitatione Breviarii commissos. Propone, quòd ad minus semel in septimana desuper examen instituere velis; esto deinceps exactior in hoc tuo penso persolvendo. O Domine, qui nos constituisti, ut tibi nomine populi tui fidelis, offeramus preces & laudes tua infinita maiestate dignas, benedic, quæso, resolutioni meæ, quam cepi, majori cum devotione deinceps satisfaciendi huic meæ obligationi; concede mihi, & reple me Spiritu adorationis Jesu Christi Filii tui, ut ipse in nobis oret & nos tibi in ipso, & per ipsum, homagium nostrum tibi debitum exhibeamus; *ut in omnibus honorificetur Deus per Jesum Christum.* 1. Petr. 4. 11.

Erat quidam regulus, cujus filius infirmabatur Capharnaum; hic cum audisset quia Jesus advenisset à Judæa in Galilæam, abiit ad eum & rogabat eum, ut descenderet, & sanaret filium ejus; incipiebat enim mori.

Joan. 4 46.

DE BONO USU MORBORUM.

1. Oportet eos acceptare à Deo cum submissione.
2. Et dolores illorum perferre in spiritu pœnitentiæ.

PUNCTUM I.

**A**Doremus admirabilem modum agendi divinæ providentiæ, quæ volens regulum hunc pertrahere ad fidem, morbum immisit filio ejus, ut sic recurrere deberet ad Christum Jesum. Fortè nunquam Ecclesiâ verâ ingressus fuisset, si hanc adeò favorablem occasionem, adeundi hunc divinum medicum, sibi elabi passus non fuisset! & quàm utiles sunt morbi, & infirmitates iis, qui illis benè uti sciunt; addiscamus hodie bonum hunc usum. Ante omnia debemus hujusmodi infirmitates seu morbos recipere de manu Dei, in spiritu submissionis ad illius sanctissimam voluntatem. Primus gradus fidei nostræ, quam in ejusmodi occasione exercere debemus, est ut justitiam DEI honoremus & veneremur in omni malo, quod patimur, agnoscendo humiliter, talia nos esse promeritos; *merito hæc patimur*, Gen. 42.

Di



Dicamus cum S. Job. *si bona suscepimus de manu Dei, mala quare non suscipiamus?*

Job. 2. 10. en! quomodo vir iste patientiæ non nisi manum DEI respiciat; en! quomodo seipsum animet ad patientiam, ex consideratione hujus primariæ causæ, quam nunquam cum fide respicimus, quin ab eadem confortemur. Non incusat, neque conqueritur contra fores, qui greges suos sibi abegerunt; neque contra ventos, quod domum dejecerint; neque contra crudelem linguam propriæ suæ uxoris; solum Deum respicit, & considerat, qui talia permisit, cujus ordinationi cum omnigenâ resignatione se submittit. *Manus Domini tetigit me.* A uia, o Domine manu, percussus sum; potentissimum brachium tuum est, quod me gravari sentio, sub quo me omni modo humilio. En qualiter affecti esse debemus, si Deus morbum aliquem nobis immittat, vel afflictionem quamdam. Ministri Domini; qui tales veritates aliis prædicatis; memores estote ipsimet illorum quando morbus, vel infirmitas aliqua impediunt vos ab exercitio functionum vestrarum! nolite vos ipsos turbare, vel inquietare; sed elevare cogitatum vestrum usque ad Deum, ad exemplum divini magistri vestri. Quando Dei Filius, in horto olivarum, sibi ipsi dolores, & opprobria passionis instantis representavit; obruebatur vehementi apprehensione, & horrore, non poterat absque terrore aspi-

aspicere spectaculum adeò horrendum. Verum considerans deinde, patrem suum cœlestem esse, à quo calix iste passionis propinaretur ad bibendum, quamcunque amarus fuerit, dulcis tamen ipsi videbatur, acceptavit illum cum gaudio, quando manum illius vidit, à qua offerebatur; cum indignatione rejecit à se, qui eum à morte hac tam crudeli perferenda avertere volebant; *calicem quem dedit mihi Pater, non vis, ut bibam illum?* Joan. 18. 11. ita & nos agere debemus in infirmitatibus nostris, qui eas nobis immittit, causa nobis esse debet, ut cum submissione eas acceptemus. *Non est malum, quod tam bonum habet authorem.* S. Ambr. l. de bono mortis. Igitur dicamus ad imitationem Jesu Christi, ita Domine! tu es, qui mihi sanitatem concessisti, quā tam malè usus sum; tu es, qui hanc infirmitatem mihi immittis ad meam correctionem, vel ad excitandum fervorem meum in tuo servitio, ah noli permittere, ut tam favorabili occasione abutar, & pro eo, ut te placem, de novo contra me te irriter, per resistantiam & impatientiam meam; *ita Pater, quoniam sic placitum fuit ante te.* Math. 11. 26. Ita est, submitto me omninò castigationi tuæ; *ego in flagella paratus sum.* Ps. 37. 18. Sum omninò contentus, quia taliter me abstrahere vis ab amore creaturarum, purificare affectiones meas, & ad talem me sta-

tum



tum reducere, ut frui non possim deliciis huius mundi, & dulcedine vitæ istius. *Iram Domini portabo, quoniam peccavi ei.* Mich. 7. 9. Hæc est prima dispositio ad fructum capiendum ex morbis; oportet eos acceptare cum submissione ad voluntatem divinam. Veniamus nunc etiam ad 2dam, nempe ad tolerantiam dolorum in spiritu pœnitentiæ.

PNCTUM II. Morbi æquæ ac mors pœna sunt peccati; possunt tamen evadere in remedium pro illo, si in spiritu pœnitentiæ perferantur; hinc vult S. Gregorius M. inter alia documenta, & consilia ægrotis danda, etiam hoc unum esse debere; *admonendi sunt ægri, ut considerent, quanti sit momenti molestia corporalis, quæ & admissa peccata diluit, & ea, quæ admitti poterant, cômpefcit.* pastor p. 3. admon. 13. Moneri debent ægroti, ut considerent, quam proficuum eis sit, quodd corpus ipsorum sit afflictum, quodd afflictio hæc serviat ad illos à peccatis eorum purificandos, quæ commisere, & ad non committenda, quæ potuissent committere. S. Chrysostomus hom. 24. in Math. ait: *omnis adversitas, quæ nos tribulat in hoc mundo, baptismus est ignis, & magnè quidem semel baptisamur; in igne autem hoc pœnit dum vivimus.* Ut mentem S. huius Doctoris comprehendas, notare oportet, habere nos in hac vita tria tribūalia, ubi pœnæ illæ præscribuntur, quibus ad expiationem cri-

minum nostrorum uti possumus; tribunal confessionis, ubi DEUS per os ministrorum suorum pœnitentias peccatis nostris debitas imponit; tribunal conscientiae, ubi nobis inspirat, ut per nostrum zelum suppleamus insufficienciam pœnarum; quas Confessarius nobis imposuit, quæque plerumque valde leves esse solent; tribunal justitiæ Divinæ, qui videns repugnantiam nostram ad satisfaciendum, modo peccatis nostris proportionato, nobis immittit afflictiones, cruce, morbos, ut sic simul illa puniat, & expiet, si talia perferamus, prout oportet. *Tanta est, ait Concil. Trident. Sess. 14: c. 9. Divinæ magnificentiae bonitas, ut non solum pœnis sponte à nobis, pro vindicando peccata susceptis, sed etiam, quod maximum amoris argumentum est, temporalibus flagellis à Deo infligis, & à nobis patienter toleratis, apud Deum satisfacere valeamus.* Conformemus nos tantæ huic Dei in nos bonitati, si nos ipsos quasi obliti simus durante sanitate, curemus saltem in infirmitate, nos ipsos convertere, & taliter nos geramus, ut verificetur in & de nobis; *Domine, in angustia requisierunt me. Isa. 26. 16.* Recurramus prius ad medicum animarum, antequam medicos corporis advocemus, prout Ecclesia mandat, *districte precipimus medicis corporum, ut cum eos ad infirmos vocari contigerit, ipsos ante omnia moneant, & inducant, quod medicos* Medit. Pars Autum. V adve-



*advocent animarum.* Concil. Later. sub Inn.  
 III. c. 22. & si ad statum gratiæ nos redu-  
 xerimus, offeramus nos tanquam viſi mas  
 DEO, ad quidlibet perferendum, certò de hoc  
 perſuaſi, hominem quantumcunque juſtam,  
 neceſſe tamen habere purificari à pluribus ad-  
 huc defectibus in camino tribulationis. In  
 igne probatur aurum, & argentum, & homi-  
 nes receptibiles in camino humiliationis. Ec-  
 cleſ. 2. 5. Dicamus cum S. Aug. Domine,  
 longè plura promeritus ſum; *hic ure, hic ſeca,*  
*modo parcas, & in æternum parcas;* vel cum  
 S. Fulgentio: *Domine, da mihi modo pati-  
 entiam, & poſtea Indulgentiam.* En! quales eſſe  
 debeant cogitationes, & ſenſus in infirmita-  
 te, habuiſſine tales? conſideraſſine morbos  
 tuos, tanquam remedia apta, ad ſananda ma-  
 la animæ tuæ? tanquam favores Cæli? &  
 portionem quamdam crucis Chriſti? acce-  
 ptaſſine illos cum gaudio, vel ſaltem cum  
 ſubmiſſione ad Divinam voluntatem? uſuſne  
 es quamprimum SS. Sacramentis, ut infirmi-  
 tates magis meritorias redderes? toleraſſine  
 dolores tuos in & cum ſpiritu patientiæ?  
 an non potius lapſus es in querelas, murmu-  
 rationes, & impatientias? o quam pauci  
 ſunt, qui taliter à morbis ſuis proficere ſtu-  
 dent! *pauci ex infirmitate emendantur.* de  
 imit. Chriſti l. 3. c. 23. Pro Miſſa, propo-  
 ne, quod iis omni meliori modo impoſterum  
 uti velis. & imitari illuſtrem quemdam poen-  
 itentem

rentem, quem certè pro exemplari nostro  
sumere, & imitari debemus, ac dicere cum  
illo: *O Domine, in tribulatione me exercere;  
flagellandum judicas omnem filium, quem re-  
cepturus es, qui nec unico pepercisti; ille qui-  
dem sine peccato flagellatus est, ego autem  
dico, miserere mei; sana animam meam, quoniam  
peccavi tibi; si secutus est, qui putre-  
dinem nostram habebat; si medicina ipsa nostra  
ignem medicinale non respuit, impatienter  
ferre debemus urentem medicum, & secan-  
tem.* S. Aug: in Ps. 40. n. 6. id est, omnibus  
tribulationibus nos exercentem, & à pecca-  
tis sanantem; S. Pius Pontifex Maximus in  
ultima sua ægitudine, ubi violentissimos cal-  
culi dolores passus fuerat, sæpius ad DEUM  
dicebat: *Domine, adde ad dolorem, dummo-  
do addas ad patientiam.* apud Bolland. T.  
1. Maj. append.

\* \* \* \* \*

DIE SABBATHI.

*Credidit ipse, & domus ejus tota.* Joan.

4 58.

OBLIGATIO PATRISFAMILIAS ERGA  
SUOS DOMESTICOS.

1. Quoad temporalia. 2. Et spiritualia.

PUNCTUM I. Fides hujus reguli, de quo  
in hodierno Evangelio  
diversos habuit gradus, ait Venerabilis Beda.  
Initium sumpsit, quando ad JESUM misit,  
ut filio suo sanitatem peteret, crevit, quan-

Va

do



do ad eum dixit Christus; *vade filius tuus vivit*. Denique perfecta evasit, quando à suis audivit, filium suum sanatum fuisse illo ipso tempore, quo JESUS verba hæc dixit: *filius tuus vivit*. Tunc enim non contentus, ut ipse tantum crederet, omnes suos domesticos eò adegit, ut & ipsi fidem in JESUM Christum amplecterentur. *Credidit ipse, & domus ejus tota*. En modum agendi, qui pro exemplo servire debet omnibus patribusfamilias, ut nec ipsi negligant salutem suorum domesticorum. Materix huic insistamus. Si S. Bernardus l. 4. consid. c. 6. putavit se de hac ipsa materia loqui debere cum magno ac Summo Pontifice, cui suas considerationes inscripsit, haud dubiè etiam Clericis non erit inutilis, qui ordinariè etiam suos domesticos habent, si semel saltem in anno considerent, ad quid eos lex Divina quoad hoc punctum obliget. Obligationes talium Domini norum respiciunt tam temporale, quam spirituale bonum suorum domesticorum. Quoad temporalia oportet, imò ut eos alant, & honeste occupent. Obligatio patrisfamilias subministrandi suis domesticis vitæ necessaria, fundatur in jure naturali & Divino *Dignus est operarius mercede sua*, ait Christus Dominus. Ipsi enim tempus, & sudorem suum impendunt vobis; an non igitur æquum est, ut ipsi quoque alimenta eis præbeatis; non dico, quod delicatè eos tractare debeatis,

tis, hoc enim esset fovere insolentiam illorum, & ut ita dicam, ad eos contra vos animandos, sed nolite eos ad servitium vobis exhibendum ineptos reddere per sordidam quamdam vestram parcitatem, adeò, ut eis non nisi reliquias aliquas cum in lignatione concedatis, & has ipsas eis exprobretis. An non videtis, quod taliter eos tractando culpabiles vos reddatis murmurationum, furto-  
rum, aliorumque deinde excessuum, quos exercebunt, si occasionem quamdam nanciscantur? nolite eos nimio labore gravare, nec vestra autoritate, seu potestate supra illos abuti. Etiam jumentis tuis pareis, & non parces servo tuo? scio quidem, quid dicas, nempe equum v. g. tibi magni constituisse, minimè autem servum talem. Anne ita observas ad quod te Apostolus Coloss. 4. hortatur? *Domini, quod justum est, & equum servis præstare, scientes, quod et vos Dominum habetis in Cælo.* 2do. Oportet iis subvenire in necessitatibus ipsorum; curam illorum gerere in ipsorum infirmitatibus; illos protegere, & loco Patris illis esse, *Servus sensatus*, ait Sapiens Eccl. 7. 23. *sit tibi dilectus, quasi anima tua, non defraudes illum libertate, neque inopem derelinquas illum* 3tiò oportet domesticis seu servis fideliter solvere mercedem, sub qua conducti sunt. *Non morabitur opus mercenarii tui apud te usque manè.* Lev. 19. 13. Non po-



est retinere, vel differre illis salarium absque iniustitia, si dānum exinde sentiant, quorum clamor deinde usque ad thronum DEI perveniret. Si ille contra charitatem dea linquit, qui pauperi eleemosynam denegat, & pro homicida habetur, juxta S. Ambr *si non pavisti, occidisti*. Cujus criminis ille reum se faciet, qui legem justitiæ violat; denegando salarium debitum servo suo? crimen hoc tale est, quod vindictam DEI in- clamat ait S. Jacobus cap. 5. 4. *Ecce meritis operariorum, qui messuerunt regiones vestras, quæ fraudata est à vobis, clamat; & clamor eorum in aures Domini Sabbath in- troivit*. Quot nihilominus sunt ex Clericis, qui in hunc errorem prolabuntur? per plures quandoque annos differuntur salaria, & si qui solutionem seu mercedem suam expectant, aliud non experiuntur, nisi impatientiam, indignationem, iram, juramenta, imo etiam minas experiuntur. An non & ipse in tales excessus incidisti? *non ladas servum in veritate operantem*. Quia verò hoc totum non est, si illis tantum temporalia, ac vitæ necessaria subministres.

PUNCTUM II. Vide insuper, ad quid circa spiritualia obligatus sis? debes igitur illis imò Instructionem & ædificationem. Sollicitus esse debes, ut sciant principalia mysteria fidei nostræ; ut Sacramenta frequenter; ut mane & vesperi preces suas fun-  
dant,

dant, ac christianè vivant. Attendisne ad ista? sæpissimè domestici Clericorum minus sciunt, & dissolutiores sunt, quam servi Laicorum. Qualis confusio! quid ait S. Paulus, quomodo audeat quis curam Ecclesiæ in se suscipere, si neque capax est, ut propriam domum suam regere valeat? quomodo illi concedantur animæ extraneorum, si eas negligat, quæ illius sunt, & quorum quasi pastor naturalis, & pater est? *si quis autem domui suæ præesse nescit, quomodo Ecclesiæ DEI diligentiam habebit.* 1. Tim 3. 5. add. invigilare debet supra domesticos suos. S. Bernardus circa hoc neque cum Papa Eugenio dispensat, quamvis cura & sollicitudo totius Ecclesiæ illi incumberet; en! quomodo loquatur! *non oportet, ut vitia domus tuæ ulcisceris.* scias, quod quam plurimis novimus contigisse; quapropter, ut dixi, alius alia dispenset, de disciplina, tu provide; illud nemini credas. Si insolentior eorum te vel sermo sonuerit, vel habitus apparuerit, manus tua super ejusmodi, tu ulciscere injuriam tuam. Impunitas ausum parit; ausus excessum; domum Episcopi decet sanctitudo; decet modestia, decet honestas; horum disciplina custos, Sacerdotis domestici, aut ceteris honestiores, aut fabula omnibus sunt. In vultu, in habitu, in incessu illorum, qui circa te sunt, nihil residere impudicum, nihil indecens patiaris. En monitum, supra quod Clerici omni-



omnino reflexionem facere deberent. 3<sup>ti</sup>o. corrigere debet domesticos suos. Habent illi defectus suos, dices, & quis est, qui non aliquos habeat? oportet eos corrigere absque commotione seu irâ; non debent ruditer tractari; & ruinâ ipsis intentari; sed loquendum illis cum mansuetudine & charitate, supra teipsum te reflexendo, ac intra te dicendo; quid? si tam difficile mihi accidit, me ipsum corrigere, non obstante tantâ cura eorum, qui me à juventute mea in moribus informare studuerunt, si iisdem adhuc imperfectionibus, & defectibus subjaceo, an mirum sit, si homines rudes, ruri nati, & educati, talibus subjaceant, qui tot auxiliis caruere? si eorum errores & defectus ex malitia non proveniunt, sed tantum ex inadvertentia, & tarditate ingenii, supporta eos patienter sub spe ista, fore, ut cum tempore alii futuri sint. Dissimula aliqua, noli aliqua extollere, vel ex musca elephantem facere; noli in ira exardescere ob fragile vitrum fractum; tandem noli esse in domo tua terribilis instar leonis, memor te etiam eundem Dominum habere in Cœlis, quem servi tui; remittentes minas, ait Apostolus, Eph. 6. 2. *scientes, quia & illorum, & vester Dominus est in Cœlis; & personarum acceptio non est apud eum.* Pro Missa; admirare humilitatem & charitatem Divini Magistri tui, qui de Cœlis in terram venit, ex amore pauperis servi sui.

*Ecc*

*Ecce de Cælo venit, ait S. Gregorius hom. 28. in Evang. qui servo in terra occurrere non despicit. Roga ipsum, ut te sanet, ac deinde domesticos tuos à defectibus eorum, quos habent. Dic ad eum cum isto regulo: Domine, descende, priusquam moriatur filius meus; & quia tanquam Clericus populum Christianum instruere, & docere debes, noli oblivisci, ut patresfamilias admoneas, quam culpales sint coram DEO, si huic suæ duplici obligationi erga suos domesticos desint, si quis autem suorum, & maxime domesticorum curam non habet, fidem negavit, & est infideli deterior. 1 Tim 5. 8.*

DOMINICA VIGESIMA PRIMA  
POST PENTECOSTEN.

*Confortamini in Domino, & in potentia virtutis ejus, induite vos armaturam DEI, ut possitis stare adversus insidias diaboli. Ephes. 6. 11.*

DE PUGNA SPIRITUALI.

1. Vita nostra continua est pugna.
2. Debemus proinde continuò invocare auxilium DEI.

**PUNCTUM I.** Hortatur nos S. Paulus in hac Epistola ad pugnandum generosè, & ut vitam hanc nostram aliter non consideremus, nisi tanquam bellum continuum. Verùm quam pauci sunt Christiani



norum, imò etiam Clericorum, qui reflexionem aliquam faciant ad hanc grandem veritatem? & qui persuasi sint de hoc, pugnandum nobis esse, quamdiu præsens vita durat juxta famosam hanc sancti Jobi sententiam; *militia est vita hominis super terram.* Job 7. 1. Igitur in præsenti meditatione hanc nobis ipsis veritatem benè persuadere fatagamus. Vita hominis non solum plena est tentationibus, ait S. Greg. moral. 1. 3. c. 3. sed est potius continua quædam tentatio. Quia ex eo, quod lapsus voluntariè fuit homo à statu innocentiae, in quo creatus fuerat, ipsemet per suam propriam corruptionem factus sibi est quodammodo origo & radix tentationis, & miseriarum. Vita enim hominis Christiani non minus pugna quædam est, & bellum. Christianum esse idem est, ac inscriptum esse in militia Christi JESU, ad impugnandos inimicos illius. Hinc post acceptum semel baptismum, confertur nobis etiam Sacramentum Confirmationis, ut per hoc mediante infusione Spiritus S. qui per illud nobis datur, novæ vires nobis accrescant ad resistendum generosè contrariis nobis potestatibus mundi & inferni. Bellum hoc omnino ex omni parte sanctum est, eo quod agatur de conservando thesauro gratiæ divinæ, & ut magis ac magis crescamus in sanctitate, quam in Baptismo consecuti sumus. Quia verò homines naturam belli hujus, ante Incarnat-

arnationem Filii DEI, ignorarunt, ipse Christus JESUS exemplum nobis præbere voluit; quia statim post Baptismum Spiritus S. instinctu se in desertum recepit, ut contra principem tenebrarum bellum iniret. Ipse primus campum nobis armorum aperuit, Cælumque nobis proposuit, tanquam pretium & coronam, quam promereri possemus, si strenue decertaverimus. Itaque haud despondere debemus animum, in consideratione, vitam hanc esse locum tentationum; quia quem admodum illi, qui in acie stant, & primis ictibus expositi sunt, generosiores & animosiores præ cæteris sunt, sic etiam anima quælibet, quò magis per tentationem probatur, & exercetur, eo plus meriti, & gloriæ acquirit; *quia tentatione probatur, & exercetur virtus*, ait S. Augustinus l. 3. de Gen. ad litt. c. 15. *& est palma gloriosior, non consensisse tentatam, quam non potuisse tentari.* Si ergo vita cujuscvis simplicis Christiani continua quædam pugna est, quid censendum de vita Clerici, si obligationibus statûs sui satisfacere, & laborare velit ad destructionem regni diaboli? quid cogitandum de vita Pastoris, qui in se suscipiendo curam gregis sui cum fiducia in Christo JESU dicit, *& princeps hujus mundi ejicietur foras?* Joan. 12. 31. oportet, ut diabolum ejiciam e Parochia mea. Putasne, serpenti caput conterri posse, quia clamet? leonem huic prædam eripi



ripi posse, qui rugiendo circumit, ut S. Petrus 1. Ep. 5. 8. ait, quin validius adhuc rugiat? putasne hunc irreconciliabilem inimicum ad terram prosterni posse, quin victori suo insultet? minimè; igitur tales boni Clerici & pastores aliud expectare non debent, nisi terribiles assultus; sed quid tunc agendum?

PUNCTUM II. Oportet incessanter vocare in auxilium: *confortamini in Domino, & in potentia virtutis ejus.* Nam qui sumus nos, ut defendere nos valeamus contra tam formidandos inimicos salutis nostræ, qui nos tam acriter impugnant; qui mille laqueos nobis tendunt, & præcipitia, & abyssos nobis ex omni parte minantur? quomodo assultum tam violentum & inæqualem sustinebimus, & ictibus eorum dextrè declinabimus, qui arundine debiliores, & fragiliores sumus? nos, quorum intellectus nonnisi ignorantia est; quorum voluntas nonnisi infirmitas, & corruptio est? qui vel levissimis etiam temptationibus succumbimus quandoque? consideratio hujus nostræ impotentiae adigere ad hoc nos debet, ut incessanter ad Deum recurramus, eumque rogemus, ut pugnet pro nobis. *In nobis quidem non est tanta fortitudo, ut possimus huic multitudini resistere, quæ irrumpit super nos, sed cum ignoremus, quid agere debeamus, hoc solum habemus residui, ut oculos nostros dirigamus ad te Deus noster. Et. Tu scis, quæ cogitant in nos, quomodo poterimus.*

*rimus subsistere ante faciem eorum, nisi tu adjuves nos.* 2. Paralip 20. 12. Igitur non desistamus petere assistentiam illius, sine quo nihil possumus, non dico non vincere, sed nequidem cogitare de pugna ineunda; arma nostra preces nostræ sunt, vires nostræ gratia JESU Christi; *Dominus fortitudo mea &c. Auxilium meum à Domino.* Ps. 17. 2. Ps. 120.

2 Omnes sancti Sacerdotes, maximè autem sancti pastores fuere homines orationis; *orationibus vixerunt* Vixi sunt in difficillimis pugnis totas noctes & dies in oratione trans-egisse. S. Ambrosius ab Imperatrice Justina oppressum se videns, aliud non faciebat, nisi orare; totus populus plenus zelo, ait S. Augustinus, l. 9. conf. c. 7. resolutus erat mori cum suo Episcopo, & in hunc finem integris noctibus in Ecclesia vigilabant. Et in hac occasione, ut populo levaretur tædium, quod in tot gravibus & diuturnis laboribus ipsis subrepere poterat, ordinatum fuit, ut hymni & Psalmi tali modo secundum Ecclesiæ Orientalis usum decantarentur. O si Sancti tali modo oraverunt! quid nos facere convenit? qui undique invenimus, unde nobis timeamus, non solum foris, & extra nos, sed etiam intus. Igitur oremus instantè & sine cessatione ad Deum auxiliatorem nostrum recurramus. O Domine! miserere mei; noli permittere, ut sim ulterius in gaudium hisce malignis spiritibus, qui non minùs tui, quam nostri



nostri sunt inimici; tu scis, quid de nobis, & contra nos cogitent, nec aliud intendunt, nisi perdere nos, ah! quomodo coram illis subsistere poterimus, si in adiutorium nostrum non festines! libera nos ab his famelicis leonibus, ab his rugientibus, præparatis ad escam & prædam. Deus meus, in adiutorium meum intende, repelle à me draconem hunc, qui in me insurgit; Tob. 6. ecce enim invadit me. In te inimicos nostros ventilabimus cornu, & in nomine tuo sternemus insurgentes in nobis. Ps. 43 6. Si temetipso me vestias! O JESU! non solum ero invincibilis, sed etiam invulnerabilis, in te solo totam fiduciam meam pono, totum à te spero, & exspecto. *Misericordia mea, & refugium meum, susceptor meus, & Protector meus; susceptor, ne cadam; erector, ne ebream; Protector, ne feriar.* S. Augustinus in Ps. 143. n. 2. Pro præparatione ad Missam; uni te huic adorando capiti, & duci totius militiæ christianæ; indue te juxta exhortationem Apostoli, armaturam Dei, ut possis stare adversus insidias diaboli; verum est, diabolus inimicus cum omnino formidabilem esse, & gigantem armatum; sed spoliavit illum armis suis Christus JESUS; affixit illum Cruci, tanquam curru suo triumphali, *Principatus & Potestates traduxit confidenter, palam triumphans in semetipso.* Coloss. 2. 15. Pedibus eos subavit millionum ferme Christianorum infinitorum

torum quasi infantum, & simplicium puellarum; exemplum generosorum istorum Athletarum animos nobis addat, & quia discimus à S. PP. Sanctissimam Eucharistiam eos specialiter in pugna ipsorum confortasse, studeamus etiam nos digne communicare; & non habebimus, quod timeamus: *Si Deus pro nobis, quis contra nos?* Rom. 8. & pro gratiarum actione addamus etiam hoc cum S. Augustino in eundem Psalmum n. 10. *qui hanc annonam dedit pugnanti, quid servat innocenti?*

\*\*\*(\*)\*\*\*(\*)\*\*\*(\*)\*\*\*(\*)\*\*\*(\*)\*\*\*

## FERIA SECUNDA.

*Non est nobis colluctatio adversus carnem & sanguinem; sed adversus principes & potestates; adversus mundi rectores tenebrarum harum, contra spiritualia nequitia in Caelis; propterea accipite armaturam Dei, ut possitis resistere in die malo, & in omnibus perfecti stare.* Eph. 6. 11.

## DE INIMICIS NOSTRIS, CONTRA QUOS PUGNARE DEBEMUS.

1. Quinam sint?

2. Quem ordinem in hac pugna servare debeamus?

**PUNCTUM I.** **D**Ant nobis ista Apostoli verba locum & ansam examinandi pro continuatiōe antecedentis meditationis, qui nam sint inimici cum quibus nobis



nobis pugnandum? primus & maximè  
 formidabilis, est diabolus, quem S. Paulus  
 hic nominat principem tenebrarum; & ali-  
 bi Deum hujus sæculi; 2. Cor. 4. per quod  
 discimus, quanta sit ipsius vis, & potestas  
 nempe talis, ac tantà, ut juxta sententiam  
 S. Joli, nulla ei comparari possit super ter-  
 ram; *non est super terram potestas, quæ ei com-  
 paretur*, Job 41. 24. Mortalis est inimicus,  
 & irreconciliabilis, ac juratus in ruinam no-  
 stram, applicat se solitudine & vigilantia  
 quadam infatigabili, ut hanc suam intentio-  
 nem & finem in opus deducere valeat; ad-  
 hibet in hunc finem omnia artificia, insidias  
 & vires suas; nunquam quiescit; *nunquam  
 malitiæ suæ otium facit*. Primis Ecclesiæ  
 sæculis, ait S. Augustinus, in Ps. 39. *hostis  
 ille noster leo fuit, cum apertè saeviebat; mo-  
 dò draco est, cum occultè insidiatur*; maximè  
 ac præ aliis aggreditur bonos, & malos  
 adhibet, per quos illis bellum inferat, re-  
 linquit superbos, avaros, & impudicos, quia  
 amici ejus sunt, & ut ita dicam, *voluntarii  
 ipsius, diabolus non persequitur, nisi bonos  
 malos enim, luxuriosos, cupidos, & superbos  
 persequi diabolus non consuevit, amici enim  
 sunt sui, & semper voluntatem ejus faciunt  
 & in tantum eos non persequitur, ut etiam per  
 illos persequatur*. ibid. En primum inimicus  
 cum quem timere debemus & qui quotidie  
 infinitos propemodum Christianos laqueis  
 suis

luis capit & illaqueat. Secundus est mundus, mundus hic accipi non debet pro cœlo, & terra, neque pro iis, quæ à Deo creata sunt, sed pro infectione, & corruptione, quam peccatum in mundum invexit, ait S. Augustinus. Mundus, seu sæculum istud corruptum est, quod non nisi peccatum spirat, societas est malorum, hominum carnalium, & vitiosorum. Variè nos impugnat hic mundus, per sua prava exempla; per suos periculosos discursus, per sua principia perversa, per minas suas, & persecutiones, imò etiam per favores suos æquè, & per suas delicias, ac blanditias, adeò ut illum impugnare debeamus, nî Dei inimici esse velimus; ait S. Jacobus; *adulteri, nescitis, quia amicitia huius mundi inimica est Deo: quicumque ergo voluerit amicus esse sæculi huius, inimicus Dei constituitur.* Jacob. 4. 4. Tertius inimicus, quem impugnare debemus, est caro, seu corpus nostrum, quod nos impugnat per suas corruptas inclinationes. Est hic inimicus eò magis timendus, quò intimior nobis est; *inimici hominis domestici ejus.* Matth. 10. 35. *Ubique circumferimus inimicum nostrum,* ait S. Bernardus, serm. 5. in Quadr. n. 1. *Carnem hanc loquor, de peccato natam, in peccato nutritam, corruptam nimis ipsa origine, sed multò magis prava consuetudine vitiatam. Hinc est, quod tam acriter caro adversus spiritum concupiscit, quòd assidue* Me dit Pars autum. X. mur-



322 *post Dom. 20am 1mam post Pent.*  
*murmurat, & impatiens est disciplina quoddam*  
*illicita suggerit, quoddam nec rationi obtemperat,*  
*nec inhibetur ullo timore.* En inimicos no-  
stros, contra quos nobis certandum! quilibet  
eos cognoscere, clerici verò perfectiorem  
illorum cognitionem habere præ aliis debent;  
quia de hoc non solum instruere debent po-  
pulum suum, sed etiam idè, quoddam magis  
quàm alii iis expositi sint, prout nos mo-  
net Salvator in persona S. Petri; *Simon,*  
*Simon, ecce sathanas expetivit vos, ut cri-*  
*braret, sicut triticum,* Luc. 22. 31. Ista re-  
petitio, *Simon, Simon,* denotat, monitionem  
hanc summi esse momenti, igitur & scire, &  
timere debemus inimicos adèd periculosos;  
quia autem hoc nondum sufficit, sed insuper  
etiam impugnari debent;

PUNCTUM II. Considera nunc modum,  
& ordinem in hoc certamine observandum.  
Hunc juxta veterem quemdam authorem,  
docet nos S. Paulus, quando 1. Cor. 9. ait;  
*sic pugno, non quasi aërem verberans, sed*  
*castigo corpus meum, & in servitutem redigo.*  
Ostendit per hæc verba apostolus, ut non  
præcisè aërem verberemus, oportere ordi-  
nem quemdam observari in hoc pralio, quod  
idem est, ac si dicat, initium fieri debere ab  
hoc, ut propria caro dometur, antequam  
pugnam ineamus contra dæmones, ex qua  
victores recedamus; *sic pugno non quasi a-*  
*ërem verberans &c.* Vide hæc, ait Cassianus  
Instit.

Instit. Lib. 5. 17. 18. Apostolum totam suam pugnam reducere ad castigationem seu mortificationem corporis sui, hoc enim superato, & quasi pedibus suis subiecto, quasi super curru triumphali positus vehebatur, ut *sublimis triumphator invehitur*; post tot reportatas coronas merebatur pugnam inire, etiam cum potentissimis quibuscvis inimicis, *robustiorum incipit hostium subire certamina*, & ut victor aliorum omnium causam habet exclamandi cum fiducia, *non est nobis cellustatio adversus carnem & sanguinem; sed adversus principes & potestates tenebrarum harum &c.* ibid. c. 16. Sequamur & nos hunc ordinem, si cum fructu certare velimus, initium sumamus à mortificatione carnis rebellis, & postquam hunc in servitutem reduxerimus, tentare etiam certamen possumus cum dæmonibus, ac spem de victoria contra illos concipere: *illud enim est cunctorum lustramentum, velut solidissimum quoddam fundamentum*, ait Cassianus, ibid. *ut primitus carnalium desideriorum incentiva perimantur*; nam nullus, carne propria non devicta, legitime decertare poterit, & qui legitime non decertat, sine dubio nec in agone configere, nec coronam gloriam, victoriæ gratiâ, poterit promereri. Secutusne es hunc ordinem? didicistine superare tentationes diabolicas, per & ex victoriis, quas à te metipso reportasti? qualis apparentia, &c.



324. *Post Dom: zomam imam post Pent:*  
verisimilitudo, quòd vincere possis damones,  
spiritus istos malitiæ per sex millia annorū,  
damno tot magnorum virorum in hac pugna  
omniò versatorum & exercitatissimorum, si  
quotidiè in bello, quod tibi caro tua movet,  
vel mundus suscitatur, succumbis? scitò, quòd  
hi spiritus superbi *non nisi victoribus tantum*  
*concertare dignantur.* ibid. Pro Missa; ro-  
ga Christum JESUM, ut doceat te artem  
hanc vincendi inimicos tuos, & quia, ut in  
hac pugna victor existas, corpus tuum mor-  
tificare, & spiritum hujus mundi abnegare  
debes; noli despondere animum. Memento,  
locum te tenere pauperum discipulorum  
JESU Christi, qui evangelium illius ideò ubi-  
que divulgarunt, quia viri erant morti-  
ficationis; quia gloriam & divitias hujus  
mundi contempserunt. Si fuissent homines  
voluptuosi, negotiatores, circumforanei,  
quemadmodum tot clerici nostri temporis,  
nequaquam regnum diaboli subvertissent;  
eosdem inimicos debellare debes; imitare il-  
los; & antequam ad altare accedas applica  
tibi ipsi pulcherrima verba ista S. Greg.  
hom. 32. in Math. *quicumque ad fidei a-*  
*gonem venimus, luctamen contra malignos*  
*spiritus sumimus, nihil autem maligni spi-*  
*ritus in hoc mundo proprium possident, nude*  
*ergo cum nudis luctari debemus; nam si ve-*  
*nit quisque cum nudo luctatur, citius in*  
*terram de jecitur, quia habet, unde teneatur.*  
Quid

*Quid enim sunt terrena omnia, nisi quadam corporis indumenta? qui ergo contra diabolum ad certamen properat, vestimenta abjiciat, ne succumbat.*

\* \* \* \* \*

## FERIA TERTIA.

*State ergo succincti lumbos vestros; in veritate, & induti lorica[m] justitiæ, & calceati pedes in præparatione Evangelii pacis; in omnibus sumentes scutum fidei, in quo possitis omnia tela nequissimi ignea extinguere; & galeam salutis assumite, & gladium Spiritus quod est verbum Dei. Ephes. 6. 14.*

DE ARMIS CONTRA INIMICOS SALUTIS nostræ necessariis; principalia sunt.

1. Scutum fidei. 2. Et gladius verbi divini.

**PUNCTUM I.** Postquam hortatus nos fuit Apostolus ad pugnam; nobisque inimicos nostros indicavit; armis quoque nos instruit pro defensione nostra, illaque explicat, prout S. Hier. in h. l. advertit, sub figura nostrorum armorum ordinariorum, quibus uti solent milites nostri, quando ad pugnam se armant, datque nobis pro cingulo veritatem; *state ergo succincti lumbos vestros in veritate. Pro thorace, justitiæ, induti lorica[m] justitiæ; pro calceamentis, obedientiâ prædicandi Evangelium; calceati pedes in præparatione evangelii pacis;*  
proæ



326 post Dom: romam unam post Petr.  
præ omnibus aliis autem scutum fidei nobis  
commendat; in omnibus sumentes scutum fi-  
dei, in quo possitis omnia tela nequissimi ignea  
extinguere &c. uti & gladium spiritualem,  
quod est verbum Dei. Quia verò hæc ulti-  
ma arma specialiter nobis commendat Apo-  
stolus, præsentis meditationis materia erunt.  
Fides igitur generalis nostra defensio est,  
quàm adhibere debemus contra salutis nostræ  
inimicos, scuto fidei protecti esse debemus.  
Nota, quòd cætera arma respectu, seu compa-  
rativè ad scutum imperfecta sint; galea caput  
defendit; lorica pectus; sed non nisi scutum  
totum corpus protegit; idem etiàm est, quo-  
ad virtutes particulares respectu fidei; de-  
fendunt illæ quidem quasdam animæ poten-  
tias, sed sola fides omnes; ad hanc igitur  
recurrrere debemus in prælio, quod contra  
inimicos nostros nobis gerendum est. In o-  
mnibus certaminibus fide muniamur; quia  
sicut scutum ipsorum quoque armorum de-  
fensio est, & sine hoc, omnis armatus iner-  
mis est, ita & hæc virtutes sine fide salvare  
non possunt. Nam sicut scutum omnia in je-  
ra repellit, & recutit, ita & fides omnes  
diaboli persuasiones extinguit, quamvis quasi  
lumen rationis habere videantur. S. Hier.  
ibid. Tentaris errore aliquo, aut hæresi? su-  
me scutum fidei; oppone tentationi verba  
istâ Christi JESU, qui non credit, jam ju-  
dicatus est. Joan. 3. 18. Tentaris dis-  
fer-

ferre conversionem tuam? utere verbis istis  
*ided & vos estote parati, quia quâ nescitis*  
*borâ, filius hominis venturus est.* Matt. 24.  
44. Tentaris invidiâ, vindictâ, impudici-  
tiâ? repelle à te hæc ignita tela, quæ An-  
gelus sathanz itiam purissimis quandoque  
animabus objicit, per verba ista, quòd, qui,  
ralia agunt, non intrabunt in regnum DEI.  
Habuistine hunc recursum ad fidem in ten-  
tationibus? o quot victorias amissiſti, ided,  
quòd hoc fidei scuto te non armaveris! quia  
verò Apostolus alia ad huc arma nobis sub-  
ministrat;

PUNCTUM II. Assume præter scutum  
fidei, etiam *gladium Spiritûs, quod est ver-*  
*bum DEI.* Gladius iste, quem Apostolus no-  
bis in manus dat, necessarius nobis est ad  
defensionem nostram contra illusiones diabo-  
licas, sic etiam videmus in Evangelio Chri-  
stum Dominum alio non fuisse usum medio  
ad confundendum superbissimum hunc spiri-  
tum, qui eam tentare ausus fuit, nisi verbo  
Dei; gladius hic ex utraque parte acutus,  
pro ut illum alibi vocat Apostolus, est, qui  
usque ad cor penetrat. Cur autem bis acutus?  
querit S. Aug. in Ps. 149. n. 12. *Dicit*  
*de temporalibus, dicit de æternis; in utroque*  
*probat, quod dicit, & eum, quem ferit, sepe-*  
*rat à mundo.* An non verbum hoc gladius  
est? quia Christus JESUS dixit, se non ve-  
nisse in mundum, afferre pacem super ter-  
ram,



328 *post Dom. reman imam post Pent.*  
ram, sed gladium. En! quàm penetrans sit  
gladius iste! visné cernere divisiones, quas  
facit? pergit S. Aug. *ibid. disjungit sanctos,*  
*disjungit impios; separat à te, quod te impe-*  
*dit; filius vult servire Deo. Pater non vult;*  
*venit gladius, venit sermo Dei, dividit fili-*  
*um à patre. Filia vult, mater non vult; gladio*  
*dividuntur ab invicem.* Adjungamus & hoc;  
vult clericus servire Ecclesiæ, & obligationi  
sux satisfacere, nolunt hoc approbare paren-  
tes illius, vel consanguinei; gladius hic, utraque  
parte acutus, quæstionem & litem hanc deci-  
dit; noli impediri, vel à patre, aut matre, fra-  
tre, sorore, amico, quicumque demum ille sit,  
non placeat tibi, quod à Deo te separat; & sic  
*utiliter te ille gladius separat, male te tu con-*  
*glutinas.* *ibid.* Gladius hic quotidie in mani-  
bus clericorum versatur; utuntur illo, ut res-  
scindant ea, quæ in aliis mala & nociva esse  
inveniunt. Infelices sanè forent, si ad eundem  
usum pro seipsis illum non adhiberent, nam  
utut perfecti sint, invenient tamen semper ali-  
quid, quod abscindant sive in verbis, sive in  
desideriis, sive in affectionibus &c. Nam quis  
est clericorum, qui non sæpius in ejusmodi  
delinquat? qui taliter non utitur gladio hoc  
in ista vita, in magno periculo versatur, ne ad  
finem illius animam suam gladio mortis con-  
signet, à quo separaretur in æternum à Deo  
suo, qui vera & sola vita animæ est. Resolve  
te igitur ad utendum hoc gladio verbi divini,  
&

& scuto fidei, ad impugnandum inimicum salutis tuæ; his enim armis reportarunt sancti tot victorias, prout alibi Apostolus dicit; *per fidem vicerunt regna; operati sunt iustitiam, adepti sunt repromissiones, obturaverunt ora leonum.* Hebr. 11. 13. Pro preparatione ad Missam roga caput & ducem omnium sanctorum, ut sibi unire te velit in sanctissima Eucharistia armisque suis spiritualibus te vestire, & certò tibi persuade, si iis utaris, prout oportet, nunquam te in prælio succubiturum. *Hæc est victoria, quæ vincit mundum, fides nostra.* 1. Joan. 5. 4.

FERIA QUARTA.

*Assimilatum est regnum calorum homini regi, qui voluit rationem ponere cum servis suis, & cum cepisset rationem ponere, oblatus est ei unus, qui debebat ei decem millia talenta.* Math. 18. 23.

DE PECCATO HABITUALI.

1. Effectus illius.
2. Remedia contra illud.

PUNCTUM I.

**A**gnoscamus humiliter in persona hujus

servi nos ipsos, qui debebat Domino suo decem milia talenta. Quid! possetne quis majoribus debitis gravatus esse quàm nos? an non innumera sunt peccata nostra, prout id ipsum quotidie in Missa confitemur? & si Deus rationem nobiscum inire vellet, quid fieret de nobis? tutissimum ac securissimum pro



330 *post Dom. 2amam 1mam post Pent.*  
nobis erit, si lacrymis & precibus nostris  
iram, & iustitiam illius flectere, & mitigare  
studeamus. *Paniteamus, & indulgentiam*  
*eius fufis lacrymis postulemus.* Judih 8 14.  
Nescio, an audire possimus prout servus iste,  
ad pedes Salvatoris nostri prostrati petere  
ab eo modicum adhuc temporis pro dilati-  
one; fecimus hoc jam toties; & quamvis Do-  
minus noster omnem possibilem jam dilatio-  
nem concesserit, abusi fuimus hâc ipsius gra-  
tiâ; & pro eo, ut debita nostra solverimus,  
nova contraximus, & multiplicavimus, toties  
in eisdem defectus relabendo. Ingemisca-  
mus itaque super hac mala consuetudine no-  
stra, & pro materia hodiernæ meditationis  
eam assumamus; & si fortè Deus ab ea nos li-  
berasset, tamen haud inutilis erit meditatio,  
eo quòd tanquam clerici laborare debeamus,  
ut & alios peccatores ab ea eruamus, & li-  
beremus. Per habitum seu consuetudinem  
istam intelligitur infelix illa facilitas caden-  
di sæpius in certa quædam peccata, quibus  
jam assueti sumus! en! quales post se trahat  
effectus! imo. facit, ut facilius labamur; an-  
te talem contractum habitum etiam mini-  
mam occasionem labendi timebamus; quando  
vero quis talibus peccatis assuevit, nil am-  
pliùs timetur; sopiuntur conscientie remora-  
tus; audiamus S. Bernardum l. 1. de confid.  
c. 2. de hac re loquentem; *quid non evere-*  
*rit consuetudo? quid non assiduitate duratur?*  
*quid*

quid? quod non usui cedat? quantis, quod præ amaritudine prius exhorrebant, usu ipso male in dulce conversum est? audi justum, quid lamentetur super huiusmodi. Quæ prius tangere nolebat anima mea, nunc præ angustia tibi mei sunt. Primum tibi importabile videbitur aliquid; processu temporis, si assuescas, judicabis non adeò grave; paulò post & leve senties; paulò post nec senties, paulò post etiam delectabit. Ita nempe successivè assuescimus, & peccatum familiare nobis fit, quod prius insupportabile nobis videbatur, facit habitus & consuetudo, ut facilè labamur. ad. facit, ut difficulter resurgamus. Lex enim peccati est violentia consuetudinis, ait S. Aug. l. 8. conf. c. 5. qui tristem de hac re in seipso habuit experientiam in adolescentia sua. Peccator consuetudinarius mancipium est peccati, & licèt, nescio, quæ formet secum proposita resurgendi, vix tamen se ab ejusmodi vinculis exsolvet, si quandoque oculos suos in cælum lever, & bonam quamdam de conversione sua cogitationem formet, statim consuetudo contracta se in contrarium opponet. Ego suspirabam, ligatus ferro non alieno, sed mea ferrea voluntate, velle meum tenebat inimicus; & inde mihi catenam fecerat, & constrinxerat me, ex voluntate mea perversa facta est libido, & dum servitur libidini, facta est consuetudo, & dum consuetudini non resistitur, facta est necessitas. Ita loquebatur S. Aug. ibid. ante conversionem



332 *post Dom. romam iuniam: post Pent.*

& baptismum suum; ex quo apparet difficultas à malâ contractâ consuetudine desistendi. 3. facit, ut quis obdormiat, & indurescat in malo, *putruerunt, & corrupta sunt cicatrices meae à facie insipientia mea.*

Ps. 37. Peccator in tali statu neque concutitur timore inferni, neque nauseat fetorem peccati, neque persuaderi se permittit ab hominibus, neque minas Dei attendit; & sic in suis excessibus pergit, ac permanet, quin ex hoc statu exire velit, vel quia amore voluptatis tenetur, vel quia putat, impossibile sibi esse correctionem, vel denique, quia falsò sibi adulatur, Deum adhuc in morte sibi futurum propitium; *impius, cum in profundum venerit, contemnit.* Prov. 18. 3. Hinc est, quod scriptura hanc peccatoris emendationem inter res omninò difficillimas numeret; *si mutare potest ethiops pellem suam, aut pardus varietates suas, & vos poteritis benefacere, cum didiceritis malum.* Jerem. 13. 23. O quàm periculosus est hic status! vide, utrum non ipsemet fortè in eo hareas? quod si Deus hanc tecum misericordiam habuit, ut ab illo te præservaverit, vel eduxerit, ostende peccatoribus, quanto in horrore illis esse debeat peccatum habituale seu consuetudo peccandi; & ut hoc efficias, ab eisque illos retrahas;

PUNCTUM II. Vide, qualia remedia in contrarium adhiberi debeant? primum, id.

idque omnium efficacissimum, est voluntas,  
& sincerum desiderium propriae conversionis,  
& emendationis. Si quis salvari velit, oportet, ait S. Aug. ibid. c. 8. *velle fortiter, & non semisauca, huc atque illuc, versare voluntatem.* Si quis infirmam nonnisi & languidam voluntatem habet, suspendet ad tempus malam suam consuetudinem, sed tandem iterum in illam cadet, eo quod non nisi debiles conatus adhibuerit; *similes conatibus expergisci volentium, qui tamen superati soporis altitudine remerguntur.* ibid. c. 5. 2dum oportet habitui peccandi opponere contrarium habitum, quemadmodum morbi corporis contrariis medicinis curantur; nam, ut ait S. Greg. hom. 32. in evang. *caelestis medicus singulis quibusdam vitiis obviantia adhibet medicamenta; nam sicut arte medicinae, calida frigidis, frigida calidis curantur, ita Dominus noster contraria opposuit peccatis medicamenta, ut lubricis continentiam, tenacibus largitatem, iracundis mansuetudinem, elatis praeceperet humilitatem.* 3tium, magna sollicitudine & cura sibi ipsi invigilet quis, ne tali consuetudine abripiatur; *laborasti, ut nutrires, labora, ut vincas,* ait S. Aug. hom. 45. oportet esse exactum, ac sibi ipsi praescribere poenitentiam quamdam, quoties quis relabitur, *ut violentiae poenitentia,* ait idem S. P. tract. 44. in Joan. *cedat consuetudo peccandi.* Denique  
in.



instanter a Deo petenda est gratia nostræ  
 conversionis. En aliquot remedia, quæ ad-  
 hibere potes contra malam consuetudinem!  
 utere illis apud eos, qui se curæ tuæ com-  
 mittunt, sed noli te ipsum negligere, sit fortè  
 quoddam non verferis in quadam consuetudine  
 peccati mortalis, ob quam omninò indignus  
 fores ad exercendas functiones ministerii tui;  
 verum an non in consuetudine peccati cujus-  
 dam venialis constitutus es? aut multis om-  
 nino imperfectionibus subiectus, quas ne-  
 quidem emendare cogitas? an non mancipium  
 es tuarum passionum, quibus non nisi debiliter  
 resistis? te ipsum parumper examina, & si ho-  
 die celebras, pro præparatione ad Missam  
 roga JESUM Christum, ut animam tuam per  
 contactum sanctissimi corporis sui resuscitet.  
 Resuscita me, diuine Salvator, priusquam  
 sepulchro meo inferar, inimici salutis meæ  
 foderunt mihi sepulchrum quoddam, & in il-  
 lud me conijcere festinant; festina tu quoque  
 Domine Deus meus ad adiuvandum me, quia  
 non nisi duobus digitis absum ab hoc præci-  
 pitio, in momenta singula me eo pertrahere  
 intendunt passionibus meæ; passio superbix pri-  
 ma, & ante alias incedit; passio intemperan-  
 tiæ, quæ omnibus sensibus meis dominatur,  
 nec quidquam de mortificatione admittere  
 vult, se illi conjungit; passio iræ & impatien-  
 tiæ alias quoque urgent; socordia mea, quasi  
 vivum me sepelit; impudicia non nisi corru-  
 pti-

ptionem generat, quæ meipsum mihi quasi insupportabilem facit, &c. non possum omnes satellites istos mortis enumerare. O JESU! erue me de manibus horum inimicorum meorum; confringe catenas malæ consuetudinis, & fac, ut te amem, tibi que majori cum fidelitate deinceps serviam. *De necessitatibus meis erue me; age Domine, fac; excita, & revoca nos; accende, & rape, flagra; dulcesce; amemus; curramus.* S. Aug. conf. l. 8. c. 4.

\* \* \* \* \*

## FERIA QUINTA.

*Egressus autem servus ille, invenit unum de conservis suis, qui debebat illi centum denarios, & tenens suffocabat eum, dicens; redde, quod debes. Et procidens conservus ejus rogabat eum dicens; patientiam habere in me, & omnia reddam tibi; ille autem noluit.* Math. 18. 28.

## DE PROCESSIBUS.

1. Quantum ab illis abhorreere debeant clerici,
2. Rationes, quare evitari debeant.

PUNCTUM I. **M**erito detestamur processum hujus ingratis-  
simi, & inhumani servi, qui accepta hac a Domino suo gratia remissionis, & condonationis decem millium talentorum adeo crudelis fuit, ut conservum suum violenter ap-  
pre-



336 *post Dom. 20am imam. post Pent:*  
prehensum pene suffocaverit, tamque imma-  
sericorditer eum urserit, quoadusque solve-  
ret centum illos denarios, quos eidem debe-  
bat; & tamen minime attendimus ad tot alio-  
s, qui hunc ipsius immittem agendi modum  
imitantur. Fecit nobis Deus gratiam; com-  
munis hic Dominus omnium remisit nobis  
debita immensa; & tamen annon quotidie  
videre est christianos, immo & clericos qui  
fratres suos immaniter cruciant & torquent  
etiam ob minima quæque. Ferè ubique tri-  
stia hæc verba audire est: *redde, quòd debes.*  
Neque contenti sunt hoc dicere; intumantur  
iis etiam juridicè, & processus instituuntur,  
sub nescio quibus gravibus expensis. Op-  
ponamus nos hodie ejusmodi juridicis pro-  
cessibus, quorum plerique etiam clerici, ac  
ministri ecclesiæ tam amantes sunt sub spe-  
cioso prætextu, & titulo, conservandi jura  
beneficiorum suorum. Ostendamus illis in  
hac meditatione, quòd ejusmodi processus  
evitare deberent. Admonitio hæc est ipsius  
Christi Domini, data discipulis suis; *si quis*  
*vult tecum judicio contendere, & tunicam tu-*  
*am tollere,* ait apud S. Math. cap. 5. 41.  
*dimitte ei & pallium.* & in S. Luca. cap.  
6. 30. *qui aufert, quæ tua sunt, ne repetas.*  
S. Paulus magnus, hic interpret evangelii,  
scribens ad Timotheum. 2. ep. 2. 24. abso-  
lutè ait; *servum Domini non oportet litigare.*  
Adhuc expressius & clarius mentem tuam

aperit; jam quidem omninò delictum est in vobis, quòd judicia habetis inter vos 1. Cor. 6. 7. Quare non patimini potiùs injuriam? nota, ait hic S. Chrisost: Apostolum non solum reprehendere Corinthios, quòd causas suas detulerint ad infideles & gentiles iudices, sed etiam ideo, quòd inter seipsos contenderent; *duplex est crimen, & quòd iudicio quis contendit, & quòd apud infideles.* En auctoritates, quæ sanè persuadere hoc nobis possint. Verùm est, exinde non inferri, processus juridicos absolutè malos esse, & prohibitos; sed solummodò tales sunt, si quis illis abutatur. Conveniunt omnes, permisos esse, imò quandoque necessarios; verùm, quia raro evenit, ut quis absque peccato talibus processibus se implicet, hinc quilibet eos cavere debet, præsertim clerici, qui ratione professionis seu vocationis, & statùs sui, ad majorem renuntiationem rerum temporalium obligati sunt, & ut omnem occasionem divisionum, seu dissensionum & litium inter fideles tollant, & præscindant. Et tamen eò jam deventum est, ut ordinariè plerumque præ aliis in publicis audientiis, & judiciis compareant, & audientur clerici, si vel minimam quamdam causam, vel occasionem inveniant; *clamant in foro, silent in claustrò*, ait quidam summus pontifex, loquens de certis quibusdam religiosis. Non debet dissimulari hoc, experientia id satis declarat, non ar-

*Medit. Pars Autum.* Y *den-*



dentius, non obitatus, non intractabilis  
 litigatur, nisi à clericis, si semel processum  
 aliquem inceperint; si ii, contra quos jura sua,  
 vel prætensiones urgent, contra illos indigna-  
 tionem, amaritudinem, vel etiam odium  
 concipiant, & foveant, parùm ipsi hoc curant,  
 modò tandem sententiam sibi favorem  
 obtineant. O quam longè absumus ab illo  
 perfectionis statu, in quo fuere clerici pri-  
 morum sæculorum ecclesiæ processus tales  
 erant tunc temporis tam rari, & incogniti,  
 ut plures Episcopi gloriari potuerint, neque  
 ipsos, neque clerum suum, ullum unquam  
 habuisse processum; hanc sibi gloriam vindi-  
 cabat Theodoretus Epist. 81. ita scribens:  
*annos viginti quinque ita vixi, ut nec in jus  
 vocatus sim à quoquam, neque ipse quemquam  
 accusarim. Nullus religiosissimorum clericorum,  
 qui sub me fuerunt, tribunalia frequentavit  
 unquam. Anne inveniri possit diæcesis ali-  
 qua, vel clerici, qui eandem ab Episcopo suo  
 laudem mereantur? verùm quia tales pro-  
 cessus non carent suis prætextibus;*

**PUNCTUM II.** Veniamus etiam ad ra-  
 tiones, quare vitari debent tales processus.  
 imo. jactura temporis. Cur putas, Dei Fili-  
 um separasse ministros suos à reliquis fide-  
 libus, seu plebe, & specialiter pro servitio S.  
 Altaris eos deputasse? factum hoc fuit, ait S.  
 Ambr. l. 2. de fuga sæc. c. 2. ut discerent  
*exinde, cui Deus portio est, nihil debere cu-*

vare, nisi Deum; & quod ad alia officia confertur, hoc religionis cultui decerpitur. Si juxta mentem sanctorum totum illud tempus perditum censeretur debet, quod ad acquisitionem bonorum æternorum non applicatur, quid cogitandum, & judicandum de tempore illo, quod ministri Ecclesiæ insumunt ad instituendos & prosequendos processus suos, ad consultandos advocatos, ad excitandam negligentiam Procuratorum; ad lucrandos Judices, vel illos, qui authoritate quadam apud illos pollent, ut causa ipsorum per eos commendetur; & promoveatur? anne ideo sacerdotes consecrati, & facti fuere, ut ejusmodi negotiis vacarent? qualis prævaricatio & abusus sacri ministerii, videres pastores seu curatos pluries in judiciis apud Advocatos, Procuratores, quàm in Ecclesia, aut parochia sua? an non ingemiscere debemus cum pro propheta: *dispersi sunt lapides sanctuarii in capite omnium platearum.* Thren. 4. 1. 2do. Ad jacturam temporis adjungi debet jactura quietis, seu pacis, reddituum sacrorum, & spiritus ecclesiastici. Quam requiem habere poterit talis inter strepitum judicalem, inter clamores & contentiones Procuratorum & advocatorum. Inquietantur tales, modò per longas & molestas prolongationes; modò ab eventu, & fine processûs, nunc solutione expensarum, quæ magnæ solent esse; & si peccunia hæc



340 *post Dom: zomam imam post Pent.*  
à redditibus ecclesiasticis sumatur, en! pa-  
trimonium pauperum in usus profanos ex-  
pensum! denique amittitur spiritus ecclesia-  
sticus, processus aliquis juridicus continua  
quædam distractio est; talis parochus litigator  
sine scrupulo pareciam suam deserit, & nil  
boni in ea facit; est talis sacerdos in altari, in  
confessionali, in divino officio, absque atten-  
tione; pro eo, ut suis se functionibus applicet,  
totus occupatus, & immerfus est processui  
suo; die, nocturne de his rebus cogitat; *dies  
diei eructat lites*, ait S. Bernardus l. 1. de  
Consid. c. 3. ad Eugenium Papam, & *nox  
noxi indicat malitiam*. Denique peccata, quæ  
ejusmodi processus, seu lites comitari solent,  
fugam illorum certè nobis persuadere debe-  
rent; hinc tanti momenti consilium dat Sapi-  
ens: *abstine te à litè, & minues peccata*.  
Eccles. 28. 10. Oriuntur ordinariè tales pro-  
cessus ab avaritia, ambitione, vindicta, vel  
alia simili peccaminosa passione, *unde lites  
in vobis, nisi ex concupiscentiis vestris*, ait  
S. Jacobus cap. 4. mala fides, mendacium,  
injustitia, processum extendunt; & quando-  
que corruptio inter ministros justitiæ tanta  
est, ut ipsi quoque violent leges, qui tamen  
constituti sunt ad eas conservandas; & nullum  
quandoque innocens auxilium, vel subsidium  
reperit in tribunalibus; *inter leges ipsas*, ait  
S. Cyprianus, Eppist. ad Donat. *delinquitur*  
in.

*inter jura peccatur; innocentia nec illic, ubi defenditur, reservatur* Nemo innocentem defendit; nam quis est, qui illius in se defensionem suscipiat? *Advocatus?* sed hic ipse quandoque ministerium suum deturpat, *Patronus pravaricatur, & decipit. Judex?* hic quandoque sententias suas venales habet, *sententiam vendit.* Fortè ille ipse eadem crimina committit, quælia vi officii sui punire deberet, & parum sollicitus est, etsi innocens condemnatur, modò, ut reus compareat; *qui sedet crimina vindicaturus, admittit, & ut reus innocens pereat, fit nocens Judex.* An non tam grandes excessus cohibeant in clericis aliquibus pruritum illum ad litigandum & processus? ergo bona mea amittere debeo? ais; quæso, quis prohibet, quin arbitros eligere valeas? *non est inter vos sapiens quisquam, qui possit judicare fratrem?* 1. Cor. 6. 5. sed si fortè absolutè necessarium sit, judicem convenire, memor esto, præstare aliquid perdere, quàm vel veritatem, vel justitiam, vel charitatem lædere. En! qualiter comparatus esse debeas! Pro Missa roga Dominum nostrum, ut taliter sentire valeas; & si defactò, jam abhorres ab ejusmodi litibus & processibus, petè à Deo gratiam istam pro omnibus clericis, litium amatoribus. Ad hoc te invitat ecclesia; sic ò Domine, ut nunquam amplius inter nos sermo audiat de processibus, *ne litis horror insonet. Extingue flam.*



*flammam litium* in cordibus omnium ministrorum tuorum; & fiat per gratiam tuam, ut hanc ipsam resolutionem nos hodie capiamus, quam olim cuidam prophetae tuo inspirasti: *non enim in sempiternum litigabo.* II. 56. 16.

---

FERIA SEXTA.

*Tunc vocavit illum Dominus suus, & ait illi; serve nequam, omne debitum dimisi tibi, quoniam rogasti me; nonne ergo oportuit & te misereri conservi tui, sicut & ego misertus sum tui.* Math. 18. 32.

FINIS PROCESSIBUS IMPONENDUS.

1. Praecipue pastores laborare debent, ut finis processibus imponatur.
2. Qualem modum seu regulas circa hoc observare debeant.

PUNCTUM. I. **N**on sufficit, si clerici solum evitant eiusmodi

modi processus, seu lites, prout heri diximus; sed debent insuper talem aversionem etiam populo suo inspirare, & validè se opponere ejusmodi pruriti ad lites, qui quandoque in parochia ipsorum regnat. Exemplum illis quoad hoc praeber rex iste evangelicus, dum adeò graviter reprehendit, & correxit servum hunc malum, qui adeò crudeliter in conservum suum daseviit. Christiani, qui inter seipsos lites tales habent, debent ex parte sua

sua recursum suum habere ad clericos sapientes, & prudentes, præcipuè ad suum proprium pastorem, ut funestas sequelas talium processuum evitent. Debent certò sibi persuadere, decisionem talium temporalium negotiorum melius tractari à quodam prudente, & pio viro, quàm coram tribunali iudicis, qui etsi fortè majori intelligentia & scientia præditus sit, sæpe tamen se pecuniis corrumpere sinit, vel ab amicis, vel donariis. Clerici præsertim autem pastores sunt sapientes isti, ad quorum tribunal, seu iudicium confugere christianos vult Apostolus juxta explicationem SS. PP. *Quibus nos molestis afflixit Apostolus;* ait S. Augustinus de opere Monach. c. 9. *quem tamen laborem non sine consolatione Domini suscipimus pro spe vite æternæ, ut fructum offeramus cum tolerantia; servi enim sumus ejus ecclesie, & maxime in infirmioribus membris.* Pergit idem S. P. c. 29. *Nos excusare possumus, etiamsi contemptibiles simus, quia & nos collaborare voluit Apostolus, si sapientes defuissent, potiùs quàm ut negotia christianorum deferantur in forum.* En igitur unam ex obligationibus tuis, ad quàm fortè nullam hucusque fecisti reflexionem, prout oportet. Debes pacem invehere inter familias; impedire injustitias, & dissensiones, reconciliare patres cum filiis, & vicissim. Et quomodo hoc facies, si non studeas eorum differentias seu



seu lites componere? ad quos vis ut confugiant pauperes rustici, si à divitibus vel dominis suis injustè vexentur, nisi ad suum parochum, quem tanquam patrem suum communem considerant, & ut protectorem oppressorum habent, ac venerantur. O quot mala impedire posses, si laborem hunc eos audiendi in te susciperes, illisque bonum quoddam consilium suggereres, & ut ad praxim deveniamus;

PUNCTUM II. Postquam vidisti obligationem clericorum, præcipuè pastorum, ad terminandas ejusmodi controversias eorum, qui ad eos in hunc finem confugiant, æquum est, ut modus quidem, & certæ regulæ assignentur, ad faciendum hoc ipsum, prout oportet. Non possumus melius hoc præstare, quàm si eis proponamus exemplum & modum agendi, quem ipse S. Augustinus tenuit. Possidius, discipulus hujus sancti Episcopi, qui vitam illius scripsit, ait: eum. ut huic præcepto Apostoli satisfaceret, multum temporis insumpsisse huic negotio, ut suorum differentias, & contentiones componeret, si ad eum recursum habuere, minimè hoc faciebat ex spiritu quodam ambitionis, proprii interesse, vel pruritu auctoritatem quamdam ex hoc sibi acquirendi, sed unicè ex motivo purissimo pietatis, admirabili sedulitate ad hoc se applicabat; *causas audiebat diligenter, ac p̄d!* faciebat etiam ideo, ut

exinde in cognitionem veniret, quantum quisque vel in fide, bonisque operibus proficeret, vel ab eis deficeret. Utebatur ejusmodi occasionibus, ad inspirandum illis certas quasdam sanctas regulas seu principia christiana; & eas, quod adipiscerentur vitam eternam, admonerat, & docebat. Nil aliud querens ab iis, nisi tantum obedientiam, & devotionem christianam; in Vita. c. 14. Denique schola erat virtutis, sanctuarium pietatis, & cathedra veritatis, ubi docebat contemptum falforum bonorum, & vanorum bonorum terræ hujus; amorem pacis & concordia, spem & ardens desiderium felicitatis æternæ. Magnus hic Episcopus, ait Possidius, ibid. faciebat hoc tanquam specular à Domino constitutus domui Israel. Ipse hic S. Doctor docet nos in quodam sermone modum omninò paternum, quo usus fuit ad terminandas ejusmodi suorum clericorum & religiosorum differentias, non adhibendo ultimum rigorem, & severitatem juris, instar judicis; sed plenas charitate dando decisiones, prout patrem & pacificatorem decet; sed si pueri isti, ait serm. 49. de divers. servi Dei, sunt litem hanc inter illos citò finimus, audio illos et pater, & fortè melius, quàm pater ipsorum. Item ait, videbo quid sit juris, sicut Deus voluerit, cum paucis fratribus fidelibus honoratis de numero vestro, id est, de plebe ista. En modum quemdam ex-  
cel-



cellentem pro omnibus pastoribus & ecclesiæ ministris! felices illos, qui eum imitentur, & sequantur, facile enim terminabunt processus, & magna bona in populo præstabunt. Fac reflexionem super illum, antequam ad altare accedas; & roga Salvatorem animarum nostrarum, ut tibi concedere dignetur talenta, & gratias necessarias, ut in negotio tam difficili ritè procedere valeas. O Domine, qui vis, ut ministri tui sint *Sacerdotes pacis*. Tertull. de Spectac. c. 18. qui nos misisti pacem nobiscum ferre, quocumque ibimus, fac, ut ministerium hoc nostrum ita exerceamus, ut corda illorum, qui ad nos recurrunt, unire, & differentias illorum componere valeamus, ut tandem consequi mereamur præmium illud pacificis promissum; *beati pacifici, quoniam filii Dei vocabuntur*. Math. 5. 9.

\*\*\*\*(\*)\*\*\*\*(\*)\*\*\*(\*)\*\*\*\*(\*)\*\*\*\*(\*)\*\*\*\*(\*)\*\*\*

### DIE SABBATHI.

*Sic & Pater meus celestis faciet vobis, si non remiseritis unusquisque fratri suo de cordibus vestris*. Math. 18. 35.

### DE ODIO & INIMICITIIS.

1. Quam primum iis resistere debemus.
2. Et causas seu occasiones rescindere.

**PUNCTUM I.** Conclusio Evangelii huius, finis est & intentum parabolæ, quam Christus Jesus in illo

nobis proponit, ad persuadendum nobis, ut invicem nobis ignoscamus, & longè à nobis rejiciamus odia, & inimicitias. Verùm imaginari nobis non debemus; quasi verò Salvator iis tantum minetur, qui notabiliter; & quasi visibiliter exulcerati sunt; qui inimicitias publicas foveant; qui malè tractant proximum suum, eique nescio quas violentias inferunt; damnat enim etiam eos, qui aversiones quasdam secretas foveant, & charitatem fraternam in cordibus suis extinguere permittunt; id, quod inter clericos ordinariè fit modo quasi insensibili, & imperceptibili; subitâ indignatione abripimur; amaritudinem concipimus, aversiones admittimus; omnia nobis displicent, quæ ab aliis nobis obveniunt, quos pati non possumus; & sic tandem permittimus, ut extinguat in cordibus nostris diabolus charitatem, modo quoddam eò periculosiore, quò minus ad illam attendimus, sitque aliquis instar illius homicida, non quidem in oculis hominum, qui non nisi exteriora vident, sed coram Deo, qui ad intima cordis penetrat, juxta hæc verba Apostoli; *omnis, qui odit fratrem suum, homicida est.* 1. Joannis 3. 15. Contingit etiam quandoque, ut odium tale, quod secretò apud semetipsos foveant clerici, exterius apparent per discursum, dum malè de talibus loquuntur, ex quo inimicitia nascuntur, quæ populum fidelem scandalizant.



An non jure omnes boni super hoc ingemiscant? igitur resistamus omnibus occasionibus, & causis talis odii, & dissensionum, quas in cordibus nostris seminare vult inimicus salutis nostræ diabolus. Memores simus, Christum Dominum nil aliud nobis adedò commendasse in Evangelio, quam charitatem; est hoc ipsius magnum mandatum, ex hoc cognoscimus esse ipsius discipuli; mediumque hoc est, quo etiam alios lucrari poterimus. Etsi omnem & quidem maximum zelum pro gloria Patris sui habuerit, nihilominus vult, ut oblationem et munera nostra in altari relinquamus, ac prius reconciliari cum fratribus nostris curemus, eo quòd acceptabilius sacrificium & oblatio illi esse non possit, quam cor charitate plenum. Quidquid nos à charitate elongat, à Deo nos separat; nec quidquam jure ab ipso petere possumus, vel ut debita nostra remittat nobis, nisi serio testari, & contestari possimus, nos quoque ex corde remisisse fratribus nostris offensas; sine hoc enim oratio Dominica, quam quotidie, & toties recitamus, nostra erit condemnatio; & dicet nobis Christus Jesus, ex ore tuo te judico, serve nequam, & mensuram eadem utar contra te, quam tu mensus fueris aliis. Noli expectare talem reprehensionem, sed quam primum reprime in te metipso omnem motum, & affectum odii, inimicitiarum, aut vindictæ. Statim, ut tale quid in animo

tuo

*post Dom. 20mam imam. post Pent: 349*  
tuo exoriri animadvertis, supprime illud, ex-  
tingue scintillam talem quantocius, ne ma-  
gnum exinde oriatur incendium, & *sol non*  
*occidat super iracundiam vestram.* Cum ser-  
pente dormis in sinu tuo, si in corde tuo iram  
quamdam tecum in lectum feras; quod si ira  
tua est periculosa, odium adhuc longè pe-  
riculosius est. *Quid est odium?* quærit S.  
Aug. hom. 24. *ira inveterata; ira festuca*  
*est, odium trabs.* Sed penetremus usque ad  
radicem & originem hujus mali. In hunc  
effectum.

PUNCTUM. II. Studeamus causas illius  
tollere, & abscindere, unde nascitur odium?  
quò nutritur, & conservatur? ordinariè tri-  
plicem hanc radicem seu originem habet,  
proprium interesse, superbiam, & falsas re-  
lationes, seu narrata. Proprium interesse  
sæpè intimos amicos separat ab invicem;  
turbat integras familias; armat fratres con-  
tra fratres, & quando agitur de *meo & tuo*,  
pauci sunt, ait S. Aug. qui non ab invi-  
cem dissideant; *meum & tuum; frigidum*  
*illud verbum.* Non minores inimicitias eti-  
am superbia causat; feralis & insolens pas-  
sio illa totum mundum contemnit, à nullo  
autem contemni, seu sperni se paritur.  
Aliqua indignatio, vexatio, diæterium  
quoddam, verbum aliquod pungentius, di-  
sputatio quædam ardentior, leve quoddam  
punctum honoris, sufficit, ut ab invicem se-  
pa-



parentur, qui prius in optima intelligentia  
 vixere; *inter superbos semper iurgia sunt.*  
 Prov. 13. 20. Denique falsa narrata magna-  
 rum dissidiarum incentiva sunt, hinc notabi-  
 lem hanc sententiam pronuntiavit Sapiens,  
 Prov. 26. 20. *cum defecerint ligna, extin-*  
*guetur ignis, & susurrone subtrahō, iurgia*  
*conquiescent.* Ut igitur sopiatur & suffoca-  
 tur in corde nostro odium, quod contra pro-  
 ximum nostrum exurgit, oportet sufferre  
 omnes hasce causas, ex quibus nasci solet.  
 Inducit te proprium tuum interesse ad talem  
 separationem? remitte aliquid de jure tuo,  
 ut pacem conserves; si superbia te instigat,  
 recurre ad humilitatem; præbet quoad hoc  
 nobis S. Greg. Nazianz. exemplum tale,  
 quod summæ ædificationis est pro omnibus  
 clericis. Agnitus erat pro legitimo Episcopo  
 Constantinopolitano, ex decisione integri cu-  
 jusdam concilii, non fuit unquam ulla ele-  
 ctio magis canonica; interim quidam Episco-  
 pi de novo in illud concilium adventantes,  
 offensi per hoc, quod aliquid ante illorum ad-  
 ventum fuerit decisum, protestati sunt dein-  
 de contra hanc electionem & promotionem.  
 Quamprimum sanctus hic intellexit, pericu-  
 lum esse alicujusurbationis, statim cessit  
 jure suo, & etiam totius mundi imperio celo-  
 sisset prius, quam ut pacem turbare permissi-  
 set; *si propter me commota est ista tempestas,*  
*dicebat cum Jona, de jicite me in mare, ut*  
 vos

*vos jactari desinatis, Theodoret. l. 5. c. 8.*  
Quantum ad falsas narrationes, fugere debemus eos, qui alios ad odium & vindictam excitare solent; modus cum talibus agendi est, ut eos non audiamus; ut pro suspectis habeamus, qui nobis adulantur; & pro inimicis illos, qui inimicos nosse vellent fratrum nostrorum, ut S. Bernar. in Dedic. Eccles. serm. 3. loquitur. Quamcunque humilis, mansuetus, & patiens fuerit David, non invenit tamen melius quoddam medium, & remedium, quam hoc ipsum, ne odium contra Saulem conciperet, vel se vindicaret. Occasionem habebat optimam; cernebat inimicum in suis manibus; milites qui cum ipso erant, eum exhortabantur, ut Saulem occideret; & ut efficacius hoc ipsi persuaderent, dicebant: *ecce dies, de qua locutus est Dominus ad te: ego tradam tibi inimicum tuum, ut facias ei, sicut placuerit in oculis tuis.* 1. Reg. 24. Quid non fecisset David, si eos audire voluisset? sed respondit illis constantia summe mirabili; *propitius sit mihi Dominus, ne faciam hanc rem.* O si sanctum hunc regem imitareris, certe remitteret, & langvesceret brevi passio tua, rejiceres, & propelleres longe à te seductores tales, qui odium in te excitare, & fovere desiderant; brevi certe ad teipsum redires, & insensibiliter te mutatum experireris. Sed maximum & præstantissimum medium cohibendi ejus-



modi passionem, quodque tibi pro præparatione ad Missam servire potest, est, ut oculos conjicias in Jesum Christum cruci affixum, qui se occidi & jugulari permisit instar agni ducti ad victimam, qui nos suum contra aperuerit, nisi præcisè in ultimis vitæ suæ momentis, ut pro suis inimicis & crucifixoribus oraret, quos ut fratres habebat. *Vide pendentem, audi precantem: Pater ignosce illis; quia nesciunt, quid faciunt,* ait S. Aug. serm. 49. de verbis Michæ c. 6. Ah! quodnam odium subsistere possit in consideratione talis, tantique spectaculi! & amor crucifixæ Christe Jesu! vincant misericordia tua antiquæ, Domine; vincat sapientia malitiam &c. Planè foderunt impatientia foveam, occasiones indignationis plurimas, & quàm maximas ministrantes; sed quid horum fovea ad abyssum mansuetudinis tuæ Bern. serm. de passione Domini.

\* \* \* \* \*

## DOMINICA VIGESIMA SECUNDA POST PENTECOSTEN.

*Consequimur in Domino JESU, quod qui cepit in vobis opus bonum, perficiat in vobis Christi JESU. Philip. 1. 6.*

### DE PERSEVERANTIA.

1. Maximum est ex Dei donis.
2. Quid facere oporteat ad illud obtinendum.

PUN-

**PUNCTUM I.** Nil invenio magis consolatorium, quàm epistolam hodiernam, in qua Apostolus ait, se minimè dubitare, Deum, qui in nobis opus salutis cepit, illud quoque perfecturum; sed non invenio etiam, quod nos magis animare, & excitare debeat ad orandum, siquidem hic agitur de perseverantia, quæ ex omnibus Dei donis maximum, & summè, ac præ cæteris nobis necessarium est. Nam, quamvis omnes reliquæ gratiæ, quas Deus nobis largitur, sint infinitè æstimabiles, & æternæ gratitudine dignæ, fateri tamen oportet, donum perseverantiæ, quæ coronâ est omnium aliorum, prorsus singulare, & primas meritò mereri. Hinc est, quod illud S. Aug. de dono persever. apellet *magnam Dei donum, quo cætera conservantur* & diabolo potestatem aufert ea nobis rapiendi. Est instar ultimi gradûs, super quo ad thronum ascendimus; ultimus lapis, qui concludit & firmat ædificium salutis nostræ; uno verbo, sigillum est, & ultimus annulus pretiosæ hujus catenæ prædestinationis nostræ, infallibiliterque nos ad possessionem gloriæ inducit; sola est, cui æternitas redditur, vel potiùs, quæ hominem æternitati reddit; incassum quippe bonum agitur, si ante vitæ terminum deferatur. Et sanè; quid prodesset vocatos nos esse ad christianismum, & ad statum Ecclesiasticum, si obligationi nostræ ad finem usque non

*Medit Pars autum.*                      Z                      12-



satisfaciamus; siquidem salus tantummodò illorum est, qui perseveraverint in via bona, & in praxi, ac exercitio virtutum usque ad vitæ finem; *qui perseveraverit usque in finem, hic salvus erit*, Math. 10. 22. Absque perseverantia, nec qui pugnat, victoriam, nec paleam victor consequitur &c. Tolle perseverantiam, nec obsequium mercedem habet, nec beneficium gratiam, nec laudem fortitudo. S. Bern. Epist. 129. Ministri Domini estote persuasi de hac veritate; prædicante illam etiam aliis; serviat illa ad vosmetipsos humiliandos, & ut de propriis vestris viribus non confidatis. Si adeò felices estis, ut in fide & iustitia inter tot excessus, qui ubique in mundo regnant, perseveretis cavete, ne putetis, à vobis hoc provenire, date gloriam soli Deo, eique gratias agite; *nisi gratia mea plenus esses*, dicebat Deus juxta S. Aug. serm. 10. de verb. Evang. ad Eliam Prophetam, *nonne ante Baal etiam ipse genu flecteres? gratia autem plenus es, quia nihil de tua virtute, sed totum de mea gratia presumpisti*. Cave o christiane, pergit idem S. P. cave superbiam; licet enim imitator sanctorum sis, totum semper gratia reputa, quia, ut esses aliquid reliquum, gratia in te Dei, non tuum meritum fecit. Postquam coram Deo agnoveris perseverantiam tuam ab ipso dependere;

PUNCTUM II. Examina nunc media  
ad

ad eam perveniendi. En duo, quæ te certò  
 eò perducent, si iis, prout oportet, usus fu-  
 eris; primum est, fideliter cooperari gratiis  
 à Deo acceptis, nam, prout S. Concilium  
 Trident. sess. 6. c. 13. ait, *Deus, nisi homines  
 ipsi illius gratiæ defuerint, sicut cepit o-  
 pus bonum, ita perficiet, operans velle; &  
 perficere.* Visne accipere coronam vitæ? di-  
 cebat Spiritus S. in Apocalypsi ad Episco-  
 pum Smirnensem, *esto fidelis usque ad mor-  
 tem, & dabo tibi coronam vitæ.* Apoc. 2.  
 Ad nihil serviet tibi benè incepisse, si malè  
 finias, si ab infantia tua in viis justitiæ, &  
 pietatis ambulastis; si totum mundum ad  
 Deum convertisses & opus Evangelistæ pe-  
 regisses, si postea vias Domini deferas, ejus-  
 que sanctam legem violes, totum, quod fe-  
 cisti bonum, obliviscetur Deus. Omnia tua  
 opera bona ex ejus memoria pro tota æter-  
 nitate, delebuntur, neque aliud expectare  
 debes, si in tali statu decederes, nisi æter-  
 nam à Deo vindictam ex tua propria culpa.  
*Si averterit se justus à justitia, & fecerit  
 iniquitatem, omnes justitiæ ejus, quas fe-  
 cerat, non recordabuntur* Ezech. 18. 24.  
 Esto igitur extremè fidelis gratiæ Dei, & in  
 exercitio bonorum operum; quia non dat  
 Deus de via ordinaria gratiam perseveran-  
 tiæ, nisi iis, qui benè vixerint; si quandoque  
 etiam aliis eandem dedit. Miraculum quod-  
 dam erat, cui minime inædificare, seu si lere



debes. 2dum medium, donum perseverantia obtinendi, est oratio; *hoc donum Dei suppliciter emereri potest*, ait S. Aug. de dono persev. c. 8. sed requiritur oratio humilis, & quæ ipsa sit perseverans & constans. Una sola oratio, quamvis ardentè facta, haud sufficit ad impetrandum illum magnum numerum gratiarum, & auxiliorum, quæ necessaria sunt ad superandas tot tentationes, & ad perseverandum usque in finem, sed affirmare possumus perseverantiam in oratione obtenturam perseverantiam bonæ vitæ. Si clericus huic sancto exercitio insistat, & cum fervore ac fiducia à Deo hanc gratiam petat ut suis obligationibus satisfacere queat, obtinebit hanc ipsam gratiam pro hac die, si manè hoc ipsum faciat, recipiet similem gratiam, & sic perseverando in exercitio orationis, tandem feliciter ad hoc inestimabile bonum, & donum perseverantiæ perattinget. O Domine, qui gratiam tuam humilibus denegare non soles, peto à te cum omni humilitate hanc gratiam perseverantiæ, fateor tamen simul, me illâ omnino indignum esse. Ah etiam iustissimi, & sanctissimi viri agnoscere debent, perseverantiam purum donum esse misericordiæ tuæ, quod ipsis non debeatur, quid dicat peccator, qualis ego sum? ô Domine! lubens fateor, me nullum ad donum hoc jus habere, imò quòd potius à te derelinqui promeritus fuerim; sed  
quam

quantumcunque magna sit indignitas mea, omnia tamen spero de tua infinita misericordia; dirige gressus meos, & Domine! præserva me à lapsu usque in finem, pro gloria gratiæ tuæ; *usque in senectam, & senium, Deus, ne derelinquas me.* Ps. 70. Pro Missa vel communione; cura, ut tam in præparatione, quàm in gratiarum actione correspondeas amorosissimæ intentioni, & consiliis Christi Jesu in sanctissima Eucharistia, qui te ad se trahere capit. Considera hoc divinum Sacramentum tanquam medium quoddam efficacissimum, & certissimum pignus tuæ perseverantiæ in via bona; instanter eum roga, ut modo, quò ipsi placet, id ad finem perducatur, quod tanta cum misericordia in te & tecum incepit. *Manda Deus virtuti tuæ; confirma hoc Deus, quod operatus es in nobis.* Ps. 67. 29.

\* \* \* \* \*

FERIA SECUNDA.

*Testis enim mihi Deus, quomodo cupiam vos amare in visceribus Jesu Christi. Et hoc oro, ut charitas vestra magis ac magis abundet in scientia, & in omni sensu, ut probetis potiora.* Sc. Philip. 1. 8.

DE ZELO S. PAULI PRO SALUTE PHILIPPENSIVM.

1. Erat zelus ardens, prudens, & gratuitus.
2. Zelus clericorum has easdem qualitates habere debet.

PUN.



## PUNCTUM I.

A Doremus Dominum nostrum Jesum Christum, qui cor Pauli tali, tantòque zelo pro salute animarum implevit; admiremur illum, quem hìc Philippenſibus teſtatus fuit. 1. *Eſt zelus ardens,* & quidem adeò, ut illum exprimere haud valeat, ſed Deum in teſtem aſſumere cogatur; *teſtis eſt mihi Deus, quomodo cupiam omnes vos in viſceribus Jeſu Chriſti.* Videtur, ait in hunc locum S. Chryſoſtomus, viſcera Domini Jeſu, in quibus invenire volebat omnes ſuos, eidem ipſi communicàſſe viſcera prorsus ignea, quæ omnem ardorem amoris cujuſvis naturalis excedant; ut hoc meliùs apprehendamus, audiamus ipſum in ſequenti capite ardentius adhuc loquentem, *ſed & ſi immolat ſuprà ſacrificium, & obſequium fidei veſtra, gaudeo, & congratulor omnibus vobis.* Si quis bene perpendat, & meditetur hæc verba S. Pauli, facilè ſibi perſuadebit, inveniri haud poſſe deſiderium ardentius, quam quo hìc S. Apoſtolus pro ſalute fratrum ſuorum ardebat, addò erat *zelus prorsus gratuitus,* minimè lucro, vel propriis commodis ſtudens; totum quod pro hoc populo petit à Deo eſt, ut Deum amet; hìcque ipſorum amor ſemper magis, ac magis creſcat; *& hoc oro, ut charitas veſtra magis ac magis abundet.* Quid aliud deſiderare poſſet cor divino amore ac charitate proximi ardens? etſi chã

ritas Philippenſium ſatis fortis & valida jam fuerit, & ad ſubeundum martyriuꝝ; nichilominus hortatur illos ad magis ſemper laborandum, ut in dies augeatur; quia charitas limites neſcit, & meſuram. *In omni ſcientia, & in omni ſenſu.* 3tio zelus Pauli erga populum iſtum erat prudens. Vult, ut charitas illorum tam illuminata ſit, ac ardens, & inflammata, ut ſecuri ſint ab omni errore & ſeductione *ut probetis potiora; ut ſitis ſinceri; & ſine offenſione in diem Chriſti.* Cupio; ad eos ait in vobis charitatem tam illuminatam, prudentem & intelligentem, ut ſciatis diſcernere bonum à malo; ut ſitis puri, & ſinceri, & ambuletis benè uſque in diem adventûs Jeſu Chriſti, quin curſus veſter interrumpatur. Reſectamus nos ſuper zelum tam grandem, & videamus, an non cauſam habeamus nos ipſos humiliandi, & debilitatem cordis noſtri inculandi, & reprehendendi? interim quia hoc grande exemplar eſt, quod omnes viri apoſtolicæ imitari debent;

**PUNCTUM II.** Conſidera zelum tuum, ut verus ſit, debere habere eaſdem qualitates cum zelo hujus S. Apoſtoli; debet eſſe *ardens;* qui zelum dicit, activitatem & fervorem dicit; clericus qui zelum habet, experitur in anima ſua vivum quemdam ardorem, à quo accenditur, & inflammatur, quotieſcunque Deus viam ſeu occaſionem  
ali-




aliquam aperit, aliquid pro gloria ipsius agendi; debet intimè tangi, & cruciari, si tot peccatores videat errare in via iniquitatis. Potestne ille dicere, se habere zelum, qui tranquillus, & indifferens permanet, quando fratrem suum pereuntem videt? non possumus dissimulare peccata, quæ in mundo fiunt; nimis aperta sunt scelera, quæ committuntur, quàm ut celari possint injuriæ illæ capitales, seu gravissimæ, quæ à tot creaturis rebellibus quotidie Deo inferuntur. Verùm est, dari quidem abusus quosdam, & excessus, quibus remedium aliquot haud apportare possumus; verum est, dari multos peccatores, quos corrigere nequimus, ingemiscere tamen possumus coram Deo, in consideratione tot peccatorum, quæ in mundo fiunt, id quod principaliter quædam sacerdotum zeloforum obligatio est. Narrat S. Gregorius Naz. de S. Basilio, quòd in consideratione malorum, quibus tunc ecclesia affligebatur, adeò pariter affligus fuerit, ut somnus ab oculis ejus recesserit; præ solitudine & cura penè emarcuerit; neque finem fecerit, & divinum & humanum implorandi auxilium; continuò in id intentus & occupatus, ut plagis adeò profundis remedium quæreretur & inveniret. Ità nimirum seipsum consumere debet bonus pastor pro gloria Dei; debetque studium illius, quod ex zelo, adhibet, non solum ardens esse, sed etiam liberum ab omni proprio interesse,

& commodo. Clericus, qui solummodò à respectu humano ducitur; suò ministeriò abutitur; falsus est zelus illius, quia destitutus vero illo motivo, quo animatus esse debet; *non quærimus vestra, sed vos.* 2. Cor. 12. 14. Ecce, quid sibi ipsi bonus sacerdos dicere debeat; nempe non alligare se divitibus, illis solis non servire, zelus est gratuitus; si verum zelū habes, quære pauperes, labora pro illis. Divites solvent, pauperes non habent, unde solvāt; sed hoc ipsum est, quod pretiosum & charum tibi reddere debet servitium pauperum, quia Christus Jesus obligavit se, quòd velit solvere, si humanā recompensatione non movearis, si ejusmodi humanis & terrenis respectibus non dūcaris. Denique, quia quandoque zelosus se nimium, quàm oportet extendere posset; debet insuper esse *prudens*. Duplex est zelus, unus secundum scientiam, alter indiscretus. Minimè secundum scientiam, S. Paulus loquens de Judæis Rom. 10. 2. ait, se quidem fateri, eos zelum habere, sed non secundum scientiam, e. g. foret zelus, si quis in consideratione tantæ multitudinis malorum, seu peccatorum, quæ sunt in mundo, hujus esset sententiæ: oportere Deum statim ostendere justitiam suam, eosque punire illico; adhuc magis indiscretus foret, si dum affligimur ab aliis, & aliquid patiendum occurrit, nobis imaginaremur, debere Deum statim causam nostram defendere, & per.



persecutores nostros castigare. In eundem nempe errorem incideremus cum illis duobus discipulis, qui ignem de cœlo petierunt, ut ingratam civitatem consumeret; eandemque cum ipsis reprehensionem mereremur; *nescitis, cujus spiritus estis; Filius hominis non venit animas perdere, sed salvare.* Luc. 9. 55. Cave, ait S. Aug. in Ps. 93. ne unquam in tales excessus labaris. *Noli, quia tu transisti, velle misericordiae Dei partem subvertere.* Verum medium evitandi ejusmodi extremitates, in quas conjicere nos posset indiscretus zelus est, si quis suæ propriæ prudentiæ diffidat, & paratus ac promptus sit, audire aliorum consilia; ipse zelus quandoque zelū ipsum moderari debet. Pro Missa, pete à Christo Jesu zelum talem, qui omnes has qualitates habeat, quas primum meditatus es. O JESU, qui facis ministros tuos, Angelos tuos, spiritus, & ignem urentem; Ps. 103. 4. fac nos tales per gratiam tuam; dona nobis, quæsumus, zelum tam ferventem & ardentem, quem nullæ aquæ tribulationum extinguere valeant; tam purum, & proprii commodi nescium, ut aliud non quæramus, nisi solam gloriam tuam; tam discretum, prudentem & illuminatum, ut nil unquam moliamur, nisi quod regulis prudentiæ conformis sit; tam firmum & constantem, ut nunquam defatigemur. *Zelum inflamment charitas, informet scientia, firmet*

post Dom. 20am 2dam. post Pent. 343  
constantia; sit fervidus, circumspectus, in-  
victus; nec teporem habeat; nec careat di-  
cretionem, nec timidus sit. S. Bern. cant.  
serm. 20. n. 4.



## FERIA TERTIA.

*Abeunt: pharisæi consilium inierunt, ut  
caperent Jesum in sermone. Math. 22. 15.*

### DE PHARISÆIS & CHRISTO.

1. Malitia pharisæorum. 2. Prudentia Christi.  
3. Confusio inimicorum suorum.

PUNCTUM. I. **E** Vangelium istud in ge-  
nerali tria compre-  
hendit, mali tiam pharisæorum, prudentiam  
Christi, & qualiter inimicos suos confuderit.  
Malitia pharisæorum inexcusabilis est. Pec-  
cant non per ignorantiam, sed ex præmedi-  
tata sententia; *abeunt consilium inierunt,  
ut caperent Jesum in sermone.* Demonstra-  
bat illis Dei Filius in tribus parabolis, pro-  
videntiam Dei continuò vigilasse super eos,  
nec quidquam omisisse, quod ad eorum sa-  
lutem conducere poterat; & hoc ipso tem-  
pore, ait S. Chrysost. quo ad se redire, &  
ad compunctionem moveri debuerunt, &  
admirari mansuetudinem Jesu Christi, &  
contremiscere ob ea, quæ ipsis prædicta fu-  
erant, eò quòd ex præteritis de futuro con-  
jecturam facere potuissent; malignitas illo-

rum



rum, & invidia intantum crevit, ut, dum non auderent eum palam aggredi ob magnam illius apud omnes existimationem, ad artificia & dolos recursum habuerint, ut eum perderent; *invidia ebrii, ad insidias convertuntur.* S. Chrysostomus hom. 40. in Math. Proponunt illi quæstiones copiosas & dubias, ut in responsione illius invenirent quid, de quo eum accusare, & odiosum reddere possent apud principem seu imperatorem, & apud populum. O malitiam! ô furorem! ô maledictione omni dignissimam cæcitate, quam S. scriptura contra malos & impios pronuntiat! *percutiat te Dominus amentia & cæcitate, ac furore mentis; & palpes in meridie, sicut palpare solet cæcus in tenebris.* Deut. 28. 28. Quantumcunque detestandus sit modus hic agendi pharisæorū, habet nihilominus sequaces suos, & imitatores. Valde frequenter contingit in mundo, ut in id intenti sint homines, quomodò quis capere, & supplantare valeat ministros Christi Jesu; quò magis adhærent, & inhaerent veritati evangelicæ, eo plures ipsis tenduntur laquei, denigrantur, quod partes sequantur doctorum severiorum & rigidorum; punguntur verbis amaris, & ut aliis odiosi reddantur, insimulantur, quasi doctrinas suspectas proponunt. Quid faciendum tunc ejusmodi veris ministris evangelii? orare debent pro suis persecutoribus, & imitari prudentiam divini magistri sui.

PUN.

PUNCTUM II. Admirare hîc sapien-  
tiam Christi Jesu; potuisset nihil prorsus re-  
spondere ad interrogationem & quæstionem  
pharisæorum, utpotè alio ex fine non inter-  
rogantium, quàm ut eum caperent. Nihil-  
ominus responsum dedit, ut spiritus hosce  
inquietos sedaret, sed modò tali, ac tam pru-  
denti, ut tentos sibi laqueos evaderet dex-  
terrime, quin eos offenderet. Disce exin-  
de partem aliquam prudentiæ christianæ,  
nimirum ut alios, præsertim in autoritate  
constitutos, omnimodò offendere caveas.  
Generositas christiana, neque crudelis est,  
nec imprudens; non vult se magnam osten-  
dere, seu jactare per indiscretam quamdam  
libertatem, cavet, ne sibi negotia quædam  
& difficultates adsciscat, absque necessitate,  
solet semper conjungere prudentiam ser-  
pentis cum columbæ simplicitate, juxta  
monitum Christi Jesu in evangelio nobis da-  
tum. Omnes christiani ad hanc circumspe-  
ctionem sunt obligati; præcipuè verò cle-  
rici nunquam approbare debent aliquod  
malum ad turpiter complacendum aliis, sed  
neque debent inutiliter, & absque fructu  
irritare illos, qui veritati nocere, vel eos  
in exercitia bonorum operum, & ministerii  
sui impedire vel turbare possent. Debent  
patienter tolerare infortunia, si iis aliqua ac-  
cidant; non tamen ultrò se iis indiscrete ex-  
ponere; multa talia patientur, si fideliter  
of.



officio & muneri suo satisfaciant, non est  
 necesse illa praevenire, & absque speciali  
 instinctu divino iis ultro occurrere, æquæ  
 malitia christiana, quæ mundana prohibet,  
 ut quis se absque licentia aut mandato ducis  
 periculo exponat. Ususne fuisti hac cir-  
 cumspeditione? quot imprudentias hucusque  
 commisisti, quarum te meritò poenitere de-  
 bet? esto impofterum circumspectior; &  
 postquam miratus es prudentiam Salvatoris.

PUNCTUM III. Considera, qualiter  
 inimicos suos confuderit. Conjunxerunt se  
 Pharisei cum Herodianis, ut sic eum facilius  
 caperent; & quid aliud tam unquam, quam  
 alii, nisi confusionem, & dedecus reportant?  
 obturat illis Jesus os suum per sequentem re-  
 sponfionem ipso planè dignissimam; *reddite,*  
*quæ sunt cæsaris cæsari; & quæ sunt Dei,*  
*Deo.* O plenam miraculi ressonfionem, & per-  
 fectam dicti celestis absolutionem! exclamat  
 hic Hilarius comment. in Mich can. 22.  
 Non decebat dicere iis qui ex parte Hero-  
 dis erant, non oportere dare tributum cæsari,  
 qui ressonfionem hanc pro seditiosâ inter-  
 pretari potuissent; neque decebat dicere  
 populo, quòd obligati sint solvere hoc tribu-  
 tum, quia injuriam populo Dei factam inter-  
 pretati fuissent. Satisfacit igitur Salvator  
 Herodianis per hoc verbum, & sententiam  
 nimis quam veram; oportere dare cæsari,  
 quæ cæsaris sunt; neque offendit Judæos;

ed, quòd absolutè non deciderit tributum hoc  
cæsari competere, aut non competere, dicit  
solummodò, dandum esse pro casu, quo illi  
debeatur. Nemo igitur causam habebat con-  
querendi, neque accusandi eum, quasi eo-  
rum prætensiones damnâset. Relinquendo  
autem indecisam hanc quæstionem circa  
temporale interesse Herodis & Judæorum,  
occasionem exinde capit stabiliendi hanc re-  
gulam, seu fundamentum, *quod dari debeat*  
*Deo, quæ Dei sunt.* Principium per seipsum  
adeò clarum, ut propriâ suâ evidentîâ con-  
fundat malignitatem eorum qui id impu-  
gnare, illique contradicere vellent; silere sic  
coegit pharisæos, & satîs clarè iis occasio-  
nem præbuit, ut defectus suos hucusque  
commisos invenire, & agnoscere potuerint,  
eo quòd homines aliter non peccent, nisi ex  
eo, quòd Deo non reddant, *quæ Dei sunt.*  
Semper iis etiam utiles sumus, qui nos ten-  
tant, & capere desiderant, si limites mo-  
derationis non excedamus. Nunquam ad  
Violentiam recurre, neque ad verba injuriosa  
contra tuos peccatores, sed stude eos lucrari  
per tuum silentium, per mansuetudinem tu-  
am & modestiam. Pro præparatione ad  
Missam, roga divinam hanc sapientiam, quæ  
mensam hanc, ad quam accessurus es, paravit,  
quæque te invitare tam sæpè dignatur; ut  
Spiritu suo te impleat, verumque fiat id,  
quod dixit; *ego dabo vobis os & sapientiam;*  
*cui non poterunt resistere & contradicere om-*  
*nes adversarii vestri.* Luc. 21. 15. FE



## FERIA QUARTA.

*Magister scimus, quia verax es & viam Dei in veritate doces; & non est tibi cura de aliquo, non enim respicis personam hominum Math. 22. 16.*

## QUALITATES VIRO APOSTOLICO NECESSARIÆ.

1. Debet esse sincerus. 2. Docere sanam doctrinam. 3. Et esse constans.

**PUNCTUM I.** **S**eparemus verba ista à malignâ & peccaminosâ intentione pharisœi, & inveniemus in illis omnes qualitates viro Apostolico necessarias. imo. debet esse sincerus, & amans veritatis. *Verax.* 2do. debet sanam doctrinam & Evangelicas veritates omnino purè docere; *viam Dei in veritate doces.* 3tio. debet esse firmus & constans, & minimè respicere ad personam quamcunque, si obligationi ministerii sui satisfacere oportet; *non est tibi cura de aliquo; non enim respicis personam hominum.* Ex qualitates veri alicujus clerici, & boni pastoris. Expendamus illas. Sinceritas, quæ ex modo agendi alicujus clerici elucere debet, non est solummodò illa sinceritas humana, opposita spiritui simulationis, & duplicitatis, ac inimica omnis artificii, & fallaciæ, sed est talis dispositio cordis, ut ejus omnia verba & actiones nostræ regulæ veritatis conformantur; itaque  
sua

*post Dom: 20mam 2dam post Pent. 369*

sincerum esse idem est, ac exercere, seu facere veritatem in charitate; *veritatem in charitate facientes.* Ephes. 4. 15. sincerum esse, est totum Dei esse absque divisione; est non habere duos dominos, aut duos thesauros, sincerum esse, est nullum fucum facere in modo agendi, adeo ut quis fidere tuto possit verbis illius & minimè imitari hos falsos doctores, contra quos conqueritur Apostolus Tit. 1. 16. *confitentur se nosse Deum factis autem negant.* Clericus, ut primam hanc qualitatem possideat, quam hominibus Christo Jesu attribuunt pharisæi, nunquam debet fallaciæ cujusdam argui posse in suis verbis aut actionibus; nunquam inveniri debet apud ipsum, *ita & non;* non debet subicere veritatem suis consiliis, suis commodis, suis passionibus, & secretis intentionibus; non debet se accommodare suis propriis prætensionibus; fides ipsius non debet esse fides temporum, sed debet aûdacter dicere posse cum S. Paulo 2. Cor. 1. 17. *nunquid levitate usus sum? aut quæ cogito, secundum carnem cogito, ut sit apud me est & non?* magis adhuc interest, ut omnes ipsius actiones, ac modus agendi veritati conformes sint, & longè absit ab eo, ut de ipso dici possit, quod habeat pondus & pondus, mensuram, & mensuram, sed potius à contrario debet vita illius esse continua quædam censura & condemnatio hominum illorū,  
*Medit. Pars Autum. Aa qui*



qui vanitati adhærent, & mendacio pascuntur. Acquisistine hanc sinceritatem? potestne dici vitam tuam adeo exemplarem esse, ut publicos excessus, & morum corruptelam condemnet prout, ecclesia id à te requirit? *cenfuram morum, exemplo suæ conversationis insinuent.* Pontif. Rom. Si ita est, gratias Deo age; &

PUNCTUM. II. Considera 2dam qualitatem ministri evangelici esse, *ut viam Dei in veritate doceat.* Via hæc Dei aliud non est, nisi angusta via Christi Jesu, quam ait, ducere ad vitam, opposita nimirum viæ spatioſæ, & largæ, quæ ad mortem ducit. Hanc viam angustam nobis signavit in omni vita sua per omnes suas actiones, præcepitque nobis, ut eam nomine suo hominibus annuntiarem, & prædicarem; *prædicare Evangelium, quod fieri debet sine corruptione simulationis,* ait S. Aug. in Ps. II. ad hæc verba eloquia casta, *multi enim prædicant veritatem non caste; quia vendunt illam pretio commoditatum hujus sæculi.* Proprius amor, qui se per viam hanc arctam nimis constrictum videt, facit invenire mille media & modos ad reddendam hanc viam spatioſam, largam, & magis commodam. Volunt homines humiles esse, quin tamen vel minimam humiliationem sustinere velint; poenitentes absque mortificatione sensum, & quia sibi ipsis ullam vim inferant; devoti

&amp;

& recollecti absque renuntiatione rumorum  
hujus sæculi; uno verbo, volunt cælum in-  
trare, & tamen modò in hac vita gaudere  
omni commoditate; & quod est complemen-  
tum eorum infelicitatis, pro eo, ut homines  
quærant, qui viam Dei in veritate ipsos do-  
ceant, *quærent magistros prurientes auribus.*

2. Tim. 4. 3. qui desideriis, ac inclinationi-  
bus ipsorum blandiantur, remorsus conscien-  
tiæ sopiant, lacrymas abstergant; qui dicant  
malum bonum, & bonum malum, tenebras lu-  
cem, & lucem tenebras, qui annuntient ipsis  
visiones cordis eorum, & falsam pacem pro-  
mittant, æquè fatalem iis, qui eam dant ac iis,  
qui eam accipiunt. Verus Jesu Christi ser-  
vus omnia hæc blandimenta & adulatoria  
evitare debet, *tu autem loquere, quæ decet  
sanam doctrinam.* Tit. 2. 1. Oportet tra-  
ctare peccatores cum omni possibili mansue-  
tudine, sed simul etiam iis inspirare amorem  
pœnitentiæ, abstractionem à mundo, obli-  
gationem serviendi Deo in spiritu & veri-  
tate, abnegationem sui ipsius, ut crucem  
Christi portent, eumque sequantur, obser-  
vando doctrinam Evangelii; *hæc loquere, &  
exhortare.* Verùm quia impossibile est, do-  
cere puram veritatem, quin homines exa-  
sperentur aliqui, & in nos consurgant; hinc  
superiores esse debemus ipsorum dictis,  
judiciis, & calumniis, eorumque contradic-  
tionem spernere, & contemnere mala illa, quæ  
nobis facere possunt; ideo



## PUNCTUM

III. Ultima qualitas viro Apostolico necessaria, firmitas seu constantia est, dici de illo posse debet illud; *non est tibi cura de aliquo, non enim respicis personam hominum.* Fortè ratione officii & muneris nostri, obligati sumus eos aggredi, qui in authoritate & potestate constituti sunt illisque sive in confessionali, sive alibi, tales veritates proponere, quæ duræ ipsis videbuntur; in hisce occasionibus animum sumere oportet, meminisseque, ordinationem nostram non contulisse nobis spiritum timiditatis, sed fortitudinis & generositatis: *non enim dedit nobis Deus spiritum timoris, sed virtutis* 2. Tim. 1. 7. Spiritus iste fortitudinis in eo consistit, ut opponamus nos, absque ullo timore, excessibus, & licentiæ vivendi, morum perversitati ac scandalis; ut impugnemus falsa huius mundi principia, quin ab occurrentibus difficultatibus; & contradictionibus absterreamur; ut disciplinam florere studamus, ac regnare veritatem & Evangelium, non obstantibus quibuscunque obstaculis, minis, vel conspiratione malorum ac perversorum hominum. Hic est verus ac genuinus character veri ministri Christi Jesu, quem S. Paulus 1. Tim 6. 11. ideo vocavit, *hominem Dei*, id est, virum, qui ex sua vocatione & statu, totus Deo dedicatus est, qui causam Dei facit suam; qui illius honorem defendit in omnibus & contra

*post Dom. zomam 2dam. post Pent:* 373

omnes, quemadmodum regii vocantur, qui ex officio suo obligati sunt ad defendenda jura, & commoda regis. Hinc etiam atque etiam obtestatur Apostolus Timotheum, ut veritatem liberè annuntiet, ut prædicet opportunè, importunè instet, obsecret, increpet, tanquam bonus & strenuus miles Christi. *Nam arma militiæ nostræ, ait, non carnalia sunt, sed potentia Deo ad destructionem munitionum, consilia destruentes, & omnem altitudinem, se extollentem adversus scientiam Dei.* Habésne hanc firmitatem seu constantiam, quam in ministro Christi Jesu requirit Apostolus? quæque adeò emicuit in omnibus sanctis sacerdotibus, tam longè abes fortè ab hac magnanimitate sacerdotali, ut potiùs sis unus ex illis debilibus, & timidis, qui potentibus hujus sæculi blandiuntur, qui eos admonere, & corrigere formidant, etiam cum necesse foret ne ex gratiâ illorum excidant; qui se omnibus accomodant, & turpiter negligunt jura & commoda Dei & Ecclesiæ suæ; *non ascendistis ex adverso, neque opposuistis murum pro domo Israel, ut staretis in pralio in die Domini.* Ezech. 13. 5. Pete veniam à Deo sociordix & negligentix tuæ præteritæ, antequam ad altare accedas; & pro præparatione ad Missam hoc propositum fac, quòd nunquam vacillare velis, si de hoc agatur; quam partem amplecti, & defendere debeas Dei, an hominum?



num? quoties videris, & agnoveris homines  
à te tale quid petere, quod Deo contrarium  
sit, absque hæsitatione dic cum S. Petro;  
*obedire Deo magis oportet quàm hominibus.*  
Act. 5. 29. Vel cum S. Paulo; *si homini-*  
*bus placere, Christi servus non essem.* Galat.  
1. 10. Vel denique recursum habe ad ista  
verba Jesu Christi; *nolite timere eos, qui*  
*accidunt corpus; animam autem non possunt*  
*accidere, sed potius timete eum, qui potest*  
*& animam & corpus perdere in gehennam.*  
Math. 10. 28.

\* \* \* \* \*

### FERIA QUINTA.

*Cognitâ autem Jesus nequitia eorum, ait,*  
*quid me tentatis hypocritæ.* Math. 22. 18.

### DE HYPOCRYSI.

1. Quàm odiosum Deo.
2. Et saluti perniciosum sit hoc crimen.

PUNCTUM. I. **R**Eprehensio ista à  
Christo Domino,

in hodierno Evangelio, phariseis facta, jure  
merito non solum in plurimos ex communi  
plebe christianorum quadrat, sed etiam multis  
clericis fieri potest. Non est hoc vitium  
certæ tantum professioni seu statui conveni-  
ens, & consuetum, sed quia se apparentiâ  
virtutis vestit, etiam in ipsam Ecclesiam &  
monasteria, æquè ac in domos sæcularium  
se ingerit; & quandoque melius, ac tutius  
la-

latet sub habitu quodam sancto & religioso, quàm sub mundano, & prophano. Verùm quantumvis se occultet, & latere velit, non est minus abominabile coram Deo, qui animas ejusmodi hypocritarum omninò detestatur; *abominatio est Domino omnis illusor.* Prov. 3. 32. Ministri Domini! qui sacram scripturam legitis; percipite, quomodo de hypocrisi loquatur! ait per os regii prophetæ, Ps. 5. *virum dolosum abominabitur Dominus.* Disperdat Dominus universa labia dolosa, & linguam magniloquam, Ps. 11. 4. Per os Sapientis Prov. 14. 15. monet nos, tales hypocritas & insinceros in suo modo vivendi & agendi nil boni expectare posse; *filio doloso nil erit boni.* Fulminat maledictionem contra duplicem corde: *væ duplici corde, & labiis scelestis, & manibus malefacientibus; & peccatori terram ingredienti duabus viis.* Eccles. 2. 14. Quilibet in evangelio videre potest aversionem illam Christi Jesu contra hoc vitium, ob illa terribilia anathemata, & maledictiones in phariseos, Math. 23. qui in hac arte magistrati erant. Verùm si quamcunque speciem hypocrisis adeò detestatur Deus, dicamus, eum specialem horrorem contra eos concipere, qui illam ad usque sacrum altare afferunt & ad usum rerum etiam sanctissimarum; si nimirum clerici malè viventes tali velò utuntur, ad suos excessus, & scelera



contegenda; nam, quia res sanctæ cum omni respectu & reverentia, ac sanctitate tractari merentur, & exigunt, hinc nil tam injuriosum est Deo, quàm ad talia accedere cum spirita hypocrisis, & simulationis. *Ne fueris hypocrita in conspectu hominum*, ait Ecclesiasticus, *ne fortè cadas, & adducas animæ tuæ inhonorationem, & revelet Deus absconsa tua, & in medio synagoga elidat te, quoniam accessisti malignè ad Dominum & cor tuum plenum est dolò & fallacia.* Eccles. 1. 37. Hinc est, quòd SS. PP. comparent hypocritas, præcipuè omnes illos ministros dolosos & fallaces, qui scelera & excessus suos contegere solent, sub velamine functionum suarum sanctarum, quandoque cum proditione Judæ, qui perfidiam suam sub osculo pacis, & amicitia signo occultavit; quandoque cum insolentia Judæorum, qui genuflexi adorabant Salvatorem, & alia eidem signa exteriora exhibuere, quasi regem eum agnoscerent, ut sic ei illuderent; vel cum crudelitate Herodis, qui tantâ sollicitudine in recens natum infantem Jesum inquisivit sub prætextu, & simulatione, quasi eum adorare vellet, quem non nisi occidere volebat; *adorare velle se simulat, ut si invenire possit, extinguat*, ait S. Greg. hom. 10. in Evang. ita pariter agere solent tales ministri hypocritæ, qui sub cultu quodam exteriori, quem Deo suo exhibent, vel exhibere

simulant, tegunt, & obvelant, injurias reales, quas ei inferunt longè culpabiliores in aliquo sensu, quàm Judas, Herodes & Judæi; qui divinitatem Jesu Christi non credebant, dum eum modò adeò indignò tractarunt. Illudunt tales Deo, cujus magnitudinem & majestatem agnoscunt, & contemptus illorum usque ad altare, & sancta sanctorum pertingit; utuntur sanctis suis functionibùs ad honorandum Deum destinatis, ad offendendum illum criminosiùs & sceleratius. Qualis impietas! verùm si hypocrisis adeò horribilis & abominabilis est coram oculis Dei,

PUNCTUM II. Non minus perniciosa etiam est saluti, quod faciliè intelligi potest; quia hypocrisis destruit imò. veram pietatem. Hypocritæ non nisi exteriorem quamdam apparentiam de illa habent; potestque illis benè applicari, quod sapiens Eccles. 38. 28. ait; *dabit cor suum in similitudinem picturæ*. En angelos istos in nostris tabernaculis depictos, in forma supplicantium, manibus junctis, oculis demissis, ac si unicè orationi intenti essent; qui tamen minimè orant; en imaginem hypocritæ! si quis eum videat & audiat in ecclesia cantantem, vel alias sacras functiones peragentem, pro sancto haberi posset; sed non est, nisi pura imago, vel pictura; videtur orare, & non orat, valdè modestè & reverenter se gerit, cor autem

il.



illius longe abest à Deo, neque aliud quaerit, nisi videri, & aestimari ab hominibus; *totà eorum substantià, mendax est.* S. Hier. 2do. destruit hoc vitium meritum omnium operum bonorum; *amen dico vobis, receperunt mercedem suam.* Math. 6. 2. Hypocrisis, ait S. Chrisologus, serm. 7. est venenum subtile, & gratum, quod virtutem per ipsam virtutem destruit; *crudeli arte virtutes truncat, mucrone virtutum, jejunium jejunio perimit; orationem oratione evacuat, misericordiam misericordià prostermit.* Vocat hic ipse S. P. hypocrisin *tineam sanctitatis*; nam quemadmodum tineæ vestem, quam occupat, omninò corrumpit, quam sensim radit, & corrodit; sic hypocrisis omnem sanctitatem destruit; & opera etiam præclarissima, & lucidissima in oculis hominum omni merito coram Deo privat, eoquòd minimè à principio vitæ procedant. Infelix hypocrita! putaris esse bonus! vivis in oculis hominum, coram Deo autem mortuus es, qui totum id rejicit, quod pro gloria ipsius non sit; *nomen habes, quod vivas, & mortuus es.* Apoc. 3. 3tio. denique vitium hoc ordinariè reprobationem post se trahit, ità est, ait S. Greg. M. l. 26. Mor. c. 29. applicans hypocritis hæc verba Jobi cap. 37. 13. *cùm vincti fuerint, non clamabunt.* Si semel in abyssum hanc lapsi fuerint, & scelera sua fallaci apparentià virtutis contegere

velint, non audiunt amplius clamorem conscientiae suae, inebrietati vanitate, & falsis laudibus, quas referunt, obliviscuntur malum statum suum, in quo sunt, & tantâ cum fiducia moriuntur, ac si pleni essent meritorum; *humana laudis aviditatem superati sanctos se esse miseri, etiam cum in peccatis moriuntur, putant.* Sed invanum, perversitatem & excessus suos sub larva pietatis occultant. Exprobrabit illis aliquando Christus Jesus hypocrisin suam, discedite ministri fallaces, & operarii iniquitatis; voluistis semper in oculis aliorum apparere tales, quales non fuistis; non nisi simulata omnia erant, nescio vos; potuerunt quidem allegare, quod in nomine illius praedicaverint, & nescio quam figuram in Ecclesia fecerint; *tunc confitebor illis, quia nunquam novi vos; discedite à me, qui operamini iniquitatem.* Math. 7. 23. Discedite infelices non agnosco vos, rejicio vos à me tanquam extraneos & incognitos. *In terra sanctorum inique gessit, non videbit gloriam Domini.* Is. 26. 10. Hic falsus pastor, ille sacrilegus clericus usus est habitu suo sancto & religioso, quod indutus fuerat ad tegendas suas infamias; profanavit altare meum, polluit sanctuarium meum; nunquam ingressum inveniet ad me in caelum. O terribilem sanè comminationem! faxit Deus, ut nunquam in nos cadat! ad evitandum hoc malum, si hodie communicas,  
vel



vel Missam celebras, hoc tibi faciendum est, ut coram Deo proteſteris, te impoſterum aliud non quaſiturum, ſeu intenturum in omnibus functionibus tuis, & toto vitæ, & miniſterii tui curſu & tempore, niſi illum ſolum; & quod fugere velis omnem reſpectum, & fines humanos, qui virtutem tuam corrumpere, & omni mercede te privare poſſent, quam Deus ſuis miniſtris fidelibus reſervavit, qui ſimplici corde, & ex ſolo deſiderio ipſi placendi, ei ſervierint. *Nunc ergo timete Dominum, & ſervite ei perfecte corde, atque veriſſimo.* Joſue 24. 14.

\*\*\*\*(\*)\*\*\*\*(\*)\*\*\*\*(\*)\*\*\*\*(\*)\*\*\*\*(\*)\*\*\*\*

### FERIA SEXTA.

*Quid me tentatis hypocryta.* Math. 22. 18.  
DE HYPOCRITIS.

1. Quantum noceant eccleſiæ hypocritæ clerici.
2. Obligatio vitandi illos.

PUNCTUM I. **Q**Uamvis ex præcedenti meditatione magnum horrorem contra vitium hypocrifiſis conceperimus ob injuriam, quam Deo inferit, & quod nobiſmetiſſis adeo noceat, nihilominus adducemus hodie novum quoddam motivum, ad illud odiendum, & deteſtandum nempe, ſi conſideremus extraordinaria illa mala, quæ in Eccleſia cauſant clerici hypocritæ. S. Greg. ait, inter omnes peccata.

catores nullum esse, qui majus præjudici-  
um Ecclesiæ afferat, quàm malos sacerdotes,  
sed inter malos sacerdotes dicere possumus,  
etiam nullos magis nocere Ecclesiæ, quàm  
sacerdotes vel pastores perversos, & hypo-  
critas, qui cor corruptum habent. Isti sunt  
operarii falsi, & dolosi ministri sathanæ,  
prout eos S. Paulus appellat, qui se  
transfigurant in Angelos lucis, & in Apo-  
stolos Jesu Christi, ut homines seducant, o-  
*perarii subdoli, transfigurantes se in Apo-*  
*stolos Christi* 2. Cor. II. 13. Hi sunt lupi  
rapaces, qui corrumpunt, perdunt, & ju-  
gulant animas, eò majori facilitate, quò  
sub pelle ovina, quâ contexti sunt, commo-  
dius simplicitati fidelium nocere possunt.  
O quot scelera velantur sub velamine sci-  
entiæ, vel exterioris cujusdam devotionis!  
quot hæreses disseminatæ in mundo per hoc  
artificium! nunquam Arius, Pelagiùs, Ne-  
storius, & alii, qui zizania inter triticum  
seminarunt in agro Ecclesiæ, tot post se se-  
quaces traxissent, nisi spiritum hujus sæculi,  
per pomposam quamdam ostentationem pi-  
etatis, & splendorem vitæ alicujus austeræ  
occultassent. S. Hilarius Epist. ad Constant.  
it, omnium maximè periculosa, quam  
Ecclesia unquam passa sit, persecutionem,  
visse illam, sub imperatore Constantio, qui  
Arianus erat; quia crudele bellum gessit  
contra veros fideles, quin eum pro perse-  
cu



cutore agnoverint; qui ædificando Ecclesias,  
 & altaria construendo, fidem antiquam Eccle-  
 siæ pessumdedit; qui se simulando nescio  
 quam religiosum & pium, erga Deum, relia-  
 gionem & fidem destruxit, denegando divi-  
 nitatem Jesu Christi, quæ ipsius principale  
 fundamentum & gloria est; *Ecclesia testis  
 fuit, ut fidem destruat &c. Nulla gravior  
 jactura, quam sub religionis specie Chris-  
 tum opprimere.* En verum characterem false-  
 sorum Doctorum, & ministrorum hypocrita-  
 rum! videntur nihil, nisi pietatem & devo-  
 tionem, ac reverentiam erga Ecclesiam spi-  
 rare; & sunt illius maximi persecutores, qui  
 corrumpunt puritatem doctrinæ illius; dis-  
 ciplinam subvertunt; principiis, seu doctri-  
 nis evangelicis mundana substituunt; qui  
 morum depravationem inducunt, & pro eo  
 ut animas à peccatis exonerent, quandoque  
 majorum excessuum causa, & occasio exis-  
 tunt. *Ex his enim sunt, ait S. Paulus. 2.  
 Tim. 3. 6. qui penetrant domos, & captivas  
 ducunt mulierculas, oneratas peccatis, qua-  
 ducuntur variis desideriis.* Est hæc una ex  
 maximis plagis, seu vulneribus Ecclesiæ,  
 adeo ut cogatur, prout S. Bernardus ait, ut  
 surpare verba Isai cap. 38. 17. ut doloris  
 sui vehementiam exprimere valeat; *ecce in  
 pace amaritudo mea amarissima.* Verum est,  
 dolorem illius satis amarum fuisse in truci-  
 datione filiorum suorum in tot sanguinolentis

persecutionibus gentilium imperatorum verum est, quod amarum illi acciderit bellum hæreticorum, qui puritatem fidei impugnarunt sed est modò dolor illius amarior longè, ob bellum istud, quod illi, proprii filii sui, & ministri sacri inferunt per morum suorum corruptionem; maxime autem, si excessus suos sub falsa apparentia alicujus pietatis occultent *amara priùs in necem martyrum, amarior in conflictu hæreticorum, amarissima in moribus domesticorum.* Ingemiscamus cum S. Bern. ser. 35. in Cat. & serm. in Rom. super tanta perversitate & excessibus, quorum causa hypocrisis malorum clericorum existit, &

PUNCTUM II. Consideremus modò obligationem nostram, tales hypocritas evitandi. Non ignorant clerici, quòd fugere debeant pravas societates æquè enim illis, ac cæteris fidelibus dictum est ab Apostolo, 2. Thesi. 3. 6. *annuntiamus autem vobis fratres in nomine Domini nostri Jesu Christi ut subtrahatis vos ab omni fratre male ambulante.* Sed quomodo imaginari sibi quis possit jam sufficere, si tuis solùm non adhoereat hominibus impudentibus, qui de malitia sua etiam gloriantur & non dari obligationem cavendi sibi ab iis, qui nequitiam suam apparentiâ virtutis vestiunt? contrarium sanè nos docet S. Paulus hoc consilium Timotheo 2. Ep. 3. dans, *scito; quòd*



*in novissimis diebus erunt homines habentes speciem pietatis, & hos devita.* Videtur quidem primâ fronte, haud magni præjudicii, vel consequentiæ quid esse; & minimè necessarium, fugere tales personas, quarum externa species pietatem redolet, quam tamen intûs in corde minimè possident, nam videntur tales potius ædificare nos posse, quàm ut nobis noceant. Sed planè haud ita esse debet, siquidem Apostolus non in genere tantum omnibus christianis, sed proprio suo discipulo, & magno Episcopo præcepit, devita ejusmodi homines. Ità est, noli dubitare talium hominum societatem & commercium longè periculosius esse, quàm publicorum peccatorum, de his enim intelligi debent hæc verba Apostoli. 1. Cor. 15. 33. *nolite seduci, corrumpunt bonos mores colloquia prava.* Et in 2da ad Tim. cap. 2 ait: *Sermo eorum ut cancer serpit.* Nemo fidit peccatori aperto, quilibet sibi ab eo cavet, quod malè dicit & facit, neminem movet, quia cautela præcessit, & quivis sibi cavet; verùm nemo diffidit homini, præsertim si sacerdos vel omninò pastor sit, cujus exteriora omnia sunt composita, nec aliud, nisi virtutē spirantia; facile quis in favorem ipsius se præveniri patitur; haut, *homo sacerdos de semine Aaron venit, non decipiet nos;* 1. Machab. 7. 14. Paratus quilibet est, audire talem cum reverentia; quidquid dicit, imo  
 pres.

pressionem in anima nostra facit, & sic insensibiliter venenum perversæ doctrinæ illius fugitur, à quo sensim, quidquid sanum fuit, corrumpitur. Ministri Domini! æquè vobis, ac Timotheo præscribit hoc Apostolus, ut ejusmodi homines hypocritas evitetis. Fugite igitur illos, si eos agnoscatis, quia verò non sufficit, vitium istud solummodò in aliis impugnare, vide, an non ipsemet hoc morbo labores; quia difficile est, se ex toto ab illo exemptum putare. Examina igitur teipsum coram Deo, & quin tibi ipsi blandiaris, vide, utrum interiora tua respondendant exterioribus? utrum devotio & pietas tua tam solida sit, ac tibi ipsi imaginaris? solida pietas consistit in sincera charitate, in humilitate vera, in castitate inviolabili, in constanti & perseverante patientia, in obedientia exacta; quem progressum fecisti in ejusmodi virtutibus? & quam meritò adhuc de teipso, & contra teipsum conqueri potes, ac dicere? *Deus lumen cordis mei lux tua, non tenebræ meæ, loquantur mihi.* S. Aug. Conf. l. 12. c. 18. Pro Missa roga Deum virtutum, ut eas in te augere velit, ita quidem, ut exterior devotio, & pietas tua, quæ in tuis actionibus elucet, non nisi radius quidam sit ab illa interna cordis devotione, emicans; tunc enim talis coram oculis Angelorum eris, qualis coram hominibus appares; & dicent illi, & isti, dum



te vident, planè est iste homo de felici illo semine, cui benedixit Dominus, omnes, qui viderint eos cognoscent illos; quia isti sunt semen, cui benedixit Dominus. *Is. 61. 9.*

## DIE SABBATHI.

*Reddite ergo quæ sunt cæsaris cæsari & quæ sunt Dei Deo. Math. 22. 21.*  
DE CLERICIS PROPRIIS LUCRIS INTENTIS.

- Qui tales sunt. 1. Sunt ministri temerarii, qui contra voluntatem Domini sui agunt.  
2. Ministri inutiles, qui inepti sunt ad functiones statûs sui  
3. Ministri scandalosi, qui ministerium suum inhonorant.

PUNCTUM I. **N**on possumus satis admirari responsio-

nem hanc Christi Jesu; reddite, quæ sunt cæsaris &c. En, per quid obturet ora phariseorum, qui tanquam avari & superbi liberi esse volebant, à tributo cæsari pendendo? ostendit eis Jesus, hanc solutionem minime impossibilem esse cum servitio Dei; ipse solvit hoc tributum, & pro se, & pro Petro, *Math 17. 26.* exemplo suo nos docuit, nos non solum satisfacere debere obligationi nostræ erga principes, sed oportere cor nostrum abstrahere à bonis hisce temporalibus, quibus alias tam tenaciter inhæreamus, *qui non renunciat omnibus, quæ possidet, non*

*non potest meus esse discipulus* Luc 14. 33.  
Eni quid non solum facere conveniat, mi-  
ministros & pastores gregis sui, sed insuper  
omnes illos, qui se ei consecrant, & illum  
pro Domino ac magistro suo agnoscunt.  
Veniamus nunc ad clericos, & videamus,  
quid ab Apostolis & ministris Evangelii sui  
exigat. *Euntes predicatē, dicentes quia  
appropinquavit regnum calorum; infirmos  
curate, mortuos suscite, leprosos mundate,  
demonēs ejicite; gratis accepistis, gratis  
date. Nolite possidere aurum neque argen-  
tum, neque pecuniam in zonis vestris; non  
peram in via, neque duas tunicas; neque cal-  
ceamenta, neque virgam; dignus est enim  
operarius cibo suo.* Math. 10. Benè hæc  
omnia expendet non petit à te Salvator  
tantum; benè autem vides, & colligere  
potes ex hac instructione Apostolis data,  
quod minimè proprii commodi, & lucri stu-  
diosus esse debeas; *gratis accepistis, gratis  
date.* Non denego tibi, quòd de altari vi-  
vere possis; hoc tamen non impedit, quin  
gratis dare debeas, id est, nullam facere dis-  
ferentiam inter divitem & pauperem, ra-  
tione muneris & status tui omnibus debitor  
es; peribis, si mensura zeli tui commodum,  
& lucrum temporale sit, si quam recompen-  
sationem accipias; debet hoc fieri à te adeo  
generosè, ut is, à quo eam accipis, persuasus  
sit, te ex motivo isto minimè hoc fecisse;



istaque terrena bona minimè esse objectum,  
 & finem desideriorum tuorum; quòdque ali-  
 ud tibi cordi non sit, quàm ut Christo Jesu  
 servias, Domino omnium opulentissimo. Si  
 ab Evangelio transeas ad Apostolorum scri-  
 pta, invenies S. Paulum, 1. Tim. 3. 8.  
 dum dispositiones necessarias ministro suo e-  
 numerat, inter eas ponere tanquam quid  
 essentielle: *non turpe lucrum sedantes*, ad  
 Titum autem: *non turpis lucri cupidum*.  
 Tit. 1. 7. Vide nunc, quale fuerit motivum  
 tuum, in amplectendo statu ecclesiastico? feci-  
 stine hoc ex zelo serviendi Deo & proximo?  
 vel lucri gratiâ? benè hoc tecum expende;  
 & certò persuasus esto. clericos, qui amore  
 lucri statum hunc amplexi sunt, ministros  
 esse temerarios, ut pote, qui contra DEI  
 voluntatem servitio ipsius se consecrarunt.  
 Item

PUNCTUM II. Sunt etiam ministri in-  
 utiles, qui nequaquam apti sunt ad functiones  
 statûs sui peragendas, sive deinde ob negli-  
 gentiam, sive ob incapacitatem. Anne sta-  
 tum ecclesiasticum amplexi sunt ad labo-  
 randum? minimè. Fecerunt hoc, ut com-  
 modius vivere, pinguescere, & vel ipsi locuples-  
 tes evadere, vel suos locupletare valerent.  
 Verum est S. Paulum dicere, 1. Cor 9.  
 neminem propriis stipendiis militare; & qui  
 vineam colit, de vinea, & qui gregem pa-  
 scit, de lacte ovium suarum vivere possit;

neque alligandum esse os bovis triturantis;  
& quod per has omnes figuras significare  
voluerit, eos qui Evangelium prædicant,  
etiam de Evangelio vivere posse; sed quis  
reperiet in S. Paulo, stipendium aliquod  
deberi militi, qui ab bellum non proficisci-  
tur; vel vinitori, qui vineam suam non colit?  
vel quod de lacte comedere possit, qui cu-  
ram gregis non habet? ubi dicit unquam,  
quodd de Evangelio vivere possit, qui Evan-  
gelio non servit? non est error perniciosior,  
& intollerabilior, quàm pro regula habere,  
posse aliquem gaudere magnis redditibus  
ecclesiasticis, quin ecclesiæ suæ aliquod ser-  
vitium præstet. Dices; beneficium meum  
tantum simplex est; ad nihil obligat; pe-  
jus id ipsum est; sic enim majorem damna-  
tionis occasionem habes. Sed quis dicit hoc,  
quod beneficium tuum ad nihil te obliget?  
an putas, te quid supererogatorium, & ad plæ-  
citum facere, si quandoque in loco beneficii  
tui instrueres ignorantes; te informares cir-  
ca necessitates pauperum; clericos hortaree-  
ris, ut obligationibus suis satisfaciant? an  
non centum habes occasiones, quæ se quoti-  
die offerunt pro Ecclesia laborandi? & si nul-  
lam prorsus amplecteris, putasne te à Deo,  
tantâ facilitate tractandum, ac ab homini-  
bus? sed, quod magis adhuc intolerabile est;  
dantur aliqui, qui ratione beneficii, & of-  
ficii sui ad plures functiones & quidem ma-  
gni



qui momenti obligati, tecum ipsis tamen  
 dispensant, & omnia humeris aliorum im-  
 ponunt, quæ ipsis gravia sunt, & onerosa.  
 Distinguunt in sua dignitate, quod honorifi-  
 cum, quod lucrosum ab eo, quod labori-  
 osum & difficile est; acceptant honorem;  
 gaudent lucris; quod verò onerosum est, vel  
 solâ umbrâ suâ eos terret; omninò talibus se  
 exonerant; vel si quamdam functionem obe-  
 unt hoc omninò imperfectè ab iis fit, & su-  
 perfacilliter; quia ad bene peragenda talia,  
 deberent se totos ad id applicare, & in id  
 incumbere. *Nemo militans Deo, implicat*  
*se negotiis secularibus, 2. Tim. 2. 4.* Cle-  
 ricus, qui per negotia temporalia continuò  
 distrahitur, non est aptus, ut omni tempore,  
 & juxta omnem suam obligationem muneri  
 suo satisfacere posset; aliò nempe distrahi-  
 tur, & aliis longè curis occupatum intelle-  
 ctum & animum habet. Interroga talem  
 curatum, vel pastorem, qui non nisi lucra &  
 commoda sua cordi habet, benè quidem sciet  
 nominare redditus suos, debitores suos; &  
 quale lucrum fuerit, vel commodum traxe-  
 rit ex hoc vel illo negotio. sed pete etiam ab  
 eo, quod pauperes in sua parochia habeat,  
 in quo statu sint ornamenta ecclesiæ, & ve-  
 stes sacræ? utrum juvenus benè instructa sit;  
 utrum scholæ benè ordinatæ, & regulatæ  
 sint; obmutescet ad hæc. Igitur ministri, à  
 proprio lucro alieni apti; reliqui verò inutiles


ministri sunt, qui ad functiones suas non sunt idonei. Verum ut majorem adhuc horrorem de tam perverso modo agendi, & excessibus concipiamus.

PUNCTUM III. Addamus etiam hoc, tales esse ministros scandalosos, qui ministerio suo dedecori sunt; qui destruunt pro eo, ut ædificent. Quale scandalum in ecclesia, clericus, qui de alio non cogitat, nisi ut congreget, & ditetur? quæso, quare adeò addictus est, dicunt sæculares, hic sacerdos bonis temporalibus? quam causam habet? non habet liberos ad educandum; neque familiam talem sustentandam ut nos; quo prætextu colorare potest avaritiam suam? interim tanta ac talis est cupiditas talium clericorum, ut professionem suam aliter non considerent, nisi tanquam artem aliquam, vel opificium. Si orant; si instruunt; si sacramenta administrant; fit hoc solummodo, quia lucrum sperant & commodum, imaginantur sibi, ut Apostolus 1. Tim. 6. 5. ait, pietatem servire ipsis posse, & debere ad seipsos locupletandos. Sunt de iis, quorum meminit propheta. Ps. 13. qui devorant plebem Dei, ut escam panis; nam ut S. August. ibid. advertit; *devorant populum, qui sua commoda ex illo capiunt, non referentes ministerium suum ad gloriam Dei, & eorum quibus præsunt, salutem.* O quis exprimere valeat excessus illos omnes, quorum causa in clericis



avantia existit? si semel dominetur in illis  
 passio ista, ubique eos comitantur, & inle-  
 quitur; ad altare, ad confessionale; non eru-  
 betunt vel ipsos pœnitentes in lucrum suum  
 obligare, & onerare; vel relinquere eos,  
 turpis lucri gratiâ, in proxima occasione  
 peccandi, vel peccatis habitualibus; sic ni-  
 mirum in honorant ministerium suum; & de-  
 decori illi sunt tales quæstuosi clerici. De-  
 testare ex toto corde, hunc spiritum avaritiæ,  
 spiritui statûs & vocationi tuæ adeò oppo-  
 situm! memento, quòd eis abrenuntiaveris  
 statim in prima tonsura, ubi Dominum pro  
 parte seu hæreditate tua elegisti. Gloria  
 & honor ministri Jesu Christi est, ut proprii  
 lucri non sit amans; *bonum est enim, magis*  
*morì, quàm ut gloriàm meam quis evacuet,*  
 1. Cor. 9. 15. Vide, ut taliter dispositus  
 sis, & comparatus, vel potiùs roga Christum  
 Dominum in præparatione tua ad Missam, ut  
 talem te faciat. Quotidie in manibus tuis  
 tenes & tractas hunc divinum Salvatorem,  
 qui egenus factus est, ut nos divites face-  
 ret; an non moveat te exemplum hoc, quod  
 tibi dat durante celebratione sacrorum my-  
 steriorum, ubi non cessat per hunc ipsum su-  
 um statum, ad quem redactus est à suo amore,  
 tibi inclamare: *nolite thesaurizare vobis the-*  
*sauros in terra, ubi ærugo & tinea demoli-*  
*tur; & ubi fures effodiunt, & furantur.*  
*Theaurizate vobis thesauros in calo; ubi ne-*  
 que

*que arugo, neque tinea demolitur, & ubi fures non effodiunt, nec furantur. Math. 6. 19.*



DOMINICA VIGESIMA TERTIA  
POST PENTECOSTEN.

*Fratres, imitatores mei estote; & observe eos, qui ita ambulant, sicut habetis formam nostram. Philipp. 3. 17.*

DE BONO EXEMPLO CLERICORUM.

1. Debent instar S. Pauli aliis servire pro exemplari.
2. Media ad hoc necessaria.

PUNCTUM I. **N**ON semel tantum dixit S. Paulus, id, quod

hic scribit, *imitatores mei estote. 1. Cor. 4. 6. & 2. Cor. hoc &c.* Dixit non ex motivo vanitatis, sed ex zelo animarum, quo ardet, dum se pro exemplo proposuit, noluit se solū proponere, quasi solus pro exemplari aspi-ciendus & considerandus foret; sed quia hoc jam contentus erat, & sibi satisfactum puta-bat, modo Christus annuntiaretur, sive deinde per se, sive per alios. Modò divinum hoc originale exprimerent benè fideles, sive de-inde vel ipsum vel alios Apostolos, pro co-pia seu imagine quadam, præfigerent, & si splendorem huius solis iustitiæ ferre non pos-sent, solummodò considerarent illum in Pau-lo, vel in Cepha, vel in Apollo, vel in alio quo-



quocunque vero ministro Christi tanquam in totidem speculis, hinc statim adjunxit, *& ob- servate eos, qui ita ambulant, sicut habetis formam nostram.* Verum si quilibet ex ministris evangelii jure se proponere posset pro exemplari, absque dubio S. Paulus hoc facere potuit, ille nimirum, qui tanta passus fuit, amore Jesu Christi, sitim, nuditatem, labores continuos itinerum, labores manuales, maledictiones, injurias, persecutiones, uno verbo, gravissima quæque, qui autem his omnibus aliud non opposuit, nisi patientiam, humilitatem, beneficia, benedictiones, & orationes pro persecutionibus; & quod his omnibus majus est, ardentissimum zelum pro illorum salute, & tantam applicationem, ad hanc procurandam, ut non obstante omni eorum resistentia & contradictione, & aversione, & odio contra ipsum tamen invenerit medium eos lucrandi Christo Domino per suam patientiam, mansuetudinem, preces, perseverantiam, & sanctas instructiones; poterat igitur his omnibus consideratis, optimè & jure merito dicere; *rogo ergo vos, imitatores mei estote, sicut & ego Christi.* 1. Cor. 14. 16. Quilibet clericus, qui eodem modo se gessisset, eadem dicere posset, quia verò has omnes probationes subire, & res tam difficiles præstare; non semper adest occasio, taliaque Deus à nobis ex speciali sua avertit bonitate, ut debilitati nostræ par-  
cat

cat, hinc taliter loqui nos haud possumus; quod autem nos decet, & ad quod indispensabiliter obligati sumus, hoc est, ut populo nostro pro exemplari serviamus, per sanctitatem vitæ nostræ, continuòque viva voce actionem nostram, quæ longè efficacior ipsis verbis est, dicamus; fratres, *imitatores mei estote*, facite, quòd à me fieri videtis; sequimini semitam & viam, quam nos tenemus; etenim, ut S. Aug. in Ps. 39. ait, *in Ecclesia iste ordo est; alii præcedunt, alii sequuntur, & qui præcedunt exemplum se præbent sequentibus; & qui sequuntur, imitantur præcedentes*. Jam verò ignorare haud potes, te tanquam clericum alios præcedere in dignitate; ergo pariter anteire debes in virtute, & iis servire pro exemplari; *liber laicorum, vita clericorum*, Synod. Turon. anno 1537. examina te desuper, &

PUNCTUM. II. Vide nunc media, quæ arripere debes, ut esse possis exemplar tuorum; indicat illa S. Paulus in instructione desuper data Timotheo & Tito. En! quomodo loquatur; ad primum 1. Tim. 4. 12. ait: *nemo adolescentiam tuam contemnat; sed exemplum esto fidelium in verbo, in conversatione, in charitate, in fide, in castitate*. Nunquam debent Ecclesiæ ministri ulli dare occasionem aliquam contemptûs sui, sed potius conciliare sibi per suum regularem vivendi modum, omnem æstimationem &



venerationem *in verbo, in conversatione, in charitate* &c. Id est, non sufficit, ut exemplar aliis simus in una virtute, oportet omnes virtutes habere, ità, ut sit vita nostra instar cuiusdam animatæ, seu vivæ imaginis, quam omnes homines tanquam regulam morum inspicere, & quasi vivam legem consulere valeant; *forma facti gregis ex animo.* 1. Petri 5, 3. Idem S. Paulus scribens ad Titum, ait illi, *in omnibus præbe teipsum, exemplum bonorum operum, in doctrina, in integritate, & gravitate.* Tit. 2. 7. En! paucis verbis expressum characterem boni clerici, boni sacerdotis, ac boni pastoris; non est necesse, in longinquo eum requirere; ad vivum hîc à Paulo illum expressum habes; omnia enim indicavit, quæ quis excogitare posset. Oportet eum esse exemplar omnium bonorum operum, in omnibus rebus, quia omnium oculi in illum versi sunt. Reducit Apostolus omnia ad tria; ad puritatem doctrinæ, ad integritatem vitæ, & ad morum gravitatem. Doctrina ipsius non solum pura esse debet, quantum ad fidem, sed etiam quoad moralia; errores contra fidem hæreses sunt; corrupta autem doctrina mores etiam corrumpit, & malos facit christianos; debet se clericus opponere prioribus & hos posteriores ad frugem reducere; oportet igitur puram esse illius doctrinam fidei, & morum. Integritas vitæ exigit, ut modo quodam irreprehensibili

vivat, ita, ut nihil in illo culpari valeat; ut  
 is, qui ex adverso est, vereatur, nihil habens  
 malum dicere de nobis. v. g. Debet gravi-  
 tas illius apparere ex incessu, ex gestibus, ex  
 verbis illius, uno verbo, omnia exteriora il-  
 lius generaliter omnes edificare debent, ut  
 vita viam subditis vivendo denuntiet: ait S.  
 Greg. pastoral. p. 2. c. 3. *¶* grex qui pa-  
 storis vocem, moresque sequitur, per exem-  
 pla melius, quam per verba, gradiatur. Hæc  
 sunt media, quibus uti debes, ad dandum a-  
 liis bonum exemplum. Vide, qualiter iis  
 hucusque usus fueris? & si fortè infelicitè  
 quoad hoc punctum errasti, pete veniam à  
 Deo, & roga Christum Jesum in præparati-  
 one tua ad Missam instanter, ut imitatore  
 te faciat virtutum suarum, tunc enim dignus  
 evades, quem etiam populus imitetur. O  
 Jesu! fac me per communicationem sanctis-  
 simi corporis, & sanguinis tui similem tui!  
 ô sol justitiæ, qui vis, ut simus lux mundi,  
 per vitæ nostræ sanctitatem, imprime ani-  
 mabus nostris tuam divinam similitudinem,  
 ut omnis populus, modum nostrum vivendi  
 considerans, tanquam in speculo videre, &  
 colligere possit, quid sequi, quid corrigere,  
 & emendare debeat. Lux gregis fama est  
 pastoris: decet enim dominicum sacerdotem  
 moribus & vita clarescere, quatenus in eo,  
 tanquam in vitæ suæ speculo commissæ, &  
 eligere, quod sequatur, & videre possit, quid  
 corrigat. Greg. M. l. 7. ep. 32. FE



*Et observate eos, qui ita ambulant, sicut habetis formam nostram. Philip. 3. 17.*

DE CONVERSATIONE CUM BONIS CLERICIS.

1. Quam necessarium sit frequenter conversari cum talibus.
2. Et quàm utile.

PUNCTUM I. SOLlicitè curemus in opus deducere hæc verba Ro-

pistolæ: *observate eos, qui ita v̄c.* Proponamus nobis pro meditatione nostra ex clericis eos, in quibus majorem devotionem, regularitatem, zelum, & applicationem ad functiones statûs sui deprehendimus, quique se præ aliis in ecclesia per ardentiorē charitatem distinguunt, non contrahamus commercium aliquod, & societatem, nisi cum bonis: consideremus omnes gressus illorum, & modus illorum agendi excitet nos ad reformatum, & regulandum nostrum modum, ut & nos quoque servire possimus pro exemplari fratribus nostris, & reliquis fidelibus. Summi momenti, & necessitatis est hoc consilium. Ordinariè talis quilibet est, quales sunt illi, quos frequentat; *qui cum sapientibus greditur, sapiens erit, amicus stultorum similis efficietur.* Prov. 13. 20. Nil majorem vim in animum nostrum exercet, quam exemplum eorum, quibuscum uniti sumus per amicitiam & vitæ societatem, ac commet-

cium. Pauci se applicant ad lectionem librorum utilium; & frequenter instructio, quam in illis inveniunt, parum eos movet; & si levem quamdam impressionem in animis illorum facit, vix tamen ad cor illorum usque penetrat. Sed exemplum virorum sapientium est quasi vivus liber, ubi quis absque difficultate instruitur; & quandoque etiam, quin aliquis hoc advertat; videmus in actionibus eorum regulas vivendi; cum gaudio notamus prudentiam illam, & admirabilem æqualitatem, quā in omni occasione, & negotiis procedunt; & cogimur quasi insensibiliter, ad condemnandum in vita nostra, quod illorum vitæ contrarium est; & ad reddendos nos similes iis, qui in aliqua veneratione apud nos sunt, quosque æstimatione nostra dignos judicamus, & ut ab aliis etiam æstimentur. Quod si pro eo, ut cum personis ejusmodi conversemur, amicitiam contrahimus cum iis, quos scriptura insensatos appellat; quia Deum non cognoscunt, qui non nisi suas passiones sequuntur, similes illis quoque evademus, *amicus stultorum similis efficietur*. Ista mollites ( ut non loquamur de aperte malis ) & socordia illa, quam in eorum verbis & actionibus videre est, insinuat se sensim in animum nostrum, modo quodam imperceptibili ac nobis grato, & licet non statim quidem id approbare audeamus; quod ab iis non bene fieri videmus, nihilomi-



nus successivè cogitatus nostros eò quoque vertimus, quò exemplum illorum nos allicit; sicque tandem asuescimus eorum imitationi. Veritas hæc evangelica adeò concordat cum recta ratione, ut veteres regulam, & axioma exinde fecerint his verbis expressum; *dic mihi; quocum eas; & ego dicam tibi, quid facturum sis.* Si sententiâ ista in generali locum habet respectu omnium hominum, ne dubita, quin specialiter verificetur apud clericos, & quòd fit res maximi momenti, ut societas nostra, & conversatio cum bonis, seu piis clericis sit; ut autem magis adhuc te convincam;

PUNCTUM II. Considera commoda, & utilitatem ex tali societate & commercio cum bonis clericis proveniente. imo exemplum illorum nos corrigit, vel edificat. Si quis vitiosus sit, insensibiliter se moveri sentiet, ad mutandos mores suos, si alios meliores se esse videat; *dum peccator justum considerat, seipsum arguit, & condemnat:* ait S. Greg. l. 15. mor. c. 9. Si quis in tepore & socordia versetur, fervor illorum nos inflammabit; *plerisque justî aspectus admonitio correctionis est,* ait S. Ambr. in hæc verba; qui timent te, videbunt & lætabuntur, *perfectioribus vero lætitia.* Hinc advertit idem S. P. ideò S. Paulum ascendisse Jerosolymâ, *ut justos videret; & cum Petro mansit diebus quindecim, ut ex ejus cohabitatione aliquid proficeret.* Concludit deinde; *sicubi*  
er-

post Dom. 20am 3tiam. post Pent: 40a  
ergo justus sedeat, scubi accumbat, festine-  
mus videre eum. Vides, quod res valde pre-  
tiosa sit, conversari cum hominibus justis, si-  
quidem cum iis agendo, versamur inter ima-  
gines Christi Jesu, *vides ergo, quia inter  
multas Christi imagines ambulamus.* O si  
ad hoc attenderemus, quàm facilem occasi-  
onem inveniremus & haberemus acquirendi  
sanctitatem. 2do. discursus seu sermo illorū  
nos instruit & docet; *labia justī erudiunt plu-  
rimos.* Prov. 10. 21 Qui cum bonis clerici-  
cis ambulat, semper de bonis rebus loquitur;  
si difficultatem circa scripturam S. vel casum  
aliquem conscientiae solvendum habet, pro-  
poni possunt; si loquendum de functionibus  
sacris, de rubricis, & caeremoniis ecclesiasti-  
cis, de occurrentibus suorum necessitatibus,  
de litibus & controversiis terminandis, au-  
xilium ab iis & consilium sperari & haberi po-  
test, ut quis sapienter & prudenter in talibus  
se gerere possit. Verbo, non est boni quid-  
quam, quod à societate bonorum clericorum  
haberi non possit. 3tio. ipsorum consilia si-  
duciam nostram excitant. *Amico fideli nul-  
la est comparatio, & non est digna ponderatio  
auri & argenti contra bonitatem fidei illius.*  
Eccles. 6. 15. Tali amico indigemus præ-  
cipuè, quia directione opus habemus; clerici  
autem quemadmodum alii, etiam hanc indi-  
gent, sive deinde incapiendo consilio, ob oc-  
currentes difficultates in exercitio ministerii  
*Medit. Pars Autum.* Cc sui



fui, siue in necessitatibus propriæ conscientie, nunquam grave ipsis accidere debet, si bonum quemdam directorem extra domum suam quærere debeant, quod præcipue de iis intelligi volo, qui ruri degunt, & alios vicinos non habent, quibuscum conversari possent, nisi ignorantes, ebriosos, lufos, & scandalosos, à quibus proinde boni nihil expectare possent. Verum, quia difficile est bonam clericorum electionem facere, & bonos à non bonis discernere, roga Dominum Jesum præparatione ad Missam pro gratia ista, ut te talibus associare dignetur, quos scit ad sanctificationem tuam utiles tibi esse posse. O Domine! qui nos per prophetam tuum doces, sanctum aliquem fieri cum sanctis, fac me bene comprehendere, quam necessarium sit ad salutem meam, non nisi conversationem cum sanctis quærere; sunt hi amici tui; sincero & aperto corde tecum conversantur, & deliciae tuæ sunt familiariter cū iis quoque agere. An non sufficeret hoc, etsi de mea propria utilitate & commodo non ageretur, ut illorum societatem omni alii præferam? ô Domine! hæc est resolutio mea, quam ad pedes S. altaris hodie capio, & quam me etiam impleturum confido auxilio gratiæ tuæ; cum sancto sanctus eris, & cum viro innocente innocens eris; sanctis ergo convenit adhærere, quoniam ii, qui eis adherent, sanctificabuntur. Clem. Alex. Stromat. l. 5. p. 4. 7.

FERIA TERTIA.

*Multi enim ambulant, quos sæpè dicebam vobis ( nunc autem & flens dico ) inimicos Crucis Christi, quorum finis interitus; quorum DEUS venter est, & gloria in confusione ipsorum, qui terrena sapiunt. Philip. 3. 18. & 19.*

DUÆ SORTES CLERICORUM, QUI INIMICI CRUCIS CHRISTI SUNT,

1. Qui passionibus hominum blandiuntur, & adulantur.
2. Et qui ipsi vitam mollem, & deliciosam ducunt.

PUNCTUM I. **L**Oquitur in istis duobus versibus, quos ad me-

ditandum assumpsimus, Apostolus contra falsos Apostolos, qui ex motivis vilibus & carnalibus mori, conabantur sedacere Philipenses, eosque servituti circumcisionis, & aliis caeremoniis legis subicere. Vocat eos inimicos crucis Christi, quia, etsi professionem fecerint fidei in Christum crucifixum, minimè tamen justificationem nostram meritò crucis, & sanguinis ipsius tribuebant; sed solummodò legi Mosaicæ; ex quo sequebatur in vanum, seu frustra, pro iis Christum fuisse mortuum; *si enim per legem justitia, ergo gratis Christus mortuus est. Galat. 2.*

21 Quod Apostolus addit, illos ventrem suum fecisse Deum suum; quòdque non nisi carnalia saperent, in eoque ponerent gloria



am, & honorem suum, ob quod erubescere debuissent, indicat, fuisse eos inimicos crucis omni modo, utpote mancipia intemperantiæ & sensualium voluptatum, quæ cruci Christi omnino contrariantur. O quot etiam in diebus nostris adhuc habemus inimicos crucis Christi Jesu! quàm deplorandum hoc ipsum est! *ô! ubi estis fontes lacrymarum?* S. Aug. dantur adhuc sæculares, qui potius instar Epicuræorum, quàm ut discipuli Christi, vivunt; & quod magis adhuc detestandum, quot sunt clerici, qui possessionibus illorum blandiuntur, & per falsam aliquam mansuetudinem & discretionem destruunt sanctam Evangelii severitatem, perque interpretationes molles, & cupiditatibus hominum accommodatas, seducunt illos, ingerendo eis periculosas doctrinas & fundamenta scientiæ cujusdam moralis valdè commodæ; *magistros prurientes auribus.* 2. Tim. 4. 3. Toto conatu laborant, ut eorum peccata excusent, eisque promittunt, tantâ facilitate expiari illos posse, etiam gravissima, ac certissima peccata, qualia ab ipsis fuere commissa; tam sollicitè inclinationibus corruptæ naturæ illorum satisfacere student; quàm è contrario solliciti fuere sancti viri ad eas mortificandas, & destruendas; & quidem absque scrupulo, & timore, ne in maledictionem his verbis comprehensam incidant. *Va his, qui consuunt pulvillos sub omni cubi.*

post Dom. 20am 3tiam post Pent. 405

*bito manûs & faciunt cervicalia sub capite  
universæ ætatis ad capiendas animas. Ezech.  
13. 18. Pro eo, ut vitam aliorum ad nor-  
mam Evangelii, componere studeant, & le-  
gi æternæ, ac immutabili conformarent,  
hanc flectunt, & violenter accommodare  
student, præcepta Dei cum lucro & com-  
modo hominum. Qui terrena sapiunt, an non  
hoc agere est, instar inimicorum crucis Jesu  
Christi? non ita laborarunt sancti ad conver-  
sionem peccatorum; exhortati sunt illos ad  
exemplum Apostolorum, & Jesu Christi ma-  
gistri ipsorum, ad agendam pœnitentiam, ad  
crucifigendam carnem suam cum concupi-  
scentiis & desideriis inordinatis. Certo erant  
persuasi, magno conatu & labore opus esse  
ad rumpendos inveteratos habitus, & con-  
suetudines; plus requiri ad expianda gravia  
scelera, quàm verba tantùm; *in satisfaci-  
one ingentium peccatorum, non verba, sed o-  
pera quaruntur.* S. Aug. serm. 57 de temp.  
Erat certum & indubitatum principium apud  
eos, difficile omninò esse, à peccatis mor-  
talibus resurgere, & gratiam deperditam re-  
cuperare; necesse esse, ingemiscere, orare,  
jejunare, fugere occasiones peccandi, ab-  
strahere se à commercio mundi, ad origi-  
nem & radicem fidei redire, & nullos alios  
limites suæ pœnitentiæ statuere, quàm illos,  
quos vita nostra habet, nempe mortem.  
Non peto à te, ut ad extremitatem alicujus  
se.*



severitatis devenias, vel ut pœnitentibus onera insupportabilia imponas, sed tantum, ne in talem excessum labaris, ut peccata dimittas, quin ad aliquod opus pœnitentiæ peccatorem obliges; ut putes, expiari posse per quasdam vocales preces scelera & crimina illa, pro quibus olim ab Ecclesia præscripti erant plures anni pœnitentiæ; talique crudeli mansuetudine peccatores tractes, qualem semper detestati sunt SS. PP. *detur opera, ne satisfactionibus & lamentationibus justis delicta redimantur; ne vulnera lacrymis abluantur.* Cypr. de lap. Si confessarii exactè sequerentur id, quod ipsis præscribit concilium Trident: si pœnitentias medicinales, & peccatis proportionatas imponerent: si quilibet practicè sequeretur regulas Ritualis, & ab omnibus uniformiter procederetur, non cernerentur tot falsæ conversiones; nec tanta regnaret morum corruptio in vita christianorum; sed si dantur clerici, qui se ut inimicos Christi exhibent, dum passionibus hominum adulantur; multò adhuc plures tales sunt ob vitam suam mollem & deliciosam; quam ducunt.

PUNCTUM II. *Quorum Deus venter est,* ait S. Paulus; Levitis in veteri lege expressè prohibitum erat vinum, si aliquam sacram functionem exercere, vel solummodò in tabernaculum ingredi debebant; *vinum, & omne, quod inebriare potest, non bibetis quando in.*

intratis in tabernaculum testimonii. Levit.

10. 9. Et sacerdotes novæ legis, qui functiones infinitè sanctiores habent, non timent ne per excessum in cibo & potu extinguatur in ipsis vigor ille spiritualis, quo opus habent, ut eas ritè ac dignè obire valeant? neque dicas, quòd sufficienter teipsum moderari scias, ne usum rationis amittas; sit ità; sed fumus ille, & vapores, qui à vino & escis ad cerebrum ascendunt, an non attentionem, vel saltem fructum illum impediunt, quem sacrum ministerium tuum à te exigit? quomodo ille, qui ventri & appetitui suo aded indulget, utiliter, & cum fructu, de temperantia vel paupertate Jesu Christi prædicabit, ait, S. Hier. epist. 2. ad Nepot. de vita cleric. *Confusio & ignominia est Christum pauperem & esurientem fartis prædicare corporibus.* Hinc unum est ex principalibus monitis, quæ S. hic P. Nepotiano in quadà epistola seu instructione, circa obligationem sui statûs dat; quodque etiam S. Ambros. S. Augustinum monuit, & ipse observavit. *Convivia tibi vitanda sunt sæcularium, & maxime eorum, qui honoribus tument &c. Consolutores potius nos in meroribus, quàm convivas in prosperis noverint. Facile contemnitur clericus, qui sæpè vocatus ad prandium ire non recusat. Nunquam petentes; rarò accipiamus rogati. Quanùm ad mensam tuam debet frugalitas, maximum illius esse*



esse ornamentum, & tamen, pergit idem S. P. plures videre est inter clericos, qui sæculares lautius tractant, quàm seipsos ipsimet inter se volunt mensas suas exquisitissimis cibis plenas esse undique & anxie quærentur, quæ luxui, & deliciis servire possint. An non res pudenda, ministrum talis Dei, cujus tota vita nonnisi martyrium fuit, quique in cruce selle potatus fuit, & absynthio, tam esse sensualem, & voluptuosum! & quòd illi, qui aliud scire non deberent, nisi Jesum crucifixum, tam intelligentes sint condimentorum & gulæ irritamentorum! verùm quanta injustitia opiparè vivere, & saginari bonis, sanguine, & substantia pauperum! si superflua divitum ad pauperes spectant, an non injustitia summa in cælum usque clamans est, bonæ Ecclesiæ, & ipsummet patrimonium pauperum, in convivia & lautitias consumere? amico quippiam rapere, furtum est, ait S. Hier. ibid. Ecclesiam fraudare, sacrilegium est, accepisse, quod pauperibus erogandum sit, & esurientibus plurimè aliquid inde subtrahere, omnium prædonum crudelitatem superat. Fac ergo hodie si quæntia proposita; imo. evitandi commercia, & frequentationem sæcularium, & adhuc magis clericorum illorum, qui luxui & lautitiis dediti sunt; noli esse in conviviiis potatorum, nec in commensationibus eorum, qui carnes, ad vescendum conferunt. Prov. 23. 20. Evita  
so.

solicite ejusmodi potatores, qui insuper de hoc gloriantur, de quo erubescere deberent, *potentes ad bibendum.* Is. 5. 22. qui vix à prandio surgunt, & statim lusui usque ad cenam vacant, & ejusmodi rebus occupantur, ac si non nisi animas brutales haberent, quod sanguineis planè lacrymis deplorandum esset; *nunc autè & flens dico, inimicos crucis Christi.* 2do. regulam tibi constitue, nihil extra horam prandii comedendi; ad quid enim tales extra-  
comestiunculæ, nisi ad solam voluptatem, ne dicam ad regulæ satisfaciendum? 3tio. taliter àma temperantiam, ut alimentis aliter non utaris, nisi tanquam medicinâ, & præcisè quantum ad vitæ sustentationem necessarium est. Scio quidem vitam sacerdotum & pastorum vitam quamdam esse communem, seu communitati destinatam, quæ destrui non debeat per jejunia excessiva, adeò, ut amplius servire non possint salutis proximorum, quæ est primaria illorum obligatio; sed debent etiam non excludere omnem prorsus mortificationem. Pro Missa, roga Deum, ut his tuis resolutionibus benedicere, teque prædicatorem, & imitorem facere dignetur crucis suæ, ut verè dicere possis cum Apostolo & omnibus sanctis, quòd continuo mortificationem Jesu in corpore tuo portes. O Jesu, abstrahere corda nostra à deliciis & voluptatibus sensualibus; fac, ut contemnamus cibos Ægypti, ut ità capaces & apti si-



mus, gustare dulcedinem divini hujus mánna,  
quo nos in sanctíssima Eucharistia pasci, &  
participes fieri mereamur convivii illius cœ-  
lestis, quod electis tuis parasti; ubi inebri-  
abuntur torrente voluptatum; & ubi satietas  
non nisi famis augmentum erit *beatus, qui*  
*manducabit panem in regno DEI.* Luc. 14.  
15.

\* \* \* \* \*

### FERIA QUARTA.

*Nostra autem conversatio in cœlis est, un-*  
*de etiam Salvatorem expectamus Dominum*  
*nostrum Jesum Christum.* Phil. p. 3. 20.

### DE ABNEGATIONE AMORIS VITÆ PRÆSENTIS.

1. Debemus ab hac vita amorem nostrum  
abstrahere, & desiderare esse cum Christo.
2. Unde veniat, quòd tam parùm cùm illo  
uniri optemus.

**PUNCTUM I.** *N*ostra conversatio æ-  
què ac illa S. Pauli  
debet continuò in cœlis esse; debemus cor  
nostrum, & affectiones nostras ad cœlestem  
patriam dirigere, ubi Salvator noster habitat,  
qui suo tempore descendet, & nos resuscita-  
bit, ut nos glorificet, & secum regnare fa-  
ciet in æternum; igitur dicamus cum Apo-  
stolo: *nostra autem conversatio in cœlis est.*  
Rationes ità loquendi sunt omnino graves  
quia, ubi sunt christiani & clerici, quibus  
non oporteat inspirare talem abnegationem

ut cor suum ab hoc mundo, & à vira hac abstrahant, & ad felicem æternitatem anhelent? S. Cyprianus de mortal. servire nobis hac super re potest pro exemplari; en! quomodo magnus hic sanctus studerit clero suo populoque, durante persecutione & grassante horribili mortalitate, talem sensum inspirare. Regnum Dei, ait, appropinquat; mundus transit; & ecce venit tempus gaudii, salutis, mercedis, & possessionis paradisi, quem amisimus. Res cœlestes succedunt rebus terrenis; magnæ parvis; æternæ perituris. *Quis inter hac trepidus & mestus est, nisi cui spes deest; ejus est mortem timere, qui ad Christum nolit adire; ejus est nolle ad Christum ire, qui se non credat, cum Christo incipere regnare.* Certum est, *justum ex fide vivere.* Rom. 1. 17. si ergo justus es, si ex fide, & per fidem vivis; si verè in Deum credis, quare cum Christo futurus, & de ipsius promissis securus, non lætaris de eo, quòd te ad se vocet, & à dæmonis insidiis liberet? Simeon, homo ille justus & plenus fide, qui adedò exactè mandata Dei observavit, accepta revelatione, se non moriturum, nisi prius Christum, seu Messiam vidisset; videns infantem Jesum cum Matre sua in templo, illumque pro Messia cognoscens, plenusque gaudio, quod brevì moriturus esset, accepit eum in ulnas suas, & benedicens Deum exclamavit: *nunc dimittis ser.*



*servum tuum Domine, secundum verbum tuum in pace; quia viderunt oculi mei salutare tuum, Luc. 2. 29.* Per quod ostendit, servos Dei non fruituros perfecta tranquillitate, nisi postquam liberati fuerint à tempestatibus & turbinibus hujus mundi, adque portum aternitatis pervenerint, facto transitu à morte ad beatam immortalitatem. Sed modò in hac vita, quid aliud habemus, nisi continuam pugnam cum diabolo? ut asensu illius reprimamus, & contra ipsius insidias nos muniamus, quotidie pugnare debemus contra avaritiam, impudicitiam, iracundiam, ambitionem; & valde difficile nobis accidit, ut semper parati simus ad resistendum inimico tam forti & valido, qui ex omni parte in nos insurgit. Si avaritiam superavimus, tentat nos voluptas; voluptati succedit ambitio, vel iracundia, vel alia similis passio, adeò ut quotidie tales persecutiones experiamur; & stantibus his volupe nobis sit, permanere sic inter medios gladios evaginos, quos dæmones contra nos stringuunt? & non potiùs optamus cum Christo esse? tot persecutiones animus quotidie patitur, tot periculis pectus urgetur; & delectat hic inter gladios diaboli diu stare? cum magis concupiscendum sit, & optandum, ad Christum subveniente velocius morte properare, Cyprianus ibid. Amen, amen dico vobis, ait Dominus, vos plorabitis, mundus autem gaudet.

debit; vos tristabimini, sed tristitia vestra convertetur in gaudium; quis non optat liber esse ab hac tristitia, & brevi pervenire ad hoc gaudium? ipsemet Salvator declarat postea, quodnam sit futurum hoc tempus, ubi tristitia vertenda sit in gaudium, quando ait; *iterum videbo vos, & cor vestrum gaudet, & gaudium vestrum nemo tollet a vobis.* Quia ergo gaudium hoc nostrum in eo consistit, ut Jesum videamus, neque abs hoc verum posset esse gaudium, qualis cœcitas, quanta stultitia, amare miserias, & afflictiones hujus mundi pro eo, ut festinemus possidere gaudium illud, quod nemo amplius nobis eripere possit, unde est igitur, quod nihilominus tam parùm optemus ire ad Christum? hoc examinabit, & declarabit.

PUNCTUM. II. S. Cyprianus in illo ipso opere, ex quo desumpsimus materiam hujus meditationis, hujus rei dat rationem; *hoc fit, quia fides deest, quia nemo credit vera esse, quæ promissit Deus, qui verax est, cujus sermo credentibus æternus & firmus est.* Si vir honoratus tibi quidpiam promitteret, crederes illi, neque putares, quasi fallere te velit; & dum Deus tibi loquitur, tam incredulus es, ut circa illud hæsites, quod dicit; promittit tibi immortalitatem & æternitatem post hanc vitam & tu dubitas? *hoc est Deum omnino non esse, hoc est Christum credentium Dominum & magistram peccato in-*



credulitatis offendere, hoc est in ecclesia Dei constitutum, fidem in domo Dei non habere. Quotidie dicimus juxta præceptum Domini; fiat voluntas tua; sed quàm irrationabile hoc est, exclamat magnus hic sanctus, petere, voluntatem Dei fieri, & illi non obedire vel-  
 le? si ex hoc mundo nos evocat, reluctamur, resistimus, & tanquam mali servi coacti trahimur, in conspectum Dei nostri, dum vitam hanc nonnisi inviti amittimus, & ex necessitate, & post hæc prætendimus nihilominus ab eo, quem adeò coacti quærimus, compensationem seu remunerationem aliquam? quid ergo oramus, & petimus, ut adveniat regnum calorum, si captivitas terrena deletur? quid precibus frequenter iteratis rogamus, & poscimus; ut acceleret dies regni; si majora desideria, & vota potiora sunt, servire isthic diabolo, quàm regnare cum Christo? item salubriter seipsum, clerum suum, populùmque confundere satagebat S. Cypr. ut sic seipsum, ac illos animaret ad contemnendas res terrenas & ad considerandum se, tanquam peregrinum super terram, & ad aliud non aspirandum, nisi ad cœlestia. Imitemur hunc illustrissimum martyrem; exhortemur nosmetipsos, & alios ad relinquendum hunc miserabilem mundum; sed ante omnia agnoscamus cum hoc ipso sancto; si nimio affectu huic vitæ inhæreamus; id aliunde non provenire, nisi ob modicam fidem

Post Dom: 20am 31am post Pent: 415  
 nostram. Accede hodie ad altare, ut ubi de  
 novo animes hanc languidam & debilem fi-  
 dem; roga Christum Dominum, ut adaugeat  
 tibi fidem, & sic crescat etiam in te deside-  
 rium cœlestis patriæ; hocque ipsum deside-  
 rium attentum te faciet ad laborandum con-  
 tinuè, unde in omnibus Deo valeas satisfac-  
 cere; & placere. *Amplectamur diem, qui  
 assignat singulos domicilio suo, qui nos isthic  
 ereptos, & laqueis secularibus exsolutos,  
 paradysò restituit, & regno cœlesti. Quis  
 non peregrè constitutus properaret, in pa-  
 triam regredi? patriam nostram paradysum  
 computemus? parentes patriarchas habere jam  
 cepimus; quid non properamus & currimus,  
 ut patriam nostram videre, ut parentes sa-  
 lutare possimus? ad hos, fratres dilectissimi,  
 avidâ cupiditate properemus, ut cum his citò  
 esse, ut citò ad Christum venire contingat,  
 optemus. Hanc cogitationem nostram Deus  
 videat; hoc propositum mentis, & fidei Do-  
 minus Christus aspiciat, daturus eis gloriæ  
 suæ ampliora præmia, quorum circa se fue-  
 rint desideria majora.* Cypr. ibid.

\* \* \* \* \*

### FERIA QUINTA.

*Ecce Princeps unus accessit, & adorabat  
 eum dicens; Domine, filia mea modò defun-  
 cta est; sed veni, impone manum tuam su-  
 per eam, & vivet.* Math. 9. 18.

DE



## DE MORTE JUSTORUM.

1. Nil eos affligit de præterito.

2. Omnia in futurum consolantur.

**PUNCTUM I.** **Q**Uamvis satis hucusque  
 jam locuti fuerimus de  
 morte, tamen hodie iterum de illâ loque-  
 mur, eo quod evangelium nobis ad hoc oc-  
 casionem præbeat, talisque sit hæc materia,  
 cujus nunquam oblivisci debemus. Confide-  
 ravimus die Ven. hebdom. 9. post Pentec.  
 mortem peccatorum; hodie mortem iustorū  
 examinabimus. Nil utilius nobis proponere  
 possumus, ad acquirendam sanctitatem, quā  
 si mortem sanctorum intelligere studeamus.  
 Quadrans huic studio datus per diem aptus est  
 ad sanandas & corrigendas omnes nostras pas-  
 siones; nil magis mentem & affectum à va-  
 nitate huius mundi avocat, quā seria me-  
 ditatio de morte verè christiana. Conjiciamus  
 igitur oculos nostros supra statum alicujus  
 iusti morientis. Mors ex quacunque parte  
 spectetur, ei utilis est, & proficua. *undecun-*  
*que mors pio bona est*, ait S. August. in Ps.  
 148. n. 11. nil illum cruciat de præterito; quæ  
 futura sunt, non nisi consolationem afferunt.  
 Quo ad præteritum imo. relinquit mundum  
 hunc absque repugnantia, quia vixit in eo,  
 absque affectione ad illum. Divitiæ, hono-  
 res, officia, deliciæ, & voluptates nullam ei  
 causant difficultatem vel molestiam, quia ni-  
 hil horum cor ejus occupavit. Si nil invitè

relinquere vis in morte, disce animum, & affectum tuum adhuc in vita ab iis abstrahere, dicebat S. Hieronymus Eusebius de morte Hieronymi. Visne nihil timere ad adventum terribilem mortis? nil ama in hoc mundo, quod in morte relinquendum est, si quis mundi falsas voluptates, & illusiones agnovit, & bona illius contempnit, ac mature falsis illius promissis renuntiavit, uno verbo, si nunquam felicitatem suam in fruitione creaturarum posuit, absque ulla difficultate, omnia in morte relinquet. *O quanta fiducia morituri!* exclamavit hic ipse sanctus, *quem nullius rei affectus detinet in mundo!* 2do. videt se ad finem miserationum suarum pervenisse. Quid non tolerandum ei fuit in vita sua! jocos pungentes, contemptus injuriosos, calumnias atroces, persecutiones sanguinolentas ex parte mundi. Insultus validos, laqueos, artificia, tentationes violentas, malignas suggestiones ex parte diaboli. Continuum rebellionem, pugnam passionum ex parte carnis. Mors illum ab his omnibus eximit, & securum reddit; *justorum anima in manu Dei sunt, & non tanget illos tormentum mortis; visi sunt oculis insipientium mori; illi autem sunt in pace, Sap. 3. 1. Absterget Deus omnem lacrymam ab oculis eorum; & mors ultra non erit, neque luctus, neque clamor, neque dolor erit ultra, quia prima abierunt. Apoc. 21. 4. 3tio. non* *Medit. Pars Autum. Dd cru-*



cruciat, nec turbat illum memoria peccatorum praeceptorum; considerat enim illa ut submersa in sanguine Christi, *abyssi operuerunt eos*. Studuit fideliter ambulare in via mandatorum Dei, si quandoque erravit, à lapsu statim surrexit, confessus est peccata, prout decebat; expiavit illa per poenitentias salutares; & sic plenus fiducia de misericordia Dei animò prorsus gratò ad Deum ait. *Aux fuisti in misericordia tua populo, quem redemisti; & portasti eum in fortitudine tua ad habitaculum sanctum tuum*, Exod. 15. 13. O quantum lucrum & utilitas in morte; si quis Deo fideliter in vita servierit! sed si nil affligit hominem justum in hora mortis; videamus etiam

**PUNCTUM II.** Quomodo omnia illum consolantur, quæ futura seu secutura sunt. Sperat post mortem suam, secuturam felicem ac beatam immortalitatem, *spes illorum immortalitate plena est*, Sap. 3. Expectat humili fiducia remunerationem bonorum operum suorum. En! quàm generosè S. Paulus Jerosolymam proficiscitur; *vincula & tribulationes* ait, Act. 20. 24. *Jerosolymis me manent, sed nihil horum vereor*. Unde est, quòd hic Apostolus, tanta cum fiducia loquatur? causam hujus alibi dat, quando 2. Tim. 4. ait, *reposita est mihi corona justitiae, quam reddet mihi Dominus justus iudex; non solàm autem mihi, sed & iis, qui*  
di-

*Post Dom: 20am 32am post Pent: 419*  
*diligunt adventum ejus. Talis est fiducia,*  
quam justus per gratiam Dei habet in suis  
bonis operibus, præcedunt ista illum, comi-  
tantur, & sequuntur. præcedunt; quia bo-  
nitatem Dei sollicitant ad aperiendum illi  
cælum, eumque illuc præcedunt ad desi-  
gnandum illi locum; *anteibit faciem tuam ju-*  
*stitia tua; & gloria Domini colliget te,* ait  
Isaias cap. 58. loquendo de homine justo; gau-  
de & lætare; virtus tua anteibit te, & gloria  
Domini te amplectetur; si super lectulo tuo  
mortuali jaces, invocabis eum in auxilium ta-  
um, & ipse te exaudiet; *clamabis & ipse*  
*dicet; ecce adsum;* effudisti elæmosynam tu-  
am in sinum pauperum; consolatus es affli-  
ctum, *& gloria Domini colliget te.* 2do.  
comitantur eum ad mortem. Omnia nos  
relinquunt; parentes, amici; ab omnibus de-  
ferimur; nihil est, nisi sola bona opera nostra,  
quæ fidelem nobis societatem præstant, & tu-  
tos nos reddunt contra terrores hujus ulti-  
mi momenti. *Egredere, quid times?* dice-  
bat S. Hilarion ad animam suam; *egredere*  
*anima mea, quid dubitas? septuaginta propè*  
*annis servisti Christo; & mortem times?*  
Hier. Epist. 15. de vita S. Hilar. sic nem-  
pe invenit homo justus in morte sua conso-  
lationem in bonis operibus suis; quäle gau-  
dium pro ipso, si se in tam pulchra societa-  
te constitutum, coram Deo præsentare, sen-  
sistere possit? 3tio. sequuntur illum; *beati*



*mortui, qui in Domino moriuntur. Apoc.*  
 14. & quare hoc? quia secum portabunt sua  
 bona opera, & quidquid pretiosum habent,  
 illos sequetur; *opera enim illorum sequuntur*  
*illos.* Solitarii & eremitæ! videbitis in comi-  
 tatu vestro solitudinem vestram, vestrum si-  
 lentium, & continuas orationes vestras. Re-  
 ligiosi! invenietis macerationes, mortificatio-  
 nes; & abstinentias vestras. Sacerdotes, Pasto-  
 res habebitis vobiscum labores vestros Apo-  
 stolicos; animas, quas Christo Jesu lucrati  
 estis; populum vestrum, quem instruxistis;  
 hi erunt gaudium vestrum, vestra gloria, &  
 corona. Devotæ animæ! invenietis tunc e-  
 xercitia vestra pietatis, frequentes com-  
 munionem vestras, confessiones exactas &  
 constantem vestram praxin & exercitium  
 perfectissimarum virtutum. Qualis conso-  
 latio pro animabus bonorum operum plenis!  
 propone majorem deinceps in iis exercen-  
 dis fervorem. Visne in exitu tuo ex hoc  
 mundo hanc habere felicitatem, ut non  
 compareas vacuis manibus coram iudice tuo?  
 esto exactus in adimplendis tuis obligatio-  
 nibus; observa fideliter legem divinam, fuge  
 mundum & vanitates illius; doma passio-  
 nes tuas; ama virtutem; applica te deinceps  
 majori zelo in salutem animarum; sint dein-  
 ceptus preces tuæ longiores, confessiones fre-  
 quentiores, vita tua seu modus vivendi re-  
 gularior; uno verbo, vive vitam iustorum,

post Dom. romam 3tiam post Pent. 421

& sic deinde etiam morte justorum morieris. Hanc gratiam pete hodie in præparatione tua ad missam. O Jesu! per tuam pretiosam mortem, cujus nos quotidie memoriam renovare vis in celebratione sanctissimorum tuorum mysteriorum, largire nobis gratiam sic sanctè vivendi, ut vita nostra continua quædam sit præparatio ad mortem; fac, ut studeamus vivere vitâ justorum, sed ut adhuc magis optemus mori morte justorum, quatenus ex hac vita in statu gratiæ tuæ migrando, tecum æternum uniri mereamur in beata æternitate. *Studeamus fratres vivere vitâ justorum, sed morte eorum mori, multò magis desideremus.* Bern. serm. 2. in die Apost. Petri & Pauli.

\*\*\*(\*)\*\*\*(\*)\*\*\*(\*)\*\*\*(\*)\*\*\*(\*)\*\*\*

## FERIA SEXTA.

*Et ecce mulier, quæ sanguinis fluxum patiebatur duodecim annis, accessit retrò, & tetigit simbriam vestimenti ejus; dicebat enim intra se: si tetigero tantum vestimentum ejus, salva ero. Math. 9. 20.*

### DE IMPUDICITIA.

1. Quàm contrarium sit hoc vitium sanctitati statûs nostri.
2. Qualem pœnitentiam agere debeat clericus, si post ordinationem suam in illud lapsus sit?

PUN.



## PUNCTUM

I. **C**Hristus Jesus accedens ad principem Synagogæ, ut filiam illius à mortuis suscitaret, sequentem post se habuit mulierem, quæ duodecim annis fluxu sanguinis afflicta, propius ad illum accessit retrò, tetigitque fimbriam vestimenti ejus; quia dicebat intra se; *si tetigero tantum vestimentum ejus, salva ero.* Mulier hæc pro remuneratione, & præmio suæ fidei & humilitatis, quantocius exoptatam sanitatem consecuta est. Morbus iste mulieris hujus hæmorrhoidæ denotat turpe illud vitium impuritatis, & effrænæ libidinis, de quo alias jam egimus. Quia verò vitium hoc adeò contrariatur sanctitati statûs clericalis, perutile erit considerare hic ex occasione mulieris istius miserabilis, quæ ausa non fuit ad Christum accedere, nisi solummodò retrò, & quasi furtivè, quantum nos à Christo disjungat, & separet hoc infame vitium. Tantum erga illud horrorem habet Salvator, ut non contentus elegisse virginem in matrem suam, nunquam passus fuerit vel minimum quid sibi, neque discipulis suis, objici circa hanc materiam; passi sunt omnis generis injurias & persecutiones, nullus tamen unquam ausus fuit, eos de aliqua impudicitia accusare, ait S. Chrysost: hom. 10. in 1. ad Tim. etiam ecclesia adeò abhorret ab hoc vitio, & tantam erga illud aversionem habet, ut temper excluderit à S. mini-

ste-

Aerio illos, qui illius rei probabantur, possem citare plura Concilia, quæ etiam illos SS. Ordinibus indignos consulerunt, qui etiam videbantur pœnitentiâ desuper egisse; Concil. Carth. 4. c. 4. Concil. Eliter can. 25. ratio est, ait S. Siricius Pâpa ep. 1. c. 14. Tom. 2. Concil. p. 1017. quia quæcumque putantur puritatem per exercitium pœnitentiæ acquisivisse, hæc tamen semper inferior est puritate illâ, quam Deus à suis ministris exigit; *quævis sint omnium peccatorum contagione mundati, nulla tamen debent gerendorum sacramentorum instrumenta suscipere, qui dudum fuerunt vasa vitiorum.* Concil. Trid. sess. 23. de ref. c. 3. quod omnia à prioribus conciliis circa mores clericorum sancta, iterum confirmavit, statuit, neminem subdiaconum ordinari posse, nisi sub hac conditione; *habentes bonum testimonium, & in minoribus ordinibus jam probati, ac litteris, & iis, quæ ad ordinem exercendum pertinent, instructi, qui sperent, Deo authore, se continere posse.* Certum est, quod attendi quidem debeat, qualis sint scientiæ? sed ad quid serviet quæcumque scientia & talenta aliâs egregia, si virtus desit? quòd ipsum S. Bernardus Brunoni, electo Episcopo Coloniensi respondit, à quo fuerat consultus, quid sentiret de hac sua electione. Quia nempe hic Neo-electus in sua epistola sincerè omnia confessus fuerat, quæ prius deliquerat,

re-



respondit illi sanctus hic Abbas, Ep. 8. ad Brun. Colon. electum, se magnam pati difficultatem, quid consilii dare deberet. Videri quidem electionem hanc acceptandam, si illius qualitates naturales, scientiæ, & nobilitatis, considerentur, quòd & ipsa electio tantâ concordia fuerit facta; *sed dubium reddit consilium, illa in litteris tuis humilis, sed terribilis confessio, quâ vitam tuam, tam graviter ( & ut credo ) non nisi veraciter accusas, horreo, fateor considerans, unde: & quòd votaris; præsertim, cùm nullum intercurreret penitentia tempus, per quod utrûque bujuscmodi periculosissimus transitus fiat.* Judica ex hoc, quid timendum sit iis, qui transactâ juventute suâ in effrœnatâ vitæ licentiâ, ingredi dein volunt in ipsum sanctuarium. Sed quia fieri potest, ut quis etiam post innocentem ingressum, postea primùm infidelis evadat, & in hac materia delinquat

PUNCTUM. II. Videamus modò, quid faciendum clerico, qui post suam ordinationem, ut diaconus, vel sacerdos, aut pastor infeliciter animam suam contaminavit pendendo hoc vitio, de quo hîc nobis sermone tutissimum erit, ut à sacris functionibus derinceps abstineat, & curæ animarum renuntiet, si parochus sit; itâ concilia sacrosancta statuere, si quis presbyter, aut diaconus fuerit fornicatus, aut machatus, projiciatur, & angat penitentiam, ait concilium Neo-Cæsareæ  
ha

post Dom romam 3tiam post Pent: 425  
habitum, cap. 1. concilium Aurelianense ita  
habet, c. 6. *si episcopus, presbyter, aut dia-*  
*conus! capitale crimen commiserit, ab officii*  
*honore depositus, in monasterio retrudatur.*  
Nemo autem dubitat, quin impudicitiae cri-  
men sub nomine criminis capitalis compre-  
hendatur. Non faciam discrimen inter vitam  
dissolutam clericorum, utrum publicè nota  
vel adhuc occulta sit; sufficit enim, quòd  
etiam concilia hæc non distinxerint; sed so-  
lummodò cum SS. PP. adverto, quòd, cu-  
juscunque demum naturæ sit incontinentia il-  
lorum, si verè poenitere velint, primus effe-  
ctus gratiæ divinæ, eos intus moventis sit,  
ut abstineant à suis sacris functionibus, quo-  
usque Deum placaverint, ejusque mitiga-  
verint iram, injuriàmque ei illatam repara-  
verint. *Vae ministris infidelibus, qui nec-*  
*dum reconciliati, reconciliationis aliena*  
*negotia, quasi homines, qui justitiam fece-*  
*runt apprehendunt!* exclamat S. Bernard. de  
convers. ad cleric. c. 19. *Vae filiis ira qui*  
*se ministros gratiæ profitentur! vae filiis ira,*  
*qui ambulantes in carne, Deo placere non*  
*possunt & placere velle præsumunt.* Non suffi-  
cit, si minister ecclesiæ in tale crimen lapsus,  
se à S. altari separet; debet insuper toto  
hoc tempore facere fructus dignos poeni-  
tentiae. En quid S. Hieronym. à virgine  
quadam similiter lapsa exigat. *Lugubris*  
*tibi accipienda est vestis,* ait, ad Susannam  
la-



lapsi. objurg. Tom. 4. & manus, & membra  
singula dignâ castigatione puniendâ, ampu-  
tentur crines, qui per vanam gloriam occasi-  
onem luxuriæ præstiterunt. Defluant oculis  
lacrymæ, qui masculum non simpliciter aspec-  
xerunt; palleſcat facies, quæ quondam irru-  
buit impudicè, totum denique corpus injuriis  
& je juniis maceretur; cinere aspersum &  
cilicio perhorrescat, quia malè sibi de pulchri-  
tudine placuit &c. Grandi plagæ, altâ & pro-  
lixâ opus est medicinâ; grande scelus gran-  
dem habet necessariam satisfactionem; in-  
habere pœnitentiæ usque ad exitum vitæ tuæ.  
Anne nimium exigeretur à sacerdote, longo  
tempore in lecto infamium voluptatum pri-  
us transactò, si similis ab eo pœnitentia pe-  
reretur? non, non. *Ferat, ferat*, ait S. Chry-  
sologus, serm. 167. *Amaram pœnitentiæ cu-  
ram, qui servare debitam noluit sanitatem.*  
Minatur Deus impœnitentibus peccatoribus,  
quòd in fine sæculorum eos à se repellere ve-  
lit; *discedite à me*. Ut huic funestæ sententiæ  
non subiaceas, si taliter lapsus fuisses, oportet,  
ut ex vera pœnitentia & dolore peccatorum  
tuorum, similem contra te sententiam pro-  
nunanties, *discedite à me*. Dicere debes iis,  
quæ intimè amasti; discedite lusus, discedite  
voluptates & deliciæ; absint lauta & oppara  
convivia, cessent societates & conversatio-  
nes mundanæ; discedite à me omnes crea-  
turæ illæ, quibus tantum amorem hucusque  
im-

*post Dom. 20am 3tiam. post Pent: 427*  
impendi, cum præjudicio amoris illius, quem  
Deo meo debueram impendere; æternum  
vobiscum facio divortium, *discedite à me.*  
Volo insuper etiam innocentibus deliciis, &  
recreationibus carere, ita enim dispositus esse  
debet verus pœnitens. *Tantò debet à se li-*  
*cita abscindere, quantò se meminit, & illi-*  
*cita perpetrâsse.* S. Greg. hom. 20. in Evan.  
Roga Deum ut spiritum hunc pœnitentiæ  
omnibus clericis concedere dignetur, qui à  
sanctitate statûs sui desciverunt. Si tu con-  
stans & fidelis permansisti, non debes, nec  
minùs humilis, nec minus pœnitens esse; cer-  
tus esto, quod non nisi Dei misericordiâ huc  
usque præservatus fueris. Ora & obsecra  
illum, ut in finem usque te custodiat, de quo  
facere potes præparationem tuam ad Missam;  
& quamvis ad finem cujusque meditationis  
invenias adhortationem aliquam, ut ad SS.  
mysteria accedas, noli tamen oblivisci; o-  
portere, ut quandoque ex humilitate absti-  
neas, præsertim si in conscientia tua agnoscas  
necessarium esse, ut per pœnitentiam puri-  
ficeris, memor hujus sententiæ; *qui agno-*  
*scens reatum suum ipse se humiliter ab al-*  
*tari ecclesiæ pro emendatione vitæ remove-*  
*re voluerit, ab æterno illo & cœlesti convivio,*  
*excommunicari penitus non timebit* S. Aug.  
serm. 152. de temp.



## DIE SABBATHI.

*Recedite; non est enim mortua puella, sed dormit; & deridebant eum. Math. 9.*

## DE IRRISIONIBUS.

1. Quam peccaminosæ sint.
2. Et quam indignæ clericis.

PUNCTUM I. **L**Oquamur hodie de  
irrisiõibus ex occa-

sione istorum libertinorum, qui Christum Dominum irriferunt; & *deridebant eum*. Ostendit nobis Salvator, quàm sibi displiceat modus iste talium irrisorum, siquidem eos è domo principis Synagogæ eiecit, ubi convenerant & congregati erant, tanquam indignos, qui miraculum illud, quod patraturus erat, viderent. Abominationi Deo esse tales irrisores docet Salomon, Prov. 3. 32. & 34. *abominatio Domini est omnis illusor &c. Ipse deludet illusores*. Irrisio, vel illusio igitur, magnum peccatum est in oculis Dei; & ut ritè de eo iudices, duo consideranda sunt in hoc peccato; illius malignitas in suo principio, & funestæ illius sequelæ. Unde nascitur communiter irrissio? ex levitate, vanitate, præcipitantiâ, invidia, impietate &c. Quòd nempe quis plenus sit ideis nescio quibus, de suis propriis meritis, ex spiritu quodam satyrico, malè affecto, qui nulli parcere scit, nisi personis gratis & acceptis; quique quasi exlex foret, & dispensatus ab omni lege civitatis, & christianismi, inso-

lenter omnes aggreditur, & pungit, quasi rem aliis gratam facturum, & ut ipse pro illis estimetur; uno verbo: *cum verba omnia à cogitatione & moribus emanent*, ait S. Clemens Alex. l. 2. pædag. c. 5. *feri non potest, ut verba aliena amittantur ridicula, quæ non procedant à moribus ridiculis*. Sed, si peccatum hoc grande est in suo principio, majus adhuc est propter illa, quæ ex tali irrisione seu illusione sequuntur. Quæ non ex tali subsannatione excessus & scandala oriuntur? irrisus, & subsannatus sit negligens; perdit omnem gustum religionis & pietatis; illusio est mater actionum turpium, excitat vindictas, querelas, inimicitias; quia cum nemini placeat, si irrideatur, & illudatur, rarum est, quod is, qui ita offenditur, contra illusorem & derisorem suum non concipiat aliquam aversionem; non tam facile invenire est homines tam patientes prout Job fuit, quique ejusmodi irrisiones, & amaras illusiones, aquæ instar, bibant, & deglutiant; *quis est vir, ut est Job, qui bibit subsannationem, quasi aquam?* Job 34. O quam funestos affectus talis irrisio & subsannatio producit! vide, utrum non etiam huic defectui obnoxius sis; scio, dari jocos innoxios, & innocentes; verba acuta & ingeniosa, quæ charitatem lædant, neminem scandalizent, neminem contristant, scio, occasionem dari, in quibus liciti sint quandoque jo.



joci, si e. g. refutandus sit error quidam, & mendacium, quia uti possumus tunc doctrinâ Tertulliani, qui advers. Valent. ait *congruit veritati ridere, quia latans; & de amulicis suis ludere, quia secura est.* Sed ordinari loquendo ejusmodi irrisiones peccaminosæ sunt, si nimirum graves proximo accidunt, & offensivæ. Nunquam usus es talibus, ex quodam contemptu, & ad finem proximum contemptui exponendi? adhuc peccaminosiores sunt, si fidem, res sanctas, personas Deo sacras; aut pias, & devotas concernant, & aggrediantur. Nunquam lapsus es in hanc impietatem, quæ non nisi impostoribus illis, ac præcursoribus Antichristi convenit? *in novissimo tempore venient illusores, secundum desideria sua, ambulantes in impietatibus.* Epist. Judæ. Postquam te ipsum desuper examinaveris.

PUNCTUM II. Considera, quàm indignum res sit clerico, talibus irrisionibus & illusionibus vacare; *omnis immundicitia nec nominetur in vobis sicut decet sanctos, aut turpitudine, aut stultiloquium, aut scurrilitas, quæ ad rem non pertinet.* Ephes. 5. 3. Et quid S. Paulus communibus christianis, seu simplici populo prohibeat; collige exinde, utrum clericis permissum sit uti verbis ejusmodi inhonestis, frivolis narrationibus, impertinentibus joci, & irrisionibus, quibus vel maximè his temporibus locus est in visitati-

onibus & conversationibus, expende parum-  
per tecum hæc verba S. Bernardi, l. 3. de  
confid. c. 13. *inter saculares nugæ, nugæ  
sunt, in ore sacerdotis blasphemiæ &c. Con-  
secrasti os tuum evangelio; talibus jam a-  
perire, illicitum; assuescere, sacrilegum est;  
labia sacerdotis custodient scientiam, & le-  
gem requirent de ore ejus, non nugas profe-  
rò vel fabulas, verbum scurrile, quod fa-  
ceti, urbanive nomine colorant, non sufficit  
peregrinari ab ore; procul & ab aure rele-  
gandum; fadè ad cachinnos moveris; fadius  
moves.* Non potest quis dedere se, ejusmo-  
di stultis, & indiscretis gaudiis, multò mi-  
nùs alios per talia ad cachinnos movere, quin  
modestiam lædat, quæ est character statûs  
nostri, quin ad quamdam dissolutionem de-  
veniat, quin notabiles plagas & vulnera in  
anima sua patiatur; impossibile est, ut quis  
non reportet dissipationem, turbationem, in-  
quietudinem, languorem in servitio Dei,  
quin spiritus orationis, qui est vita nostra,  
extinguatur. Quomodo redibit talis in præ-  
sentiam Dei? quomodo reassumet exercitia  
seu sacras occupationes suas? contrahitur per  
taliam talis denique licentia, & libertas, quæ  
se diffundit in totum corpus omnium acti-  
onum nostrarum, & sæpè totum vitæ nostræ  
statum corrumpit. Debentne ergo conver-  
sationes nostræ semper solummodò seriæ esse?  
nunquam ergo permissum est, aliquid græ-



riofum seu jocosum dicere? sint discursus nostri hilares & accepti, sed hilaritate, & gravitate aliqua spirituali, ac sale sapientiæ evangelicæ conditi, ità, ut limites modestiæ semper observentur; præsertim autem in præsentia sæcûlarium cauti esse debemus; ità ut œdificentur per moderationem, & circumspersionem nostram, facillèque notare possint, quàm profundè nobis insculptam debeamus obligationem nostram. Ante omnia autem cavendum, ne unquam verbis S. Scripturæ pro joco abutamur; species enim aliqua esset sacrilegii, quod nihilominus valdè commune est inter clericos; hinc concilium Trid. sess. 4. expresse prohibet hoc, & pro profanatoribus verbi divini temerariis habet omnes illos, qui ejusmodi sacris textibus seu verbis ad ejusmodi jocos, & ut aliis risum moveant, abutuntur; ad scurrilia, vana, fabulosa; præcipitque episcopis, ut contemptum hunc, & irreverentiam istam severe puniant. Propone igitur firmiter, quòd ab ejusmodi jocis omnino abstinere velis, non solum, qui Deum & proximum offendunt, sed etiam ab iis, qui innocentes videntur esse; quia difficile est, tam exactam observare mensuram, ut quis non excedat; in proclivi stat talis, & tam parum abest quis ad labendum in vitiosam licentiam & libertatem; ad ledendam charitatem proximo debitam, ad perdendam gravitatem statui-

nostro convenientem, ut brevior via non superfit talia evadendi, quàm ut quis omninò abstineat ab ejusmodi; fac igitur reflexionē super istis in præparatione tua ad Missam. Functio sacerdotalis, quam ibi exerces memorem te facere debet, tales jocos minimè convenire ministro alicui Dei crucifixi; legimus quidem de ipso, prout aliàs notavimus ex SS. PP. quòd sæpiùs fleverit, nunquam tamen, quòd riserit, obligatio est, ut illum imiteris, & ut à te longè repellas ejusmodi stultas facetias, irrisiones, illusiones, jocos pungentes, & offensivos; inque gemitus & planctus effundaris ob peccata tua. *Hæc à sanctis viris penitens propellenda, quibus magis convenit flere atque lugere.* S. Hier. in ep. ad Ephes.

DOMINICA VIGESIMA QUARTA  
POST PENTECOSTEN.

De oratione continua clericorum.

*Fratres non cessamus pro vobis orantes.*

Coloss. 1. 9

1. Nunquam cessare debent ab oratione pro populo.
2. Omnes illorum functiones sunt occasio renovandi preces suas.

PUNCTUM I. **G**ratias Deo agamus,  
quòd tam ardentem  
pro oratione amorem in corde S. Pauli  
*Medit. Pars Autum.* Ee ac-



accenderit. Magnus hic Apostolus magis indefessus, quàm Moyses, manus suas continuò in cœlum porrectas tenebat, ut gratias exinde faceret descendere, & misericordias super fideles. Faciebat hoc non solum pro Synagoga & solis judæis, sed pro Ecclesia Christi per totum mundum diffusa; pro judæis & gentilibus; pro græcis & barbaris; pro provinciis, pro urbibus, & personis etiam minimis. Erat vita illius continua quædam gratiarum actio pro jam obtentis. Potuissentne pastoribus & ministris Ecclesiæ modo quodam efficaciori demonstrare unam ex principalioribus ipsorum obligationibus esse, ut orent pro necessitatibus suorum, quorum cura ipsis incumbit? S. Bern. non veretur dicere, Epist. 201. hanc esse nostram primariam, & maximi momenti obligationem, & prædicationi ac bono exemplo præstare; *manent tria hæc, verbum, exemplum, oratio; major autem his oratio est. Nam, etsi vocis virtus sit opus & operi tamen & voci gratiam, efficaciamque promeretur oratio.* Per prædicationem, & per exemplum plantatur & irrigatur, sed totum hoc nihil est, si incrementum Deus non dat; hoc ipsum autem est, quod obtinebimus per preces ardentes, & humiles gemitus. Inclamando ipsius misericordiam, & instanter illum obsecrando, misericordes oculos suos ad animas curæ nostræ commissas

converteret; sic benedicet curæ, & laboribus nostris; sic impediemus, ut peccata nostra non sint obstaculo, & cursum gratiarum suarum non impediant; sic ministerium nostrum utile & fructuosum efficiemus. Væ igitur nobis, si pro populo Christiano non oremus, quia necessitas ista imposita nobis est per sacrum illum characterem, quo insigniti sumus; dicamus itaque cum Samuele; *absit à me hoc peccatum in Dominam, ut cessem orare pro vobis.* 1. Reg. 12. 23. Oratio thesaurus noster est, ait S. Chrysost. hom. 30. in Gen. *preces, magnus thesaurus;* thesaurus inexhaustibilis, qui nunquam magis accrescit, quam si sollicitiores simus illò utendi, quique exsiccat, si claudatur. Constanter itaque illum apertum teneamus pro omnibus Ecclesiæ necessitatibus; pro veris indigentis fratribus nostrorum, pro miseris nostris particularibus, & pro tantis excessibus, qui in populo christiano regnant, quique nos summo dolore afficere deberent; *nostrum ergo sit opus, continuis insistere precibus,* concludit. S. Chrysost. & *agrè ferre, quod differatur, quod petimus.* Verum, quia non nisi frequenter nos excusare, & nescio quæ prætereundum solemus, ut circa hoc dispensatos nos credamus;

PUNCTUM II. Notandum, clericos nullum habere obstaculum, à quo impediatur semper orare, nulli melius observare



possunt hæc verba Sapientis, Eccles. 18. 22. quàm ipsi; *non impediaris orare semper.* Omnes illorum functiones; totidem occasiones sunt & media renovandi orationes suas & cum Deo conversandi. Melior pars vite ipsorum in ecclesia transigitur, plures occasiones se offerunt, ubi aliud facere non debent, quàm orare; ut, si aliquam functionem Ordinis peragere, Missam celebrare, Breviarium recitare, cantare divinum officium debent. In aliis occasionibus, ubi oratio conjungenda est cum actione, oportet, ut cor oret, & semper oret; *orantes omni tempore in spiritu.* Ephes. 6. 18. Nota S. Paulum, nullum tempus determinasse; oportet orare de nocte per intervalla, quæ nobis à somno libera sunt, ut ità impediamus cogitationes malas; oportet orare de die, per intervalla, à negotiis & functionibus libera, humiliter Deum rogando, ut dignos nos ministros suos facere dignetur; *frequenter ora, ut Deus te dignum efficiat, neque interdiu, neque noctu sis otiosus, & cum somnus ab oculis recesserit, tunc mens vacet orationi.* Cyrill. Jerosol. præf. in Catech. Habemus occasionem orandi non solùm, quando ad altare servimus, sed etiam toties, quoties sacramentum aliquod administramus. An non confessionale origo & fons inexhaustus lacrymarum, & gemituum sit? si vel parùm consideremus quantum Deus offendatur, & quàm modica poe-  
niæ

nitentia placatur? si corrigendi sint peccato-  
res, utiliter id haud fieri potest sine oratione,  
judicem hujus rei advoco unum è sanctissimis  
ecclesiæ pastoribus, qui melius scivit, quàm  
nos, unde conversiones oriantur. *Ut adver-*  
*tant, monemus,* ajebat S. Augustinus serm.  
2. de V. A. *ut instruantur, docemus, ut*  
*convertantur, oramus.* Si concionari, & po-  
pulum instruere oportet, orare pro illis de-  
bemus, ut idipsum opere exequantur, quod  
eos docemus; *quod peto à vobis,* dicebat  
S. Aug. serm. 7. de V. D. *rogo det vobis.*  
Omnes, uno verbò actiones, & functiones  
nostræ incipere, & desinere debent ab ora-  
tione; sine hac nequidem os ad loquendum  
aperire debemus; hinc est, quòd ecclesiæ  
præscripto toties hoc repetere debeamus;  
*Domine labia, meâ aperies, & os meum an-*  
*nuntiabit laudem tuam.* Ps. 50. O quot  
occasiones habemus multiplicandi preces no-  
stras, sed quàm infelices essemus, si iis benè  
uti negligamus. Culpabiles & debitores su-  
mus quoad omnes illas gratias, quibus ex  
hac nostra negligentia populus curæ nostræ  
commisus privatur, huic defectui imputan-  
dus est tam modicus successus & fructus in-  
structionumstrarum; si solliciti essemus, ut  
mediante oratione veritate salutis prius cor  
nostrum penetrarent, sperare possemus, nos  
& auditoribus nostris tales persuasuros; fran-  
gere possemus illis cum benedictione hunc



facium panem; vim & efficaciam habitura essent ab oratione verba nostra, ad convertendas, & confringendas animas etiam induratas; illa nobis aperta esset via ad secreta conscientiarum, ad agnoscendum, utrum à gratia, vel à cupiditate moveantur; spiritus seu intellectus noster illuminaretur luce cœlestis cuiusdam prudentiæ; ad manus nobis forent rationes, quibus incredulos convincamus; industria, vis, & mansuetudo, ad persuadendum peccatoribus pœnitentiam, & ad obtinendam nobis benedictionem, quâ indigemus, ad exercendum ministerium nostrum tali modo, qui & nobis, & aliis proficius & utilis foret. Pro Missa; roga Christum Dominum, ut faciat te hominem orationis, & quidem orationis continue, plenum bonis cogitationibus & piis desideriis, ad exemplum Danielis; *Daniel vir desideriorum*. Dan. 10. Domine Deus! fac nos tales per gratiam tuam, quaecunque occupationem aut negotium præ manibus habeamus, fac, ut simul in corde, ac internè oremus; & ut fideliter idipsum praxi observemus, quod quotidie cum propheta repetimus; *concupivit anima mea desiderare justificationes tuas in omni tempore*. Ps. 118.

## FERIA SECUNDA.

*Et postulantes, ut impleamini agnitione voluntatis ejus in omni sapientia, & intellectu*

*Et spirituali, ut ambuletis dignè Deo, per omnia placentes, in omni opere bono fructificantes, & crescentes in scientia Dei. Coloss. 1. 9. 10.*

### MEDIA PROFICIENDI IN PERFECTI- TIONE.

1. Benè agnoscere statū, & obligationes suas.
2. Sæpius se desuper reflectere.
3. Venire ad ipsam praxin.

**PUNCTUM I.** **I**ntelligentia, & sapientia, quam S. Paulus Colossensibus optat, amoris scientia est, quæ plus ardoris & caloris, quàm illuminationis habet; plus de corde, quàm ab intellectu procedens; à qua potius sancti, quàm sapientes redduntur. *Non cessamus orare pro vobis, ut impleamini agnitione voluntatis ejus in omni sapientia & intellectu spirituali, ut ambuletis dignè Deo per omnia placentes &c.* Coloss. 1. En! quid Apostolus huic sibi charo populo optet, quod & nos iis optare debemus cum ipso, quibus evangelium prædicamus. Christus Jesus venit in hunc mundum, *ut mundaret sibi populum acceptabilem, sectatorem bonorū operum.* Tit. 2. 14. Clerici, utpote ministri illius, debent laborare pro perfectione populi christiani; sed quomodo laborabunt, si ipsi non studeant, & allaborent fieri boni & perfecti clerici? videamus in præsentī media quædam, ad eam perveniendi. Primum est, ut quis benè intel-



intelligere studeat statum suum, & ad quid vi-  
 illius obligetur; nil magis commune, & or-  
 dinarium def. c. d. est in mundo, quàm for-  
 mare sibi falsam ideam de statu clericali.  
 Hinc est, quòd adeò temerariè plurimi illum  
 amplectantur, & consequenter infelici qua-  
 dam tranquillitate in eo vivant, parùm so-  
 liciti de hoc, ut obligationibus hujus statûs  
 sui satisfaciant. Ad benè cognoscendum sta-  
 tum nostrum non debemus illum nobis ima-  
 ginari tanquam statum aliquem commodû,  
 & facilem, sed ut laboriosum, plenum in-  
 commoditatibus & molestiis, qui multis ac  
 bonis talentis, & virtutibus indigeat, & non  
 modicas vires, & magnam generositatem re-  
 quirat. *Ego dedi te hodie in civitatem*  
*munitam, & in columnam ferream, & in*  
*murum æreum &c. Bellabunt adversum te,*  
*& non prævalebunt, quia ego tecum sum, ut*  
*liberem te.* Jerem. 1. 18. En! quomodo Deus  
 ad quemdam pastorem veteris legis loquatur.  
 Non considerârunt sancti sacerdotium, ut lo-  
 cum, seu statum quietis, sed tanquam onus  
 valdè grave & ponderosum; *tanquam onus*  
*angelicis humeris formidandum,* ut ait con-  
 cil. Tridentin. En! quomodo S. Chrysost.  
 seipsum explicet ad quemdam suum ami-  
 cum, l. 6. de sacerdot. c. 9. dum mihi locu-  
 tus fuisti de episcopatu; *ingens pavor ani-*  
*mi meum occupavit.* Contremuerunt sancti  
 illi, fugam arripuere, sibi ipsis diffidebant, ac  
 de-

defectus in officio sibi commisso & concredito à se commissos, sibi ipsis exprobrabant. Quæso, unde tantus pavor, si nil est in statu ecclesiastico, nisi commodum, & gratum? quare fugam arripuere, si nullum statui ecclesiastico inest periculum? quare sibi ipsis diffidant, dum interim alii absque talentis necessariis nullam putant se invenire difficultatem in exercitio functionum sacrarum, etiam maximi momenti? cur tot inquietudines? an errant quoad hoc sancti? minimè; sed potius nos fallimur, & nosmetipsos fallimus; ipsi viderunt, nos cæci sumus & nil videmus; ipsi videbant, manifestum esse, perire velle eum, qui se in statum quemdam ingerit, cujus deinde obligationibus non satisfaciatur;prehenderunt in functionibus ecclesiasticis difficultates in magno numero, quæ terrere possint, & debeant, etiam aptissimos, capacissimos, & zelosissimos quoque, qui rem penitus, & negotium hoc inspexerunt; considerant terribilem illum diem quasi in proximo adfuturum, quo rationem reddituri sunt de tempore, de bonis suis, de suis occupationibus, de officio, de defectibus, & erroribus à se commissis, & quos alii innumeri commisere, quibus illi auxilium ferre; & mederi debuissent, en quid eos adegerit, tanto cum fervore laborandi pro salute sua propria, & aliorum; id ipsum etiam nos nobis persuadeamus, si in



virtute proficere, & statui nostro satisfacere velimus, quia autem non sufficit, aliquam tantum de hoc habere cognitionem, & agnitionem.

**PUNCTUM II.** Frequenter nos reflectamus desuper. Bonus clericus quotidie certum sibi tempus seligit, quo ab aliis curis & sollicitudinibus liber secum expendat, & consideret, ad quid obligetur. Exercitium hoc tale est, ut non possit nobis satis commendari, & ut quanti momenti sit, comprehendamus, examinemus modum vivendi, & agendi omnium illorum clericorum, qui fideliter muneri suo satisfacere student, & id videbimus, per quod in bono statu conservantur, aliud non est, quam meditationem obligationis suae; vigilantiam continuam, & exactam curam, ac sollicitudinem tales formandi resolutiones & proposita, quae praesentibus necessitatibus congruant: & studiosam sui ipsorum observationem. Non est exhortatio in S. scriptura, quae pluries repetatur, nisi haec, ut nos supra nosmetipsos saepius reflectamus, & serio meditemur, quanam sit nostra obligatio? *fili mi, ausculta sermones meos*, ait Sapiens. Prov. 4. 20. & 21. *& ad eloquia mea inclina aurem tuam; sufficitne hoc? non; ne recedant ab oculis tuis; custodi ea in medio cordis tui.* Vult per hoc nobis indicare, verba à nobis audita parvum fructum productura, si quis non curet sollicite,

citè, primam illam impressionem conservare, & efficacem reddere per serias & reiterate reflexiones. Clericus, qui contentus est hoc solo, quòd superficialiter solummodò consideret, & sciat ad quæ obligatus sit, brevi obliviscetur eorum, quæ scivit; similis enim est, *homini consideranti vultum suum in speculo; consideravit enim se, & abiit, & statim oblitus est, qualis fuerit.* Jac. 1. 23. Non est alia via effugiendi hanc infelicitatem, quam ut quis sæpius se supra seipsum reflectat, & seriò meditetur, quid Deus ab ipso velit, & exigat, qui autem perspexerit in legem, pergit S. Jacobus, *perfectam libertatis; & permanserit in ea, non auditor obliuiosus factus, sed factor operis, hic beatus in facto suo erit.* Sæpius igitur talia meditemur; non est medium opportunius ad acquirendam perfectionem, & sanctitatem, *ambula coram me, & esto perfectus,* ait Deus ad Abraham. Gen. 17. 1. Propheta regius valdè exactus & sedulus erat in hoc exercitio; ait se jugiter Deum sibi præsentem habuisse; considerasse illum tanquam ad dexteram suam; hancque fuisse rationem, quòd fuerit immobilis. Alius propheta ait; *indicabo tibi, o homo, quid sit bonum, & quid Dominus requirat à te &c. sollicitè ambulare cum Deo tuo.* Mich. 6. 8. Quia verò reflexiones istiusmodi utuntur frequentes, nihilominus non sufficiunt, nisi resolutio aliqua, seu ipsa praxis sequatur. PUN-



PUNCTUM III. Tertium medium, quod nos infallibiliter ad perfectionem perducet, est, ut ad praxim ipsam deveniamus; in hunc finem oportet in ordinem redigere domum suam, tempus, & occupationes. Domus clerici debet esse instar ecclesiæ; ubi omnia ex ordine fiant, uti quilibet bonis operibus intendat, Deoque & proximo servire studeat; *si quis domui suæ præesse nescit*, ait S. Paulus 1. Tim. 3: *quomodo ecclesia Dei diligentiam habebit.* Nulla clericis convenientior mansio seu habitatio est, nisi in seminariis; hæc sunt porta salutis, & securum asylum contra corruptionem, quæ in mundo regnat; quia verò non omnes in seminariis manere possunt, hinc oportet, ut domum suam faciat seminarium clericus, vivendo in solitudine, fugiendo societates periculosas; præsertim vitiosorum clericorum, qui sæpè longè pejores & deteriores sunt ipsis etiam sæcularibus, etiam valdè dissolutis. *Agnoscite*, ait S. Bern. serm. 1. de convers. S. Pauli & *expavescite consortia eorum, qui salutem impediunt animarum.* Item ordinem & certum tempus præfigere debet occupationibus suis. Oratio, studium, conferentiæ scientificæ & devotionis, exercitia functionum clericalium, labor & cura pro salute animarum, ista sunt, in quibus consumere debet clericus tempus suum; si conservare velit statum suum, & satisfacere cha-

*Post Dom: 20am 4tam post Pent: 445*  
characteri suo. Ah! quàm deplorandus est  
clericus, qui dictâ Missâ, & recitato ex con-  
suetudine Breviario suo, cum modica at-  
tentione, non scit, quomodo se ulteriùs oc-  
cupare debeat! quid? nullam aliam habes  
occupationem? an non scripturam S. legere  
potes? nullos habes ægros, quos console-  
ris? nullos ignorantes, quos instruas? pec-  
catores quos convertas? doctrinam sanctam,  
quam mediteris, theologos morales, quos  
consulas? nullam habes ergo occupationem?  
quid itaque facere vis? ludere, venationi  
vacare, foras ambulatum ire, frequentare  
convivia, & societates, & consortia sæcu-  
larium? éstne hic modus vivendi vocationi  
tuæ & statui conveniens? pete veniam à  
Deo, quòd hucusque tam parùm laborave-  
ris pro perfectione tua, esto imposterum fi-  
delior in regulanda vita tuâ; cognosce & in-  
tellige melius statum tuum, & obligationes  
illi annexas; sæpiùs te desuper reflecte,  
quotidie bona proposita fac; esto exactus  
in iis observandis, ut sic per hoc medium ad  
perfectionem, quam Deus à te requirit,  
pervenias; id quod præparationi tuæ ad Mis-  
sam, si hodie celebres, servire potest. Do-  
mine Deus, qui vis, ut ministri tui perfe-  
cti sint, quibus etiam alios limites, &  
exemplar non ponis, quàm tuam propriam  
sanctitatem; *sancti estote, quia ego sanctus*  
*sum &c. Levit. II. 44. estote ergo perfecti,*  
*sc-*



sicut & Pater vester celestis perfectus est,  
 Math. 5. 48. adjuva debilitatem & infirmitatem meam; perfice gressus meos in semitis tuis, ut non moveantur vestigia mea. Pl. 16. 5.

\* \* \* \* \*

### FERIA TERTIA.

Gratias agentes Deo Patri, qui dignos nos fecit in partem sortis sanctorum, in lumine, quæ eripuit nos de potestate tenebrarum, & transtulit in regnum Filii dilectionis suæ, in quo habemus redemptionem, per sanguinem ejus, remissionem peccatorum. Colos. 1. 12. &c.

#### DE BENEFICIO REDEMPTIONIS.

Debet nos excitare: 1. Ad gratitudinem erga Deum.

2. Et zelum nostrum pro salute animarum.

PUNCTUM I. Qualem amorem, qualem gratitudinem in cordibus nostris excitare debent verba ista; gratias agentes Deo Patri &c. Docet nos S. Paulus nunquam oblivisci inæstimabile beneficium vocationis nostræ ad fidem christianam; & ut continuo gratias agamus Deo; quod illuminare nos dignatus sit purissimo lumine veritatis suæ, in sinu ecclesiæ, quæ est regnum Filii tui dilectissimi, dum interim tot aliæ gentes in tenebris, & in umbra mortis jacent & vivunt, & etiam plurimum qui Jesum Christum agnoscunt, noménque christi

christianorum habent, portant, & tamen in schismate, hæresi, & damnatis erroribus defixi hærent, & consequenter iudicium idolatrarum portabunt, qui jam sunt damnati. Qualem, quantamque Deo gratiarum actionem pro tam eximio beneficio debemus. Sed ultra progrediamur, & cum Apostolo ipsam radicem, & originem felicitatis nostræ perscrutemur, nempe amorem illum æternum, & infinitum, quem Deus nobis ostendit, dando nobis Jesum Christum, Filium suum pro redemptore nostro; *in quo habemus redemptionem per sanguinem*. En! quid gratitudinem nostram infinitè quasi adaugeat, si infinitè grati esse possemus; videmus in verbis istis Apostoli, Deum non solum voluisse, ut à Filio ipsius redimeremur, sed voluit illum esse redemptorem nostrum *per sanguinem ejus*. Possétne majus quid cogitari ipso sanguine divino? & hic ipse tamen pretium redemptionis nostræ est. Verissime igitur dictum à S. Paulo 1. c. 6. 20. *empti estis pretio magno*. Merito exclamat S. Aug. serm. 122. de temp. *O pretiosum pretium perditorum*; dicat totus mundus & quidem mundus sanguine divino redemptus; *magna iniquitas mea, sed major est redemptio tua!* seriò ac sapius nos cum S. Doctore desuper reflectamus, quanti consideremus nos Christo Jesu; conjiciamus oculos nostros in plagas & vulnera, in crucem,  
in



in sanguinem ipsius pro nobis effusum, & evidenter videbimus: quòd *charitas Christi urget nos*, ut à nobis redametur. Planè insensibilis sit, oportet, qui à tanta charitate non movetur! vix nobis, si Deo adeò liberali, & diviti in misericordia, non nisi ingratitudinem rependimus. Si autem totum id, quod pro nobis fecit, & passus est, gratitudinem nostram excitare debet.

PUNCTUM II. Addamus etiam hoc; nil magis excitare debere zelum clericorum ad laborandum pro salute animarum, quam hoc ipsum, quòd tanta fecerit Jesus, ut nos salvaret, factus est homo, sudavit, infatigabiliter triginta tribus annis laboravit, & denique totum sanguinem suum effudit in cruce pro salute nostra, in eà mortuus morte omninò dolorosissima. Uide, ait S. Aug. ibid. *quanti emit, & sic videbis, quid emit.* Vita adeò pretiosa, tam adoranda, ut est vita verbi incarnati, alium finem non habuit & scopum, nisi peccatores salvos facere; non nisi pro pretio redemptionis nostræ eam applicavit, & consumpsit, si usque modò non agnovisti pretium, & estimationem animarum, conclude illam ex infinito pretio illo, quod salvator mundi pro illarum redemptione exsolvit; *non corruptibilibus auro vel argento redempti estis, sed pretioso sanguine Christi.* 1. Petr. 1. 18. Dei Filius non adhibuit media extranea ad

nos redimendos, sed ipsemet ex suis propriis debitum hoc solvere voluit; propriam carnem suam immolavit, proprium suum sanguinem fudit, unô verbô: totum insumpsit, totum exhaustit, quidquid boni, quidquid pretiosi, quidquid magni habuit, omnes vires suas, totam vitam suam, pro redemptione animarum dedit. *Totus mihi datus, & totus in meos usus expensus est.* S. Bern. in circumcis. Dom. serm. 3. En sacerdotes & pastores! ex quo desumi debeat valor animarum! nempe ex pretio, quod pro illarum redemptione expendit Dei Filius. *Epretio æstimate.* En! quàm prætiôsæ & charæ sint Dei Filio animæ peccatorum, siquidem non prodigè, torrentis instar, profudisse se sanguinem suum putavit, ut eas Patri suo lucraretur. Bone Deus! quàm pulchrum speculum in corpore Filii tui sanguinolento & cruentato, in plagis ipsius, in laboribus ejus, per totam vitam, & mortem adeò probrosam exhibuisti ministris tuis, ut eis demonstrares, quanta sit tua animarum nostrarum æstimatio! & consequenter, quam ipsi sollicitudinem habere debeant ad procurandam illorum salutem. Ane in consideratione hujus impedire nos possint persecutiones, quas in exercitio ministerii nostri patimur? vel labores, quos subimus, terrere? vel odium hominum, quod propterea incurrimus, hoc spirituale & gloriosum lucrum

*M edit. Pars Autum.* *Ff* *noe*



nobis eripere? an non omnia sacrificare deberemus ad procurandum tam grande bonum? quâ conscientia possunt ministri Jesu Christi labori parcere in reducendis animabus ad Deum, quæ tam carè constitère Christo Jesu Filio ejus! certè haud amat supremum pastorem, qui adeò negligens est in animabus curæ suæ commissis, & tam seriò recommendatis, pascendis; *omnis negligenter pascens dominicum gregem, summum convincitur non amare pastorem*, ait Damasus Papa, Epist. ad Illyr. Episc. apud Theodor. l. 2. hist. Eccles. c. 22. Accede hodie ad altare, ad hauriendum ibi novum zelum pro salute animarum; roga Christum Jesum per communionem sanctissimi corporis & sanguinis sui, ut continuò ante oculos tuos habere possis, quanta pro redemptione humani generis fecit, ut sic memoria passionum ejus te confortet in tuis functionibus, etiam laboriosissimis, certò de hoc persuasus, sacerdotem omnia illa, quæ pro salute aliorum operatur, propriæ suæ salutis impendere, *si officium presbyteri vis exercere, aliorum salutem fac lucrum animæ tuæ*; Hieron. Epist. 13. ad Paulinum.

\* \* \* \* \*

## FERIA QUARTA.

*Cum videritis abominationem desolationis, quæ dicta est à Daniele propheta, statim in loco sanctos qui legit, intelligat.*  
Math. 24. 15.

Post Dom. 20am 4tam post Pent: 451  
DE VITA SCANDALOSA PERVER-  
SORUM CLERICORUM.

1. Abominatio est coram Deo.

2. Et desolatio quædam pro ecclesia.

PUNCTUM I. **N**on inhærebimus hic  
sensui literali verbo-  
rum istorum; videri enim potest apud inter-  
pretes evāgelii, quānam sit hæc abomina-  
tio à Daniele propheta prædicta, in loco  
sancto secutura. Vide, quid de hoc paucis  
verbis dicat S. Hieron. in h. 1. *potest au-  
tem simpliciter aut de Antichristo accipi,  
aut de imagine cæsaris, quam Pilatus po-  
suit in templo, aut de Adriani equestri sta-  
tua, quæ in ipso sancto sanctorum loco usque  
in præsentem diem stetit.* Idem S. Doctor  
explicat hanc desolationem in sensu spiritu-  
ali, de omni perversa & corrupta doctrina,  
quam spiritus erroris in ecclesiam introdu-  
cere conatur, & in ea regnare cupit; alii  
intelligunt vitam scandalosam ministrorum  
ecclesiæ, qui per sua scelera templum Do-  
mini inhonorant, & sanctitatem professionis  
sue dehonestant. Inhæreamus huic ultimo  
sensui & expositioni, quæ magnam nobis  
meditandi materiam præbet; omnes pecca-  
tores ut abominabiles haberi debent, quo  
nomine pluries à Spiritu S. in scriptura S.  
vocantur; *abominabilis & inutilis &c. Facti  
sunt abominabiles, sicut ea, quæ dilexerunt.*  
Job. 15. 16. Osee 9. 10. Non satis est dicere



re, quòd abominabiles fiant, sicut res illæ, quas diligunt, quibùsque affectu peccaminoso adhærent; sed etiam Deo abominabiles fiunt, siquidem ex filiis Dei, quales prius erant, filii diaboli evadunt, Deique imaginem ad ultimam usque lineam delent, & corrumpunt. Sed quanta abominatio, si etiam clericus ad hoc deveniat, ut sanctitatem statûs sui, per nefanda scelera corrumpat? qualis abominatio, videre animam quæ tot titulis, ac triplici charectere baptismi, confirmationis, & ordinis Deo consecrata est, evenire prædam diaboli, & receptaculum omnis generis sordium, & impuritatum! qualis abominatio! videre eos, qui Deo uniti, & conjuncti esse deberent, prout functiones ministerii illorum exigunt; qui insuper quotidie novos liberos Christo Jesu generare, & procreare deberent, per vitam suam perversam, & scandalosam evasisse filios Heli, filios Belial, ministros sathanæ, & declaratos, ac apertos Dei inimicos; *filiis Belial, nescientes Dominum?* 1. Reg. 2. 12. ah! haud miror amplius SS. PP. dicere, conversionem sacerdotum scandalosorum moraliter esse impossibilem; & quòd, si eò devenerint, ut absque rubore turpia committere pergant, nullus inveniri possit mediator, qui pro eis interveniat, neque remedia satîs efficacia, ut ex abyssu, in quam ceciderunt, extrahantur; *cùm sacerdos,* ait S. Greg.

*l. i. in Reg. in culpam labitur, superior persona non est, cujus precibus expiatur.* Non; neque comminatio judiciorum divinatorum, neque inferni, neque remonstrationes amicorum, neque censura ecclesiastica quidquam valēt, ad excitandos illos à profundo lethargo, in quem devenēre. Surdi evadunt ad omnem correctionem, insensibiles ad omnem malum rumorem & infamiam, quam incurrunt; cadunt in cœcitatem spiritualem, à qua impediuntur facere ullam reflexionem, ad ea, à quibus etiam ipsi laici aliàs maximè moveri solent, post similia perpetrata scelera; exinde labuntur brevi in quamdam duritiam cordis, ex qua sequitur impœnitentia finalis, quin aliquid inveniri possit, à quo ad salutarem compunctionem, moveantur. O stupendam abominationem! quæ non satīs deplorari possit, super quâ nemo satīs ingemiscere valeat! veniamus nunc ad desolationem, quam clericorum scandalosa vita in ecclesiam inducit.

**PUNCTUM II.** *Nullum ab aliis majus præjudicium, quàm à sacerdotibus tolerat Deus; quando eos, quos ad aliorum correctionem posuit, dare de se exempla pravitatis cernit, quando ipsi peccamus, qui compescere peccata debuimus,* ait S. Greg. Hom. 17. in Evang. ah! quàm verum tunc est illud Jeremiæ, quòd mutatus sit color optimus, Thren. 4. & facies ecclesiæ turpiter sit defigurata! ità est; pergit ulterius hic magnus Pontifex, si prælatus, si pastor, si



sacerdos, quem Deus posuit supra candelabrum ecclesiæ, tanquam pharum illuminosam, ut populo pro exemplari deserviat, per suum perversum agendi modum, reprehensibilem, & scandalosum se exhibet, quis exprimat præjudicium illud; quod ecclesia patitur, injuriam illam, quam sanctitati religionis nostræ, ac mysteriis nostris sacrosanctis infert, quantum diminuit in populo æstimationem illam & reverentiam sacerdotali dignitati debitam? quàm contemptibilia reddit infidelibus sacramenta nostræ, quæ vident modo tam indigno tractari? hinc, cùm clericum videmus, addit hic S. D. admonendus est, quatenus sic vivat, ut exemplum vitæ secularibus præbeat, ne, si quid in illo justè reprehenditur, ex ejus vitio ipsa religionis nostræ æstimatio gravetur. Bone Deus! quis enumerare enucleatius valeat, mala illa omnia, quæ malus & perversus sacerdos inducit, præsertim si cura animarum ei incumbat? debet esse pastor gregis sui, & rapax est lupus, debet esse pater suorum; & latro illorum est, debet omni curâ eorum utilitati invigilare, & ille non nisi damno illorum, & morti intentus est; omnis, qui male vivit in conspectu eorum, quibus præpositus est, quantum in ipso est, occidit oves, ait S. August. lib. de pastoribus. c. 4. Pastor. p. 3. adm. 5. scire enim prælati debent, ait post illum S. Greg. quia si per-

vera

versa perpetrant, tot tormentis digni sunt, quot ad subditos suos perditionis exempla transmittunt. Ah! quanta perturbatio invadet talem pastorem in hora mortis, quando non solum vocem suorum scelerum audiet, quæ vindictam clamabunt, sed etiam illam tot animarum, quibus peccandi occasio fuit! quam restitutionem! quam reparationem facere poterit? quid Christo Domino respondebit, si ab illo salutem animarum requisierit, quæ ipsi tantò constitit? si ei ob oculos ponet, quod per scandalosam vitam suam damnationem incurrerint illi, quos ille volebat salvare? quod per periculosa sua exempla evacuaverit virtutem crucis suæ, & sanguinem suum efficaciam redemptionis privaverit; *perit frater, pro quo Christus mortuus est*, exclamat quidam! *quis ei refundet sanguinem innocentem? quis ei restituet pretium, quo nos emittit?* verum, quia timendum est, ne talis poenitentia tunc inutilis & frustranea sit, examina teipsum ad finem meditationis, omnesque actiones tuas percurrere, per quas fortè aliis scandalum præbuiisti; stude impofterum reparare hoc malum omni curâ & sollicitudine, laborando pro salute animarum, & per bona exempla ædificando eò magis alios, quò prius per mala exempla iis fuisti scandalo; *neminè dantes ullam offensionem*, 2. Cor. 6. 3. Et pro Missa; si in statu sis celebrandi, roga Christum Jesum instanter pro conversione perversorum  
cle-



clericorum, quorum vita, ut primum vidisti, abominatio est ante oculos illius, & vera desolatio pro ecclesia; ingemisce desuper cum S. Bernard. in convers. S. Pauli serm. 1. n. 3, cujus gemitus servire tibi possunt pro præparatione ad Missam; *heu! heu! Domine Deus, ipsi sunt in persecutione tua primi, qui videntur in ecclesia tua primatum diligere, gerere principatum, arcem Sion occupaverunt, apprehenderunt munitiones, & universam deinceps liberè, & potestativè tradunt incendio civitatem Misera eorum conversatio plebis tuæ miserabilis subversio est.*

\*\*\*(\*)\*\*\*(\*)\*\*\*(\*)\*\*\* (\*)\*\*\*(\*)\*\*\*\*

### FERIA QUINTA.

*Tunc, qui in Judæa sunt, fugiant ad montes; & qui in tecto, non descendat, tollere aliquid de domo suâ, & qui in agro, non revertatur tollere tunicam suam. Math. 24. 16.*

### DE FUGA OCCASIONUM.

1. Debemus illas fugere;
2. Quamprimum advertitur periculum.
3. Non debemus subsistere in ista fuga, nec reverti.

**PUNCTUM I.** PRÆscribit nobis hic evangelium, medium quoddam generale, ad evitandum scandalum, & desolationem, de quibus in meditatione præcedenti; medium istud hoc est; *fugite.* Debemus non tantum fugere peccatum, sed

sed etiam occasionem peccandi, loca, & personas; unô verbô, omne illud, quod nos ad peccatum inducit. Est hæc materia meditationis tam clericis quàm sæcularibus necessaria. Nil magis nobis commendatur in S. Scriptura, quàm fuga occasionum peccandi. Relinquere omnia pro salute animæ suæ, præceptum est, pro omni tempore obligans; *fugite de medio Babylonis, & salvet unusquisque animam suam*, Jerem. 51. 6. alius propheta ait: *exite inde, pollutum nolite tangere, exite de medio ejus*, Isai. 52. 11. Si ergo in domo quadam, vel conversatione periculosa sumus, vel commercium quoddam peccaminosum habemus, voluntas & mandatum Dei est, ut talia deseramus, & fugiamus; nam qui in talibus permanferit, infallibiliter peribit, id, quod nos monet Spiritus S. Eccles. 3. 27. *qui amat periculum, peribit in illo*. Et in hoc sensu intelligi, & accipi debent verba hæc Christi Jesu; *si oculus tuus dexter scandalizat te, erue eum, Math. 5. Si pes tuus abutitur libertate, quam ei concedis, & peccato te exponit, abscinde eum, & projice abs te*. Quid sibi vult hoc? indicatur nimirum, quòd si persona quædam tam propinqua, tamque chara tibi foret, ac oculus tuus dexter; si professio, seu officium, vel ars tam necessaria nobis ad vitam foret, ac manus, vel pes, totum hoc derelinquendum esset, si nobis ad offendendum



dum Deum occasio foret, S. Aug. l. i. de  
serm. Dom. in monte. Ratio est, quia sa-  
lus animæ nostræ tanti momenti est, ut po-  
tius qualibet amittere velle debeamus, quam  
periculo eam exponere; hanc ipsam conclusi-  
onem deducit Salvator dum adjunxit, *bo-  
num tibi est ad vitam ingredi, debilem vel  
claudum, quàm duas manus, vel duos pedes  
habentem, mitti in ignem æternum.* En ma-  
gnam veritatem, quam sæpius meditari de-  
beremus. Sed eheu! modicâ ad illam sit  
attentio, augetur in dies numerus peccato-  
rum, quia non sufficienter nobis ipsis invi-  
gilamus; iudicium desiste ipso forma, & cu-  
ra, ut & aliis hoc ipsum persvadeas sive ex  
cathedra, sive in confessionalis, nimirum quan-  
tam habeamus obligationem evitandi occasi-  
ones peccatorum. Sed, quando evitari debent?

PUNCTUM II. Quamprimùm pericu-  
lum advertitur; *& qui in tecto est, non de-  
scendat tollere aliquid de domo sua.* Si gratia  
Dei nobis necessitatem fugiendi ostendit,  
promptè & sine mora fugere debemus, quin  
carni vel sanguini aurem præbeamus, vel in  
crastinum differamus, quod fortè nunquam  
deinde amplius faciamus, si hodiè non exer-  
quamur illud. Nullus hominum, ait S. Aug.  
Epist. 259. ad Corn. potest esse securus de  
uno solo die vitæ suæ; nec est quidquam ma-  
gis deplorandum, quam si conversio de die in  
diem differatur. Dum Angeli à Deo missi  
ad

ad Loth viderunt, quod tardaret, & exitum suum è Sodoma differre vellet, eum manibus apprehenderunt, & sic violenter extra civitatem illum pertraxerunt; qui si non exisset, in momento simul cum aliis infelicibus habitatoribus civitatis hujus periisset. Gen. 19. 16. Per omnes gratias, quas Deus nobis confert, monet nos, ut corruptionem mundi hujus fugiamus; manibus nostris nos quasi apprehendit per afflictiones, quas nobis immittit, compellit nos quasi, ut ad eum redeamus; si non statim sequamur illum, timendum sanè, ne à peccato præoccupemur, & medium amplius non supersit effugiendi justitiam illius; *non tardes converti ad Dominum, & ne differas de die in diem; subito enim veniet ira illius, & in tempore vindictæ disperdet te.* Eccles. 5. 8. Si domus ab igne corrupta sit, de hoc solummodo cogitare solemus, quacunque ratione evadere valeamus, parùm solliciti de hoc, utrum quidquam nobiscum sumere & asportare valeamus; pari velocitate & promptitudine fugere debemus occasionem peccati; quia quemadmodum stultè ageret ille, qui se periculo exponeret, ut aliquid de suppellectili salvare possit, sic non minùs insipiens foret alius, qui animam suam exponeret periculo mortis æternæ, eo quòd de salute sua primùm tunc cogitare vellet, si priùs passioni suæ satisfecерit. Igitur quam pri-



primùm relinquenda est occasio peccati, o-  
bedistìne huic præcepto? ad quos excessus,  
ad quas profanationes, ad quæ sacrilegia  
fortasse devenisti? eò quòd in hoc defeceris?  
ubi es? examina teipsum desuper, & scito,  
neque ullum interesse, seu commodum, ne-  
que consanguineos, neque amicos te ab hac  
obligatione eximere. *Qui nos scandalizare  
non deficiunt, quantumlibet chari sint, relin-  
quendi, quantumlibet utiles, deserendi.* S.  
Pacianus ep. ad Simplicii. Sufficitne fortè,  
si præcisè ejusmodi occasionem promptè fu-  
giamus? non.

PUNCTUM III. Neque subsistere de-  
bemus in hac fuga, neque iterum reverti, id  
est, semper magis ac magis elongare nos de-  
bemus ab hujusmodi occasionibus, & cor no-  
strum tam longè abstrahere ab iis, ut nun-  
quam nos poeniteat talia generosè reliquisse;  
*& qui in agro est, non revertatur tollere tuni-  
cam suam.* Id, quod castissimus Joseph  
ad litteram executus est, Gen. 39. dum se  
in periculo positum agnovit; fugit nempe, &  
maluit pallium suum relinquere uxori Puti-  
pharis, quàm ad illam reverti, & repetere  
tunicam suam, & simul vitam perdere, ait  
S. Chrysostomus hom. 77. in Math. sed hoc  
ipsum est, in quo quàm plurimi deficiunt; ar-  
mistitium quoddam initur cum mala con-  
suetudine, ut sic unà cum aliis, tempore pa-  
schali, vel Jubilæi cujusdam, comparere  
pos-

possimus, sic statim iterum id reassumitur, quod fuit dimissum; retrogredimur subitò, quin nos reflectamus ad hæc verba; *qui manum suam mittit ad aratrum, & retrò respicit, non est aptus regno Dei*, Luc. 9. 62. Neque ad ista verba; *melius enim erat illis, non cognovisse viam iustitiæ, quàm post agnitionem retrorsum converti*, 2. Petr. 2. 21. O quot sunt! qui hujus abusûs & excessûs rei sunt! examina teipsum, qualiter te geras in hoc puncto? an non ipsemet etiam ad talia reversus es? an non mille prætextus quæsisisti, ut continuare posses amicitias, salutis tuæ minimè convenientes? non vis fortè hospitia frequentare, quia clericis prohibita & interdicta sunt; sed an non certas domos frequentas, ubi tempus lusu, potu & impuris recreationibus transigitur? abhorres à commercio scandaloso cum altero sexu, verùm an non familiarius conversaris, vel diutius apud illas te detines, sub prætextu alicujus directionis, devotionis, & pietatis? desere ejusmodi loca, & emenda similes defectus, qui tristes quandoque effectus & consequentias post se trahunt, & clericis minimè conveniunt. Remitte mulieres tales in domos suas, ut rei suæ familiari, ac domui invigilent: utilius hoc ipsis erit, quàm ejusmodi conversatio, & discursus etiam pii, qui plus quandoque de concupiscentia, quàm charitatis in se habet. *Occasiones enim peccatorum amputande sunt.*



ait primum concilium Carthag. Can. 3. *Et tollendæ omnes suspiciones, quibus subtilitas diaboli, sub prætextu charitatis & dilectionis, incautas animas, vel ignaras irretire consuevit.* Pro Missa seu præparatione ad Missam, bonam cape resolutionem; & quia hic agitur, ut ad sanctum sanctorum accedas, semper magis ac magis declina ab omni eo, quod qualemunque apparentiam peccati habet. *Ab omni specie mala abstinete vos.* 1. Thessal. 5. 22.

\* \* \* \* \*

## FERIA SEXTA.

*Orate autem, ut non fiat fuga vestra in hyeme, vel sabbato; erit enim tunc tribulatio magna, qualis non fuit ab initio mundi usque modò, neque fiet.* Math. 24. v. 20.

### QUALITER NOS GERERE DEBEAMUS TEMPORE SCANDALI vel PER SECUTIONIS.

1. Humiliare nos debemus coram Deo.
2. Orare pro ecclesia.
3. Illius doctrinæ inhærere.

**PUNCTUM I.** **D**icere possumus cum S. Hier. Comment. in Math. l. 4. c. 24. istud monitum à Christo Domino suis discipulis datum respicere specialiter vel ruinam Jerosolymæ, sub imperatoribus Tito & Vespasiano; vel ultimam illam & horribilem persecutionem, quæ

ecclesiæ toleranda erit, in fine temporum,  
ex parte Antichristi. Quia verò non solum  
hoc tempus Antichristi nobis timendum est,  
& hoc iniquitatis mysterium jam modò for-  
mari incipit in cordibus infidelium, juxta  
hæc verba S. Greg. moral. l. 19. c. 4.  
*Nemo illa persecutionis extremæ tempora  
quasi sola perhorrescat, apud iniquos quotidie  
namque res Antichristi agitur, quia in eo-  
rum cordibus mysterium suum jam nunc oc-  
cultus operatur.* Hinc instructioni, & docu-  
mento alicui generali inhærebimus, quin pe-  
netrare velimus id, quod Interpretes S. Scri-  
pturæ de isto homine peccati dixerunt, qui  
sanctis tam crudele bellum illaturus est, sus-  
ficit itaque nobis hîc dicere aliquid de eo,  
quid faciendum sit tempore scandali vel per-  
secutionis, quo vel maximè orationi & me-  
ditationi incumbendum est. Si turbas quas-  
dam, scandala, vel persecutionem quam-  
dam oriri & grassari videamus, ità ut boni  
affligantur, & ecclesia desolationem patia-  
tur, propter mala, quæ perferenda illi sunt,  
vel à propriis filiis, vel ab inimicis suis,  
quid faciendum nobis in his diebus miseria-  
rum & afflictionis? primum, quod nos facere  
oportet, est, ut nos coram Deo humiliemus,  
& studeamus iram illius placare, non nos  
ipsos justificando ab aliis, & separando, quasi  
nullo modo participes essemus peccatorum,  
quibus ad iram concitatus fuit, sed annume-  
rando



rando nos inter peccatores, & simul cum illis erubescendo, & plorando ad exemplum tot aliorum sanctorum sacerdotum & pastorum. En! quid Daniel fecerit? erat propheta omnium minimè particeps peccatorum illorum, ob quæ populus Judæorum translatus fuerat à Deo in Babylonem, & tamen minimè se ab iis separat; confitetur cum ipsis peccata sua, & in numero eorum se computat, qui Deum irritaverunt; *peccavimus iniquitatem fecimus; impiè egimus, & recessimus, & declinavimus à mandatis tuis & judiciis; tibi Domine justitia, nobis autem confusio,* Dan. 9. 5. Et adjungit; *non enim in justificationibus nostris prosterneamus preces ante faciem tuam, sed in miserationibus tuis multis.* Idipsum etiam sentiebat, & pari spiritu humilitatis dicebat ad Deum S. Sacerdos Esdras; *Deus meus confundor, & erubesco levare faciem meam ad te, quoniam iniquitates nostræ multiplicatæ sunt super caput nostrum, & delicta nostra creverunt usque ad cælum,* 1. Esdræ. 9. 6. Anne ita te humiliasti coram Deo? an non pro eo, ut ingemisceres coram Deo, & teipsum confunderes, more superbiorum illorum te gessisti, qui se solos sapientes, & fideles Deo reputant; more illorum præsumptuosorum, qui soli loqui volunt, cum tacere deberent; more inquietorum illorum, ac turbulentorum, qui dissensiones & jurgia sovent, cum

*post Dom: 20am 4am post Pent. 465*  
talia sopire, & unitatem spiritus in vinculo  
pacis, omni modo & conatu conservare de-  
berent, prout Apostolus prescribit; *solicite*  
*servare unitatem spiritus in vinculo pacis.*  
Ephes 4. 3. Examina teipsum desuper.

PUNCTUM. II. Non sit tibi satis, solum  
humiliare te, & annihilare coram Deo; in  
consideratione eorum, quæ ecclesiæ toleran-  
da occurrunt; sed ora instanter pro eâ; nam  
quia tempore calamitatum similium publi-  
carum maiora sunt pericula, etiam oratio  
nostra longè ferventior esse debet; hinc di-  
citur: *orate autem, ut non fiat fuga vestra*  
*in hyeme vel Sabbatho.* Quod S. Hier.  
explicat hoc modo; *hæc præcepit, ut non*  
*refrigescat fides nostra, & in Christum*  
*charitas; neque ut otiosi in opere Dei torpe-*  
*amus virtutum Sabbatho.* Si ecclesiam dili-  
gimus, sanè movere nos debet status ille, ad  
quem ob peccata nostra redacta est; & si  
aliud nihil pro illa facere possumus, saltem  
compassionem nostrâ eidem non denegemus.  
Non debemus illi solum manus nostras ad  
laborandum; sed etiam cor nostrum ad o-  
randum & ingemiscendum propter necessi-  
tates illius, quæ quotidie majores evadunt,  
pro mensura nimirum iniquitatis, & scande-  
dali, quæ quotidie augentur; hinc hortatur  
nos propheta Is. 13. 6. *ululate, quia pro-*  
*pè est dies Domini; quasi vastitas à Do-*  
*mino veniet.* Obligatio nostra est, ut pro  
*Medit. Pars Autum.* Og 259



necessitatibus populi preces nostras effundamus; ideo enim ordinati sumus in sacerdotes; *inter vestibulum & altare plorabunt sacerdotes, ministri Domini, & dicent: parce Domine, parce populo.* Joël. 2. 17. En munus, officium, & obligationem nostram! quomodo illis satisfacis? an non solummodo redditibus ecclesie gaudes? si autem orandum pro eâ, ah! quis est, qui hoc faciat, prout oportet? hinc lamentatio illa Dei; *quæsi vi-  
rum, qui interponeret sepem, & staret op-  
positus contra me pro terra, ne dissiparem e-  
am, & non inveni, & effudi super eos indi-  
gnationem meam.* Ezech: 22. 30. Verba ista; *quæsi virum, & non inveni*, cuilibet in particulari terrorem incutere debent: nam nescio, an non ego in causa sim, quare hoc patiatur ecclesia? an non ob fugam meam tam malè defensa sit? nam quis comprehendere valeat omnes effectus, quos peccata produ-  
cunt? *delicta quis intelligit?* fortè exprobrabitur mihi aliquando, quod si pro Deo laborassem, & cor meum purum custodissem, ut cum assiduitate & zelo orare potuissem, hæc vel illa accidentia, tot ac tales calamitates ecclesie, fortè non accidissent. Quid respondere potero, si mihi dicatur, me fuisse virum illum quæsitum, sed non inventum? & consequenter in causa me fuisse, & rationem à me reddendam, cur ira, & iusta Dei indignatio super populum effusa sit? quia, quan-  
do

post Dom: 20am 4tam post Pent. 457

do Deus aliquem quærit ad cohibendam iram indignationis suæ, signum est, quod velit ignoscere; consequenter culpa nostra est, si non ignoscat; *quæsi vi virum, & non inveni.* Oremus itaque pro ecclesia in tempore afflictionis suæ recursum nostrum ad Deum habeamus, qui non permittet, ut tentati simus supra id, quod possumus; si timendum, ne fides nostra succumbat, in aliqua nimis longa persecutione, abbreviabit certò dies, juxta explicationem S. Hier. super verba ista; *propter electos breviabuntur dies illi, abbreviati dies intelliguntur,* ait hic S. D. *ne temporum morâ fides concuciatur credentium.* Veniamus

PUNCTUM III. Ad 3tium punctum, quod nobis Evangelium suppeditat in tempore tribulationis vel scandalis; nempe ut caveamus nobis a falsis prophetis: *surgent enim pseudo-christi, & pseudoprophetae.* Ut nobis caveamus, & securos nos reddamus contra tales filios perditionis, nunquam curiositatem aliquam admittere debemus circa omne id, quod novitatem aliquam redolet; *si quis vobis dixerit, hic est Christus, nolite credere; ecce in deserto est, nolite exire; ecce, in penetralibus, nolite credere.* En monitum illud, quod nobis dat Evangelium! ut id sequamur inharere debemus his duobus principiis. Primum est, fidem Ecclesiæ, extra quam nulla salus est, esse invariabilem; id quod iam a



tempore Apostolorum creditum fuit, etiam  
 hodie tenetur, & creditur: & perseverabit  
 usque ad finem mundi, quia etiam Christus  
 Jesus cum sua sponsa manebit; *usque ad*  
*consummationem sæculi.* Math. 28. 20. Et  
 juxta hanc regulam omnis nova doctrina  
 regulari debet; & quandoque hoc solum  
 sufficit ad condemnandam talem doctrinam  
 novam ex hoc solo capite, quod verè nova  
 sit. *ô Timothee*, ait S. Paulus 1. Tim. 6. 20.  
*depositum custodi, devitans p. ofanas vocum*  
*novitates, & oppositiones falsi nominis sci-*  
*entia.* Credere, & salvari, hoc totum est,  
 quod christianus scire & observare debet,  
 dicebat olim Tertulianus hæreticis sui tem-  
 poris; *cedat curiositas fidei; cedat gloria*  
*saluti; nihil ultra scire, omnia scire est.* 1.  
 de præserv. adv. heres. c. 14. Alterum fun-  
 damentum, cui inniti debemus, est, ecclesi-  
 am nostram esse universalem; ex quo sequi-  
 tur, Christum neque in hac, neque in illa se-  
 ctâ esse; cautos igitur nos esse oportet quoad  
 omnia particularia, seu nova dogmata; fir-  
 miter in hære debemus ecclesiæ catholicæ,  
 apostolicæ, & Romanæ, cujus fides eandem  
 cum ipsa antiquitatem seu ætatem habet; *no-*  
*lite credere, quod Filius Dei in deserto gen-*  
*tium sit, aut in penetrabilibus hæreticorum,*  
*sed quod ab oriente usque in occidentem fides*  
*eius in catholicis ecclesiis fulget.* S. Hier.  
 Habes hæc media, quibus uti oportet ad præ-  
 ca-

459

9.

DIE SABBATH.

Math. 24. 30.

DE DIVINO JUDICIO.

Clerici illud præ aliis debent timere:

1. Propter excellentiam statûs sui.
2. Propter singulares & speciales à Deo acceptas gratias.
3. Propter obligationes suas, quæ ipsis ratione statûs sui incumbunt.

PUNCTUM I. **F**iniamus meditationes  
istas, quemadmodum

£



si nimirum obligationi & muneri suo non satisficiant, ergo minimè dubitandum, ministros ecclesiæ, utpote in longè sublimiori statu & gradu, quàm sit quæcunque dignitas terrena, positos, majori quoque rigore judicandos, quàm reliquum vulgus christianorum. Ita est, gradus iste eò terribilior, quò excelsior est ac eminentior. *Terribilis est locus iste*, dicebat olim S. Bern. ad quemdam pastorem ep. 238. lapsus ex loco tam sublimi, non potest non esse, nisi funestus, si pro eo, ut aliis præluceamus, & bono exemplo simus, iis in petram scandali, ob perversitatem morum nostrorum simus. Timeamus verba ista S. Petri, *tempus est, ut incipiat judicium à Domo Dei*. 1. Petr. 4. Id est, à prælatis, pastoribus, ab aliis ministris sacri altaris, à quibus exactam rationem exacturus est Deus, qua ratione gregem suum paverint. Audite igitur pastores & ministri Dei viventis! nolite vobismetipsis blandiri ob tot augustas & gloriosas qualitates, quibus vos condecoravit, & insignivit Dei Filius, per quas etiam modo prorsus singulari à communi plebe differtis, verum est, eminentiam sacerdotii, ad quod sublimati estis, supremum omninò culmen esse, ad quod quis aspirare possit: *eorum omnium, quæ inter homines exoptantur, velut extrema meta*, ait Isidorus Palisiora l. 2. ep. 21. sed quid agetis, quando Christus Jesus ad  
jue

judicandum venerit, & examinabit, utrum  
vita vestra sanctitati statûs vestri correspon-  
derit? contremuerunt ad hanc cogitationem  
& reflexionem sapientissimi & zelotissimi  
quique pastores; & neque ipse S. Paulus ab  
hoc terrore exemptus erat; protestatur enim,  
quòd, etsi nihil sibi conscius sit, minimè ta-  
men se propterea justificatum putet; timet  
etiam, postquam ferè totum mundum lucra-  
tus fuerat, ne à Domino & magistro suo re-  
probetur; *ne, càm aliis prædicaverim, ipse  
reprobus efficiar;* 1. Cor. 9. 27. Quam ra-  
tionem ergo habuit Apostolus ità sibi timendi?  
en quid dicat; *qui autem judicat me, Do-  
minus est,* 1. Cor. 4. 4. ah! si columnæ  
cœli contremuerunt, qualis noster esse debet  
timor, qui non nisi miseri peccatores, &  
monstris similes sumus? ait enim S. Ambr.  
de dign. sacerdot. c. 9. *monstruosa res, gra-  
dus summus, & animus infimus; dignitas  
prima, & vita ima; deifica professio, & il-  
licita actio.* Ah! quot longè melius compa-  
rassent in tremendo hoc judicio, si nunquam  
fussent clerici, sacerdotes, parochi, bene-  
ficiati, aut ecclesiæ prælati; esset sine dubio  
melius, *salvari in humili gradu fidelis po-  
puli, quàm in cleri sublimitate & deterius  
vivere, & districtius judicari?* dicebat de-  
votissimus S. Bern. l. 2. de consid. c. 7.  
igitur vel maximè causam timendi habemus  
non solum ob excellentiam status nostri, sed  
insuper.

PUN.



PUNCTUM II. Ob singulares gratias, quas à Deo accepimus, de quibus ratio nobis reddenda erit. Principium hoc est S. Scripturæ ab ipsomet Christo Domino stabilitum; cui multum datum est, multum quaeretur ab eo; & cui commendaverunt multum, plus petent ab eo. Luc 12 48. Jam verò quas grâtiâs non contulit Deus ministris suis? super illos nimirum pretiosissima quæque dona sua in abundantia effudit; dedit illis, quod sibi charissimū est. concedidit illis mysteria sua; commisit eis dispensationem gratiarum suarum; depositarios eos constituit verbi divini; honore regiminis ecclesiæ suæ eos decoravit; potestatem eis contulit remittendi vel ligandi peccata; denique dispensationem sanctissimi corporis & sanguinis sui, meritorum suorum, & omnium suarum spiritualium divitiarum concessit; an non grandia & prorsus insignia sunt hæc beneficia & gratiæ? sed scitote ministri Dei viventis, ait S. Greg. hom. 9. in euang. hanc ipsam singularem discretionem à populo, in distributione gratiarum, novum esse, & majus fundamentum timendi; cum enim augentur dona, rationes etiam crescunt donorum; qui verò minora acceperunt, minus etiam habent, quod timeant si verò tantâ abundantia gratiarum abusi estis, timendum sanè, ne vobis in die iudicii ratio, & responso defutura sit; *tanto ergo humilior, quisque*  
*den*

*debet esse ex munere, quanto se obligationem esse confpicit, in reddenda ratione. Mensurabit enim Deus tunc omnia, sed juxta pondus sanctuarii, omnesque actiones, ac functiones nostras examinabit. Quomodo brevium recitasti? quomodo Missam legisti? quomodo sanctissima sacramenta recepisti, & ipse administraisti? qualiter usus es potestate tibi commissâ, dimittendi, vel retinendi peccata? ah quàm timendum jure nobis est, ne post tantum abusum gratiarum, & miserationum divinarum nobis idipsum dicatur, quod Balthasar Rex audivit; *appensus es in statera, & inventus es minus habens.* Daniel. 5. Nimis levem te invenio, neque pondus illud habes, quale habere deberes in statera justitiæ meæ. Ah quot clericis jure hoc ipsum exprobrari poterit! quod tot favores à Deo acceperint, utpote vocati ad fidem christianam, tot infidelibus in infidelitate sua relictis quod vocati ad statum clericalem, in quo tot media excellentissima habuerint, ut sancti evadere potuissent; quod educati fortè in aliquo seminario, ubi optimè instructi fuere, quo spiritu seu intentione SS. Ordines suscipere, & beneficia aggredi debuissent; & tamen minimè ejusmodi instructionibus conformem vitam vixerint, quod minimè tantis gratiis correspondentem gratiarum actionem exhibuerint, quod in spiritu non servierint Deo; quod fructum non attua-*  
le-



lerint, nec cum cum usura talenta sua applicaverint &c. *Inventus es minùs habens.* An non hæc & similes cautæ sufficiant ad incutiendum nobis terrorem, si vel solum cogitando hoc nobiscum expendamus de omnibus istis, severam nobis reddendam esse rationem, veniamus nunc ad obligationes statûs nostri, à quibus vel maximè timor noster augeri debet.

**PUNCTUM III.** Obligationes clericorum quasi in infinitum se extendunt. Sunt magistri, sacerdotes, duces, pastores, medici, mediatores &c. Omnes istæ qualitates novæ, ac particulares ipsis imponunt obligationes; ut magistri & duces debent non solum ipsi esse sapientes & sufficienter instructi in lege Domini, sed insuper etiam docere, & instruere curæ suæ commissos, & ducere eos, per vias securas ad salutem; ut medici animarum debent vulneribus, & plagis spiritualibus animarum convenientia & propria adhibere remedia; ut pastores debent invigilare gregi suo; reducere oves errantes; suos corrigere & admonere; ut mediatores debent offerre Deo sacrificia, & preces continuas pro salute populi. Jam propriam conscientiam inspiciamus; quinam sunt illi inter ecclesiæ ministros, qui seriò se applicant ad satisfaciendum hisce obligationibus suis? quinam sunt, qui talibus perfectè, & ut oporteret, respondeant? ubi inveniemus sacerdotes, qui continuò & sine intermissione

laborant, tum ut ipsi sancti evadant, tum  
ut alii salvi fiant? ô quàm meritò dicere  
potuit S. Bern. in quodam concilio Rhemis  
habito ad congregatos ibi prælatos ecclesiæ?  
*si reddenda est ratio de his, quæ quisque gessit  
in corpore suo; heu quid fiet de his, quæ  
quisque gessit in corpore Christi, quod est  
ecclesia; alius verò Pater ita habet; si dili-*  
*genter attenditis, fratres charissimi, omnes*  
*sacerdotes Domini non solum Episcopos, sed*  
*etiam presbyteros, & ministros ecclesiarum,*  
*in grandi periculo esse cognoscitis; ipsis enim*  
*contestatur Spiritus S. dicens: II. 58. 1.*  
*clama, ne cesses; quasi tuba exalta vocem tu-*  
*am, & annuntia populo meo scelera eorum;*  
*& domui Jacob peccata eorum; & iterum,*  
*si non annuntiaveris iniquo iniquitatem su-*  
*am, sanguinem ejus de manu tua requiram,*  
Ezech. 3. 18. de ipsis etiam apostolus dicit;  
obedite præpositis vestris, & subjacete eis:  
ipsi enim pervigilant tanquam rationem red-  
dituri de animabus vestris, si pro se, fra-  
tres charissimi; unusquisque vix poterit in  
die judicii rationem reddere, quid de sa-  
cerdotibus futurum est, à quibus sunt omnium  
anima requirendæ? & ideo considerantes  
periculum nostrum orate pro nobis, ut com-  
missis nobis gregibus ita spiritualia pascua  
studeamus jugiter providere, ut pro eis ra-  
tionem bonam reddere mereamur; inter o-  
pera S. Aug. Tom. 5. append. serm. 282.



olim. 7. ex 50. homil. Canonizat nos quasi mundus, quia putant nos multum boni facere, & præstare; sacerdos iste; ajunt, cantat aut recitat quotidie horas canonicas; quotidie Missam legit; concionatur; confessiones audit; homo sanctus est; verum si alicui ex istiusmodi obligationibus non satisfaciamus, si totum illud non perfecimus, quod Deus à nobis exigit; si vacuos nos inveniat in exercitio functionum nostrarum, quam timendum est, ne id ipsum etiam nobis dicat, quod cuidam episcopo; *nomen habes, quod vivas; & mortuus es.* Apoc 3. Considera parumper exemplum virginum fatuarum, quod toties in evangelio legis; sponsus eas ad nuptias admittere recusans, nullum iis vitium objicit, habebant lampades suas accensas, ut virgines prudentes; habebant veram fidem per has lampades significatam; non erant absolutè omnibus bonis operibus destitutæ, quia omnes parum olei habuere, quod erat figura bonorum operum prout S. Chrysost. hom. 79. in Math. advertit, & tamen repulsam passæ sunt. Quare, *habebant quidem*, ait hic ipse S. P. *oleum, sed non copiosum, ideoque torquentur.* Bone Deus! quam terribilia sunt judicia tua; ah prælatura! ah sacerdotium! ah ministerium ecclesiasticum! qualem terrorem nobis incurtere debetis! siquidem omissio aliqua vel negligentia obligationum nostrarum aliquem

in

in tantum damnationis periculum conjicit? & si justī, & quidem non falsò, seu apparenter justī, & tales, qui pro justis reputabantur, tales tamen non fuere, sed justī, qui tales effectivè fuere, vix salvabuntur, *impius & peccator ubi parebunt?* 1. Petr. 4. 18. Pro preparatione ad Missam; examina vias tuas, seu modum tuum vivendi, magnā curā & solitudine, ut in adventu hujus supremi judicis, nil in te inveniat, quod prius non sit discussum, adeoque nil timere habeas, reddendam fortè à te rationem, quæ non sit approbata! dicebant hinc S. Bern. serm. 55. in cant. *volo vultui iræ Dei præsentari judicatus; non judicandus.* Dic intra temetipsum, quod respondere poterò judici me interroganti, qualiter pervenerim ad hunc statum ecclesiasticum, vel ad hanc parochiam? qualiter functiones meas peregerim? qualiter usus sim redditibus meis ecclesiasticis? qualiter impenderim talenta mea, & gratias à Deo acceperas? *super custodiam meam stabo; & contemplantor, ut videam, quid dicetur mihi, & quid respondeam ad arguentem me.* Habac. 2. Si his cautelis utaris, minimè timendus tibi erit secundus adventus Filius Dei, imò potiùs à contrario, cum omni fiducia eum expectabis; ardentè illum desiderabis, eumque videbis cum gaudio; *bonam causam habeamus, ut futurum judicium non timeamus.* S. Aug. serm. 265. n. 2.



# A D D I T I O

## MEDITATIONUM.

Pro festis quibusdam hoc tempore occurrentibus.

*VIII. Septembris.*

DE NATIVITATE B. V. MARIE.

*Beatam me dicent omnes generationes.*

Luc. 1.

DE DEVOTIONE ERGA B. V. MARIAM.

1. Quam obligati sint clerici ad hanc devotionem.

2. In quo hæc consistat?

**PUNCTUM I.** Postquam Deum laudaveris, & gratias illi egeris pro inestimabili isto dono; in hac die nativitatis B. V. Matris nostræ, Advocatæ nostræ, mediatricis nostræ, nobis concessio; uno verbo illius, *de qua natus est JESUS, qui vocatur Christus.* Math. 1. 16. firmiter tene, devotionem te habere debere erga sanctissimam ac Beatissimam Dei Matrem; siquidem devotio ista inseparabilis est à devotione erga Christum, de qua toties in hoc toto opere egimus; æquum igitur est, ut meditationem aliquam tribuamus huic materiæ, ad inspirandam clericis hanc ipsam devotionem. Ex rationibus, quæ nobis devotionem aliquam prorsus singularem erga Beatissimam Virginem persuadere debent, sol-

lum

Immodo tres selegi magis convincentes.

Prima est, arctum illud vinculum, quod Maria habet cum Jesu Christo Deo, ac Salvatore nostro, à quo electa fuit, ut esset Mater sua; maxima ex omnibus prærogativa & qualitas, quam nobis imaginari possimus, ob quam beata dicetur in omnia futura sæcula ab omnibus gentibus. Tanta prærogativa! quæ tot elogia meretur, ut ecclesia, quæ alias tam cautè procedit in laudandis aliis sanctis, fateatur, se minimè reperire, per quod satis exprimere valeat laudes incomparabilis hujus Virginis, quæ tam felix fuit, ut castis suis visceribus comprehenderet, quem cæli & terra capere non valent; *quibus te laudibus efferam nescio, quia quem cæli capere non poterant, tuo gremio contulisti.* Tam excelsa dignitas! ut per hanc venerabilis in sempiternum reddatur angelis & hominibus, sine dubio ergo hæc excitare debent pietatem & devotionem in clericis, eosque ad hoc inducere, ut protectioni illius se committant. Advocatam habere vis, ait S. Bern. serm. in nat. B. Mariæ ad Mariam recurre &c. Exaudiet utique Matrem Filius, & exaudiet filium Pater; *hæc peccatorum scala, hæc mea maxima fiducia est, hæc tota ratio spei meæ. Quid enim? potestne filius aut repellere, aut sustinere repulsam? non audire, aut non audiri filius potest? altera ratio est, quod sit Mater peccatorum,*



asylum & refugium nostrum. Quale fundamentum teneritudinis, & charitatis non invenimus in Matre Dei, qui incarnatus non fuit ob alium finem, nisi ut peccatores salvos faceret. Data fuit nobis, ut esset Mater nostra, quasi nova Eva; ajunt SS. PP. sed cum ista infinita differentia, quod Eva fuerit principium mortis; Maria vero principium vitæ; Evæ viscera crudelia, & paricidalia fuere; Mariæ vero plena misericordia, *quis dubitet*, ait S. Bern. hom. super missus, *in effectum charitatis transisse viscera Maria, in quibus ipsa, quæ est, à Deo, charitas novem mensibus requievit?* an non insuper addere nos possumus, quod etiam charitas, & teneritudo Mariæ pro peccatoribus non nisi participatio aliqua sit charitatis Christi Jesu erga nos, Maria nihilominus ipsi etiam communicaverit speciem quandam misericordiæ, quam prius non habuerat; imò cujus fuerat incapax, ut verbum divinum, ut veritas æterna, ut sapientia increata? nam ut Deus cognoscit quidem miseras; potest iis mederi, sed sentire eas non potest in semetipso, seu sensibiliter iis tangi, & moveri, ut homo autem vivaciter eas sentit, est enim pontifex misericordissimus, qui nobis ex intimo corde compatitur. Jam verò hanc sensibilitatem à Maria accepit; à Maria habet corpus hoc suum pro nostra redemptione immolatum; sanguinem hunc suum in ara crucis

effusum, ad ultimam usque guttam, qui longè melius & utilius clamat quàm sanguis Abel, oculos istos sacratissimos, qui tot lacrymas fuderunt ob duritiam peccatorum; hoc os venerandum thronum dulcedinis & mansuetudinis; manus has, quas absque ulla defatigatione, quam Moyses sensit, toties in cælum levavit, ad flectendam divinam justitiam in favorem nostri; quæque horribilibus clavis infami patibulo infixæ fuerunt, quemadmodum etiam pedes istos, qui tam laboriosè excurrerunt ad quærendas & reducendas oves deperditas domûs Israel. Ah! si Maria omnia hæc charissimo Filio suo re-præsentare potest, quem accessum habebit ad illum? accedamus igitur cum fiducia ad thronum misericordiæ illius: recurramus ad tam bonam Matrem, tam teneram, tam compassivam, cujus intercessio adeò potens est apud Deum. Tertia ratio clericis propria, præsertim sacerdotibus, est illa, admirabilis relatio & similitudo inter sanctissimas functiones nostras, & officium Matris divinæ; quia talis est dignitas sacerdotum, ut in susceptione SS. Ordinum, & impressione characteris sacerdotalis, simul etiam acceperint potestatem consecrandi & producendi in altari illummet ipsum Jesum Christum, qui de Virgine natus est; habent illum quotidie in manibus suis, quem ipsa in castissimis visceribus suis portavit, distribuunt ipsummet

*Medit. Pars Autum.* Hh Je-



Jesum populo in & per S. communionem, quem Maria dedit mundo, ut esset pretium redemptionis nostræ. O stupendam potestatem sacerdotum! expende paulisper tecum hanc relationem, & admirabilem hanc similitudinem; & desume, ac judica exinde, an non magis obligati sint sacerdotes præ communi plebe fidelium, ut devoti sint erga Beatissimam Virginem? verum, ut in puncto tanti momenti non decipiaris;

PUNCTUM II. Considera, in quo consistat hæc devotio erga sanctissimam Virginem Mariam? consistit in *veneratione*, *invocatione*, & *imitatione*; si quis tria hæc bene observaverit, sine dubio veram erga Beatissimam Virginem devotionem acquirat. Venerari debemus sanctissimam Virginem, plusquam ullum alium sanctum; quia nullus unquam fuit sanctus, neque erit, qui arctiori & intimiori vinculo unitus fuerit Christo, quam ipsius felicissima mater; proinde debemus illam considerare & revereri, ut reginam angelorum, & sanctorum; ut principale instrumentum omnipotentis divinæ in grandi opere redemptionis humanæ; ut primum prædestinatum, post Jesum Christum Filium suum, caput & exemplar omnium electorum. Verum illam ita honorando, cultu quodam prorsus particulari ac superiori, quam sit ille, qui aliis sanctis exhibetur, caveamus, ne unquam illum comparemus, sive in ca-

the-

thetra, five aliunde, honori ac cultui supremo & absoluto, qui soli Deo debetur. Infinita distantia est inter Deum & creaturas; hinc sæpius monere debent concionatores populum, ut in & ad Deum referat honorem illum, quem Beatissimæ Virgini d'ferunt, & exhibent. Id, quod ipsamet proprio suo exemplo ostendit, ut S. Bern. advertit, ex occasione verborum sanctæ Elisabeth; unde hoc mihi, ut veniat Mater Domini mei ad me? Luc. 1. Super quæ verba ita habet Bern. serm. in nat. B. Mariæ n. 12. Magna quidem præconia, sed & devota humilitas nihil sibi passa retinere in eum magis universa refundit, cujus in se beneficia laudabantur; tu, inquit, magnificas Matrem Domini, sed magnificat anima mea Dominum. Altera obligatio nostra erga Beatissimam Virginem est, invocare illam in omnibus necessitatibus nostris. Illa est Mater clericorum; debent hi recurrere ad illam, in omnibus difficultatibus à ministerio ipsorum inseparabilibus; præter istas communes necessitates habent etiam suas particulares indigentias. Tentationes diaboli, mundi, & carnis, quibus nos magis quàm reliqui fideles expositi sumus, urgent nos ad instantè petendum ab eà suffragium & auxilium. O quisquis intelligis te in hujus sæculi profluvio, magis inter procellas & tempestates fluctuare, quàm per terram ambulare, ne avertas oculos à fulgore

Ella  
huc



*hujus syderis, pergit S. Bern. super Missus est. hom. 2. in periculis, in angustiis, in rebus dubiis, Mariam cogita, Mariam invoca.* Quia inimici nostri prorsus formidandi perquantur nos, de nostra infirmitate, & modica resolutione nostra confisi, hinc ad Mariam recurrendum, quæ illos toties debellavit, & vicit; roganda à nobis est, ut conterat draconis caput, qui in nos insurgit, & devorare nos paratus est. *ecce enim invadit me, Tob. 6.* quia sumus in extrema indigentia, idè ad Mariam confugiamus, quæ & scit indigentiam nostram & nos efficaciter juvare potest; denique quia sine lumine sumus, ac in tenebris constituti, oremus, ut nos illuminet, sitque dux nostra, pharus nostra, stella nostra, in tot periculosis rupibus ac scopulis periculossimis maris hujus mundi. Verùm ut non abutamur hâc nostrâ erga illam fiducia; tertium, quod nos facere oportet est; ut illam imitemur. Non sufficit solummodò recitare quotidie sanctissimum illius Rosarium, vel alias ejusmodi preces persolvere; oportet insuper nobis ipsis pro regula nostrâ proponere virtutes illas, quas ipsa exercuit; fidem ipsius, obedientiam, puritatem, modestiam, humilitatem, & similes; quia in Mariâ inveniemus omnes in gradu eminenti, ut S. Bern. in assumpt. serm. 4. ait; *cæteras quoque virtutes singulares prorsus invenies in Maria, quæ videbantur esse communes*

capitale hoc punctum est, interim tamen id ipsum est, in quo ordinariè delinquimus, & deficiamus, & quæ summa malorum est, dantur nonnulli clerici, qui pro eo, ut peccatores ad pœnitentiam inducant, salutem illis promittunt, quæcunque demum peccata commiserint, modò certæ cuidam confraternitati se inscribi faciant, & vestem illius portent. Inò audent ad confirmationem hujus falsæ opinionis suspectas etiam historias, ne dicam, fabulas citare, à quibus hæretici scandalizantur, & super hoc ingemiscunt illi, qui amorem pro ecclesia, & zelum aliquem pro salute animarum habent. Noli hoc solo contentus esse, ut ipsemet evites talem abusum, sed conare etiam illum populo dissuadere; prædica devotionem, erga sanctissimam Virginem, sed devotionem quamdam sinceram, & solidam, quæ te ad illius imitationem adducet; devotionem talem, quæ non simpliciter in quibusdam exterioribus consistat, sed reformationem morum, conjunctam habeat, & observantiam, mandatorum, & legis divinæ inducat. Factâ hâc resolutione pro præparatione ad Missam conjice oculos tuos in sanctitatem Mariæ; erubescere, quòd tam imperfectus sis adhuc post tot Missas & S. communioniones, considerando per quot, & quas virtutes præparaverit, & dignam se reddiderit Beatissima Virgo, ad eum concipiendum, quem tu toties in S. Altari produxisti, & re-



cepisti, sit itaque vita illius tam perfecta im-  
posterum exemplar vitæ tuæ. Invenies ibi,  
quidquid necessarium est, ut bonus ecclesia-  
sticus evadas. *Talis enim fuit Maria, ut  
ejus unius vita omnium sit disciplina.*  
Ambr. de Virg. l. 2.

\*\*\*(†)\*\*\*(✕)\*\*\*(†)\*\*\*(✕)\*\*\*(†)\*\*\*\*

XXI. Septembris.

DE S. MATHÆO.

*Vidit hominem sedentem in telonio, Ma-  
thæum nomine, & ait illi: sequere me, &  
surgens secutus est eum.* Math. 9. 9.

1. Vocatio S. Mathæi.

2. Quam fideliter huic suæ vocationi  
responderit.

**PUNCTUM** I. **A**Doremus Christum  
Jesum Dominum no-  
strum, & gratias illi agamus, ob electionem  
hujus publicani ab æterno, & in tempore,  
ut cum cooptaret in ordinem Apostolorum.  
Quotiescunque festum aliquod Apostolorum  
celebramus, admirari debemus effectus divi-  
næ bonitatis in vocatione illorum; habemus  
autem specialem causam id faciendi ob ele-  
ctionem S. Mathæi, ubi modo quodam emi-  
nentiori gratia Dei emicuit. Vidit Jesus  
publicanum hunc telonio suo assidentem,  
vocat eum ad sequelam suam; Mathæus,  
ne momentum quidem temporis perdere vo-  
lens, quin negotiis suis providere voluisset,  
statim surgit, & hunc divinum magistrum  
se-

sequitur; relinquit non rete aliquod, vel naviculam, ut cæteri Apostoli, sed divitias non contemnendas sacrificat totum, quod ulterius lucrari potuisset, ut sequeretur Filium hominis, qui non habet, ubi caput suum reclinet, qui ex elemosynis vivebat, nec aliud suis sequacibus promittebat, nisi cruces, adversitates, & persecutiones. O vocationem prorsus extraordinariam! ô subitanam mutationem! verum est, publicanum hunc habere potuisse notitiam de miraculis & doctrina Salvatoris, & fortè etiam audisse ipsum prædicantem; scio etiam. Quid S. Hieron. dicat, *quod fulgor & majestas divinitatis occulta, quæ etiam in humana facie relucebat, ex primo ad se videntes trahere poterat aspectu*. Sed tamen fateri oportet conversionem adeò stupendam non nisi effectum esse potuisse gratiæ omnipotentis Salvatoris, qui conjectis misericordiæ suæ oculis in hunc publicanum, eum lucratus est, ac efficaciter ad sui sequelam permovit. O Jesu! quàm potens & efficax est obtutus tuus! respice, quæso etiam in me, ut tibi inhæream, ac per omnia te sequar. *Aspice in me & miserere mei*, Ps. 118. Verum est, vocationem S. Mathæi initium fuisse felicitatis ipsius; sed fidelitas illius in respondendo huic vocationi, consumatio hujus felicitatis fuit; si neglixisset gratiam vocantis se Domini, fortassis hic nunquam amplius rediisset, & alius co-



ronam ejus accepisset. Hanc te oportet facere reflexionem in isto primo puncto. Vocavit te Deus ad statum clericalem, & à corruptione hujus mundi te advocavit; si non fuisti publicanus quidam, fortassis vitam duxisti in mundo non minus inordinatam, dum tibi locum in ecclesia concessit; quam igitur causam habes gratias agendi, huic tam grandi misericordiæ Dei! *qui de stercore elevat pauperem, ut sedeat cum principibus, & solium gloria teneat, 1. Reg. 2.* Quia verò non sufficit gratum te ostendere, hinc debes instar S. Mathæi huic gratiæ vocationis tuæ etiam fideliter cooperari; in hunc effectum.

PUNCTUM II. Vide quomodo hic S. Apostolus absque dilatione, absque regressu, & pro semper Christo se tradat. imo. sequitur Salvatorem *absque dilatione*, non disputat, nullam facit objectionem, prout ille fecit, qui permitti sibi petiit, ut patri suo defuncto prius justa persolvere posset, Math. 8. 21. Neque ut ille, qui Christum de medio interrogans, quomodo vitam æternam consequi posset, & accepto responso, quòd, si perfectus esse vellet, omnia, quæ possideret, relinquere deberet, ac pauperibus distribuere, tristis abiit, quia erat habens multas possessiones, Math. 19. 22. Longè aliter sentiebat S. Mathæus, considerabat nempe seipsum ut agrotum, quem magnus medicus visitat; ut mancipium, cui vincula dissol-

vuntur; in continenti igitur omnia, quæ in mundo habebat, reliquit; aliis cessit bona sua, & prætensiones in futurum, ut deinceps non nisi Christi Jesu esset. Anne & tu quoque ita te Christo dedisti? ah! longo jam tempore gloriaris, ministrum te esse Christi Jesu, & fortè, ne semel quidem adhuc vitiosos habitus, & inclinationes tuas abjecisti, ut eum sequi & imitari posses? si dixisti te ad eum pertinere, semper hoc factum fuit ægrè, & cum reservatione. O quàm longè abes à dispositione sancti hujus! dedit se Christo non solum absque dilatione, sed insuper etiam. 2do. *Absque regressu.* Dum semel manum suam ad aratrum misit, nunquam amplius retrò aspexit; quàm primùm cognovit Filium Dei, eum fideliter secutus est, in itineribus, in paupertate, in tolerantia, quin unquam reversus sit ad suum officium, quod derelinquit. Reversi sunt alii Apostoli, ad piscationem post resurrectionem Jesu Christi à mortuis, quia innocens erat occupatio; sed quia absolutè loquendo professio hæc, cui S. Mathæus addictus fuerat, exerceri quidem poterat, absque injustitia ulla, nihilominus, quia vix possibile erat, quin plures intervenirent injustitiæ, æternum fecit ab illa divortium. Anne similiter & nos fecimus circa ea, quæ nos ab ejus servitio impedire possent? plurimi clerici non nisi victimæ coactæ sunt, quas ad altare vti trahi oportet.



oportet, qui brevi iterum resumunt principia & spiritum hujus sæculi. Ah! quantis gratis opus erat, ut Deus nos exinde aveleret, *de latu miseria, & de luto facis?* Ps. 39. & tamen audemus iterum nos infingere eidem luto? ah! quàm corruptum est cor illud, quod postquam gustavit Jesum Christum, Spiritu illius repletum fuit, gratiaque illius ac justitiâ decoratum, nauseam statim sentit, & ad ollas Ægypti revertitur, ut creaturâ aliquâ fruatur, phantasmata sectetur, vel potiùs stercora amplectatur! *qui nutriebantur in croceis, amplexati sunt stercora.* Thren. 4. 5. Sed redeamus ad S. Mattheum, qui consecravat se Christo *absque dilatione, & absque regressu.* Ac pro semper, toto vitæ suæ tempore deditus erat servitio magistri ac Domini sui. Amor, quo in eum ferebatur, inspirabat ipsi zelum ad eò ardentem, ut intra Judæam se continere non valuerit; majori campo, & magis extenso opus erat. Ad intima Æthiopix penetravit, id est, juxta expressionem ipsiusmet Salvatoris, usque ad extremum terræ, ibique manifestavit, & notam fecit sapientiam veri Salomonis; accessit clima aliquod calidissimis radiis solaribus infestum, ut illuminaret populum sedentem in umbra mortis, illorumque oculis ostenderet verum lumen solis justitiæ; exturbavit dæmonem à possessione sua, qui gentem illam mille brutalibus superstitionibus

bus vincitiam tenebat. O quot cruces, quot contradictiones, quot pericula expertus fuit in missione adeò difficili! sed hoc ipsum fuit, quod zelum ipsius auxit, & animavit. Lauda Deum, quòd adeò benedixerit laboribus Apostoli hujus; roga illum pro gratia, ut pariter ambulare valeas per vias justitiæ, & perfectionis, quas gloriosissimus hic evangelista nobis annuntiavit, & notas fecit. *Mementote præpositorum vestrorum, qui vobis locuti sunt verbum Dei, quorum intuentes exitum conversationis, imitamini fidem,* Hebr. 13. 7. Tribue, quæso, mihi Domine, ut lectio sanctarum istarum virtutum continuum nutrimentum, & cibus meus sit, transeântque à corde ad manus meas, mediante fideli executione eorum, quæ facienda cognovero; *levavi manus meas ad mandata tua, quæ dilexi,* Ps. 118. ut per omnes actiones meas, & tantum amorem, qui nil exhorrescat, & desiderium meum tibi demonstrem, quòd imitari velim vitam apostolorum tuorum, & sequi exemplum, quod nobis reliquerunt. Pro Missa, memor esto convivii, quod S. Mathæus Christo Domino fecit, ut gratitudinem suam, gaudiûmque ostenderet ex eo conceptum, quòd ad sequelam, illius vocatus fuerit. Potes illud considerare, ut imaginem cœnæ eucharisticæ, quæ omnem dulcedinem gratiarum in se continet, quas Dominus noster Jesus Christus



flus iis conferre solet, qui se absque ulla reservatione servitio ipsius mancipant, faciet Dominus convivium pinguium; convivium vindemiæ, pinguium medullatorum, vindemiæ defæcata, Isa. 25. 6.

XXIX. Septembris.

DE S. MICHAELĒ, & SS. ANGELIS  
CUSTODIBUS.

*Nonne omnes sunt administratorii spiritus, in ministerium missi, propter eos, qui hereditatem capient salutis. Hebr. 1. 14.*

DE DEVOTIONE ERGA SS. ANGE-  
LOS CUSTODES.

1. Obligatio nostra erga illos.
2. Quam illis gratitudinem debeamus.

PUNCTUM I. **A**doremus Dei providentiam in assignatione SS. Angelorum pro nostra custodia, ut necessitatibus nostris invigilent. Qualis honor pro nobis? qualis excessus divini in nos amoris, quod curam commiserit spiritibus adeo sublimibus, tamque unitis sibi in æternâ beatitudine, non solum populorum, vel regnorum, sed etiam cujusque hominis in particulari? gratias agamus divinæ bonitati pro hoc beneficio inæstimabili, & benè intelligere, ac comprehendere studeamus, quantis nos beneficiis sibi obstringant hi beatissimi spiritus. imo. sunt custodes nostri, & duces; semper lateri nostro assistunt, ut à peccatis  
nos

nos custodiant in tot periculis, quæ tota vitâ nostrâ nos circumdant; *angelis suis mandavit de te, ut custodiant te in omnibus viis tuis*, Ps. 90. 11. Qualis consolatio pro nobis, quòd sciamus, Angelum Domini semper nobiscum esse, sive dormiamus, sive vigilemus, sive laboremus, sive quiescamus. *Angelus meus vobiscum est*, Baruch. 6. Nobiscum est in vita; nobiscum est in hora mortis, & optat, ut & nos cum ipso simus per totam æternitatem. Quod autem vel maximè æstimare debemus, hoc est, esse angelos istos tam fideles, atque securos, ut perfectè omnino sciant viam, quæ ad cælum ducit, utpote ipsimet aliquando viatores; docentque nos per suam humilitatem, submissionem, zelum, & activitatem, obedire Dei mandatis, quodque aliter beati esse nequeamus, nisi constanter Deo adhærendo; *attendunt nos peregrinos* ait S. August. in Ps. 82. n. 6. *§ miserantur nos, § jussu Domini auxiliantur nobis, ut ad illam patriam communem aliquando redeamus, § ibi cum illis fonte dominico veritatis, § æternitatis aliquando saturemur.* 2do. sunt amici nostri, sed amici verè charitativi, qui nos hortantur, monent, & ob defectus nostros nos reprehendunt. Mille modis diversificant has suas exhortationes, & reprehensiones, ut sic eas efficaces reddant, nostræque dispositioni proportionatas. Expectant



tempus, & momenta favorabiliora, quò cor nostrum penetrare valeant veritates, quibus antea rebelles eramus. O quoties, dum limites temperantiæ excessimus, ad cor nostrum nobis locutus est bonus angelus; potesne adeò tui oblivisci, ut brevem ac brutalem voluptatem salutis tuæ proferes? quoties dum irâ & vindictâ corrupti fuimus, castas illas delicias nobis repræsentavit, quibus anima gaudet, quæ in pace vivit? quoties si imprudenter in malam quamdam societatem pervenimus, admonuit nos, ut citò citius pedem reframus, ne torrente mali exempli abrepti, eo usque deveniamus, ut unâ cum malis sociis pereamus? *surge, ne & tu pariter pereas in scelere civitatis, Gen. 19. 15.* Hæc sunt verba, quæ dixerunt angeli ad Loth; & quia ille differebat exire Sodomâ, violenter eum exinde eduxerunt. *Dissimulante illo, apprehenderunt manum ejus.* An non id ipsum boni angeli etiam quoad nos fecerunt, obtinendo nobis à Deo precibus suis illas efficaces, & victoriosas gratias, sine quibus pericula nobis imminencia non evasissemus? 3tio. sunt *protectores* nostri apud Deum; offerunt illi preces nostras, & modicum illud boni, quod facimus, ut nobis veniam & misericordiam, quâ indigemus, ab eodem obtineant. Pleni zelo & sollicitudine pro salute nostra aliud magis non optant, quàm ut nos socios habeant beatitudinis suæ,

&c

& ut vacuæ angelorum apostatarum sedes, qui non servaverunt suum principatum, à nobis impleantur. Sine intermissione supplicant divinæ bonitati, ad concedendum nobis gratias suas, quibûs ad beatitudinem æternam pertingere valeamus; defendunt nos ab assultu & impugnatione dæmonum, qui nobis eam eripere laborant. O quis enarret omnia servitia, quæ nobis hi sancti angeli præstant, & obligationem reciprocam, quâ iis obstricti sumus? certò de hoc persuasi sumus; & discamus exinde pariter, in quanta æstimatione nobis esse debeat anima nostra, *magna dignitas animarum, ut unaquaque habeat ab ortu natiuitatis in custodiam suum angelum delegatum!* Hier. in Math. c. 18. & pro

PUNCTUM II. Tot nobis exhibitis & exhibendis beneficiis, debitam ac proportionatam eis gratitudinem exhibere studeamus. Explicat hoc ipsum S. Bern. super ista verba Ps. 90. *Angelis suis Deus mandavit &c.* ferm. 11. & 12. in Ps. 90. *Quantam tibi debet hoc verbum inferre reverentiam, asserre devotionem, conferre fiduciam? reverentiam pro præstantia. devotionem pro benevolentia, fiduciam pro custodia. Reverentiam pro præsentia.* Quid? an non eundem respectum & reverentiam pro angelo habeamus, qualem iis exhibuimus, qui in juventute nostra magistri nostri, & præceptores fuere? nihil in



eorum conspectu ausi fuisset patrare, non dico, quid peccaminosum, sed nec minimam actionem, contra decentiam & modestiam. An non igitur certò de hoc persuasi, in quocunque demum loco simus, Angelum nostrum nobiscum esse, id ipsum etiam à nobis ipsis obtineamus? an non præsentia ipsius instar fræni nobis esse debet, ut intra limites perfectæ ac exactæ alicujus modestiæ nos contineamus? anne in tantum nostri ipsorum obliviscemur, ut in conspectu principis curiæ cælestis, qui incessanter throno Dei assistit, id agere præsumamus, quod coram hominibus non auderemus? *in quovis diversorio, in quovis angulo, angelo tuo reverentiam habe; tu ne audeas illo præsentè, quod vidente me non auderes?* ibid. 2do. amici nostri sunt nobis addictissimi; petunt igitur à nobis *dévotionem pro benevolentia*. Omnibus necessitatibus nostris invigilant, & obligationum nostrarum nos admonent; audire eos debemus, ipsorum monitis obedire, & fructum trahere ex omni illo bono, quod nobis conferunt. Interim tamen, ubi est reverentia, & submissio nostra erga illos? pro eo, ut aurem præbeamus inspirationibus S. Angeli nostri, quoties eundem contristavimus per inobedientias nostras, & affectum peccaminosum erga res viles & indignas christiano vel clerico? pacem quamprimum ineamus cum adversario hoc nostro, & charitativo censore vitiorum nostrorum, quam

quamdiu adhuc in via cum illo sumus, ne nos  
 iudici tradat; ne testem contra nos agat, ne  
 nobis in præsentia iudicis exprobet, surdos nos  
 fuisse ad omnia illius consilia, ac omnem illius  
 correctionem sprevisse. Revereamur igitur il-  
 lud, & vocem illius audiamus; *observa eum,*  
*& audi vocem ejus nec contemnendum putes,*  
*quia non dimittet, cum peccaveris, & est no-*  
*men meum in illo, ait Dominus; quod si audi-*  
*eris vocem ejus, & feceris omnia, quæ loquor,*  
*inimicus ero inimicis tuis, & affligam affli-*  
*gentes te.* Exod. 23. 21. 3tio boni Angeli,  
 protectores nostri sunt; protectio ista fiduciam  
 à nobis exigit *pro custodia.* Possumusne dubi-  
 tare, quin omninò potentes apud Deum sint,  
 siquidem semper fideles illi permanserunt; ei-  
 que amore invariabili adhærent, & non nisi ve-  
 nus spiritus cum illo sunt. Igitur magnam ere-  
 ga illos fiduciam concipiamus in omnibus oc-  
 currentiis & mutationibus variis vitæ nostræ;  
 assistentiam illorum imploremus, ut nos à la-  
 queis diaboli securos reddant, & contra tenta-  
 tiones & assultus leonis hujus rugientis defen-  
 dant, qui aliud non quærit, nec intendit, nisi  
 ut devoret nos. Tutelaris Angele, custos fi-  
 delissime, amice generose, protector poten-  
 tissime, qui curam mei suscepisti, durante hac  
 vitâ meâ, & tot signa tuâ in me benevolentia  
 mihi dedisti; fac me ea omnia semper, & ubi-  
 que cognoscere, & agnoscere, quæ Deus me-  
 us à me ad propriam sanctificationem meam

*Medit. Pars Autum.*                      li                      re-



requirit; impetra mihi gratiam, ut ea opere ipso compleam. Conserva me in periculis, quibus ratione inimicorum meorum expositus sum, quibusque ratione propriæ ac naturalis corruptionis meæ continuo subjaceo. Illumina tenebras meas; dissipa omnes sathanæ illusiones; dirige gressus meos, ut Dei voluntatem & consilia de me exequendo, ad eandem tecum beatitudinem feliciter tandem pervenire mereamur. Percipiemus hodie pignus, & prægustum quemdam hujus inestimabilis beatitudinis in S. communione, si ad eam accedamus, prout oportet. Satagamus igitur comedere hunc panem Angelorum novâ cum puritate; conjungamus nos his beatissimis spiritibus, qui altare circumstant, ac incessanter divinum Salvatorem nostrum benedicunt, & laudant, quousque tandem cum ipsis eundem possidere valeamus in cœlis sine velamine & obscuritate. *In conspectu Angelorum psallam tibi; adorabo ad templum sanctum tuum, & confitebor nomini tuo.* Psal. 137.

\* \* \* \* \*

IV. *Octobris.*

DE S. FRANCISCO ASSISINATE PATRIARCHA FRATRUM MINORUM.

*Christo confixus sum cruci.*

Galat. 2.

1. S. Franciscus crucifixus erat cum Christo, ob virtutes, in quibus eum imitatus est,

2. Vita christiani, maximè verò ministri Ecclesiæ, debet esse continua quædam crucifixio.

PUNCTUM I. EN! sanctum aliquem, quem suscitavit Deus in sæculo duodecimo, ut esset perfecta Imago Filii sui crucifixi. Tria intervenerunt in crucifixione Jesu Christi; spoliaverunt eum vestibus suis; *exuerunt*; contumeliosè illum tractarunt; *illuserunt*; foderunt manus & pedes illius, & cruci affixerunt; *crucifixerunt*. Eundem effectum in S. Francisco habuere, & causarunt virtutes evangelicæ. Paupertas illum *spoliavit*; poenitentia *humiliavit*, & charitas illum *crucifixit* cum Christo Jesu. Providentia divina, quæ eum destinavit ad hoc, ut vestigiis insisteret Salvatoris, qui amore nostri pauper & egenus factus est. quique copiam sui, seu imaginem, huic divino originali aliquatenus similem nobis exhibere voluit; permisit, ut instar ipsius nasceretur in quodam stabulo. Parentes illius, qui consilium DEI super illo nescierunt, mercaturæ eum applicarunt; sed ad aliud genus, commercii prorsus divini vocatum se sentiebat Franciscus per quod bona cœlestia requirantur, per contemptum nimirum bonorum terrestrium; omnia sua usque ad vestes etiam proprias Patri suo reliquit, ut Jesum in perfecta quædam nuditate sequeretur. Non fuit de numero illorum pauperum, qui nullam prorsus

lis in



incommoditatem paupertatis sentire, & tolerare voluit; probatus & purificatus nempe fuit *in camino paupertatis*. Sensit nimirum, vel potius guttatim, ac longo tempore absorbuit rigorem, & incommoda paupertate inseparabilia; famem, sitim, nuditatem, frigus excessivum, calorem insupportabilem, lectum, seu potius stratum durissimum &c. Non nisi Deum solum quærebat; in suis indigentis, in eoque omnia se habere putavit, conformiter sententiæ illius præclarissimæ, quàm continuo in ore suo versabat; *Deus meus, & omnia*. Perfectus hic pauper talis fuit in omnibus, & quoad omnia; pauper in sua nativitate: mundum hunc primò aspexit in stabulo; pauper in vita seu modo vivendi, dum omnibus quæ in futurum habere poterat, generaliter renuntiavit; pauper in vestitu, quem omninò exuit, quò domi utebatur, & non nisi sacco, & cilicìo se vestivit, pauper in habitatione, non nisi domum, vel tugurium commodatum inhabitans, sepulchro, quàm cellulæ cuidam similis, pauper unò verbò, in omnibus, ad imitationem Jesu Christi, cuius excellentem imaginem nobis proponit Chrysost. dum de eo ita loquitur; *nascitur in præsepìo, famet in deserto, pauperibus stipatur, nudus in cruce moritur*. Magnum exemplar hoc est omnium prædestinatorum, quod fideliter in seipso expressit Franciscus. Nascitur in hunc mundum in quodam paupere stabulo; vivit in jejuniis, & continua

quæ

quadam necessitate & indigentia, nonnisi confortium pauperum amat, moritur in lectulo ex asseribus incompacto, quasi in cruce quadam durissima. En! primum lineamentum conformitatis illius cum Jesu crucifixo! Veniamus ad 2dum, nempe poenitentiam illius, quæ cum omni generi illusionum & irrisionum apud mundanos exposuit, quemadmodum Jesus à Judæis ludibrio fuit habitus. Vix fundamenta jecerat pauperrimi ordinis sui adeò humilis, austeri, poenitentis, & principiis hujus sæculi tam repugnantia, pro eo, ut plausum & laudem à mundo retulisset, ipse cum discipulis & primis sociis pro stulto habebatur sed in hoc vel maximè gloriabantur, & gaudebant dicentes, *nos stulti propter Christum*. Fabula erant, dicereque cum Apostolo poterant, *tanquam purgamenta hujus mundi facti sumus, omnium peripsēma usque adhuc*. 1. Cor 4 13. Prætiolæ sane scopæ, quas Deus in sinu suo non est dedignatus recondere! adeò enim statim multiplicavit eos, ut Franciscus coactus fuerit in diversis locis novas erigere colonias, hanc etiam consolationem habuit, ut in quodam generali capitulo quinque millia suorum congregata viderit, felicissimus sanè ex omnibus Patriarchis. Quamquam vel maximè à poenitentia abhorreat mundus, impedire tamen non potest, quin reperiat Franciscus semper novos sui sequaces, qui studeant evadere imitatores pauperis



ris humilis & pœnitentis Christi, ad exem-  
 plum sui sancti Patriarchæ qui eidem adeo  
 conformis fuit, non solum in paupertate &  
 pœnitentia, sed etiam in charitate, quâ eidem  
 crucifixus erat cruci. Vix mundo renuntiâ-  
 rat Franciscus, ut se totum Christo Jesu da-  
 ret, quin statim summum in eo desiderium  
 exarserit, seipsum crucifigendi ut adeo mila-  
 le modos invenerit, seipsum affligendi, & cru-  
 ciandi, nuncvolvendo seipsum inter spinas;  
 nunc nudum se quasi in nive sepeliendo; nunc  
 corpus diris flagellis macerando, & tam cru-  
 deliter tractando, ut obligatum se crediderit  
 adveniente hora mortis, veniam ab eo pe-  
 tendi, quando secum expendebat Jesum Chri-  
 stum in cruce pendentem vulneribus & pla-  
 gis coopertum, vix se resolvere poterat ad  
 ampliusvivendum sine vulnere, cum S. Bern.  
*eum te videam vulneratum, nolo vivere sine*  
*vulnere.* Hinc in eo ortum habuit nobilis illa  
 ambitio prædicandi Evangelium in Africa &  
 mortem indagandi inter infideles, quam inter  
 christianos invenire non poterat. Quia vero  
 reperire id non poterat, quod tam ardentem  
 desiderabat, anne forte carere quoque debuit  
 gloriâ istâ, ut cum Christo crucifixus esset?  
 nequaquam; quod manus hominum efficere  
 non potuere, solus amor certè ingeniosus effe-  
 cit. Reversus sanctus hic vir in Italiam, ut  
 liberius in horrido deserto deplorare, & plan-  
 gere posset passionem Salvatoris sui, hoc suo  
 com-

compallivo amore promeruit, ut inter ardentissimi nos charitatis affectus & ferventissimam meditationem reciperet sacra Christi Jesu stigmata in suo corpore, & sic gloriosissima, & fidelissima imago illius efficeretur. O stupendum, & usque ad illud tempus inauditum miraculum! habuit Franciscus non solum gloriam istam & honorem, patiendi pro Christo, & prout ipse passus fuit, sed etiam ut ab ipso Jesu pateretur, & sacra illius stigmata per manus illius impressa reciperet. *Charitate vulneratus ego sum.* Gratias Deo agamus, quod Ecclesie suae hunc illustrissimum charitatis martyrem dederit, &

PUNCUM II. Hanc insuper reflexionem faciamus, vitam christiani, maxime autem Clericorum continuam esse debere crucifixionem; id, quod nos docet S. Paulus, Galat. 5. 24. *qui autem sunt Christi carnem suam crucifixerunt cum vitiis & concupiscentiis.* En! quale debeat esse nostrum exercitium, quamdiu hic vivimus super terram; hinc dixit S. Aug. serm. 32. de SS. *tota vita christiani hominis, s; secundum Evangelium vivas, crux est, & Martyrium.* Credisne hanc veritatem? ut autem ad praxin deveniamus, nota hanc crucifixionem secum importare, imo generosam abrenuntiationem bonorum hujus mundi, quod indicant verba ista Salvatoris, Luc. 14. 33. *qui non renuntiat omnibus, quae possidet, non potest meus esse discipulus.*  
Et



Et si scire velis quasnam conditiones hæc interior renuntiatio exigat? en illas tribus verbis! debent bona hæc acquiri non solum absque iniustitia, sed etiam absque aviditate; debent possideri absque superbia, & abusu; & denique paratum esse oportet, relinquere illa absque murmuratione & dolore, vel per elemosynas vel aliter disponente Dei providentia. O quam rarum est invenire tales christianos, imò etiam inter Clericos, qui taliter comparati sint? *quàm rarus est*, ait S. Ambrosius. in Ps. 118 *qui possit dicere, portio mea Domini! quàm rarus est, qui nihil cum sæculo habeat commune!* oportet sæpius ac frequentius crucifigere passiones suas, ut quis eò perveniat. 2dò hæc crucifixio petit continuam mortificationem inordinatarum voluptatum, hoc est, non solum renuntiare debemus operibus carnis intemperantiæ, impudiciæ &c. sed etiam omni illi, quod nos ad tales excessus perducere posset; non sufficit ut non simus jurati inimici crucis Jesu Christi, sed debemus insuper signa seu stigmata Dei nostri, amore nostri crucifixi, portare, adeò ut quasi impressa sint corpori nostro per continuam sollicitudinem & applicationem, reprimendo sensus, & inclinationes nostras inordinatas. *Semper mortificationem Jesu in corpore nostro circumferentes.* 2. Cor. 4 3tiò hæc crucifixio trahit post se amorem ardentem, & gratitudine plenum erga Jesum crucifixum, & pas-

passionem illius. Verus christianus non potest  
 serio meditari Christum Jesum crucifixum,  
 quin animæ suæ illum imprimat, quin manus  
 suas expansas consideret ad se amplectendum,  
 cor seu latus apertum ad se amandum. To-  
 tum corpus ad se redimendum expositum,  
 & consequenter, quin id fiat, quod S. Aug. ait;  
*totus tibi figatur in corde, qui totus pro te fuit  
 fixus in cruce.* Examina modò an talis cum  
 Jesu crucifixus homo sis? esne hic pauper e-  
 vangelicus, cujus cor omninò abstractum est  
 à vanis honoribus, & perituris bonis hujus  
 mundi? si tibi surripiuntur, quid dicis? quid  
 cogitas? an non ipsa cutis tua tibi quasi de-  
 trahitur? *ut cutis à carne distrahitur, non ut  
 vestis deponitur.* Aug. in Ps. Quinam est a-  
 mor tuus pro Jesu? & quidem crucifixo? con-  
 gitasne frequenter de illo? imitarisne illum?  
 portasne stigmata illius in corpore tuo per con-  
 tinuam mortificationem? esne affixus obliga-  
 tionibus statûs tui, tanquam crucis tuæ, à  
 qua tota vita tua nunquam descendere debes?  
 annon è contrario ex numero sensualium; &  
 voluptuosorum hominum illorum es? qui de  
 alio non cogitant, quàm quomodo ingrassan-  
 ter & voluptariè ac deliciosè vivant? ah quàm  
 longè adhuc abes à monte Calvaria, & à  
 crucè Jesu Christi? humilia te, & stude quam-  
 primùm propriæ tuæ reformationi. Pro com-  
 munionem, vel Missa memoresco, opus esse  
 carne mortificata, ut quis se carne agni im-



maculati nutriat, & valde puram esse oportere animam, quæ divina mysteria celebrare velit, id quod Angelus quidam S. Francisco intimavit figura vasculi cujusdam crystallini lucidissimi, ac purissimâ aquâ pleni. Hinc statim se resolvit ad permanendum in statu Diaconatûs, indignum se judicans, qui ut sacerdos adorandam hanc victimam immolet, quam nos quotidie offerimus. Imitemur illum saltem in aliquo quoad hanc profundam illius humilitatem! hæc erit optima dispositio, quam ad altare afferre possimus, & post lectam Missam vel peractam communionem, eandem virtutem exerceamus, dicendo cum Jacob, ex intimo corde, agnoscendo miseras nostras, & magnitudinem miserationum divinarum; *Domine, minor sum cunctis miserationibus tuis*, Gen. 32.

~~~~~  
XV. OCTOBRIS.

DE S. THERESIA.

Inveni, quem diligit anima; tenuit eum, nec dimittam, donec introducam illum in domum matris meæ. Cant. 3.

1. Invenit Theresia Jesum in iis, quæ passa est.
2. Possedit, illum in oratione seu contemplatione.
3. Introduxit illum in ordinem, quem reformavit.

PUNCTUM I.

PRIMUM, quod in S. Theresia notandum est, desiderium

derium illud est, quod à tenera ætate habuit, sacrificandi nimirum vitam suam pro Christo Jesu. Animi generositate pari Martyribus, eò etiam conmittebatur, ut zelum illorum imitaretur, quò etiam coronari cum ipsis pari coronâ mereretur in cælis. *Quid*, dicebat, *semper, semper, semper.* vita S. Theres. c. 1. Non attenta debilitate ætatis suæ, delicato temperamento suo, nec fragilitate sui sexûs, septimo statim ætatis suæ anno, barbaram inter Mauros manum indagabat, à qua promptè & maturè Christo Jesu immolaretur. O animum omninò heroicum! sed quàm difficile est, virtutem adhuc teneram, ac primum natam, resistere omnibus laqueis, quos mundus ei parat! non debemus dissimulare etiam hoc; Theresia experta est id, ut ab ea discederent reliqui juvenes, & adolescentulæ. Quamvis à sua nobili familia, aliud non audierit, quàm lectiones devotionis, & pietatis, sensit tamen se brevi, exemplo quodam domestico, affectam valdè lectione comædiarum, & fabulosoꝝum figmentorum, & quia etiam scæpius conversabatur cum aliqua omninò vana, & mundana consanguinea, quæ non nisi principiis sæcularibus plena erat. Adeò refriguit in ea omnis sensus pietatis, quo Deus eam prævenit, ut sine gratia extraordinaria seu speciali, planè abrepta fuisset torrente illo, qui tot animas in infernum secum trahere consuevit. Si libros ejusmodi profanos eò peri-

culosiores esse dicerem, quò magis ex industria venenum suum occultare student, mihi fortè non crederes & opinionem hanc meam nimis rigidam esse diceres, quamvis opinio sit omnium sanctorum, sed crede hoc Theresiæ, quidnam eam eò deduxerit, ut duobus solummodò digitis, à præcipitio, & interitu abfuerit, ibid, c. 2. Agnoscens igitur, aerem huius sæculi, fatalem esse innocentiae suæ, eidem renuntiare statuit. Deus, ut eam ad se revocaret, per acerbis & continuas infirmitates illam afflixit, ubi ab hominibus derelicta, non nisi de Deo cogitare cœpit. Huc nempe redacta, has duas extremitates experta est, *aut pati aut mori*. Videns enim mortem se evadere non posse, nisi patiendo, nec passionem evitare, nisi moriendo, intellexit perbenè dilectum suum sibi planè talem esse, qualem sponsa in Canticis descripsit, *fasciculus myrrhæ, dilectus meus mihi*. O quàm luculenter experta est, partem aliquam agoniae Christi Jesu, à Patre suo derelicti! à quàm saepe, & quàm longo tempore invenit se positam in terra deserta, invia & inaquosa! anima illius similis montibus illis Gelboe, maledictione à Deo percussis! nec guttulam aliqujus pluviae, vel roris recepit. Non nisi iustum, ac severum erga se experta fuit Deum. Blanditiæ illius vertebantur in repulsam, ad quod genus martyrii comprehendendum, necesse est, ut quis amet ipsemet. Septemdecim

cum ipsos annos transegit in hac atroci probatione, quin constantia illius mota, & fiducia illius diminuta fuisset; imò à contrario, nunquam majori fortitudine & generositate prædita fuerat; in miserabili enim statu isto, & laboriosissimo conservabat seipsam, fide sua omninò grandi, in spem contra spem credidit, & terribilem manum istam, quæ ipsam in furore suo contereere velle videbatur, amorosissimè exosculabatur. Nunquam immodicè inhærebat, & affixa erat blanditiis, & favoribus sponsi sui, quemadmodum animæ illæ omninò sensuales, quæ omnem statim devotionem, & pietatem deserunt, si non gustu, & suavitatibus abundant, neque uno solo die de propriis expensis servire volunt. Theresia unicè Jesum, & hunc crucifixum vult; præfert absque hæsitacione fel, clavos, spinas ipsius, omni dulcedini, gaudiis & consolationibus spiritualibus, magisque æstimat derelictionem Calvariæ, quàm raptus & extases Thaboris. Quia verò adeò in iis, quæ passa est Theresia, Christum Jesum invenit, videamus nunc, quomodo illum etiam possederit, seu tenuerit, in contemplatione.

PUNCTUM II. Theresia similis sponsæ in Canticis, quæ sponsum suum prius non invenit, nisi relictis post se vigilibus, seu militibus, civitatis custodibus, à quibus malè fuerat habita, omni conatu, etiam à se abjicere studuit vanas ideas hujus sæculi, ut sic dilecto suo

suo prò semper uniri posset, per orationem ferventissimam, & quasi continuam. Qualis fuit hæc ipsius oratio? talis, qualem peccator, ut ego sum, haud explicare valeo, quamque ipsa hæc sancta non nisi magno labore, & difficillimè exprimere poterat. Dicam solummodò id, quod ex lectione vitæ illius didici; fuit oratio illius continua, & perpetua quædam *recollectio* quidquid ei objiciebatur, novas ipsi reflexiones suppeditabat, omnesque actiones suas in continua Dei præsentia peragebat, fuit hæc oratio quædam *quietis* id est, quiescendo, in Deo sibi præsentem, quem ex toto corde amabat, & adorabat, fuit oratio *unionis*, considerando mysterium Incarnationis Filii Dei, & diversos status illos, in quos amor nostri illum redegit, voluit nempe seipsum illi unire & deinceps non vivere, nisi ipsi, & pro ipso; fuit oratio *extasis & raptus*, ubi elevata supra carnem, & sensus suos, Deum quærebat, tanquam principium omnis boni, amplectebatur illum tanquam originem omnis veritatis, & defixa erat in contemplatione perfectionum illius; bonitatis, potentia, majestatis, & gloriæ &c. Erat oratio tam servida, ut impulsam se in illa, & per illam senserit, ad emittendum hoc ardentissimum votum faciendi deinceps semper id, quod perfectius esset. Denique fuit oratio *lacrymarum & gemituum*, quibus amarè deflebat perditionem & interitum tot animarum, & horrendam
deo

depopulationem, & damna, in Gallia, & Germania, ab hæresi tunc grassante, causata. O quanto dolore afficiebatur, quando sibi ipsi tantum numerum Ecclesiarum representabat, quas hæretici destruxerunt, & sic Christum Jesum quasi ex sua propria domo expulerunt, ut ipse modo loquendi utar, quique videbantur nolle illi concedere ullum locum, ubi caput reclinaret; anne similiter movent nos mala Ecclesiæ? qualis est nostra oratio? ubi sunt gemitus? ubi lacrymæ coram Deo profusæ, pro conversione hæreticorum & peccatorum? ah! quàm longè absumus à zelo & perfectione S. Theresiæ. Non contenta erat illa Christum pro se ipsa possidere; curam ac sollicitudinem in se suscepit, ut eum in totum Ordinem suum per reformationem introduceret, & sic ad litteram adimplevit id: *inveni, quem diligit anima mea; tenui eum, nec dimittam, donec introducam illum in domum matris meæ.*

PUNCTUM III. S. Theresia, quæ aliud non optabat, nisi conversionem peccatorum, reductionem hæreticorum, & schismaticorum ad gremium Ecclesiæ, destructionem regni sathanæ, incrementum regni Christi Jesu, neque aliter se ipsam, ob absentiam illius consolari potuit. nisi salute plurimorum; magno ardore & fervore, in reformatione Carmelitici Ordinis amplexa est occasionem, quam Deus illi subministravit, præclarè exercendi zelum

suum; omnibus omninò laboribus, à tanto negotio inseparabilibus sese exposuit; & non obstantibus tot adversitatibus & obstaculis ex omni parte, huic tam laudabili intentioni suæ occurrentibus, eò rem perduxit, ut sine alio fundo, nisi solius providentiæ divinæ, triginta duo monasteria fundaverit, in quibus sine intermissione ad id tendebatur, quòd in vita interiori & perfecta sublimè erat, & excellens. Vidit Hispania cum admiratione imaginem quamdam aurei sæculi, & primitivæ illius Ecclesiæ Jerosolimitanæ; & Alexandrinæ, vel potius Ecclesiæ cœlestis, & vita sanctorum Angelorum. Quale, quantumque gaudium, & excessus jubilationis, videre tot peccatores, ultrò poenitentiam amplexos? tot iustos, qui ad apicem & supremum culmen perfectionis se sublimarunt? hæc fuit gloria hujus sanctæ, quòd Ecclesias has fundaverit, & plantaverit per sudorem suum, labores, persecutiones absque numero, per famem, sitim, vigiliās, necessitates, indigentias, ac verius temporum injurias. Verùm omnia hæc illi dulcia & grati videbantur, modò lucrari posset Christo JESU animas, easque à corruptione hujus sæculi avocare. Culpabilem & infidelem suo sponso, futuram se existimasset, si minori zelo & sollicitudine, salutem animarum iucubuisset, quas eidem diaboli incessanter eripere allaborat. Aspiciebat monasteria sua haud aliter, quàm ut propugnacula & munimenta inexpugnabilia

bilis, & tamquam sacra asyla, ubi omnia in-
tuto essent contra insidas; & arma diabolica.
Dici potest, eam optasse æquè, ac S. Paulum,
anathema esse pro salute peccatorum, & quod
mihi magis mirandum videtur, vixque credi-
bile videri posset, si non ipsamet hoc testaretur;
concessit illi Deus aliquando, tales dolores pa-
ti, ut similes fermè fuerint doloribus inferni,
ut animam cujusdam sanè miserabilis sacerdo-
tis è cœno turpissimorum scelerum revoca-
ret, & extraheret, de cujus salute planè de-
speratum erat, nisi incomparabilis Ther. siæ
charitas ei subvenisset. En! quid sit amare,
non solum cogitatione, vel verbis tantum,
sed effectivè, & in veritate! sic probatur a-
mor! hoc est amorem suum Christo JESU de-
monstrare. O qualis confusio pro nobis, qui
tam tepidi & frigidi sumus in procurando lu-
cro illius, & comodo! mereturne charitas
nostra nomen hoc, quod instar arundinis, instar
modicæ scintillæ est, & cuicunque etiam le-
vi contradictioni, & oppositioni cedit? porci-
t Theresia, sanctâ quâdam auditiâ provocare,
quidquid terribile, & horrendum in mundo es-
se videbatur, an potens foret eam separandi a
charitate Christi JESU; nos vero, si supra de-
bilitatem nostram nos ipsos reflectere veli-
mus & considerare languorem nostrum, no-
stras inclinationes corruptas & perversas a-
morem vitæ præsentis, passiones nostras im-
mortificatas, lapsus nostros frequentes &c. an

Medit. Pers. Aut:

Kk

e

è contrario justam causam habemus, centies de die exclamandi; *quid est, quod nos separare possit à charitate Christi*, humiliemus itaque nos in consideratione imperfectionum nostrarum, & pro communione, vel Missa, instantius rogemus Salvatorem nostrum, ut remedium nobis afferre dignetur. O Domine, ah! *vide humilitatem meam, & eripe me*, Ps 118. Erige me à lapsu! fac, ut impofterum fidelius correspondeam, & cooperer tuæ divinæ gratiæ; & docilior sim ad obediendum sanctæ legi tuæ. Reduc ad te hoc cor meum, quod non nisi pro te, & ad te creatum fuit! ne permittas, obsecro, ut creaturis inordinate inhareat; fac, ut extra te non nisi inquietudinem, & amaritudinem experiatur. Da mihi, Domine Deus meus, ut aliqua ratione participare valeam de virtutibus S. Theresiæ; da mihi, quæso, donum orationis, spiritum zeli, charitatis, humilitatis, & poenitentiae, quod plena fuit Theresia. O si anima nostra his omnibus virtutibus ornata foret, certe dicere possemus, nos fecisse id, quod potuimus, ad digne recipiendum inter nos Christum Jesum, dilectum animæ nostræ sponsum; *dilectus meus descendit in hortum suum*. Cant. 6. 1.

****)✠(****)✠(****)✠(****)✠(****)✠(****)

XVIII. OCTOBRIS.

DE S. LUCA EVANGELISTA.

Similitudo quatuor animalium, & hic aspectus eorum. Ezech. 1. 5.

DE

DE QUALITATIBUS VIRI EVANGELICI,
INQUATUOR ISTIS ANIMALIBUS PRÆFIGURATIS.

1. Cur sancti Evangelistæ præfigurati fuerint per hæc mysteriosa animalia.
2. Quomodo S. Lucas huic significationi satisfecerit.
3. Quid nos facere oporteat, ut eum imitemur.

PUNCTUM I. DUM Ecclesia in festo Evangelistarum visi-

onem mysteriosam Prophetæ Ezechielis proponit, conabimur in præsentī meditatione, eruere sensum illum spiritualem, quem huic mysterio tribuit. Considerat ista quatuor animalia, ut figuras quatuor Evangelistarum. Facies *hominis*, ait S. Hieron. in Ezech c.

1. repræsentat S. Matthæum, qui suum Evangelium orditur à genealogia Christi Domini secundum humanitatem; per faciem *leonis*, intelligitur Marcus, cujus Evangelium incipitur à prædicatione S. Joannis in deserto, & per vocem clamantis: *penitentiam agite*, quæ instar rugitus leonis est. Evangelium Lucæ figuratur per faciem *bovis*, quia, quemadmodum animal istud pro sacrificio destinatum erat, sic Evangelista hic sumit initium à sacerdotio Zachariæ. Denique facies *aquila*, S. Joannem demonstrat, qui ut aquila usque ad cælum se sublimavit, describendo æternam

Filii Dei generationem. Facies hominis, & facies leonis, quæ temporalem nativitatem Christi, & prædicationem præcursoris ipsius præfigurabant, erant à dextris, facies verò *bovis* à sinistris, quia ut idem S. Doctor ait, sacerdotium, & victimæ veteris legis aboleri debebant, & locum dari spirituali sacerdotio illius, ad quem dictum fuit: *tu es sacerdos in æternum, secundum ordinem Melchisedech.* Facies aquilæ deluper ipsorum quatuor erat, quia æterna verbi divini generatio longè sublimior est illius generatione temporali; & prophetia præcursoris ipsius, & sacerdotio veteris legis, dum S. Joannes nobis declarat, qualiter ab æterno Pater in Filio, & Filius in Patre suo æterno sit, Omnes tamen hæ facies animalium istorum ad eam conjunctæ erant, ut non nisi unum solum Evangelium, propriè loquendo, componunt, quod Christum nobis diversimodè, ac in diversis statibus repræsentat. Facies, & alæ horum mysteriorum animalium elevabantur in sublime: quia totum, quod Evangelistæ nobis dicunt, ad cælum tendit, & aliud nobis non prædicant, nisi quod gloriam & Majestatem Dei nobis commendat; *alæ illorum junctæ erant unius ad alterum*; ad denotandam admirabilem unionem, & conformitatem inter illos, eoquod omnes eandem prorsus veritatem nobis manifestent, & ubique illum prædicent, quod Spiritus Dei eos implebat; ita ut nil eos retrò agere potuit, sed semper ante faciem su-

am ambulabant, id est. versus res æternas, & cœlestes; unumquodque eorum coram facie sua ambulabat; ubi erat impetus spiritus, illuc gradiebantur, nec revertiebantur, cùm ambularent. Habent non solum alas, quibus ele-
vabantur ad contemplandas sublimissimas ve-
ritates, sed etiam manus ad implendam vo-
luntatem divini sui magistri; & pedes ad eum
sequendum, dicitur de iis. *pedes eorum; pedes
recti*, quia actiones virorum evangelicorum
aliis pro regula servire debent. En sensum,
quem PP. his verbis Ezechielis tribuit Hieron.
in Ezech. idem proœm. in Matth. Greg. M.
in Ezech. c. 1. Bern. serm. ad Præl. c. 9. &c.

PUNCTUM II. Videamus, quomodo S.
Lucas huic significationi satisfecerit. Habuit
hunc honorem, ut manifestare potuerit, & no-
tum facere Christum Jesum, omni possibili
modo, per suas prædicationes, per sua scripta,
per suas actiones, & passiones. O quàm fidu-
cialiter partem laborum suorum huic fideli co-
adjutori suo committere potuit magnus Apo-
stolus, S. Paulus! plerique alii discipuli illum
deservêre; S. verò Lucas continuò ei adhe-
sit, eumque comitatus fuit usque ad carceres,
& martyrium; *Lucas est mecum solus*, 2.
Tim. 4. 11. O fidelitatem omninò probatam,
& testatissimam, O animum planè heroicum,
qui aliud non timuit, quàm ne vocationi suæ
infidelis existeret; & hinc secutus est ubique
S. Paulum, ut simul cum illo Evangelium JE-

to Christi annuntiaret, & publicaret, *væ enim mihi est, si non evangelizavero; necessitas enim mihi incumbit*, 1. Cor. 9. Minimè exanimatus fuerat S. Lucas, sequendo, seu currendo post illum, quem S. Chrysostomus, appellat operarium alatum, & quasi gigantem, ob velocitatem cursûs sui; percurrerunt ambo vastum illud spatium, non solum à Jerusalem usque in Illyricum, sed extenderunt insuper dominationem, & regnum Filii Dei in infinitis aliis territoriis Romanorum, qui tunc domini serè totius orbis erant. Dici potest absque præiudicio, seu diminutione gloriæ. doctori gentium debitæ, S. Lucam, eoquod pluribus annis post eum adhuc vixerit, siquidem octogesimo quarto ætatis suæ anno mortuus, tempus adhuc habuisse, etiam aliis populis, in umbra mortis sedentibus, annuntiandi Evangelium, & serviendi Deo, pro instrumento ad complendam & implendam magnificam hanc prophetiam; *quibus non fuit annuntiatus, videbunt lumen illius. & qui de eo nil audierunt, audient verbum illius*. Habuit vir iste Apostolicus non solum honorem manifestandi Jesum Christum per suas ferventissimas prædicationes; sed notum etiam illum fecit, relinquendo nobis pretiosum thesaurum Evangelii sui, quod continet in se nativitatem, vitam, mortem, resurrectionem, & ascensionem Salvatoris; felicior in hoc cæteris Apostolis, qui non nisi simpliciter prædicarunt gentibus Christum, invenit nimirum secre-

secretum hoc, annuntiandi Evangelium omni tempore, in omni loco & quidem usque ad consummationem sæculi. Reliquit insuper nobis fidelem relationem, seu historiam primorum annorum aurei Ecclesiæ sæculi, ubi Christi sanguis, adhuc quasi fumans, novos baptizatos excitavit, & animavit ad profundendum suum proprium sanguinem, pro gloria nominis ejus. Denique magnus hic sanctus plus & efficacius prædicavit per suas actiones, quàm per verba. Si bonus fuit thesaurarius, qui optimè noverat dispensare verbum veritatis, longè adhuc melius id ipsam opere executus fuit; indispensabili nexu inter se cohærebant apud illum verba & facta illius; unò verbò perfectus erat S. Pauli imitator, quemadmodum Paulus ipsius JESU Christi; portavit quemadmodum ille stigmata JESU Christi in corpore suo; quam laudem ei tribuit ecclesia, super quod nos meritò reflectere, & benè ad id attendere deberemus. Et quia nobis pro exemplari servire debet;

PUNCTUM III. Considera, quòd nos facere oporteat, ut gloriosum hunc Evangelistam imitemur? Primum est, ut seriò te applices in omni occasione, & omni modo, quo potes, annuntiandi, & notum faciendi Christum JESUM. *Opus fac Evangelista.* Addisce in hunc finem doctrinam, & veritates fidei nostræ in S. scriptura contentas, vel per traditionem acceptas, antequam alios instruere velis; id quod nobis insinuat S. Lucas in principio Evangelii sui

sui, quando ait, scripsisse se illud juxta ea, quos
 ab Apostolis audivit, & didicit; *sicut* tradide-
 runt nobis, qui ab initio viderunt, & ministri
 fuerunt *sermonis*. Luc. 1. v. 2. 2dum est,
 ut frequenter meditemur mysteria, quæ Dei
 Filius pro nostra salute operatus fuit, quæ S.
 Lucas valdè distinctè, & enucleatè nobis de-
 clarat, ut talia credamus, fide non superficiali,
 ut pluribus contingit, sed vivâ; ut plena a-
 more & gratitudine erga divinum hunc Redem-
 ptorem nostrum cum fructu illa prædicare, &
 alijs etiam sensum quemdam devotionis inspi-
 rare valeamus. 3tium, quemadmodum perfec-
 tissima est inter Evngelistas concordia, qui no-
 bis easdem omninò veritates annuntiant, ita o-
 portet etiam magnam esse inter ministros Ec-
 clesiæ unionem, qui in procuranda salute ani-
 marum laborant; inter Parochos & Religiosos;
 inter missionarios & prædicatores, inter con-
 fessarios, & magistros spirituales, ita ut una-
 nimiter ad spirituales profectum populi sui
 intenti laborent. 4tum denique debet prædi-
 catio verbi divini vitæ nostræ sanctitate mu-
 niri, ut ad imitationem S. Lucæ vita nostra
 laboriosa sit, & penitens, obligationibusque
 ministerii nostri, juxta pulcherrimum nobis ab
 ipso datum exemplum, fideliter satisfacere
 studeamus; quia dum semel crucem Christi
 amplexus fuit, adeò constanter eam portavit,
 ut nunquam amplius à mortificatione cessa-
 verit, *si crucis mortificationem*

corpore portavit. Benè expende hoc verbum *jugiter*. Oportet christianum, multò magis autem Clericum quotidie ad exemplum JESU crucem suam portare, *jugiter*, id est, non debet ullam corruptæ naturæ nostræ concedi interstitium, sed continuo mortificare passiones nostras, pœnitentiæ agendæ non prius, nisi in morte finem imponere. O bone Deus! concede nobis hanc gratiam, quam per intercessionem hujus beatissimi Evangelistæ à te petimus pro omnibus christianis maximè autem pro omnibus Ecclesiæ tuæ ministris. Pro communione vel Missa, oporteret esse aliquem Lucam, seu amatorem mortificationis, ut anima nostra hoc cœlesti manna reficeretur, *sicut adipe, & pinguedine repleatur anima mea*; saltem bonam voluntatem illius habeamus; & postquam Christus JESUS ad nos venit in hoc sanctissimo Sacramento, rogemus ipsum, ut imprimere nobis dignetur alias qualitates, quas Apostolus à viro evangelico seu apostolico requirit, *tu vero vigila, in omnibus, labora, opus fac Evangelistæ, ministerium tuum imple, sobrius esto.* 2. Tim. 4.

XXVIII. OCTOBRI.

DE SS. SIMONE ET JUDA APOSTOLIS.

Hac mando vobis, ut diligatis invicem, sicut mundus vos odit, scitote, quia me priorem vobis odio habuit. Joan. 15. 17.

DE CHARITATE VIRO APOSTOLICO

NE

§ 22 De SS. Simone & Juda Apostolis.
NECESSARIA.

Debet esse 1. Proprii lucri minime amans.

2. Generosa. Et 3. Patiens.

PUNCTUM I. **A**doro æternum illum ac
infinitum Christi Jesu ac
morem pro Ecclesia sua; non contentus, se pro
illa in mortem tradidisse, voluit etiam post se
relinquere viros, qui vitam suam, passionem
suam & labores continuare possent super ter-
ram, qui essent vicarii charitatis suæ & zeli
ardentissimi pro salute animarum. Elegit in
hunc finem apostolos, & successores illorum,
in ministerium ecclesiasticum, quibus dedit e-
andem potestatem, quam à Patre suo acce-
pit cum abundantia gratiarum, quæ magnitu-
dini hujus muneris & officii essent proportio-
nata. *Sicut misit me Pater, & ego mitto vos.*
Joan. 29. c. 21. Ut quis utiliter laborare
valeat pro animarum salute, charitatem habe-
at, necesse est, sed quamnam illam? talem,
quæ imo omnino non quærat commodum, vel
lucrum proprium; talem, qualis erat Aposto-
lorum charitas. Vide, quid fecerint, postquam
divinus Magister eos misit ad prædicandum
Evangelium in toto mundo, & ut homines in
infidelitate, & paganismo sepultos, ad lucem
veritatis reducerent? quali promptitudine re-
liquerunt totum id, quod in mundo charissi-
mum habebant? quanto fervore renuntiarent
omnibus, quæ in futurum acquirere potuis-
sent; purè, ut animas lucrari possent? nulla
fuit

fuit amicitia, nullum vinculum, nulla affectio
carnis & sanguinis à quibus zelus ipsorum im-
pediri vel retardari potuisset, ab hoc glori-
oso animarum lucro. Talis etiam esse debet
activitas boni sacerdotis, ac fidelis ministri E-
vangelii. Si se occasio aliqua favorabilis offe-
rat reducendi quamdam animam ad Deum,
tunc cæcus & insensibilis sit oportet, ad quod-
cunque proprium interesse; nullum commo-
dum proprium respicere debet; paratus debet
esse ad relinquenda omnia, ut opus tanti mo-
menti ad felicem finem perducatur. Ad hoc nem-
pe se obligavit à tempore, qui illi collatum
est sacerdotium, seu cura animarum, nullum
amplius lucrum comparare debet lucro illius,
si peccatorem aliquem ad frugem reducere
possit. Ministerium suum, & obligationem su-
am non agnoscit, qui aliudquid intendit, aut
querit, *si officium presbyteri vis exercere,*
ait S. Hier. Epist. 13. *aliorum salutem fac*
lucrum animæ tuæ. Habésne similem chari-
tatem? potésne cum Apostolo dicere, te ali-
quid non querere, nisi gloriam Dei, & salutem
animarum? *non querimus vestra, sed vos.* 2.
Cor. 12. v. 14. Omnes Clerici deberent jux-
ta S. Hier. quamprimum in ordinem Cleri-
corum cooptantur, similes esse Eliæ, & omnia
à se abiicere, à quibus impediri possent, ut
se unicé Dei servitio & conversioni animarum
applicent. *Elias, ad cælorum regna festi-*
vans, non potuit ire cum pallio. sed mundi in
mundo.

Quando vestimenta dimittit. Epist. 34. Esne
ita dispositus? si ita? gratias Deo age; &

PUNCUM II. Nota alteram qualitatem,
quam charitas, qualem à nobis, exigit Chri-
stus, habere debet, esse, ut sit generosa; *si
mundi vos odit, scitote, quia me priorem vo-
bis odio habuit.* Si ducere vis vitam aposto-
licam, & laborare, prout oportet, pro salute
animarum, multa tibi toleranda erunt in mun-
do; habebis obstacula non pauca, & difficul-
tates non modicas superandas; quas non nisi
fervor charitatis superare poterit. Hinc est,
quod Christus Dominus, constituendo S. Pe-
trum caput visibile Ecclesiæ, & vicarium su-
um tribus vicibus se informaverit de charita-
te ipsius. *Dicit ei tertio; Simon amas me? pas-
ce oves meas.* Joan. 21. v. 17. Benè ad hoc
attende, ait S. Aug. ibid. *interrogatur amor;
& imperatur labor.* Debat nempe prius cer-
tus esse de amore, antequam laborem ei
imponeret. Si multum amas, multum labora-
bis, si parum amas, parum laborabis. Facile
est, ostendere zelum quemdam in reducendis
ad Deum peccatoribus, si zelus hic laudetur,
& ab hominibus gloriam consequatur. vel ab
optimatibus hujus sæculi defendatur; & pro-
prius amor sui ipsius majorem in hoc labore
partem habet, quam desiderium gloriæ divinæ.
Si verò zelo nostro contradicatur, vel impu-
gnetur; si persecutio propterea sustinenda sit,
quin tamen remittat, aut refrigescat, tunc ve-

re generosus est, & talis, qualem Deus a ministris suis exspectat, quia non vult fervore illorum similem esse illi, quem quidam de tribu Ephraim ostendebant, quamdiu à prælio longè adhuc aberant, quo instante deinde fugerunt; *fili Ephraim intendentes arcam, conversi sunt in die belli.* Ps. 77. v. 9. Non vult Deus, zelum nostrum transitorium esse, sed firmum & constantem, qui eò magis animetur, & inflammatur, quò maiorem resistantiam experitur, qui opus & negotium inceptum, ad finem usque perducit. Vult charitatem nostram similem esse charitati S. Pauli. qui etiam gravissimas persecutiones quasi ridebat, cælum & terram, mortem & vitam, mundum & infernum, præsentia & futura. unò verbo omnia provocabat, an capacia forent separandi ipsū à charitate Christi? Rom. 8. v. 35. Habesne hanc ardentem charitatem? ah tantum abest, ut te cuicunque periculo exponas ad lucrandas animas, vel à lapsu eas præservandas, ut potius forte unus sis ex illis ignavis, & timidis pastoribus, qui ad solum conspectum lupi venientes fugam arripiunt; oves suas crudelissimis inimicis in prædam cedunt, si vel minimum periculum adsit; qui minimo obveniente obstaculo animo cadunt? excita in te novum fervorem! non sufficit, ut commodum vel lucrum tuum solummodo non quæras, aut generosum animum habeas,

PUNCTUM III. Oportet, ut charitas tua
etiam

etiam patiens sit, & constans in omni genere malorum vel persecutionum; *non est servus major domino suo*, ait Christus in evangelio hodierno, *si me persecuti sunt, & vos persequuntur?* & Apostolus nos monet, si fideles nos ministros exhibere velimus, commendabiles nos reddere debeamus, in omnibus & per omnia. *In omnibus exhibeamus nosmetipsos, sicut Dei ministros, in multa patientia, in tribulationibus, in necessitatibus, in angustiis.* 2. Cor. 6. Neque calumniæ, neque laudes, neque bona, neque sinistra de nobis opinio, neque diversæ occupationes ministerii nostri, neque minæ, neque querelæ, neque injuriæ, neque violentiæ, patientiam nostram frangere debent, vel facere, ne curam habeamus infirmorum, quorum & sanitas corporis, & salus animæ nobis incumbit, aliter se gerere debent ministri novæ legis, quàm veteris; hi enim post exantlatos gravissimos labores, & ærumnosas probationes, ordinariè iterum liberati ab iis fuere nos verò alium finem expectare non debemus, nisi ipsam mortem. *Sufferentiam Job audistis* ait S. Paulus; *& finem Domini vidistis.* Vidistis, quanta cum patientia, quantà constantiâ probationem suæ virtutis sustinuerit, tandem tamen ab omni afflictione, adhuc in ista vita, liber evasit, utpote; quem Deus non solum in integrum restituit, sed omnia duplicia dedit, vide autem nunc etiam Christum Jesum, exemplar o-

nium

minium virorum verè apostolicorum! passio ipsius, quæ unà cum vitâ illius incepit, aliûm finem non habuit, nisi mortem illius; semper crucem suam portavit; in eâque permansit, nec descendere voluit, quamvis Judæi ei promiserint, se in eum credituros, non nisi enim in alterâ vita remunerationem laborum suorum & probrosæ mortis recepit. En! ministri Domini! magnûm illud exemplar, juxta quod **regulare** debeatis patientiam vestram in laboribus, & adversitatibus, vestro ministerio annexis! finem in hoc mundo minimè expectare debetis, imò potius nova vobis expectanda erunt, quæ patientiam vestram exerceant. dum curam & sollicitudinem in vos suscipitis, ut peccatores ad Deum reducatis. Non est necesse, ut ignem vel ferrum experiamini, sufficientes occasiones occurrent vobis, ut esse possitis martyres charitatis etiâ in ipsa pace Ecclesiæ, *sine ferro martyr esse poteris, si patientiam in animo veraciter custodieris.* S. Ber. Pro præparatione ad Missam, pete à Christo Jesu per intercessionem SS. Apostolorum charitatem hanc, quæ omnes predictas qualitates habeat. O Jesu! in æternum sis benedictus, quod Ecclesiæ tuæ dederis sanctos Apostolos, & innumerabilem multitudinem operariorum evangelicorum, qui vestigiis tuis insistendo, a deo constanter laborarunt, ad conservandum & augendum decorem domûs tuæ, Perge, obsecro, mittere plures adhuc tales operarios in vineam

vineam tuam, nobiſque etiam hanc gratiam fac, ut nos quoque ex numero illorum ſimus; accende in cordibus noſtris ignē hanc amoris, qui eos adeo feliciter conſumpſit, in laboribus, illorum, pro ſalute animarum; da nobis amorem lucri proprii minimè ſtudioſum; amorem generoſum, qui non ſolum omnia ſua ſacrificet, ſed generoſè quemcunque laborem in ſe ſuſcipiat; amorem patientem, qui omnia ſuſtineat, ſi de tua gloria propaganda agatur, & peccatores ad tuam gratiam revocandi ſint. Pro gratiarum actione, perge in præſata oratione, & ſupplicatione; & certus eſto, à nullo magis coronam boni ſacerdotis, ſeu paſtoris augeri, quàm per lucrum animarum; *tot coronas ſibi multiplicat, quot Deo animas lucri facit.* Petrus. Bleſs. de vita Cleric.

PRIMA NOVEMBRIS.

DE FESTO SANCTORUM OMNIUM.

Vidi turbam magnam, quam dinumerare nemo poterat ex omnibus gentibus, ſtantes ante thronum. Apoc. 7. v. 9.

1. Idea, quam nobis formare poſſumus de beatitudine Sanctorum.
2. Media perveniendi ad hanc beatitudinem.

PUNCTUM I. **M**agna hæc multitudo, de qua in hodierna epistoſa loquitur S. Joannes, denotat, juxta ſacros interpretes, innumerabilem multitudinem prædeſti-

deſtinatorum, quos Deus gloriæ ſuæ parti-
pes fecit. O ſi concipere aliquo modo poſſe-
mus, quanta ſit hæc Sanctorum beatitudo, u-
tique majori ardore dignos nos illâ reddere
ſtuderemus, ſed non poteſt homo explicare il-
lam; *non licet homini loqui;* ait S. Paulus 1.
Cor. 2. v. 9. *oculus non vidit, auris non au-*
divit, nec in cor hominès aſcendit, quæ præ-
paravit Deus diligentibus ſe poſt hanc ſen-
tentiam Apoſtoli, fateri debemus, totum id,
quod de hac beatitudine dicere poſſumus, nihil
eſſe, in comparatione illius, quod reiſſa bea-
tudo hæc in ſe continet; nihilominus ad for-
mandam quamdam ideam de illa, mutuare poſ-
ſumus à S. Auguſtino id, quod in aliqua ſua e-
piſtola ait nempe: *manſio iſta beatorum civi-*
tas quædam eſt, cujus rex veritas, cujus
lex charitas, cujus modus æternitas. Epist.
138. ad Marcell. edit. nov. Inhæreamus his
tribus verbis, quæ pro meditatione aliqua ſuf-
ficiunt. *Nil eſt, quod fortius deſiderat anima,*
quam veritatem. Verùm, ah! quàm imperfe-
cta eſt poſſeſſio veritatis, quamdiu adhuc in
hoc mundo ſumus! major hominum pars tam
modicam de illa cognitionem habet, ut po-
tius ſuam beatitudinem reponat in divitiis hu-
jus terræ, in voluptatibus ſenſuum, vel in hujus
mundi honoribus, quæ omnia tamen tam pa-
rùm reddere hominem ſelicem poſſunt, ut non
niſi falſam felicitatem, & veram miſeriam
cauſent; *falſa felicitas, vera miſeria, tantò*
Medit Pars Autum. Ll magis

magis flenda, quanto minus fletur. Ait hic S. P. in Ps. 85. Illi ipsi etiam, qui nihilum omnium rerum terrenarum vident, & agnoscunt, quos Deus lumine fidei illustrat, non vident aliter veritatem, nisi quasi in umbra, & nube, quæ frequenter nobis eandem subtrahit, & tegit, quamdiu hoc mortali corpore circumdati sumus. *Nunc videmus per speculum in ænigmate, tunc autem facie ad faciem* ait S. Paulus 1. Cor. 13. tunc ordo naturæ, & gratiæ nil amplius obscurum, seu incognitum nobis habebit; non erit amplius cognitio confusa, & abstracta, sed visio clara & intuitiva attributorum, & perfectionum divinarum, pulchritudinis infinitæ hujus supremæ naturæ, quæ est summum bonum nostrum. Portabit nempe veritas ipsa faculam ad ostendenda nobis illa adoranda secreta, quibus ipsemet Deus, per totam integram æternitatem seriò occupabitur, in quorum consideratione magnus Apostolus exclamavit; *O altitudo divitiarum, sapientiæ & scientiæ Dei, quam incomprehensibilia sunt judicia ejus, & investigabiles viæ ejus!* undè verbò hæc divina veritas intus nos pervadet, & penetrabit; erit nutrimentum & cibus noster, potus noster, thesaurus noster, imò generaliter omne bonum nostrum. O bone Deus! quando erit hoc, ut exire possimus de loco isto tenebrarum & mendacii! quando pertingemus ad beatitudinem nostram, quam in hoc regno veritatis expectamus, au-
gebit,

gebit, hoc est, quòd lege charitatis guber-
tur. *Cujus lex charitas.* Pax est vita cœlis; in
inferno non est nisi dissensio, nullus ordo, vel
unio; dæmones & reprobi, seu damnati totidem
quasi furæ sunt, in se invicem furentes; qui-
libet damnatus inimicus est socii suæ pœnæ;
omnes odit, & pariter omnibus odio est. Su-
per terram pariter nonnisi dissensio, & nulla
unio est, eo quòd cupiditas in plerisque ho-
minum cordibus regnet; non nisi justî, & ve-
ri servi Dei illius Spiritu aguntur, qui est spi-
ritus charitatis; sed hæc ipsa etiam unio val-
de defectuosa & imperfecta est parùmque re-
quiritur & sufficit; ut quantocius dissolvatur.
O quam longè abest pax nostra ab ista pace in-
effabili, quæ regnat inter habitatores cœlestis
Jerusalem! non solum enim uniti sunt invicem
interius & exterius, sed cor cujuslibet civis
hujus superioris civitatis, cuilibet illorum a-
pertum est, & patet omnibus; nulla est diver-
sitas opinionum, desideriorum, & intentio-
num; sed perfecta est conformitas, quamvis
inæqualiter donis Dei gaudeant secundum
proportionem nimirum meritorum suorum,
incapaces nihilominus erunt vel minimæ etiam
invidiæ; *non erit aliqua invidia imparis cha-
ritatis,* ait S. Aug. tract. 37. in Joan. *quo-
niam regnabit in omnibus unitas charitatis.*
Quòd si gaudium de hoc, quod quis amet, &
vicissim se tenere amari videat ab amicis Dei;
tam perfectum est, quis exprimat illud gau-

dium, quòd quis videat se infinitè amari à Deo suo? quod fit objectum infinitæ illius complacentiæ? & locum tam honoratum in corde Dei occupet? planè jure merito hic exclamare possumus; *nimis honorificati sunt amici tuè Deus.* Ps. 138. O! si sancti; quibus se in hac vita vel parùm tantum communicat, quasi extra serapi se experti sunt, & præ excessu gaudii animo defecerunt, quale jubilum & excessus gaudii erit in ipsis beatis? si quidem gaudia spiritualia, quæ in hac vita jam gustârunt hæ sanctæ animæ, non nisi levis quidem præ gustus sunt gaudii cœlestis, & scintillæ aliquæ, grandis illius amoris incendii, quo ardebunt in cœlo, & guttæ aliquot hujus torrentis voluptatis, quo tunc potandi sunt. Denique quod complementum, & apex beatitudinis ipsorum erit, hoc est, quod futura sit æterna & nequam mensuram ullam à tempore accipiet. *Cujus modus aternitas.* Parum est felicem esse tantùm aliquo tempore; verùm felicem esse pro semper; æternum frui Deo; vivere in ipsamet vitâ Dei, consummatio & apex beatitudinis est. Judicemus seu desumamus hoc à contrario. An non certum est hanc esse pœnam reproborum gravissimam, & maximè afflictivam, quod supplicium illorum nullum finem habebit; hæc cogitatio eos dejicit in desolationem; & in incomprehensibilem desperationem; cui libet malo, quod patiuntur, totum pondus æternitatis adjungunt, præveniunt in cogitatione

ne sua, & uniunt pro tempore presenti, iam illud, quod durante tota æternitate tormentorum patientur. Idem iam dicamus etiam de felici æternitate, tota nobis simul & semel dabitur: quodlibet instans, quasi integra quædam æternitas gaudii est. Sciunt beati, quod nulli amplius vicissitudini subiecti sint, quales nos hic experimur, & quod unicus dies æternitatis futurus sit, post quem nulla secutura sit nox; vel potius, quod Agnus Dei futurus sit pro eis lumen indeficiens in æternum; *in æternum exultabunt, & habitabis in eis.* Ps. 5. 12. O felicem æternitatem! quanta bona in sinu tuo recondita habes? ò Domine! *beati, qui habitant in domo tua Domine, in sæcula sæculorum laudabunt te* Ps. 83. 5. Sed quid facto opus, ut ad eam perveniamus.

PUNCUM II. Media, quæ apprehendere debemus, ut participes fiamus, beatitudinis Sanctorum sunt, ut vestigiis ipsorum insistamus, eosque imitemur. Aliud nil superest; estque hoc ipsum, quod Dominus noster in evangelio suo nos docet, ubi legimus, paupertatem, contemptum mundi, crucem, lacrymas, & patientiam viam regiam ad cælum esse. Inter Sanctos, ait S. Paulus, *alii ludibria, & verbera experti, insuper & vincula & carceres; lapidati sunt, sedati sunt, tentati sunt, in occisione gladii mortui sunt, circumierunt in melotibus, in pellibus caprinis, egeni, angustiiati afflicti; quibus dignus non erat mundus; in solitudinibus errantes,*

*tes, in montibus & speluncis; & in cavernis
 terræ, Et tu putas, pervenire aliquem posse,
 ad illorum beatitudinem, vivendo delicatè,
 voluptuosè, & cum hoc mundo gaudendo? qua-
 lis apparentia! lege vitas Sanctorum, & in spe-
 cie, tot sanctorum sacerdotum & pastorum;
 qui in eodem tecum statu & vocatione vixe-
 runt, vide, quousque in perfectione evangeli-
 ca pervenerint? fuere ex iis aliqui adeò chari-
 tativi & rerum istarum temporalium contem-
 ptiores, ut nil illis in morte reliquum fuerit, eo
 quòd omnia in vita expenderint, quemadmo-
 dum S. Aug. de quo scriptum est; *testamen-
 tum nullum fecit, quia, unde faceret, pauper
 Christi non habuit.* Possid. in vita S. Aug. c.
 30. Fuere alii tam humiles, tam mansueti, tam
 misericordes, ut universæ tribulationum aquæ
 charitatem illorum minimè extinguere potue-
 rint. Alii tam fervidi, & zelosissimi, pro salu-
 te animarum exsistere, ut ferè ignorarint,
 quid sit, quietem capere, transigendo diem
 in instructione aliorum, in audiendis confessi-
 onibus & aliis ejusmodi operibus charitatis, no-
 stem verò in gemitibus & oratione pro con-
 versione & salute peccatorum. Denique alii,
 postquam Christo Jesu sudorem & laborem
 suum consecrârunt, denique sanguine suo Ec-
 clesiam irrigarunt, emeruntque bona cœlestia,
 per infinita quasi mala, & supplicia, quæ to-
 lerârunt, prout SS. Martyres fecerunt, quor-
 um per annum festa agimus, & vitam illo-*

rum toties legimus. Conjice oculos tuos in nubem hanc testium, qui æquè fragiles, ac circumdati infirmitatibus, ut nos erant, & nihilominus ope divinæ gratiæ gloriosè triumpharunt, & obstacula omnia vicerunt. Ecclesia tibi omnes istos hodie proponit, ut totidem intercessores & advocatos tuos apud Deum; utere illius, & eorum supplicationibus adjuvari roga. O sancti Dei omnes honoro & revereor vos; benedico communem nostrum magistrum & gratias eidem ago propter immensam gloriam, quā labores vestros coronavit; fiat hoc, ut sentiam effectum protectionis vestræ! vos estis in portu securitatis; miseremini nostri, qui adhuc in medio mari hujus mundi, inter mille periculosissimos scopulos jactamur; impetrate nobis gratiam, ut peccatum plusquam mortem ipsam odiamus, illaque, quæ jam commisimus, per veram pœnitentiam aboleamus, ut sic vestræ gloriæ participes fieri mereamur, Amen. Pro Missa, roga Jesum authorem & consummatorem beatitudinis Sanctorum, ut inspiret tibi ardens desiderium perveniendi ad sanctitatem, utque in dies magis ac magis, ad hoc consequendum labores. Quod ipsum est juxta S. Bern ad quod nos animare debet hodierna solemnitas; *pland, quod eorum memoriam veneramus, nostra interest, non ipsorum; vultis scire, quantum interest nostra? ego in me fateor, ex hac recordatione sentio desiderium vehemens inflammari & desiderii*

fideliumum triplex. S. Bern. in Festo SS.
omnium serm. 5.

II. NOVEMBRIS.

PRO COMMEMORATIONE OMNIUM
FIDELIUM DEFUNCTORUM.

*Miseremini, miseremini me, saltem vos amici
mei, quia, manus Domini tetigit me.* Job. 19.
21.

1. Gravissimæ poenæ, quas animæ in purgatorio sustinent.
2. Media, eas consolandi, & evitandi poenas purgatorii.

PUNCTUM I. **D**escendamus in spiritu in hunc horribilem carcerem, in quo iustitia divina animas has detinet, quousque integrè à peccatorum suorum reliquiis purificatæ sint. Consideremus mala illa extrema, quæ ibi tolerant. Agnoscit hæc Ecclesia, dum pro iis orando, in augustissimo Missæ sacrificio, pro iis petit locum refrigerii, lucis, & pacis. *Ipsis Domine & omnibus in Christo quiescentibus, locum refrigerii, lucis & pacis, ut indulgeas, deprecamur.* Can, Miss. *Si refrigerio indigent, igitur in flammis detinentur, si lumine opus habent & pace, in tenebris, & perturbatione sunt.* Refrigerium istud denotat poenam sensûs: *lux & pax*, quibus carent, indicant præsentiam Dei, quâ carent. O quis comprehendere valeat duplex hoc genus poenarum

parum prorsus excessivarum! nil habemus hic
supra terram, quod ad activitatem ignis acce-
dat, neque quis sibi ullum crudelius supplicium
imaginari potest, & tamen ignis noster ni-
hil est in comparatione illius, quem in pur-
gatorio patiuntur, qui juxta opinionem pluri-
um theologorum idem est cum igne infernali;
insuprem S. Thom. q. 100. a. 2. nulla alia
differentia est nisi quoad durationem; in in-
ferno sciunt damnati reprobationem suam es-
se æternam, neque unquam finiendas pœnas,
quas patiuntur; sed animæ purgatorii securæ
sunt de sua æterna salute; salvæ erunt, sed non
nisi per ignem; *gravior tamen erit ille ignis,*
ait S. Aug. in Ps. 37. v. 5. *quàm quidquid*
potest pati in hac vita. Vèrum non nisi dimidi-
um hoc est, vel potius pars minima eorum, quæ
in purgatorio tolerantur; nam eheu! est iste lo-
cus ille, ubi non videtur Deus! & quis expri-
mere valeat statum illius animæ, quæ illius
fruitione privata est; quæ libera ab omni mate-
ria seu corpore ad illum tendit, tanquam ad
finem suum, tanquam ad centrum & summum
bonum suum & quidem tanto ardore, tanta ra-
piditate, & impetuositate tendit, ut in hoc
mortali corpore adhuc detenti, minimè id com-
prehendere valeamus. O quàm dolorosa est,
miseræ huic animæ hæc violentia! quàm sensi-
bilis privatio! quàm crudelis separatio ista! non
possumus id melius judicare, aut desumere,
nisi ex magnitudine ipsius Dei, qui cum sit bo-
num

num infinitam, per suam privationem poenam pariter infinitam causat. Justum esse, & alio quanto tempore Deo suo se privatum videre, agnoscere separationem istam propriâ culpâ accidisse, quale, quantumque supplicium, pro miseris animabus in purgatorio! ne dubita, eas in hoc statu continuo auxilium nostrum implorare, continuo suspirare, imò incessanter gemitus suos miserabiles versus terram, eoquod versus cœlum, utpote œreum pro ipsis, emitte eis permissum non sit, *miseremini mei*; clamant ad nos, *quia manus Domini tetigit me*. Anne ergo insensibiles sumus ad hos illarum planctus? quid? claudemus ergo viscera nostra patri, matri, amicis, qui in ultima hac necessitate constituti sunt. Si eos audire recusamus, aliud expectare non possumus, nisi etiam nos aliquando tanto tempore expectaturos auxilium, quanto illos expectare passum sumus. Hinc

PUNCTUM II. Considera media, quæ pro illorum salute, seu solatio, arripere debeamus, ut poenas, quas patiuntur, tandem evadere valeant. Primum est, ut habeamus magnam compassionem pro his purgatorii animabus; fortasse ibi habemus; consanguineos, amicos, & personas nobis charissimas olim, an non grandis hæc est ingrátitudo, nullam nos habere illorum memoriam, nisi præcisè quamdiu sonat fortè campana funebris, ita, ut post sepulturam illorum, eorum amplius non recordemur.

memor

memor esto, quòd quia *sancta hac & salubris est cogitatio, pro defunctis exorare, ut à peccatis solvantur*, prout scriptura loquitur. 2. Machab. 12. 46. nunquam eorum non memor esse debeas, in precibus, sacrificiis & bonis operibus tuis. Oportet pro iis orare, non festinanter aut cum præcipatione, quemadmodum plures faciunt, si persolvendum sit officium defunctorum, vel alia illis servitia exhibenda; sed cum devotione & attentione, & modo tali, qui Deo placeat, & quo nos ipsi vellemus, ut pro nobis fieret, si in eorum statu essemus, nullum diem elabi permittendo, quin saltem unum *De profundis* pro iis persolvamus. 2dum, quòd nos facere convenit, quoad nos ipsos, seu pro nostra utilitate; ut pœnas purgatorii ipsimet evitare valeamus & facere, seu agere veram & sinceram pœnitentiam de nostris peccatis, & vitare etiam venialia, in quantum possumus, siquidem pœnæ purgatorii non nisi in defectum satisfactionum nostrarum infliguntur & ut nos à levibus culpis nostris purificent, quæ non nisi valde ordinariæ sunt, in hac vita. Item offerre Deo in expiationem peccatorum nostrorum afflictiones nostras, morbos & alia adversa, quæ nobis patienda occurrunt, sæpius cum quodam Dei servo ita ad Deum precando, *hic ure, hic seca modò parcas, in æternum percas*; vel cum S. Aug. *ut in hac vita purges me, & talem me reddas, cui jam emendatorio igne opus non sit.* O longè melius est, in hoc mundo purificari, quàm

quam incidere in manus Dei viventis & vindicantis. Tempus hoc, tempus est misericordiæ, & meritorum una hora patientiæ, in malis nostris; una victoria de passionibus nostris reportata, quandoque plura peccata venialia delere & plura debita exsolvere potest, quàm mensis, imò fortè annus integer inter purgatorii flammæ, malè igitur ratiocinatur, qui pœnitentiæ usque ad illud tempus & locum differt. Summa animarum istarum pœnitudo erit, quod in hac vita fructus dignos pœnitentiæ non egerint, quodque modò beatitudinem suam æternam idèò retardari cernant. Sapiamus nos illorum damno, & omnem occasionem ad nostram utilitatem trahamus, quam Deus nobis immittit ad satisfaciendum justitiæ ipsius. Hanc resolutionem ad finem hujus meditationis cape, eritque hæc optima præparatio ad Missam. Id ipsum etiam sentiamus cum tot Ecclesia, quæ pro miseris istis animabus precatur; & offeramus pro iis Deo victimam propitiationis. Domine Jesu, extende infinita merita passionis & mortis tuæ, usque in purgatorium, ad has miseras animas. *Pæ Jesu Domine dona eis requiem Amen.*

IV. NOVEMBRIS.

DES. CAROLO BORROMÆO, CARDINALI, ET ARCHIEPISCOPO
MEDIOLANENSI.

Suscitabo mihi sacerdotem fidelem, qui ju-

Et Archiepiscopo Mediolanensi. 541
tor meum, Et animam meam faciet, 2. Reg. 2.

S. CAROLUS FUIT VERE FIDELIS
SACERDOS.

1. Erga DEum, ob zelum quem pro illius gloria habuit.

2. Erga populum suum, ob magnitudinem charitatis suæ.

3. Erga seipsum, ob rigorem penitentiae,

PUNCTUM I. **G**ratias Deo agamus pro
inestimabili isto dono,

Ecclesiae suæ collato, in persona hujus magni,
sancti Caroli, Pontificis tanè secundum cor
Dei, sacerdotis fidelis & alterius Samuelis,
quem Ecclesiae suæ in summa & maxima ipsi-
us necessitate dedit. Ad intelligendam & com-
prehendendum hujus doni magnitudinem alio
opus haud est, quàm ut in memoriam revoce-
mus, quales excessus tunc inter Clericos, & per
quamdam inevitabilem consequentiam, inter
christianos regnaverint, quia impleta videbatur
in infelici illo sæculo hæc prophetia; *Et erit si-
cut populus, sic sacerdos.* Isai. 24. 2. In tan-
tum excrevit corruptio hæc in Diœcesi Me-
diolanensi, ut sacerdotes, & pastores, qui lux
mundi esse debebant, etiam prima elementa &
principia religionis, & essentielles obligationes
christianismi, ignoraverint, Maxima pars paro-
chorum, haud obligatos se credebant, ut ipsi
confiterentur, quia aliorum confessiones excu-
piebant; mores autem illorum adhuc magis
corrupti, & depravati erant, quàm turpis fuerit
illorum

filiorum ignorantia, & incitia. Monachi &
 Virgines Deo sacræ, aliud præter habitum su-
 um religiosum non habebant, sed excessibus
 suis dehonestabant sanctitatem professionis suæ
 vel vitam omninò sæcularem, & munda-
 nam ducebant, unò, verbò, erat desolatio pla-
 nè extrema, dum Deo placuit, dare Eccle-
 siæ suæ, alterum quemdam Ambrosium, in per-
 sona S. Caroli, dignissimi sanè successoris il-
 lius, qui zelo gloriæ illius omninò ardens,
 grandia illa mala, reparare scivit, quæ igno-
 rantia & malitia in domum Dei seu Ecclesiam
 invexere. Cardinalis factus & Nepos talis
 Pontificis, à quo tenerrimè amabatur, tam fi-
 dele & indefessum Ecclesiæ exhibuit serviti-
 um, quod unquam mortalium quispiam potue-
 rit, dum efficaciter laboravit, & procuravit,
 ut finis Concilio Trident. imponeretur. Me-
 diolanum deinde accedens eradicare cepit spi-
 nas, & zizania, in campo & agro isto, à di-
 vina providentia curæ suæ & sollicitudini com-
 misso. O quid fecit, in & pro tali Diocesi, tunc
 temporis, adeò depravata! quot synodos, in-
 structiones, visitationes, scholarum erectio-
 nes, confraternitates, seminaria habuit, erexit
 & fundavit, ut Clerum reformaret, disciplinam
 regularem in monasteria inveheret, & purita-
 tem morum restitueret? quænam pertulit illu-
 strissimus hic pastor in opere adeò glorioso in
 se suscepto? neque caro, neque sanguis, neque
 voluptates, neque honores, neque persecutiones
 guber-

gubernatorum violentorum, neque assassinatorum,
Monachorum apostatarum, & desperatorum,
neque calumniæ rebellium Clericorum, neque
oscitantia brachii sæcularis, contra ipsum præ-
occupati, quidquam valebant infringere de ze-
lo, aut de fidelitate ipsius, quam Deo debebat
adimere. Erat nimirum ille *sacerdos magnus,*
qui in vita sua suffulsi domum, & in diebus suis
corroboravit templum. Gratias age Deo; quòd
magnum hunc Pontificem, tam ardenti zelo,
pro gloria sua dotaverit, & tuum interim cum
illius zelo compara. O qualis diversitas! lon-
gè valdè abes, ut tantum sustineas, & toleres
ex parte hominum, quantum S. Carolus su-
stinuit; quænam potius est socordia, & igna-
via tua? quoties ministerium tuum turpiter pro-
didisti? & illi defuisti? quoties, ut hominibus
placeres, turpiter neglexisti commoda, & lu-
cra Dei, & Ecclesiæ? humilia te ipsum & re-
nova in te zelum procurandi Dei gloriam, in
consideratione nempe S. Caroli, quem tibi Ec-
clesia ad imitandum hodie proponit. Non e-
rat solummodo pastor, Deo suo fidelis, ob ze-
lum, quem pro gloria illius habuit, sed insuper

PUNCTUM II. Curæ suæ commissio po-
pulo fidelis erat, ob magnitudinem & exten-
sionem charitatis suæ. Pastor animarum tripli-
citer pascere debet suos, ait S. Bernard. E-
pist. 201 offerendo pro ipsis ferventes preces,
pascendo illos verbo veritatis, & exemplo suo
bono eos ædificando. Fidelis his in omnibus,

si unquam ullus, sanctus fuit Carolus; quia omnes in sinu suo portavit, sic eos quotidie Deo commendavit, & sancta quadam importunitate ab eo petiit, ut ipsemet eos regeret, illum minaret, ac secundos in omni genere honoris efficeret, tempus nimis breve ipsi dies videbantur, ad orandum pro suis; etiam noctem, in oratione insumebat ad exemplum sui divini Magistri; horas integras somno detrahebat, ut misericordiam divinam flecteret; hoc tempore coram suprema Dei maiestate provolutus illud cum Joële ingeminabat: *parce Domine, parce populo tuo, & ne des hereditatem in prædam inimicorum tuorum.* Sed quale spectaculum, quàm gratum Angelis, & hominibus, videre sanctum hunc Pontificem incedere per plateas publicas Mediolani, ut publicè poenitentem, nudis pedibus, sacco vestitum, fune cinctum, oculis lacrymantibus, cinere caput conspersum, crucem in manibus ferentem, corde compunctum, intercedentem pro populo horribili peste afflicto, in Diœcesi sua tam crudeliter sæviente! opposuit nempe tibi Domine clypeum ministerii sui, & oratione ipsius ad cælum usque ascendente, & penetrante, tanquam incenso, suavissimi odoris cessavit durissima plaga ista, & Angelum exterminatorem cohibuit; alterius enim Aaronis instar *stans inter mortuos, & viventes, pro populo deprecatus est, & plaga cessavit.* Num. 15. 48. Veniamus nunc ad instructiones, & doctrinam

doctrinam illius; quâ populo ſuo fregit panem verbi divini, ſive per ſemetipſum, ſive per ſuos vicarios evangelicos, quos in omnem partem ablegavit, *verbi Dei prædicationem, graviffimis licet curis occupatus nunquam intermiſit*, Eccleſia in ejus officio. Non erant diſcurſus illius eloquentia humanâ perſuaſivi, ſed adeò utiles, & penetrantes, ut gemitus & ſuſpiria cordibus audientium extorſerint; ad ſonitum & fragorem vocis illius, error & ſuperſtitio auſugit; veritas in locum illius ſuccellit; uſurarii contractus ſuos illicitos combuſſerunt, impudici infami ſuo commercio renuntiârunt; ſatis fuit dicere, vel ſemel etiam maximis peccatoribus, etſi etiam Ninivitis pejores, & diſſolutiores fuiſſent, *penitentiam agite!* & hanc egerunt; ſatis erat dicere, quemadmodum Joan. Baptiſta Judæis; arbores infructuoſæ, aut ſteriles! *facite fructus dignos penitentia!* & allati ſunt. Id verò, quod tantam verbis ipſius tribuit efficaciam, exemplum virtutum, & ſanctitas vitæ ipſius fuit. Cernebant enim Episcopum, qui non niſi labores & ſudores Episcopatus ſibi deligit, qui vitæ activæ paſtoralis ſollicitudinis jungebat aſteritates Anachoretarum Thebaidis, qui charitatem minimè reſtrictam, & limitatam habebat; qui non leves pecuniæ ſummas in pauperes erogabat, ſed immenſam, & totius cujuſdam principatus; qui adeo lacte gregis ſui non fuerat impinguatus, ut potiùs ſeipſum ex-

Medit pars Autum. Mm hauserit

§ 46. De S. Carolò Borromæo Cardinali
hauferit, & ad extremam necessitatem rede-
gerit, quò haberet, unde alios solaretur &
nutrìret; qui minime dedignabatur visitare et-
iam pauperrimas parochias, qui catechiza-
bat ipsemet pauperrimam rusticorum plebem;
unò verbò, talem pastorem, cujus zelum nil
effugere poterat. Ah! quoties videre erat san-
ctum hunc Cardinalem, baculum in manibus
suis tenentem, peregrinari per loca horrida, &
præcipitiis plena? quoties manibus & pedibus
reptabat, ut vel vilissima tuguriola accede-
re posset, eoquòd alia via ei ad talia loca non
pateret? quoties armare debuit pedes ferreis
soleis, seu dentatis, ut montes ascendere pos-
set, quos vel ipsi veterani, & talibus affue-
ti milites horruissent? ò zelum verè pastorem!
ò charitatem prorsus heroicam! quam neque
glacies, neque nives alpium extinguere potue-
runt? condemnabit illa aliquando tot negligen-
tes & socordes Clericos. Quid ministri Do-
mini! licitum, aut permissum jam vobis sit, post
tale exemplum, manibus complicatis consiste-
re? exercere munus pastorale, quin vel modicam
etiam incommoditatem perferatis! an ne
illustriori prosapia oriundi estis: an ne delica-
tius à teneris annis, nutriti, & educati? an
plura obstacula reperitis, ac ille invenerit? quo
jure & ratione prætenditis dispensare vos ipsos,
à labore, à vestro ministerio omninò insepa-
rabilè? *nunquid fratres vestri ibunt ad pa-
gnam, & vos hic sedebitis?* Num. 32. 6.

Quia

Quia verò laborando pro aliorum salute periculofum est, ne quis sui ipsius obliviscatur;

PUNCTUM III. Notandum, S. Carolum non tantum fuisse sacerdotem fidelem erga Deum, & populum suum, sed etiam erga seipsum, nunquam à labore acquirendæ propriæ sanctitatis cessabat. Dantur quidam, qui servitio aliorum dediti, seipsos neglexere, & perierunt. Secutum se ab hoc periculo reddidit, & servavit S. Carolus per continuam praxin virtutum christianarum, maximè verò pœnitentiæ, humilitatis, & patientiæ. Bone Deus! qualis fuit S. Caroli pœnitentia! pœnitentia in cilicio & disciplinis; pœnitentia vigiliarum, & duræ cubationis; pœnitentia laborum, & defatigationis, in continuis visitationibus suæ Diocesis; pœnitentia in cibo & potu, pœnitentia in vigilis, & jejuniis. O qualia jejunia erant tam austera; ut tandem ad finem vite suæ, ac ultimis diebus, ad solum panem & aquam, seipsum condemnaverit, & adstrinxerit, & neque talia sibi, absque debita mensura concessit, *panem aridum, & aquam brevem*. Humilitas illius haud minor fuit, quàm pœnitentia, quamvis tanta pro gloria Dei præstiterit; nil sibi attribuit; tamquam vilem terræ vermiculum se reputat, quem quis impudè pedibus calcare possit; ut servum inutilem, vel potius malum, & negligentem, qui magnâ Domini sui indulgentiâ, & gratiâ indiget. Humilitas erat in vestitu; quamvis

Archi-Episcopus, imò Cardinalis, nunquam
 serica veste uti voluit, sed panno simplici &
 communi. Humilitas in bibliothecâ, & in re-
 liqua suppellectili domûs, humilitas in conver-
 satione; humilitas in omnibus vitæ suæ acti-
 onibus sed talis humilitas, quæ nil unquam
 vile, aut sordidum, vel imbecille admisit, nil
 unquam remisit de juribus divini sui Ma-
 gistri, ut passionibus hominum indulgeret, hu-
 militas, quæ semper invincibilis constantiæ,
 & patientiæ fuit. Patientiæ in persecutioni-
 bus, quas sustinuit; in tentatorio ausu & ag-
 gressione, qua vitæ suæ insidiabantur in
 frequentibus morbis, & in obstaculis, quæ
 sanctissimis ipsius intentionibus parabantur.
 O quale exemplum vitæ sanctæ habemus in
 sancto Carolo! ah, quàm benè nobis ob o-
 culos ponit inanitatem & imperfectionem vi-
 tæ nostræ! Magne Deus! qui hanc ardentem
 & lucentem faculam accendisti, ut tenebras
 nostras illuminaret, miserere nostri; fac, ut
 mediante hoc tam præclaro lumine, & fulgore,
 fidelius deinceps in via perfectionis, ambule-
 mus, & proficiamus. Suscita ô Domine! in
 Ecclesia tua magnum numerum talium Præ-
 latorum, & dignorum operariorum, qui spi-
 ritu S. Caroli pleni, populum tuum regant
 conformiter sanctis principiis, & salutaribus
 instructionibus, quas ille nobis reliquit; fac
 obsecro, ut continuò ante oculos nostros nobis
 obversetur vita hujus S. Archi-Episcopi, ut
 eum

De S. Martino Episcopo Turonensi. 549

eum pro modulo, ac infirmitate nostra sequi
& imitari aliquatenus valeamus. Pro Missa,
pete instanter à Christo Iesu partem aliquam
spiritus, & zeli S. Caroli, & si confessorius
es, roga illum, ut possis sequi in tribunali pœ-
nitentiæ, regulas illas, quas ipse nobis relia-
quit; sic enim dignos reddes tuos pœniten-
tes, ut dignè ad S. communionem accedere
valeant, recipièsq; suo tempore, de manu
supremi pastoris promeritam tuæ fidelitatis re-
munerationem; & cum apparuerit princeps
pastorum, percipietis immarcescibilem gloriæ
coronam. 1. Petr. 5. 4.

****)✠(***)✠(***)✠(***)✠(***)✠(***)✠(***)✠

DE S. MARTINO EPISCOPO TURO-
NENSI.

*Nemo lucernam accendit, & in abscondito
ponit, neque sub modio; sed supra candelabrum,
ut, qui ingrediuntur, lumen videant. Luc.*

11. 33

S. MARTINUS VERUM LUMEN EC-
CLESIAE FUIT.

1. Ob suam abnegationem.
2. Et zelum pro salute animarum.

PUNCTUM I. A Doremus D. N. J. C.
verum mundi lumen, qui
ministris suis hoc communicavit, ut populum
suum doctrinâ & sanctitate vitæ suæ illumi-
narent, gratias pariter agamus Deo, quòd S.
Martinum ex illa obscuritate extraxerit, in
qua

qua se volebat abscondere, ut supra candelabrum Ecclesiæ illum poneret, facereturque illum lucere in oculis omnium Clericorum in omnia futura sæcula. Rogemus eum pro hac gratia, ut ex illius exemplo proficere valeamus. In nullo inferior fuit sanctus hic Apostolis. Signa apostolatûs sui exhibuit in omni genere passionum, laborum, patientiæ, miraculorum, prodigiorum, & extraordinariorum effectuum divinæ potentiæ. Nos hic solummodò considerabimus, ipsius abnegationem, & contemptum omnium rerum terrenarum, quod vel maximè ad magnam nostri ædificationem serviat. Primum sacrificium, quod Deus ab iis exigit, quos ad ministerium apostolicum vocat, est, renuntiare omnibus rebus, ut ipsum sequantur; non limitat hanc imitationem tantum, ad renuntiandum solummodo honoribus & divitiis hujus sæculi; sed vult illam eo usque progredi, ut quis seipsum etiam abneget, & sancto odio seipsum presequatur. Et quidem quomodo quis commoditatibus vitæ hujus inhæreat, & bonis hujus mundi immodicè affectus, honoribusque & voluptatibus inhians; aliis efficaciter contemptum rerum visibilium & transitoriarum abnegationem sui ipsius, mortificationem secularium desideriorum, & amorem inspirabit? ô quàm fidelis fuit S. Martinus, in obediendo huic primo, ex consiliis evangelicis! alio haud opus est, ut de hoc persuasi simus, quàm
ut

ut recordaremur, quid fecerit jam, nondum adhuc per baptismum Christo JESU incoorporatus; petit quidam pauper, nudos penè, ac frigoris rigore serè tabescens, ab eo eleémosynam; Martinus, nil apud se habens, quo eum consolari posset, pallium suum scidit, & cum paupere isto divisit. O admirabilem prorsus charitatem! quàm ingeniosa & prodiga est; haud miror, quòd eum Christus JESUS per semetipsum laudare voluerit, & extollere, *Martinus adhuc catechumenus hac me vesta contexit.* Ulterius adhuc processit hæc ipsius renuntiatio; vix dum liber erat à militiæ jugo, statim generosum hoc animi propositum cepit, seruiendi deinceps Christo in omni perfectione evangelica. Ut verò à recta via in tam periculoso negotio non devia-
ret, magno Hilario adhæsit expertissimo nimirum magistro, in viis Domini. Sanctus hic Præ-
latus, agnito gratior thesauro, in hoc neo-
phyto, illiusque amore captus Ecclesiæ suæ e-
um addicere voluit, & in diaconum confe-
crare, verum Deus præbere nobis voluit e-
xemplum profundæ humilitatis, hujus servi
sui, ac docere, quòd si honoribus hujus sæ-
culi renuntiavit, tales haud quærere deinde
beat in sanctuario, seu Ecclesia, hoc ei in-
spiravit, ut hanc dignitatem recusaret; pro-
testatur igitur clamore, & lacrymis, se om-
niò indignum esse; totumque, quòd ab eo
impetrari potuit, hoc erat, quòd voluerit esse
simplex

simplex exorcista, quæ functio omninò me-
 ritis ipsius minor esse videbatur. Qualis in-
 structio pro nobis, qui fortè non nisi ad of-
 ficia honoratiora in Ecclesia & dignitates a-
 spiramus! fuit S. Martinus non minùs etiam
 à patria sua alienus & si adhuc semel eò pro-
 ficiscitur, minimè hoc fit, ut hæreditatem su-
 am adiret, omne aurum & argentum in ocu-
 lis ipsius aliud non erat, nisi pulvis, & lutum;
 non etiam ex motivo, ut parentibus suis oculos
 clauderet, didicit à Magistro suo divino,
 mortuis hoc relinquendum esse, ut sepeliant
 suos mortuos. Eò accedit, ex motivo chari-
 tatis, à qua urgebatur, ut eos à morte infi-
 delitatis eriperet, oculosque illorum admira-
 bili lumini evangelii aperiret. Estne hæc e-
 tiam nostra dispositio erga parentes nostros,
 vel consanguineos, ane nullum aliam affe-
 ctum erga illos habemus, vel aliud lucrum non
 quærimus, nisi salutem ipsorum? Contemptus
 æstimationis hominum erat in S. Martino ad-
 huc magis mirandus. Factus Episcopus Tu-
 ronensis contra suam voluntatem, mansit ta-
 men semper idem; id est, eodem prorsus mo-
 do alienus à sæculi fastu. Vestis, suppellex,
 mensa, omnia exteriora prædicabant in illo;
 paupertatem & humilitatem; quod verò ma-
 ximè in eo stupendum, hoc est, quod splendor
 tam raræ virtutis, & ferè innumerabilem mi-
 raculorum, quæ patrarat, nunquam oculus
 ipsius caliginem aliquam effundere, & ad su-
 perbiam

perbiam quandam movere potuerint. Omnes
auxilium illius inclamant; Imperatores illum
reverentur ut Angelum de cælo; quidam ty-
rannus mansuescit, & petitioni ipsius con-
descendit, & annuit, Imperatrix quædam fe-
licem se existimabat, quod propriis manibus
prandium ei parare, & mensæ ipsius servire
posset, totus ferè mundum eum canonizat; i-
pse verò solus seipsum non aliter respicit, nisi
ut peccatorem, omni contemptu dignum, se-
que ipsum instar pulveris & luti tractat, dum
mori voluit in cilicio & cinere, magis ex spi-
ritu humilitatis quàm poenitentia. Vœ mihi,
dicebat ad discipulos suos, si aliud vobis e-
xemplum reliquero; sed vœ nobis; si ipsum
non imitemur, & in nostro modo agendi &
vivendi similem profundam humilitatem non
exprimamus. Denique adeò propriæ vitæ suæ
amans non erat, ut vel ipsi latrones, qui eum
animo trucidandi in quoddam alpium transitu
violenter aggressi sunt, desuper obstupuerint.
Quanta pati debuit, & quàm indigna ab A-
rianis? unicus ipsius dolor fuit, quod plura non
pateretur, neque dignus esset, pro divino ma-
gistro sanguinem suum profundere. An non
igitur jure cum Apostolis dicere ad Christum
potuit; *ecce nos reliquimus omnia, & secuti
sumus te; quid ergo erit nobis?* Matth. 19.
verum an etiam nos ita loqui possumus? quid
reliquimus pro Christo Jesu, ut illum seque-
remur, ac Dominum cordis nostri faceremus?
quid

quid sacrificavimus nos gloriæ & commodis, ac lucro ipsius? ubi est nostra renuntiatio sæculi? contemptus creaturarum, & nostri ipsius abnegatio? sique modò mori oporteret, an ne pariter ad principem hujus mundi, cum isto paupere in spiritu, dicere possemus; *quid hic ad istas cruenta bestia? nihil in me funeste reperies.* Veniamus nunc ad zelum, & charitatem ipsius, vel potius videamus ipsammet charitatem in ipsius persona quasi in solio Episcopali residentem.

PUNCTUM II. Neque nobilibus, neque sapientibus hujus sæculi concedit Deus suum sacerdotium, sed iis, qui zelum habent pro gloria ipsius, & commodis illius student, hinc, antequam Christus Petro regimen suæ Ecclesiæ conferret, neque ab eo petit, utrum debitâ scientiâ instructus sit, quamvis qualitas sit valde necessaria; neque utrum sufficientes vires corporales habeat ad tolerandos gravissimos labores; sed unicè, utrum illum amaret, & quidem plus cæteris? S. Martinus charitate hac insignitus erat in gradu prorsus eminenti; erat alter Paulus, cujus spiritus commovebatur, & cor præ dolore scindebatur, dum videret errorem pro veritate regnare, & demonem, locum veri Dei occupare. Quid, & quanta non fecit ad radicibus extirpandum ab omnibus Gallis idololatriam? quot cursus, quot sudores, quot vigilias, quot noctes, in oratione & lacrymis, coram Deo fufus, transactas

sactas numeramus, ut eum flecteret ad aperien-
dendos his cæcis oculos eorum, ut vanitatem
idolorum suorum agnoscerent? quoties vitam
suam periculo exposuit, & quasi prodegit, ut
esset victima barbarorum! denique mansuetu-
do & patientia ipsius omnes quasi in agnos
mutavit, & convertit, & taliter zelo illius be-
nedixit Deus, ut maxima illorum pars fidem
amplexa sit. Nunquam fuit pastor tam fidelis
in visitandis ovibus, & grege suo, & ad agno-
scendum facies eorum, ad pascendos illos ver-
bo vitæ, ad proscribenda scandala, ad impu-
gnandum & expugnandum peccatum, etiam
in ultimis suis recessibus, & angulis; nullus si-
milis etiam tam exactus, nec tantæ patientiæ
erga Clericos suos fuit, vit. S. Martini c. 26.
*Tantam adversus omnes injurias patientiam
assumplerat, ut, cum esset summus sacerdos,
impune etiam ab infimis Clericis laderetur,
nec propter id eos, aut loco unquam amoverit,
aut à sua quantum in ipso fuit, charitate, re-
pulerit;* verba sunt Severi Sulpicii. Id, quod
author iste refert de Britio, in suis dialogis,
meretur sanè hic adnotari. Hic rebellis Epi-
scopo suo Clericus, talibus, tantisque injuriis
affecit illum, quales, quantasque eidem impu-
rus spiritus, a quo regebatur, inspirabat, neque
unquam cessabat, patrem adeò venerabilem ri-
sui habere. Quilibet alius indignabatur huic te-
meritati hujus filii Belial; urgebant S. Episco-
pum, ut eum è Clero suo ejiceret, arguebant
eum,

eum, nimis iadiseretam esse hanc ipsius patientiam; sed ora omnium istorum conclusit sanctus, qui lilium istud ante tempus eradicari volebant, ista reponendo. *Si Christus passus est Judam, cur ego non patiar Britium*, Dial. 3. c. 20. Sicque accendit carbones ardentes super caput peccatoris istius; illiusque oratio æquè fuit efficax, ac illa S. Stephani; quemadmodum enim hæc conversionem S. Pauli effecit, sic illa promeruit, ut Britius S. Martino in Episcopatu & sanctitate succederet, prout alius historicus hoc narrat, Greg. Turonen. hist. L. II. Item L. 10. Verum complementum charitatis, & zeli ipsius est, quòd in mortuali lectulo positus in dilationem remunerationis suæ consenserit, quòd ulterius pro salute fratrum suorum laborare posset, *Domine!* dicebat ad discipulos suos de suo transitu proximè secuturo, nimium contristatos, *si adhuc populo tuo sum necessarius, non recuso laborem, fiat voluntas tua.* O verba omni admiratione sæculorum etiam futurorum digna! *ô virum ineffabilem, nec labore victum, nec morte vincendum, qui nec mori timuit, nec vivere recusavit* Sanè pulcherrimum lumen vita S. Martini fuit! accedamus nunc ad hoc lumen, & videamus, quid nobis desit, ut id petamus à Deo per intercessionem sancti hujus. O Pontificem verè sanctum! ô pastorem Christo plenum, & semper eidem unitum! roga, quæso, Dominum pro nobis, ut partem,

partem aliquam zeli hujus ardentissimi, quo
semper animatus eras, nobis donet, ut de spi-
ritu orationis, humilitatis, patientiæ, mansue-
tudinis, pœnitentiæ & paupertatis, in quo
ad finem vitæ usque perseverasti, aliquid par-
ticipemus, Pro Missa, ante oculos nobis con-
stituamus fervorem illum, quocum S. Mar-
tinus hæc sanctissima Mysteria offerebat, quem
Ecclesia his verbis nobis indicat; *dum Sa-
cramenta offerret beatus Martinus, globus i-
gneus apparuit super caput ejus.* Verum est,
nos ad tale devotionis & pietatis miraculum,
haud contingere posse, sunt hi favores tales,
quibus nos undequaque indigni sumus; sed
quod nobis convenit, faciamus, ut res sanctas
sanctè tractare mereamur, hoc est, ut imitemur
vitam internam S. Martini, studium ora-
tionis, & perseverantiam in illa. Nulla, hora,
nec momentum vitæ ipsius effluxit, quo non
in opere quodam divino occupatus, vel in
spiritu cum Deo conversatus sit, quidquid
fecit, continua oratio fuit, *invisum ab orati-
one spiritum non relaxabat.* Idem etiam nos
facere possumus, ad hoc etiam nos urgent
sanctitas statûs nostri, & excellentia seu e-
minentia functionum, quæ ministerio nostro
annexæ sunt. *Nos sumus lapides sanctuarii,
qui apparere semper debemus in conspectu Dei*
Greg. M. hom. 17. in Ev.

PRO ANNIVERSARIO DEDICATIONIS
ECCLESIAE

*Elegi & sanctificavi locum istum, ut sit no-
men meum ibi, in sempiternum, & permane-
ant oculi mei, & cor meum ibi cunctis diebus.*

2. Paralip. 7.

1. Cur festum dedicationis Ecclesiae institu-
tum sit? 2. Quomodo celebrari debeat?

PUNCTUM I. **A** Nniversaria dedicationis
festivitas ex pluribus rati-

onibus instituta est, ex principales tres, quæ pro
nostra devotione sufficiant! factum fuit hoc ad
excitandam gratitudinem nostram erga Deum,
quod habitare dignetur in Ecclesiis nostris, ibi
audire preces nostras, gratiis suis nos cumulare,
& beneficiis afficere, verbo suo nutrire, & san-
ctissimo corpore velit, si gaudemus, postquam
ædificationem aliquam cepimus, si eam ad finem
feliciter perduximus, si judæi post reædificatos
muros Jerusalem, & restitutum templum, so-
lennem dedicationem celebrârunt, quo affectu
gaudii & gratitudinis, & nos celebrare debe-
mus felicissimum diem illum, quo Deus beni-
gnissimè concessit, ut domus aliqua illi ædifi-
caretur, quam suâ præsentia & gratiis imple-
ret? domus talis, quæ nobis sit locus refugii,
quod nos toties recipere possimus, quoties no-
bis placuerit, ut tutos nos reddamus contra vi-
olentiam, & assultus inimicorum nostrorum quæ
admodum Moyses & Aaron ad tabernaculum
confugere, dum populus eos lapidare volebat &
quale

quale commodum & utilitas pro nobis, gratias
propterea agamus divinæ bonitati! stupendum
certè! Deum supremæ Majestatis non dedigna-
ri habitare inter nos; igitur pleni admiratione
& stupore exclamemus cum Salomone; *ergo-
ne credibile est, ut habitet Deus cum hominibus
super terram?* 2. Paralip. 6. v. 18. 2dò Fe-
stum hoc institutum fuit, ut in memoriam no-
bis reducamus institutionem & foundationem
Ecclesiæ universalis, & religionis seu fidei chri-
stianæ, quæ non solum successit religioni ju-
daicæ, sed insuper destruxit in toto mundo
cultum idolorum & loco illius induxit cultum
veri Dei, erigendo in locis, ubi prius erant de-
lubra dæmonum vexillum crucis JESU Christi.
Nunc est, quòd Episcopus Ecclesiam conse-
crans, plures cœremonias observet, ad quas pa-
rum nos attendimus, quamvis omninò myste-
riis plenæ sint. Primum, quod facit, est, quòd
crucem ibi figat, tanquam grande vexillum
triumphi JESU Christi de mundo idololatro.
2dum, quòd duodecim luminaria accendat,
quæ crucem hanc illustrent, & duodecim A-
postolos denotent, qui per totum orbem lu-
men Evangelii portarunt, ac hominibus glo-
riam & virtutem crucis anuntiârunt. 3tium,
quòd tribus vicibus Ecclesiam circumeat, il-
lam aquâ aspergendo benedictâ, in memoria
am annorum illorum, ubi Apostoli Confes-
sores & Martyres absque numero, sanguine
suo Ecclesiam irrigarunt, cujus templa non
nisi

nisi tempore regni Constantini fuere construx-
ta & aperta. Renovemus hic amorem & studi-
um, seu affectum ergo Ecclesiam; gloria illius
nobis cordi sit; & rogemus Deum, ut semper
magis ac magis augeat numerum christianorum
& corda nostra novô zelô inflammet pro decore
& sanctitate domûs suæ; *Domine dilexi deco-
rem domus tuæ, & locum habitationis gloria
tuæ.* Ps. 25. 3tia ratio institutionis hujus festi
est, ut recordemur esse nos templâ Dei viva,
ubi Deus habitat per grâtiâ suam. *Nescitis,*
ait S. Paulus, 1. Cor. 3. 16. *quod estis templum
Dei, & quod Spiritus illius habitat in vobis?*
& paulò inferius; *templum Dei sanctum est,
quod estis vos.* Facta est hæc consecratio, &
dedicatio templi istius, per Sacramentum ba-
ptismi; corpus & anima nostra facta sunt per il-
lud sanctuaria viventia & animata, in quibus
possessionem suam cepit Spiritus S. neque per-
missum nobis est iis deinceps ad alium profanum
finem uti. Sed ah! quàm parùm nos hucusque
cognovimus sanctitatem & commoda ex con-
secratione ista nobis provenientia! quàm modi-
cum respectum & reverentiam habuimus erga
corpus & animam nostram! quàm jure timere
debemus, ne in nos cadant minæ istæ terribiles,
*si quis autem templum Dei violaverit, dispero-
det illum DEUS.* ibid. En! qualis sit intentio Ec-
clesiæ in & pro hac solemnitate! vide, ut huic
intentio te conformes! ut autem magis adhuc
huc præstes;

PUNCTUM II. Vide, quid faciendum sit, ut festum hoc condignè celebres? primum est, ut renoves in te illum respectum, quem Ecclesiis debes. Totum, quod ibi videmus, inspirare nobis hanc reverentiam debet; fons baptismalis, ubi in vitam spiritualem fuimus regenerati; cathedra veritatis, ubi instruimur; tribunal pœnitentiæ, ubi à peccatis nostris absolvimur; altare sacrificii, ubi offertur victima reconciliationis nostræ, sacra mensa, ubi panem vitæ nutrimur, uno verbo; omnia, quæ ibi cernuntur, etiam ipsi lapides oleo sancto inuncti, tacitè nobis prædicant silentium, modestiam, compunctionem, & hortantur nos, ut solvamus calceamenta de pedibus nostris, id est, ut exuamus inordinata, & peccaminosa desideria, eoquòd terra hæc, in qua stamus, terra sancta sit; *solve calceamentum de pedibus tuis, locus enim in quo stas, terra sancta est, Exod. 3. 5.* Queni interim respectum habemus Ecclesiis nostris? visitamus ne illas frequenter? libenterne in illis oramus? habemusne sollicitudinem & curam, ut debitè exornentur? impedimusne, quantum possumus, profanationes, & immodestias ibi committi solitas? utinam non ipsimet aliis malo ibi exemplo essemus! faciamus hodie divinæ Majestati satis, pro irreverentiis nostris, ibi hucusque commissis. Ignosce Domine, & condona nobis irreverentias nostras, quas in tua sancta præsentia commisimus! ah! quam potiori jure cum Jacob, Gen. 28. 10. exclamare possum; *verè Dominus est in loco*

Medit Pars Autum. Na *istis*

isto, & ego nesciebam. expelli de domo tua
 promerui, & audire hæc verba terroris plenæ
foris tunc & omnis, qui amat, & facit men-
dacium. Apoc. 25. 15. Fac, o bone DEUS,
 ut ab hoc die reparem defectus meos commis-
 sos, per maiorem deinceps respectum, & de-
 votionem. *Introibo in domum tuam, & adorabo*
ad templum sanctum tuum in timore tuo, Ps. 5.
 8. Non solum introibo in templum sanctum tu-
 um cum timore reverentiali, sed unicuique gau-
 dium meum, in hac valle lacrymarum erit, si
 coram S. altari tuo cor meum effundere va-
 leam. *Altaria tua Domine virtutum, Rex me-*
meus, & Deus meus. Ps. 83. 4. 2dum, quod
 nos in hac festivitate facere oportet, est, ut
 vota nostra in baptismo facta renovemus; ut
 nos de novo dedicemus, & consecremus servi-
 vitio divino, donatione perpetua, & irrevoca-
 bili; ut populum exhortemur, ad idem facien-
 dum, in memoriam iis revocando hæc verba;
lapides vivi, domus spiritualis, sacerdotium
sanctum, offerre spirituales hostias, acceptabi-
les Deo per IESUM Christum. 1. Petr. 2. 5.
 Dignum & iustum est, o Domine, ut in spiritu
 sacrificii intrem in Ecclesiam tuam, & ut re-
 novem vota mea, pro salute mea emissa. Ra-
 tum igitur habeo, ex toto corde meo, quod me
 tibi sacraverim, dum Sacramentum Baptismi,
 seu adoptionis recepi. Abrenuntio mundo, &
 Sathanæ principi illius, & omnibus illius malis
 suggestionibus; ut sic tibi Deo meo, soli inha-
 ream & sanctæ doctrinæ tuæ. Fac o Domine,
 ut non nisi pro te, & tibi vivam, ut non nisi pro

gloria tua laborem; ut nonnisi ad cælum aspici-
rem; & vitæ meæ tempore in te absconditus
sim. O JESU! ô Domine; initium solummodò
aliquid sum creaturæ; perfice opus tuum; fac,
ut crescat in me vita hæc supernaturalis, quâ
in baptismo recepi; perfice illam, ut peccato
mortuus sim. Novus Adam! forma in corde
meo tuam divinam similitudinem, per infusio-
nem continuam charitatis tuæ, quæ me tandè ad
te perducatur; *infunde cordibus nostris tuamoris*
affectum, ut te in omnibus, & super omnia dili-
gentes promissiones tuas, quæ omne desiderium
superant, consequamur. Orat. Eccles. igitum
medium benè celebrandi hoc festum est, pete-
re à Deo gratiam pro structura admirabilis tē-
pli hujus, quod modò in terra, seu vita nostra
extruitur, cujus tamen dedicatio, nonnisi in
cælo peragetur, quando Christus JESUS, ut S.
Paulus ait, repræsentabit Deo Patri Ecclesiā,
suam, puram, & absque macula, ut deinceps
semper ei unita maneat, & occupata per totā
æternitatem, in consideratione & admiratione
magnitudinis miserationum divinarum. Ad hanc
cælestē Jerusalem dirigere debes vota, & de-
sideria tua, prout te invitat hymnus, qui in
hac solemnitate decantatur. *Cælestis urbs Je-*
rusalem, beata pacis visio &c. Expēde omnia
verba hymni hujus benè, & roga Deum pro
gratia, ut facere valeas supra terram omnia;
quæ ei placita sunt, ut uret, secet te, prout
ipsi placet, modò pro æternitate tibi miserie-
cordiam suam reseruet; certò de hoc persuas-
sus, quod ingredi non valeas hanc civitatem

sanctam, quæ pro rege suo Deum pacis habet, nisi pro hoc ædificio apteris ab architecto, per varias afflictiones, & contradictiones; *illuc introducitur omnis, qui ob Christi nomen hic in mundo premitur, tusionibus, pressuris, expolitæ lapides, suis cooptantur locis, per manus artificis disponuntur permansuri sacris ædificiis.* O bone Deus! ab tunde me, quin clamorem meum, murmur meum, & querelas attendas, ut sic aliquando locum inveniam, & acquiram in templo tuo immortalis, & dignus efficiar intrare in tabernaculum hoc admirabile, quod manibus hominum minimè exstructum est; *introibo in locum tabernaculi admirabilis, usque ad domum Dei.* Ps. 41. 5. Pro communione vel Mis. sa habemus exemplum, quod Ecclesia hodie nobis proponit. Verum est, quod Zachæus peccator fuerit, qui hæud promeruit, cui Christus dixerit; *hodie in domo tua oportet me manere.* Sed adeo benè recepit Christum JESUM, ut sanctus deinceps evaserit, possumus etiam hoc cum S. Aug. addere, Christum jam prius in corde ipsius fuisse, antequam domum illius intraverit: *suscipitur Christus in domum, qui jam habitat in corde;* serm. alias 8. de V. apost. nunc 174. c. 4. Imitemur hanc perfectam conversionem viri istius, & desiderium ac affectum recipiendi Christum; corrigamus in hunc effectum omne illud, quod in vita nostra fuit inordinatum; studeamus deinceps de omni moliori modo benè communicare; sperare enim sic poterimus, Dei Filium etiam nobis idipsum dicturum, quod ad hunc publicanum dixit: *Luc. 19. 9. hodie salus huic domui facta est.*

I N D E X.

MATERIARUM HUIUS PARTIS AUTUMNALIS. DOMINICA DECIMA TERTIA POST PONTECOSTEN.

DE Christo JESU. 1. *Est objectum promissionum divinarum, & finis legis* 2. *Omnia ad ipsum referre debemus.* pag. - - 3.
 FERIA SECUNDA.

De peccato originali. 1. *Status miserabilis. ad quem per peccatum Adami redacti sumus.* 2. *Superabundans bonitas JESU Christi, qui ab illo nos reduxit.* - - 7.
 FERIA TERTIA.

Clerici debent ad exemplum JESU Christi. 1. *Prædicare ubique,* 2. *Et omnibus hominibus benefacere.* - - 12.

FERIA QUARTA
 De utilitate confessionis. 1. *Remittit peccata.* 2. *Restituit merita.* 3. *Procurat gaudium & quietem bonæ conscientie.* - - 17.

FERIA QUINTA.
 De gratitudine. 1. *Recogitare debemus Dei beneficia.* 2. *Deo gratias pro illis agere.* 3. *Ex illis proficere.* - - 22.

De

Index.

FERIA SEXTA.

De ingratitudine. 1. *Obliviscimur beneficia
orum Dei.* 2. *Ea nobis attribuimus* 3. *illis
abutimur.* 27.

DIE SABBATHI.

Qualiter verè pœnitens post conversionem
suam vivere debeat. 1. *Lucrum & utilitatem
ex suis lapsibus trahit.* 2. *Illos reparat & re-
sarcit per fervorem pœnitentiæ suæ.* - 33.

**DOMINICA DECIMA QUARTA POST
PENTECOSTEN.**

De castitate. 1. *Æstimatio, quam de illa
habere debemus.* 2. *Et sollicitudo seu cura illa-
m conservandi.* - 38.

FERIA SECUNDA.

De rebellionem carnis contra spiritum. 1.
Qualis sit. 2. *Quomodo nos in illa genere de-
bemus.* - 43.

FERIA TERTIA.

De passionibus. 1. *Excessus illarum.*
2. *Remedia contra hos excessus.* - 49.

FERIA QUARTA.

De pluralitate beneficiorum. 1. *In quem fi-
nem fundata sint beneficia.* 2. *Utrum licitum
sit plura possidere.* - 54.

FERIA QUINTA.

De avaritia. 1. *Plures clerici huic vitio
subjecti sunt.* 2. *Pauci se emendant.* - 60.

FERIA SEXTA.

Quòd animum nostrum ab his terrenis ab-
strahere debeamus. 1. *Quàm hoc sit necessari-
um*

Index.

am. 2. Et quam rarum inter clericos. 65
DIE SABBATHI.

De salute animæ. 1. *Obligatio laborandi pro ea 2. Quomodo laborandum sit. 74*

DOMINICA DECEIMA QUINTA POST PENTECOSTAM.

De vana gloria. 1. *Facile in illam labimur. 2. Media præservativa contra illam 77*
FERIA SECUNDA.

De altercatione & contentione. 1. *Sollicitudo talia evitandi. 2. Quibus mediis utendum. 81*

FERIA TERTIA.

De correctione. 1. *Quomodo fieri; 2. Quomodo admitti, seu accipi debeat. 86*

FERIA QUARTA.

De obligatione supportandi aliorum defectus. 1. *In quo fundatur hæc obligatio. 2. Examen, utrum huic nostræ obligationi satisfaciamus. 92*

FERIA QUINTA.

Reciproca obligatio clericorum & sæcularium. 1. *Clerici instruere debent populum. 2. Populus debet ipsis necessaria subministrare. 97*

FERIA SEXTA.

De cogitatione mortis. 1. *Quid sit hora, seu momentum mortis? 2. Utilitas hujus cogitationis. 102*

DIE SABBATHI.

De sanctis desideriis mortis. 1. *Optare debemus mortem, & non affigi ex ea. 2. Quomodo licitum sit, eam sibi optare. 108*

DO.

Index.

DOMINICA DECIMA SEXTA POST
PENTECOSTEN.

Tolerantia pro Ecclesia. 1. *Gloriosum erat Paulo, pati pro ecclesia.* 2. *Nostre gloria esse debet, ut illum in hoc imitemur.* - 114

FERIA SECUNDA.

De vita interna clerico necessaria. 1. *Clerici debent esse homines interni & spirituales.* *Plurimi tamen vivunt vitam animalem & carnalem.* - 120

FERIA TERTIA.

De vita fidei. 1. *Quanam sit vita fidei.* 2. *Quam nobis sit necessaria.* - 125

FERIA QUARTA.

De Charitate Christi erga homines. *Debent clerici in eo esse:* 1. *Ut eam comprehendant.* 2. *Et imitentur.* - 130

FERIA QUINTA.

De invidia. 1. *Nihil odiosius.* 2. *Nihil tam men communius.* - 136

FERIA SEXTA.

De Sanctificatione fectorum. 1. *De modo illa sanctificandi.* 2. *Media, quibus uti debeant clerici ad contribuendum aliquid ad hanc sanctificationem.* - 141

DIE SABBATHI.

De ambitione clericorum. 1. *Quam peccaminosa sit.* 2. *Media eam impugnandi & vincendi.* - 146

DOMINICA DECIMA SEPTIMA POST
PENTECOSTEN.

De

Index.

De mediis respondendi vocationi nostræ.

1. *Applicare nos debemus ad illam benè cognoscendam.* 2. *In eaque fideliter perseverare* . . . 152

FERIA SECUNDA.

- De patientia. 1. *In quo consistat hæc virtus.* 2. *Quales habere debeat qualitates* 158

FERIA TERTIA.

- De patientia clericis necessaria. 1. *Quantopere nobis necessaria sit hæc virtus.* 2. *Motiva illam exercendi.* . . . 163

FERIA QUARTA.

- De ecclesia. 1. *Quàm illi obligati simus.* 2. *Quàm gratos nos illi exhibere debeamus* 169

FERIA QUINTA.

- De perfectionibus Dei. 1. *Idea, quam de iis formare possimus* 2. *Quales illæ sint, de quibus S. Paulus hic loquitur.* . . . 176

FERIA SEXTA.

- De amore Dei. 1. *Obligatio nostræ amandi Deum.* 2. *Modus, quo illum amare debemus.* . . . 180

DIE SABBATHI,

- De amore proximi 1. *In quo sensu præceptum, de diligendo proximo, simile sit præcepto diligendi Deum.* 2. *Qualiter implendum sit.* . . . 187

DOMINICA DECIMA OCTAVA POST
PENTECOSTEN

- De gratiarum actione. 1. *Quàm familiaris esse debeat clericis.* 2. *Qualiter exercere debeat.*

debeat.

193

FERIA SECUNDA.

De studio. 1. *Obligatio clericorum quoad studia.* 2. *Modus studendi.* 199

FERIA TERTIA.

De glorioso adventu Christi Jesu. 1. *Debent clerici sapientius de illo cogitare, & se illo occupare.* 2. *Et ad illum se preparare fideliter correspondendo gratia Dei, & satisfaciendo obligationibus suis.* 205

FERIA QUARTA.

Clerici sunt advocati apud Deum. 1. *Pro talibus considerare seipfos debent.* 2. *Quid hec ipsorum conditio ab ipsis requirat.* 210

FERIA QUINTA.

De officio confessarii. 1. *Quam difficile sit* 2. *Regula, ut dignè quis illud obeat, & exequatur.* 214

FERIA SEXTA.

De calumnia. 1. *Calumniis saepe expositi sunt boni clerici.* 2. *Qualiter se gerere debeant in his circumstantiis.* 220

DIE SABBATHI.

De tepore in servitio divino, 1. *Status animæ tepida.* 2. *Remedia contra hoc malum.* 225

DOMINICA DECIMA NONA POST PENTECOSTEN.

De spiritu clericali. 1. *In quo consistat.* 2. *Quid facere debeamus, ut in nobis renovetur.* 230

FERIA SECUNDA.

De

Index.

De sanctitate statûs ecclesiastici. 1. *Rationes, ex quibus obligantur clerici, ut sint sancti.* 2. *In quo consistat sanctitas ista.* 236

FERIA TERTIA.

De mendacio. 1. *Quid sit mendacium, & quomodo displiceat Deo.* 2. *Quàm abhorrere ab illo debeant clerici.* 241

FERIA QUARTA.

De ira. 1. *Datur ira laudabilis, quæ clericis convenit.* 2. *Datur alia peccaminosa, quam evitare debent.* 243

FERIA QUINTA.

De veste nuptiali. 1. *Quid sit.* 2. *Pauci clerici illam habent.* 252

FERIA SEXTA.

De inferno, *Damnatus est infelix.* 1. *Quia privatus omni bono.* 2. *Gravatus omni malo.* 3. *Æternum punitus.* 258

DIE SABBATHI.

De parvo numero electorum clericorum. 1. *Pauci ex clericis salvabuntur.* 2. *Rationes, quas afferunt SS. DD.* 265

DOMINICA VIGESIMA POST
PENTECOSTEN.

De prudentia. 1. *Qualis sit, & quam necessaria iis, qui pro salute animarum laborant.* 1. *Ubi in specie exercenda sit.* 269

FERIA SECUNDA.

Clerici semper occupati esse debent, ut faciant. 1. *Quod Deo.* 2. *Quod proximo.* 3. *Quod sibi ipsis debent.* 276

FERIA

Index.

FERIA TERTIA.

De præventionē, seu præoccupationē. 1. Quam magna mala causet. 2. Media contra illam. 283

FERIA QUARTA.

De ebrietate. 1. Quam indignum sit clerico hoc vitium. 2. Quos excessus post se trahat. 288

FERIA QUINTA.

De recitatione Breviarii. 1. Fieri debet cum reverentiā. 2. Attentione. 3. Et devotione. 294

FERIA SEXTA.

De bono usu morborum. 1. Oportet eos acceptare à Deo cum submissione. 2. Et dolores illorum perferre in spiritu pœnitentiæ. 301

DIE SABBATHI.

Obligatio patrisfamilias erga suos domesticos. 1. Quoad temporalia. 2. Et spiritualia. 307

DOMINICA VIGESIMA PRIMA POST PENTECOSTEN.

De pugna spirituali. 1. Vita nostra continua est pugna. 2. Debemus proinde continuè invocare auxilium Dei. 313

FERIA SECUNDA

De inimicis nostris, contra quos pugnare debemus. 1. Quinam sint. 2. Quem ordinem in hac pugna servare debeamus. 319

FERIA TERTIA.

De armis contra inimicos salutis nostræ necessariis; principalia sunt: 1. Scutum fidei. 2. Et gladius verbi divini. 325

De

Index.

FERIA QUARTA.

- De peccato habituali. 1. *Effectus illius.*
2. *Remedia contra illud.* 329

FERIA QUINTA.

- De Processibus. 1. *Quantum ab illis ab-*
horrere debeant clerici. 2. *Rationes, quar-*
evitari debeant. 335

FERIA SEXTA.

- Finis processibus imponendus. 1. *præcipue*
pastores laborare debent, ut finis processibus
imponatur. 2. *Qualem modum seu regulas*
circa hoc observare debeant. 342

DIE SABBATHI.

- De odio & inimicitiiis. 1. *Quamprimum iis*
resistere debemus. 2. *Et causas seu occasiones*
rescindere. 346

DOMINICA VIGESIMA SECUNDA
POST PENTECOSTEN.

- De perseverantia, 1. *Maximum est ex*
Dei donis. 2. *Quid facere oporteat ad illud*
obtinendum. 352

FERIA SECUNDA.

- De zelo S. Pauli pro salute Philippenſium.
1. *Erât zelus ardens, prudens & gratuitus.* 2.
Zelus clericorum has easdem qualitates habere
debet. 357

FERIA TERTIA

- De Phariseis & Christo. 1. *Malitia Pha-*
risæorum 2. *Prudentia Christi.* 3. *confusio*
inimicorum suorum. 363

FERIA QUARTA.

Qua

Index.

Qualitates viro apostolico necessariae. 1. Debet esse sincerus. 2. Docere sanam doctrinam. 3. Et esse constans. 568

FERIA QUINTA.

De hypocrisi. 1. Quam odiosum Deo. 2. Et salutis perniciosum sit hoc crimen. 374

FERIA SEXTA.

De hypocritis. 1. Quantum noceant ecclesiae hypocritae clerici. 2. Obligatio vitandi illos. 380

DIE SABBATHI.

De clericis propriis lucris intentis. Quia tales sunt: 1. Sunt ministri temerarii, qui contra voluntatem Domini sui agunt. 2. Ministri inutiles, qui inepti sunt ad functiones status sui. 3. Ministri scandalosi, qui ministerium suum inhonorant. 386

DOMINICA VIGESIMA TERTIA

POST PENTECOSTEN

De bono exemplo clericorum 1. Debent instar S. Pauli aliis servire pro exemplari. 2. Media ad hoc necessaria. 393

FERIA SECUNDA.

De conversatione cum bonis clericis. 1. Quam necessarium sit frequenter conversari cum talibus. 2. Et quam utile. 398

FERIA TERTIA.

Dux sortes clericorum, qui inimici crucis Christi sunt. 1. Qui passionibus hominum blandiuntur & adulantur. 2. Et qui ipsi vitam mollem & delitiosam ducunt. 403

Index.

FERIA QUARTA.

De abnegatione amoris vite presentis. 1. Debemus ab hac vita amorem nostrum abstrahere, & desiderare esse cum Christo. 2. Unde veniat, quod tam parum cum illo uniri optemus. 410

FERIA QUINTA.

De morte iustorum. 1. Nil eos affligit de preterito. 2. Omnia in futurum consolantur. 415

FERIA SESTA.

De impudicitia. 1. Quam contrarium sit hoc vitium sanctitati status nostri. 2. Qualem penitentiam agere debeat clericus, si post ordinationem suam in illud lapsus sit. 421

DIE SABBATHI.

De irrisionibus. 1. Quam peccaminosa sint. 2. Et quam indigne clericis. 428

**DOMINICA VIGESIMA QUARTA
POST PENTECOSTEN.**

De oratione continua clericorum. 1. Nunquam cessare debent ab oratione pro populo. 2. Omnes illorum functiones sunt occasio renovandi preces suas. 433

FERIA SECUNDA

Media proficiendi in perfectione. 1. Bene agnoscere statum & obligationes suas. 2. Saepius se desuper reflectere. 3. Venire ad ipsam praxin. 439

FERIA TERTIA.

De beneficio redemptionis. Debet nos excitare

Index.

*excitare. 1. Ad gratitudinem erga Deum. 2. Et
zelum nostrum pro salute animarum.* 446

FERIA QUARTA.

*De vita scandalosa perversorum clericorum.
1. Abominatio est coram Deo. 2. Et desolatio
quadam pro ecclesia.* 450

FERIA QUINTA.

*De fuga occasionum. 1. Debemus illas fuge-
re. 2. Quamprimum advertitur periculum. 3.
Non debemus subsistere in ista fuga, nec
reverti.* 456

FERIA SEXTA:

*Qualiter nos gerere debeamus in tempore
scandali vel persecutionis. 1. Humiliare nos
debemus coram Deo. 2. Orare pro ecclesia. 3.
Illius doctrinæ inherere.* 462

DIE SABBATHI.

*De devino iudicio. Clerici illud præ aliis
debent timere: 1. Propter excellentiam status
sui. 2. Propter singulares & speciales à Deo
acceptas gratias. 3. Propter obligationes suas,
quæ ipsis ratione status sui incumbunt* 469

ADDITIO MEDITATIONUM.

PRO FESTO NATIVITATIS B.V.

MARIÆ

*De devotione erga B. V. Mariam. 1. Quàm
obligati sint clerici ad hanc devotionem. 2. In
quo consistat* 478

PRO FESTO S. MATHÆI.

*1. Vocatio S. Mathæi. 2. Quàm fideliter
huic suæ vocationi responderit.* 486

PRO

Index.

**PRO FESTO S. MICHAELIS & SS.
ANGELIS CUSTODIBUS.**

De devotione erga SS. Angelos Custodes.

1. Obligatio nostra ergo illos. 2. Quam illis
gratitudinem debeamus. 492

**PRO FESTO S. FRANCISCI ASSISI-
NATIS. PATRIARCHÆ FRATRUM
MINORUM.**

1. S. Franciscus crucifixus erat cum Christus
ob virtutes, in quibus eum imitatus est. 2.
Vita christiani, maximè verò ministri ecclesiæ,
debet esse continua quædam crucifixio. 498

PRO FESTO S. THRESIÆ.

1. Invenit Theresia Jesum in iis, quæ
passa est 2. Possedit illum in oratione seu con-
templatione 3. Introduxit illum in Ordinem.
quem reformavit 506

**PRO FESTO S. LUCE EVANGE-
LISTÆ.**

De qualitatibus viri evangelici, in quatuor
istis animalibus præfiguratis. 1. Cur sancti
evangelistæ præfigurati fuerint per hæc mys-
teriosa animalia. 2. Quomodo S. Lucas huic
significationi satisfecerit. 3. Quid nos facere
oporteat, ut eum imitemur. 514

**PRO FESTO SS. SIMONIS & JUDÆ
APOSTOLIS.**

De charitate viro apostolico necessaria.
Debet esse: 1. Proprii lucri minimè amans. 2.
Generosa, & 3. Patiens 521

PRO FESTO SANCTORUM OMNIUM.

1. Idea,

Index.

1. Idea, quàm nobis formare possumus de beatitudine sanctorum. 2. Media pe veniendi ad hanc beatitudinem. 528

PRO COMMEMORATIONE OMNIUM FIDELIUM DEFUNCTORUM.

1. Gravissimæ pænæ, quas animæ in purgatorio sustinent. 2. Media eas consolandi & evitandi pænæ purgatoriæ. 436

DE S. CAROLO BOROMÆO, CARDINALI & EPISCOPO MEDIOLANENSI.

S. Carolus fuit verè fidelis sacerdos. 1. Erga Deum ob zelum, quem pro illius gloria habuit. 2. Erga populum suum, ob magnitudinem charitatis suæ. 3. Erga seipsum, ob rigorem pænitiæ. 540


DE S. MARTINO, EPISCOPO TURONENSI.


S. Martinus verum lumen ecclesiæ fuit. 1. Ob suam abnegationem. 2. Et zelum pro salute animarum. 542

PRO ANNIVERSARIO DEDICATIONIS ECCLESIAE.

1. Cur festum Dedicationis Ecclesiæ institutum sit. 2. Quomodo celebrari debeat. 558







Biblioteka Jagiellońska



stdr0025428

